



10.6.281



JOHANNIS HENRICI  
BOECLERI  
INSTITVTIONES  
POLITICÆ.

*Accesserunt*  
DISSERTATIONES  
POLITICÆ


*Ad*  
SELECTA VETERUM  
HISTORICORVM LOCA,

*Et*  
LIBELLVS MEMORIALIS ETHICVS.  
EDITIO TERTIA.



ARGENTORATI,  
Sumptibus ALBERTI SPOOR.

M DCC IV.





**SERENISSIMO**  
**AC CELSISSIMO**  
**PRINCIPI AC DOMINO**  
**DOMINO**

**A V G V S T O**  
**FRIDERICO**

**DVCI BRVNSVICENSI**  
**ET LVNEBVRGENSI**

*&c. &c.*

*Domino nostro Clementissimò.*

**SERENISSIME AC CELSISSIME**  
**PRINCEPS:**

**Q**Uo tenue magis at-  
que exiguum est,  
quod in hoc libello CEL-  
SITV.

SITVDINI TVÆ munus  
consecratur ; eo pleniore  
cum consecrantium fidu-  
cia gratiæ TVÆ se il-  
lud patitur insinuari.  
Nam nec ad fortunæ  
TVÆ & per tot He-  
roum seriem in TE con-  
tinuatæ gloriæ fastigium  
assurgit : coram quo ne-  
cesse est temerariæ am-  
bitionis vanitate prosti-  
tui, quicquid in TE co-  
lendo splendorem affe-  
ctat aut pompam : Et  
simpli-

*simplicitate ingenuæ ve-  
nerationis facilius sperat  
conciliari posse cum ge-  
nerosa illa augustæ indo-  
lis TVÆ comitate, qua  
temperatam regnatoris  
atque heroici spiritus ma-  
iestatem subinde Musis  
Argentoratensibus fami-  
liariter indulges. Neque  
parum conceptam admis-  
sionis propitiæ spem au-  
get genius huius scriptu-  
ræ & argumentum; cu-  
ris ac meditationibus*

*Principis Musagetæ nec  
indignum penitus, nec  
alienum: Regias quippe  
artes & felicioris impe-  
rij præsidia complecti-  
tur: quorum in exemplo  
Ivo, Brunsvicensium &  
Luneburgensium anna-  
lum memoriæ grandia  
specimina, gentium &  
seculorum admirationi  
commendabunt. Quid  
si & nos auderemus inter  
hæc confidere, I V V M  
CLEMENTISSIME DOMI-  
NE*

NE animum gratiosam  
Beati Auctoris recorda-  
tionem subituram? Cu-  
ius à longo tempore dicata  
Serenissimæ domui TVÆ,  
atque extremo conatu a-  
nimæ cælo proximæ de-  
nuo TIBI priuatim deuo-  
ta reuerentia, vt per nos  
publice innotesceret, in-  
ter debita beatis mani-  
bus ultimæ pietatis offi-  
cia curandum nobis ex-  
istimauimus. Nam illi  
quidem propagatam in-

de à DIVO AVGVSTO  
AVO TVO benignissi-  
mæ voluntatis propen-  
sionem, supremo Diui-  
næ indulgentiæ mune-  
re, per TE vsurpasse, fe-  
licitatis complementum  
fuit: nobis serenioris for-  
tunæ auspiciū erit, si  
non auersatus fueris ob-  
sequia, cum quibus CEL-  
SITVDINI TVÆ subie-  
ctissima mentis humilita-  
te se totos addicunt


Boecleriani nominis  
Consortes,

# LECTORI BENEVOLO

S. P. D.

VLRICVS OBRECHTVS

In Acad. Argent. Hist. Prof.

l, ut maxime fas erat, ut-  
que multorum deside-  
riis pridem expetitum  
est, jussu atque arbi-  
trio Auctoris in publicum prodiis-  
sent, quæ hic consilio curaque no-  
stra emittuntur monumentorum  
Bœclerianorum reliquæ; vix erat  
futurum opus, ut prolixiori sermo-  
ne hic labor publico favori com-  
mendaretur: cui & à Scriptoris au-  
ctoritate satis auspicii, & ab emen-  
dationis ultimæque curæ diligen-  
tia satis pretii fuisset accessurum.  
Nunc cum ea semper fuerit B. Au-  
ctoris sententia, & perpetua quæ-  
dam neque raro publice testata ani-  
mi destinatio, ut satis constet, nun-  
quam

quam cum si viueret, pro suis in  
publico agniturum, quæ ipse nihil  
aliud quam ad priuatæ institutionis  
disciplinam adornasset: atque fato-  
rum insuper acerbitas cum his alias  
eiusdem generis curas intra cona-  
tum primarum ac rudiorum linea-  
rum coercuerit: Ego defensionis pa-  
rum validæ jejunæque sterilitatem  
pertæsus, interpretationem proposi-  
ti mei benigno æqui æstimatoris ju-  
dicio permitto. In cuius opinor  
iniuriam tenderet, si deprecari ope-  
rosius instituerem, ne Viri publicæ  
discientium vtilitati per omnia vitæ  
ciuilis ac literariæ munia studiosis-  
sime semper intenti, partam cæteris  
meritis operibusque celebritatem,  
ex foetu si non abortiuo, at postu-  
mo certe, neque ad plenam matu-  
ritatem perducto metiatur. Si de-  
cus



VI  
cus inimitabilis facundiæ, si vastæ  
eruditionis copia, si profundissimi  
iudicii acumen quæritur; non meo  
demum indicio edoceri debet Ger-  
mania nostra, quibus eam monu-  
mentis Bœclerus vniuerso literario  
orbi venerabilem effecerit. Quo-  
rum dignitati si non satis hæc opus-  
cula respondere aliis videbuntur; at  
non deerunt fortasse, qui causam  
quoque isthic reperient, ob quam  
studiosæ præsertim Iuuentutis pro-  
fectibus explanatæ facilisque disci-  
plinæ felicitatem gratulentur. Cu-  
ius character sicut in elogio viri docti  
magnam partem, ita docentis lau-  
dem fere omnem virtutemque com-  
plectitur. Neque quicquam sane  
minus propositum sibi habet, ut  
omnis reliquæ sapientiæ, ita Ciuilis  
præsertim doctrinæ institutio, quam  
vt

vt reconditarum meditationum subtilitate, vel elaboratæ dictionis ornatu in admirationem rapiantur auscultantium animi. quorum vt quæ maxima esse potest attentio sit, iniquus tamen admodum æstimator humani ingenii fuerit, si quis velocitatem acute & cum affectatione præmeditatæ elegantiae differentis promptitudine certæ & ad solidum mansurumque fructum valituræ comprehensionis æquari posse arbitretur. Spernant itaque pro popularibus ista, quos sola in omni disciplinæ genere præcipitia delectant: dummodo cogitent ne Stagiritem quidem Aristotelem totam summi doctoris gloriam ex acroamaticis scriptis tulisse. Ad cuius Politica equidem sensuum abditorum profunditate concisæque grauitate dictionis

nis contendendi non affectant Boeclerianæ *Institutiones*: facilitate tamen planioris doctrinæ cum intellectu proficientium vsu expeditiori conciliabuntur. Neque tamen soliditas scientiæ, quæ Aristotelicum opus incomparabile reddit, merito in iis desiderabitur. In quas ex illo fonte subinde ita ciuiliū principiorum certitudo deriuatur, vt vicissim haud raro robur illi mutentur ac lumen. In illa præsertim Ciuilis Prudentiæ parte, quæ se patitur generalioribus & scientificis definiendi formulis concludi: Nam in cæteris, quæ singularis prudentiæ experimentis potius, quam certis definitisque regulis describi distinguique optant: cur parcius & veluti suspensâ manu versaretur Noster, summa ipsi & alibi declarata ratio fuit. Nisi quod his quoque  
passim,

passim, quas adiecimus, *Dissertationes* supplementum præstant. quarum sicut liberius institutum fuit: ita ut ad interiores ciuilium actuum negotiorumque recessus, & ipsa commodorum publicorum latentia veluti cubilia, terminus illarum proferretur, *Tacitus* præ ceteris vel ductum exhibuit, vel prætulit lucem: Occasione tamen argumenti & genio ferente vel exigente tam opportune selecta ex præcipuis Veterum Historicorum loca adhibentur in subsidium, ut non magis illa abstrusis Taciti sensibus illustrandis, quam illorum interpretationi dissertationes Tacito præcipue destinatæ censerī debeant inferuire. Vnde nobis occasio nata, ut sub indice *Dissertationum ad selecta veterum Historicorum loca* publicandum iudicarem

remus

temus hunc libellum ; qui *Collegij Historico Politici* titulo in manibus Studioforum versatur. *Libellus memorialis Ethicus* ab Authore ipso hanc inscriptionem tulit ; non inusitatam Veteribus ; & vniuersum huius totius opusculi institutum egregie expressuram. Libelli enim certe memoriales hi sunt ; Practicæ Philosophiæ non plenum neque integrum corpus, sed nihil aliud quam extremas lineas tradere professi : ea propositi disciplina, quam Præfatio Notitiæ Imperii præmissa exhibet. Vnde deriuatum in hunc locum exemplum, ne vel B. Authori vel cuiquam alii fraudi sit, accessura vtrunque supplementa efficient ; vtpimum me literarii Senatus auctoritas magnis jamdum suffragiis mihi promulgata perpulerit, communibus

bus discientium commodis priuatam verecundiam debitamque Optimo Socero pietatem posthabere. Nam mea quidem sponte nunquam huc descendam, vt domesticæ & secretioris disciplinæ mysteria, contra obstrictam Præceptori fidem, in vulgus profundam: Sed cum aliqua tamen ex illo genere specimina in quorundam manus dudum peruenierint, quis prædem dabit, non futuros, qui, vt nunc est seculum, inde laudem affectaturi sint, si strenue judicentur aliena jura muniaque inuolasse? Cum quibus vt mihi nullum vnquam industriæ vel ambitionis certamen erit; ita non temere permittam vel existimationi Viri, non de me minus quam de literis præclare meriti, vel Tuo, Humane Lector, iudicio illudi.



JOH. HENRICI BOECLERI  
INSTITUTIONES  
POLITICÆ.

PROOEMIUM.



*Vi civilis prudentia* institutionem editis in publicum monumentis professi sunt, è tribus viis aliquam institère, vel duas, vel omnes denique ad vnum finem corruatas adhibuere. Sunt, inquam, *Decreta*, sunt *Præcepta*, sunt *Exempla*; quibus docetur disciturque, quicquid est hujus philosophiæ. *Illa* in vniuersum, & quasi in summam, vitæ civilis modum describunt: *ista* cuique personæ propria sunt, & ad singulos porriguntur: *hæc* & vsum & specimen vtriusque disciplinæ exhibent. Ita Veterum multi partiebantur: à quorum mente non abludunt, qui duas tantum vias ponunt, *Præcepta* & *Exempla*: sub *Præceptis* *Decreta* quoque complexi ac dogmata. Atque hæc loquendi ratio hodie ferè vsitatior est. Miscentur autem ista, & temperantur, pro amplissima scribendi libertate, vt cuique placuit.

De variis  
tradendi  
Politica  
modis.

Decretorum Præceptorumque origo, vel à priori, vt scholæ loqui amant, repetitur; vel à posteriori: quasi quis priore illo modo causam; hoc posteriore, effectum respiceret indagaret.

A

garet.

Origo  
præceptorum & decretorum ab  
vfu rectæ

rationis in  
ingenio  
practico  
repetitur.

4. A. 33.

v. Tholof.

de Rep. 1, 3.

12. & seqq.

Cic. de Off.

1, 10. III, 4.

Argumen-  
tum ciuili-  
s prudentiæ  
summatim  
indicatū.

garetque. Ibi occurrit vsus rectæ rationis in ingenio practico: hic, ipsa exempla actionum, nos vel de veritate vel de profunditate dogmatum admonent erudiuntque. Ita omnino sensit Tacitus, cum dixit: *pauci prudentia, honesta ab deterioribus, vtilia ab noxiis discernunt; plures aliorum euentis docentur.* quasi quis plenius diceret: Est quidem facultas discernendi ea, quæ vel ob honestatem vtilitatemque petenda, vel ob turpitudinem & detrimentum vitanda sunt, natura nobis insita; sed paucis nec nisi sapientiæ studio subactis ingeniis contingit, naturam in omnibus ducem sequi, ejusque dictatu gubernari: in plerisque enim non sufficiunt illa semina, illi igniculi, quos ad prudentiam duces natura inseuit: dum res parum scil. firma, prauitate consuetudinum, opinionum vanitate detorquetur, aut falsâ specie, sub qua sæpe latitant bona ac mala, decipitur: aut variabilitate negotiorum ac mutabili formâ distrahitur; aut præconcepta aliqua sententia occæcatur; vel dissidio rerum, quæ nisi concordēs conjunctæque sint, nullæ sunt (honestatem dico & vtilitatem) abripitur. Hi ergo, postquam idoneum rationis usum corrumpere, non alia facilius, quàm exemplorum in obuia æstimatione positorum disciplinâ profecerint.

Monet nos ille Taciti locus, vt ciuili-  
s prudentiæ argumentum, siue ejus argumenti am-  
plitudinem attingamus. Nam, si ex mente  
veterum loqui debemus, duo sunt, quibus  
vniuersa prudentia ciuili-  
s continetur, *primum*  
*honestas*



honestorum & turpium; *deinde* vtilium & noxiorum distinctio electioque.

Quamquam autem vtilitatis quæstionem nonnulli prudentiæ civili ita propriam fecerint, ut *H. Grotius in prolegomenis de Jure Belli & Pacis* Bodinum reprehendat, Aristotelem laudet, quod hic in politicis nihil admiscuerit quæstioni vtilitatis? ille insuper de jure inquisiverit, non absurdis tamen nituntur rationibus, qui politicam institutionem satis perfectam & ad vsum civilis vitæ expeditam negant, nisi vtilium declarationi ratio honestorum, consilio jus, actioni decus adjiciatur. Sicut enim imperiti est, ista confundere; ita prudenter miscentur, quæ non nisi mutua ope & indiscretâ vnitatē in sui operis efficaciam conualescunt.

(Quid ad *exemplum Aristotelis* responderi possit, declaratum est inter differendum. 2. quid *Honesti* nomine hîc veniat, & quàm late pateat.)

Quæ sententia, sicut suo se robore tuetur, ita nobis insuper commendari debet experimentis sæculi, infeliciter ab hac philosophia degeneris. Ex quo enim *Machiauellus* vtilitatis quæstionem vnice attendendam politico proposuit, negligentius cognitum est de honestatis & juris cura: inualuitque exitiabilis error, quasi ad prudentiam parum pertineret, honestum respicere. Cæpit etiam vaga de rebus civilibus philosophandi siue potius sophisticandi ratio, quæ in hunc diem rerum publicarum vitalia exedit & labefactat. Quam-

Propositū  
huius tra-  
ctationis,

quam non nouum hoc morbi genus, à *Machiavello* reductum potius, quam inuentum. Nobis ergo consilium non confundendi libidine, sed coniungendi necessitate, non impetu erroris, sed proposito disciplinæ, in omni deinceps materia, non tantum, quid ex usu sit, sed etiam, quid boni moris rectitudo, quid jus & æquitas postulet, exponere; adeoque jurisprudentiam illam vniuersalem, & rectæ rationis dictamen circa discrimen honestorum & turpium, iustorum & iniquorum (opus vere philosophicum, quod nemo eruditus negauerit) cum regulis prudentiæ exemplisque sociare. Vt enim quidque ad genium ipsius vitæ actionumque accommodatius est, eo magis ciuili prudentiæ consentaneum haberi debet.

Quomodo  
alii securi⁹  
loquantur  
de ciuilibus  
doctrinæ  
institutio-  
ne.  
in Legato  
cap. 15.

Quæ res effecit, ut multi, dummodo quotidianum vitæ usum respexisse viderentur, de prudentia ciuili populariter potius quam accurate loquerentur. Ita, cum *Carolus Paschalius* egregium de his studiis nomen meritus, scripsit; *Ciuilem scientiam tribus rebus censeri; cognitione juris, peritia historiarum, eloquentia*: omnes intelligunt, eloquentiam ut instrumentum ciuilibus viri valde necessarium huc conducere, *cognitionem juris* vel ut partem nominari (si de iure ciuili sermo sit, quam prudentiam ad iudiciariam referunt *Interpretes Aristotelis ad 6. Ethic. 8.*) vel ut affinem disciplinam propinquaq; necessitudine coniunctam. neque minus ex ante dictis patet, quomodo illa vniuersalis jurisprudentia, *de jure belli & pacis,*

*pacis*, ut Cicero vocat, siue *de jure natura & gentium*, sicut junior schola loquitur, huc pertineat. *Historiarum* autem *peritia*, quam sit propria huic studio, alibi declaratur: extatque de legenda ad hunc usum historia illustris dissertatio *Casauboni*, *Polybio* præfixa; tum initio *commentarij in librum I. Polyb.* seorsum impressi: ne de veterum *Historiarum* præfationibus dicam, à *Lipso* non indiligenter laudatis. Princeps *Historiæ* commendatio, quod experientiam parit; siue experientiæ vera æstimatione æquatur. Experiendo autem discere, potentissimum discendi genus est. quod non male *historiæ* aptaveris: quia *facilius, quid imitandum & quid vitandum sit, docemur exemplo*, ut hoc verbis *Seneca Patris* dicam.

*Controv.*

*IV, 25.*

cui à Theologia præsidium parandum.

Non defunt, qui civilem prudentiam à Politico Christiano in rep. Christianâ aptè exerceri non posse statuunt, nisi à Theologia subinde aliquid præsidij mutuetur. recte; dummodo absit confusio, quæ imperitis loco philosophiæ est. Non traditur equidem in S. literis nova doctrina civilis: sed ea, quam recta ratio, quæ ipsa vox & lex DEI in mentibus est, indicavit, ita explicatur, & ad negotia memorabilia adhibetur, ut nesciri ista sine incommodo nequeant ab erudito Politico.

(Dictum hac occasione de *Augustino* & opere de C. D.)

Hæc, atque id genus alia non intempestive monentur, cum de Studio civilis prudentiæ tractatio instituitur. confusione autem

A 3

omnis

omnis præcidenda occasio est: quam non vitant, qui omnia in cumulum, ceu indigestam molem, conjiciunt.

Lydius lapis hujus institutio-  
nis, vsus &  
praxis vi-  
ta.

Neque idoneos satis prudentiæ civilis magistros dixeris, qui disciplinam vitæ natam meris artificialibus formulis τεχνολογικῶν concludunt; scholæque aptiorem, quam rei-  
publ. concinnant, practica denique modo nimis theoretico pertractant; magis sæpe dediti subtilibus circa decreta quæstionibus, quam actionum civilium formis ac vsibus: quod ne veteres quidem vitarunt semper. Illustris est locus Ciceronis: Nam veteres verbo tenus, acute  
de LL. III, 6. illi quidem, sed non ad hunc vsum popularem atq; civilem de rep. differebant. Ab hac familia magis ista manarunt Platone Principe: post Aristoteles illustravit omnem hunc civilem in disputando locum; Heraclidesq; Ponticus profectus ab eodem Platone, Theophrastus vero institutus ab Aristotele. At-  
vit, vt scitis, in eo genere rerum; ab eodemq; Aristotele doctus Dicaarchus, huic rationi studioq; non defuit. Post à Theophrasto Phaleraus ille Demetrius, mirabiliter doctrinam ex vmbraculis eruditòrum ocioque, non modo in solem atq; puluerem, sed in ipsum discrimen aciemq; produxit. Addi possunt, quæ sequuntur, ex quibus intelligitur duplex Politica tradendi modus; alter vmbraticus & scholis aptior; alter serius, grauis, solidus, splendidus, vitæ, & negotiis accommodatus. Qui iudicio valent, non pauca ad hoc discrimen spectantia obseruauerint in Epistolis Seneca 94. & 95. vbi de dogmatibus & præceptis disputatur; simulque superuacaneum studium seu

*Ægyptia* Stoicorum circa civilem scientiam notatur.

(Dicitur hac occasione de systematibus & tabulis technologicis: de quæstionariis: de disputatoribus: de discursuum scriptoribus.)

Quomodo autem ex vario genere auctorum scriptorumque disciplina civilis prudentiæ haurienda sit; quomodo antiquitas cum genio sæculi nostri comparanda aut concilianda: quomodo vitæ denique potius, quàm scholæ aptanda studia sint; in re præsentī, & singularum tractatione materiarum rectius noscetur.

Nunc duo tantum monemus: *primum*, ut *Monita* amplitudinem civilis doctrinæ serio æstime-*præmit-*mus; *deinde* ut pignus & specimen profectus *tuntur*,  
fidei destinatione nobis constituamus. In illa parte solatium: in hac regulam comendamus. Solutum verba *Ciceronis* nobis exhibent, cum, quæ Oratori necessaria, executus, ita subdit: *Ista discuntur facile, si & sit de Orat. III,*  
*mas, quantum opus sit, & habeas, qui docere si-* 23.  
*deliter possit, & scias etiam ipse discere.* Regulam profectus *Seneca* exequitur: *Aliud est* Ep. 38.  
*meminisse, aliud scire.* *Meminisse, est rem com-*  
*missam memoria custodire: at contra scire, est &*  
*sua facere quæq;, nec ab exemplari pendere, &*  
*toties ad magistrum respicere.*

## LIBER I. CAP. I.

*De Civitate & Republ. in Politicis tractari. Aristotelis de origine civilis societatis sententia integra proponitur. Antiquorum nonnullorum sententia duplex de origine civitatis, partim refutatur, partim explicatur. Fundamentum omnis philosophiæ civilis ex prædicta Aristotelis sententia constituitur.*

**Q**uid in Politicis tradatur, ipsum nomen, te & Rep. quod à *Civitate* deductum est, satis ostendit: putamusque, nimis otiose & scholastice lites agitari, scriptoribus se inuicem reprehendentibus, quod vel *Civitatem* hi, vel *Rempubl.* illi, ut argumentum doctrinæ civilis nominant. sicut enim *alterum* vocabulum de materia; *alterum* de forma, docendæ causæ accipi, nihil vetat: ita totum hic queri, non partem, abunde certum est. Neque existimari debet, *Aristotelem*, cum scientiam viri

iri civilis bene instituenda beneque administranda ciuitate definiuit, rude aliquod corpus ciuitatis, nullo animatum spiritu intellexisse; sed, vel inprimis rationem habuisse illius ordinis, sine quo nec ciuitas dici mereur, nec respubl. cogitari potest. Ex diuerso nimis quam clarum est, cum veteres, & eorum imitatione quidam iuniores, omnem hanc *tractationem* (*περὶ πολιτείας*) de Republica inscribunt: & corpus societatis civilis, & ejus corporis ordinationem indicari. Cujus quaestionis occasione, statim & quasi in limine nonendum est, splendore civilis disciplinae indignum esse, umbraticas captiunculas uorum, & verborum cavillationes sectari: praeterea, ubi de Scriptorum mente constat.

Qui Aristotelem intelligunt, non ignorant, De origi-  
 nio grauissimi operis, hanc ejus de Ciui-  
 ate siue civili societate sententiam consigna-  
 am extare: Homini natura inesse appetitum so-  
 cietatis; non ut alius plerisque, animantibus, sed ex-  
 cellentem: neque, cujuscunque, societatis; sed rationi,  
 qua praecellit homo, conuenientis, id est, bene com-  
 posita rebusque, necessarius instructa. Quia enim so-  
 cietas, ex animantibus, homo justum ab injusto, utile  
 noxio discernere, idque discrimen oratione explica-  
 re potest; igitur ad defectum mutuae indigentiae,  
 nam natura machinata est, collatis sociorum viri-  
 us officiisque, explendum, modumque societati, quae hu-  
 mana sit ac civilis, non beluina & rudis, imponen-  
 dum, legibus ac jure, adeoque, certo imperandi paren-  
 ti, ordine opus esse animaduertit. Id in singulis so-  
 cietatibus, etiam primis ac minoribus, usque ad eam,

De origi-  
 ne civilis  
 societatis  
 Aristotelis  
 sententia  
 Polit. I, 1.

¶ 2.

Cic. de Offic.  
 I, 16.

„*quæ omnium princeps est, & Ciuitas dicitur, obti-  
nere consentaneum est.* Videmus ergo conjungi  
naturam appetentem, indigentiam, inuitan-  
tem, rationem ordinantem: vt quadat ciui-  
tas instructa copiis, formata jure, non ad vi-  
uendū modo, sed ab bene viuendum. Omnia,  
inquam, hæc sunt naturalia ex mente *Aristo-  
telis*: appetitus ciuilis societatis, ordo societa-  
tis, jura & imperium ciuitatis, quâ talis.

(Dictum hac occasione, quomodo ex S. literis &  
Theologia origo societatis ciuilis proponen-  
da sit: & quomodo Christiani explicare de-  
beant vocem naturæ, quando cum philoso-  
phis loquuntur.)

Reliquo-  
rumGenti-  
liū in hoc  
philoso-  
phandi ge-  
nere erro-  
res:

Ethnicorum multis, duobus fere modis  
contingit in hoc philosophandi genere à ve-  
ro elabi. Sunt enim, *qui indigentiam & necessi-  
tatem solam*, origini ciuitatum demonstrandæ  
adhibent: quasi primi homines, ferino ritu,  
sine jure, sine more victitantes, ipso talis vitæ  
damno & odioque compulsi, ad ciuilem socie-  
tatem se traduci passi sint. Legi digna sunt,  
quæ de incondita & belluina primorum ho-  
minum vita *Diodorus Siculus* habet. *libr. 1.* vnde  
pleraque transcripsit in *Preparationem Euange-  
licam* *Eusebius libr. 1. cap. 7.* Neque disconue-  
niunt *Vitruuius* annotata *lib. 2. cap. 1.* *Lucretius*  
quoque *libro V.* sui operis fusc de primis ho-  
minibus; qui

*Volgiuago vitam tractabant more ferarum:*

*Nec commune bonum poterant spectare, neq; vllis  
Moribus inter se scibant, neq; legibus vti.*

donec



donec auctores vitæ meliores extitere, *vitam-  
que priorem*

*Commutare nouis monstrabant rebus.*

Talia apud Poëtas passim. Euenerunt autem sententiæ istæ non vnis de causis, neque vno consilio usurpatæ sunt. Primum enim *ignorantia primæ antiquitatis*, solis scilicet literis sacris traditæ, hîc apparet; deinde *barbaries paucarum quarundam gentium*, in quadam *ἀναρχία*, certe incondita societate, quæ ciuilis dici non mereatur, viuentium describitur. Ita Sallustius Aborigines designat genus hominum *de bell. Cat. c. 6.* *agreste, sine legibus, sine imperio, liberum atq; solutum*: Et in Jugurthâ, priscos Getulos ac Libyas; *cap. 18.* *qui asperi incultiq; neq; moribus, neq; lege aut imperio cuiusquam regebantur, vagi, palantes*. In his natura consuetudine, aut hebetudine impeditur, quo minus societatem, quam tamen interim affectant, ad rationis humanitatem componant. Est & *tertio*, consilium id philosophantium, cum fingunt veluti per hypothesein, imaginem vitæ, quando abesset intellectus ciuilis societatis, & custodia ejus societatis intellectui humano conueniens, notitiaque honestatis ac vtilitatis instructa: vt beneficium eorum, qui naturam secuti, ciuitatum rudimenta, ipsasque ciuitates condiderunt, amplius reddatur ac illustrius, necessitasque talis instituti commendetur. Animaduertas non obscure propositum id fuisse Ciceroni, in memorabili dissertatione *de inuent.* I, 2. Idem scilicet voluerunt, quasi quis cum Colote Epicureo apud Plurarchum diceret: *si quis lib. 1. ad leges uers. Colot.*

*leges & ordinem ciuiliſ ſocietatis tolleret, futurum vt vitam viueremus ſerarum, & qui alium haberet obuium, ipſum tantum non deuoraret.* Licet enim natura ad participandum alium ab alio, communicandumque inter omnes, ciuiles nos fecerit: tantam tamen eſſe corruptelam malæ conſuetudinis nouimus; vt ab ea tanquam igniculi extinguantur à natura dati, exorianturque & confirmentur vitia contraria, niſi diſciplina & imperio in ordinem redigatur humana ſocietas.

Vnde intelligitur, quid ſentiendum ſit, quando alii Ethnicorum, ratione prorsus diuerſa, primis hominibus tribuunt vitam compoſitam, ſocietatiſq; ciuiliſ cuſtodia ſpontanea, abſq; parendi neceſſitate & imperandi poteſtate præcel-  
 III. A. 26. lentem. Notus eſt Taciti locus: *Vetuiſſimi mortalium, nulla adhuc mala libidine, ſine probro, ſcelere, eoq; ſine pœna ac coërcitionibus agebant. & quæ ſequuntur. Seneca quoque ſupra verum extollit antiquos mortales, quiq; ex his ge-*  
 Epiſt. 90. *niti erant, quod naturam incorrupti ſecuti ſint, eandemq; habuerint & ducem & legem.* De inſcitia primorum temporum in Ethnicis jam diximus. Quidquid interim in his boni verique eſt, comparationem potius temporum, quam deſcriptionem antiquitatis habere, putandum eſt. Ita plerique de ſuis ciuib; ac populis conqueruntur, ex priſca probitate & boni moris ſinceritate degeneratum eſſe. Scilicet hæ vices ſemper voluuntur, & in orbem redeunt. *Liuius antiquos mores viroſque Romanorum, paulatim labente diſciplina, obſoleuiſſe,*

*Exordio  
Hiſtor.*

leuiſſe,

leuisse, & pro bonis exemplis, libidinem per-  
eundi perdendique, omnia, successisse osten-  
dit. *Florus* antiqua rei Romanorum tempo-  
ra vocat *Sancta* : posterioribus annis cruen-  
tam fœditatem exprobrat. Et in omnium  
ore est *Horatij* carmen :

lib. 3. carm.  
od. 6.

*Ætas parentum pejor avis, tulit*

*Nos nequiores ; mox daturos*

*Progeniem vitiosiore.*

Ita quando Poëta de aureo Saturni saculo fabu-  
lantur,

———— quod vindice nullo

*Sponte sua, sine lege, fidem rectumq, colebat :* *Ovid. me- tam. 1. 3.*  
doctrinam periodicam, ex *Platonis* schola pro-  
ditam, respiciunt; quasi perpetua rerum vi-  
cissitudine se inuicem exciperent, sæculum,  
τὸ ἡγεμονικόν, quasi dicas imperatorium aut  
rektorium; τὸ διδυμικόν, in quo concupi-  
scentia seu cupido habendi dominaretur; τὸ  
θυμικόν, quod vi & impetu iracundiæ, magnis-  
que ac heroicis motibus administraretur. Pri-  
mum illud, est aurea ætas sub Diuino imperio:  
reliqua, Fortunæ & Dæmonum arbitrio sub-  
iungunt, atque vt laboriosiora, ita infeliciora  
credunt. Egite egregie de hac re *Virgilius* in *Eclo-* *vid. Heins.*  
*ga* IV. *Pollionis* nomine inscripta. simplicissima *in Hesiod.*  
explicatio est: *Auream & bene compositam fa-* *ἑρῶα καὶ*  
*cilemq, vitam esse, quotiens homines omnia repo-* *ἡμέτεροι.*  
*nunt in diuina prouidentia: Quotiens autem su-*  
*am cupiditatem ducem sequuntur: suisq, viribus,*  
*suo impetu omnia confici posse decernunt, deterius*  
*difficiliusq, viuunt. Ex quo apparet. Poëticam*  
*fabulam, si recte exponatur, ad originem ci-*  
*uitatum,*

uitatum, proprie non spectare. Nam quantum ad illam materiam attinet, etiamsi concedatur, paucos forte & singulari heroicoque ingenio præditos, sponte ac solo naturæ ductu regi potuisse: de multitudine certe id affirmare aut suspicari saltem, non est prudentis. *Aristoteles* non oblitus est monere, cum *lib. 10. Eth. Nicomach. cap. 9.* ita loquitur: *Multitudo non apta (seu nata) est, pudore, sed meru regi: neq, abstinere rebus malis, propter turpitudinem, sed propter pœnas.*

Fundamē-  
tum ciuilis  
Prudentiæ  
ex senten-  
tia veterū.

Sicut autem vsus rectæ rationis in constituenda regendaque ciuitate, non minus circa honestatem, quam circa vtilitatem versatur: ita constans fuit *Aristotelis, Platonis, & optimi* cuiusque veterum sententia, *vtilitatem ab honestate non esse diuellendam*: seu, nihil vtile habendum, nisi quod idem honestum esset: adeoque (vt semel complectamur) nihil sociale ac ciuile, aut vita prudentiaque sociali ac ciuili dignum esse, nisi quod ab honestate profectum, ad vtilitatem singulorum ac vniuersorum contenderet. Recte enim *Socrates* apud *Ciceronem* execrari eum solebat, qui primus *vtilitatem à natura sejunxisset. id enim querebatur caput esse exitiorum omnium.* Qua de re ille ipse, quem laudaui, *Cicero* in officiis accurate & copiose disputat. Valetque hæc ratio non in ciuitate tantum, sed in minoribus etiam & primis societatibus, quatenus scilicet naturæ rationalis proles sunt. Merebatur hoc, tanquam dogma præcipuum, hoc loco diligentius commendari, non dissimulata laude *Iusti*

*Lipsii,*

de LL. I, 12.  
& de off.  
II, 3.

lib. 3. plera-  
que parte

*Lipſii*, qui præ ceteris, omnem ciuilis vitæ rationem, *honestate & virtute*, tanquam fundamento construxit. Honestate autem, id quod iustum & æquum esse natura dicitur, contineri, etiam ante dictum est. Qui hanc rationem de Ciuitate philosophandi deserunt, caliditatem potius quam prudentiam sectantur.

(De mixtura honestorum & vtilium, *Tacitus* laudatâ (*Agric. 8.*) in exercit. *Plinianis* egimus; eritque locus infra.)

Sed nos, cum Principe Philosophorum, antequam de Ciuitate agamus, ad illas societates præuertemur, ex quibus denique Ciuitas oritur.

## CAP. II.

*De Societate Coniugali.*

**D**omus ex iis est. Facit autem partes domesticæ societatis tres *Aristoteles* (*Polit. I. 3. & 8.*) *Coniugalem, Patriam, & Herilem Societatem.* de quarum singulis agit. Inseruire autem domesticæ societati, ait, *artem acquirendi.* de qua itidem hac occasione eximie tractat, *Polit. I. 4. 5. 6. 7.*

*Coniugum prima est societas:* de qua nunc quarum agendum. Aliter eam Philosophi describunt; aliter Theologi Christiani, qui aliqua Ethnicis ignorata addunt. Juris s. legum ciuiliū conditores formulis constringunt ex vsu temporis & Reip. ornant ritibus connubia; in quo genere maxima industria Juris Romani elucescit. Nullam è tribus disciplinam potest negli-

Domestica societas  
è tribus:  
v. omnin.  
Cic. 1. off.  
17.

prima  
coniugalis  
scilicet

negligere, qui societatem conjugalem ex usu hodiernæ Reip. cognitam habere cupit.

describi-  
tur.

Descriptionem Philosophia hanc suggerit, quod *Conjugium* seu societas conjugalis sit *legitima & indissolubilis unius viri & unius feminae conjunctio, diuinitus, ad liberorum procreationem, & mutui auxilij ergo, instituta.*

Theologia addit comparisonem & similitudinem desponsationis Christi cum Ecclesia; tum custodiam castimoniam siue vitationem scortationis; qui finis ex labe corruptionis humanæ naturæ accessit.

à natura  
repetitur.

Originem hujus societatis à natura repetit *Philosophus*: non eo sensu, sicut cetera quoque animalia sibi simile generare concupiscunt; sed à dictato rectæ rationis, siue appetitu ordinatiore, & intelligentia mutui subsidij: quatenus scilicet homo intelligit, quomodo à Diuino Numine viri feminaeque natura ad communionem mutuam facta sit: juxta locum notabilem 1. *Oeconom.* 3.

ad remp.  
accommodatur.

Interesse autem Civitatis & Reip. ut hæc societas, ab ipso DEO instituta (quod Christiani jam melius intelligunt) recte se habeat, seu bene contrahatur, bene colatur, tum cognatio partis cum toto, adeoque res ipsa satis euincit; tum omnium Legislatorum in formanda ciuitate occupatorum perpetua cura ostendit: Quæ omissa remp. funditus trahit.

3. *Carm.* 6. ut vera omnino ac prudens sit *Horatii* de Civitatis Romanæ deprauatione observatio:

*Fœcunda culpa secula, nuptias*

*Primum inquinare, & genus & domos:*

Hoc

*Hoc fonte derivata clades,*

*In patriam populumq; fluxit.*

Meminiſſe debemus, Prudentiam civilem nos tractare: cuius munia ſemper eo pertinent, ut, quid liceat, deceat, oporteat; tum, quid conducat, aut minus noceat facere, ſpectemus. Tenebimus hanc viam per ſingulas partes: ac primo, quibus rebus effici coniugalis ſocietas debeat, conſiderabimus.

Poſtquam ergo à Deo, matrimonii omnis legitimi auctore, diſceſſerimus, ante omnia nobis occurrit, ut, qui coniugalem ſocietatem contrahunt, libere & deliberato conſilio id faciunt: ſi enim uſquam, certe in matrimonio libertas neceſſaria eſt. Conſentiant ergo oportet, ſive diſertis verbis, ſive ita, ut intelligi conſenſus poſſit, tum ii, qui matrimonio jungi debent; tum ii, quorum in poteſtate ſunt; ut parentes, quique loco parentum ſunt.

Nam horum quoque conſenſum requiri verum eſt, jure naturæ (quod *Juſtinianus Imperator* aſſerit: & rationibus probat *Gerhardus de Conjug.* §. 64. licet *Grotius de I. B.* II, 5, 10. ad officii regulam, & reuerentiam liberis præceptam potius, quam ad juris dictamen referre malit) Jure diuino (inſculcante & inſtitutionem matrimonii & auctoritatem parentum in coniugiis vel inſtitutis vel impeditis, imo etiam circa vota liberorum) denique jure civili; quod quidem matris conſenſum non ita ſtrictè requirit: niſi quod nonnulli Doctores etiam hunc poſtulant. Circa ordinem conſentitur;

titur: in conflictu, patris consensum antehaberi; tum, matris voluntatem præferri tutori; & si qua eius generis huc pertinent. Neque deest *temperamentum* à prudentia, voluntates parentum ad æquum & bonum reuocante, vitia ipsorum coercente, dolorem mitigante, veniæ rationes, si subnascuntur, ostendente; neque facile rescissionem contractorum matrimoniorum approbante. Huc consistoria Ecclesiastica, huc civilis iudex, consilia & auctoritatem adhibent.

Consen-  
sum viti-  
ant, Error;

Abesse ergo debet *Error*. non quidem *nomini*, quod Canonistæ tradunt; nisi secum trahat errorem corporis siue personæ: nam *is* impedit matrimonium & sponsalia facit irrita. *Error quoque circa bona fortuna* non impedit sacrum vinculum. e. g. *circa diuitias* (nisi tamen accesserit dolus) *circa nobilitatem* (nisi tamen lege civili seu provinciali aliter constitutum sit) *circa statum seruitutis*, quæ hodie nulla est fere inter Christianos: olim tamen lege Rom. non erat coniubium libero cum serua &c. *circa statum peregrinitatis*: à civili enim lege, non à natura est illa exceptio, qua vitur ille apud Senecam: *promisi tibi filiam in matrimonium: postea peregrinus apparuisti: non est mihi cum externo coniubium*. Hæc enim vera sunt matrimonia, licet lex civilis possit & licentiam eorum adstringere, & effectus quosdam impedire. Neque *circa animi bona* error admissus contrahentes à nexu liberat, sed exprobratione imprudentiæ suggillat. Nimis auté liberales sunt Juris Canonici doctores, qui etiam *virginita-*

de benefic.  
IV, 35.



*vis e mentita dolum* condonant: non adsentientibus Theologis & JCtis aliis; nisi quod suspicionibus minime indulgendum; experimentis vulgo jactatis non fidendum, mature suum jus virgendum, aut, post conniventiam, tacendum; aliaque eiusmodi consilia suggerunt: in re certa autem jure suo cedere nolentibus importuni non sunt.

Abesse deinde in omni matrimonio *con-* **Dolus;**  
trahendo *dolus* debet: qui non tantum LL. civilibus contractum irritum reddit, sed juri quoque & æquitati naturali repugnat, facultatemque judicandi in hoc negotio prorsus interuerit.

*Ebrietas* quoque, si grauior fuerit, nec actio **Ebrietas;**  
post discussas mentis nebulas à sobrio firmitatem acceperit, consensum vitiatur. Si quis tamen compertus est adsumsisse ebrietatis laruam sapius, & subdole ad eludendas matrimonii pollicitatione fœminas, judicem experiri dignus est seueriorem, quique nec sibi nec matrimoniis illudi patiatur.

*Fatuis* quoque & *Furiis* ( si quidem & isti **Fatuitas &**  
vere tales sint ac plene; & si nulla lucida sui **Furor;**  
furoris intervalla habeant ) facultas contrahendi matrimonii non competit: tum defectu consensus ( neque enim iudicio uti integro possunt ) tum, quia tales personæ non sunt idonea matrimonii materia. Qua occasione graui consilio *Gerhardus* eos reprehendit, qui **Loc. de Con-**  
moriones matrimonio coniungunt. 2. **ing. §. 228.**  
*Furiis* licite pharmaca restinguendæ libidini destinata adhiberi putat. 3. Prohibendas in

Christiana rep. personas sanæ mentis, quæ furiosis jungi volunt, pronuntiat.

Minz; ju-  
stus me-  
tus vis f.  
violencia  
coactio.

Controv.  
IV. 26.

Neque illis consensus verus & plena voluntatis libertas competit, qui minis, metu, vi ad contrahendum matrimonium adiguntur. sicut enim priora judicii integritati; ita hæc voluntatis libertati, vt dictum est, intercedunt. Lex est enim non scripta tantum, sed nata, vt per vim metumq; gesta ne sint rata. apud Senecam Patrem: vbi simul tractatur, qua vis sit; deinde, si in re vis & necessitas sit, an illa tamen rescindantur, qua per vim & necessitatem gesta sunt, si vis & necessitas à paciscente adhibita non est? Nam in hac quoque materia, justus metus verusque, isque ab homine illatus contrahenti, non à fatali quodam casu, quaeritur. Igitur huc pertinent illa: *Vu est & necessitas, vbi velim nolim, succumbendum est.* Et: *Non est vis, vbi aliquid expedienda rei causa patiendum est, sed ratio.* Et: *Non est ad mouere vim, aliquid cum certa conditione promittere.*

Cernitur autem vis maxime in Rapto; quando fœmina, nolens siue volens, è custodia suorum eripitur, libidinis causa. Cum hac etiam si matrimonium postea ineatur, irritum erit, si rapta aut parentes eius voluerint. Quamquam plerumque hodie pœna, quæ capitalis jure Justiniano constituta est, dirimit, quod male cœperat coniungi. Apud Senecam Patrem Lex extat: *Rapta raptoris mortem aut indignas nuptias operet.* Controv. I, 5. III. 23. Exc. VII, 8. Et alia: *Raptor nisi suum, & rapta patrem intra trigessimam diem exorauerit, pereat.* Controv. II, 11.

Exc.

*Exc. II, 3.* Justa hinc belli causſa, aduerſus eos, qui iudicio non poſſunt conueniri, plerisque viſa: quamquam prudentius aliquando omit- ti debuerunt bella. vid. quæ apud *Herodotum* habentur *lib. 1. pr.* Raptum tamen Sabinarum à Romulo factum (quem *Auguſtinus de C. D. II, 17.* iniuriam vocat) quomodo excuſet *Gro- tius*, vide de *I. B. II, 2, 21.* verba Auguſtini iſta ſunt: *Nam ſi iniqui Sabini facerent negare poſtula- tas, quanto fuit iniquius, rapere non dadas? Ali- quo enim fortasſe jure belli iniuſte negatas, juſte vi- ctoꝝ auferret. Nullo autem jure Pacis non dadas rapuit, & iniuſtum bellum cum earum parentibus juſte ſuccenſentibus geſſit.*

Sicut autem recte conſtitutum eſt, vt ſcemi- næ in eligendo matrimonio alienum potius, quam ſuum arbitrium ſequerentur (pudori enim muliebri conuenientius hoc fuerit) ita Parentes & Tutores admoneri debent, ne hoc jure ſuo vel nimis rigide vtantur, obtru- dendo inconſultis ſceminis maritos, quod aſperum & imite habetur; vel ſuis vtilitatibus, lucris, conſiliis, veluti viſtimas conſecrent mi- ſerarum ſponſarum nuptias. Raro enim feli- cia ſunt eiufmodi matrimonia: Quanquam in Principum Regumque familiis nihil frequen- tius. Ibi enim plerumque *ratio Statu* (vt ho- die loquuntur) Junonis & Lucinæ auſpicia ſupplet: tædasque nonnunquam lugubres potius quam nuptiales accendit. Vidit ſæ- culum ab hoc proximum grande exemplum in pace Polonica, quam Sigismundus cum Moſcho fecerat, inter alias hac conditione, vt

Catharina filia sua, Sigismundi Augusti soror, Moscho nuberet. At illa tale aspernata matrimonium, Johanni Duci Finlandiæ, postea Sueciæ Regi, collocata est: unde bellum à Moscho Suecis illatum, quod Johannes III. & Stephanus Polonus debellarunt. *Gregor. Tholosan. de Rep. XI, 1, 8. ex panegyrico Erci Falet. v. omnino Thuan. 1569. lib. 43. p. 526.*

De consensu sponsalicio.

Multo magis hoc accidit in consensu sponsalicio, ubi plus sibi parentes, quam in nuptiali permittunt: quamquam reuera non proficere debent sponsalia in nuptias, nisi personæ jungendæ consenserint. Itaque in immaturis imuberum desponsationibus tempus legitimi consensus expectandum, ut conualecant. Periculum talium sponsaliorum diligenter ostendit *Arnisaus commentario politico de jure connubiorum cap. 2. §. 9. & seqq.* unde nota Augusti seueritas, in hoc negotio, memorata *Suetonio Aug. 34. Dioni lib. 54. explicata Lipsio ad 3. Annal. Tac.* Caterum de sponsalibus diligenter egere *Cypraus de Spons. & Gerhardus de coniug.* Nobis enim non est opus, his immorari, cum ex ipsa de matrimonio tractatione pleraque satis diiudicentur. Potius ergo accedemus ad considerationem *Personarum*, quæ matrimonio coniungi debent ac possunt.

Transitus ad materiam coniugii, sc. personas, quarum spectatur numerus binarius;

Marem ac fœminam, non autem vnius sexus personas matrimonio jungi, ex iis, quæ ab initio dicta sunt, clarum est. De vno autem mare, deq. vna fœmina, hoc capi debet. *Jure Diuino* res clara ex *Gen. I, 24. Matth. 19, 4. 1. Cor. 7, 2. ubi duo in carnem vnâ junguntur: nec in N. T.*

vbi

vbi de coniugio sermo est, vnquam plurium mentio fit. Nec de *jure civili* dubitatio superest. *Philosophorum* quoque præcipui damnarunt Polygamiam, id est, vnus viri cum pluribus mulieribus coniugium. nam multorum virorum cum vna fœmina matrimonii exempla vix inuenias in consuetudinem perducta: nisi quod *Aeneas Sylvius* veterum Lituanorum nobilibus fœminis hanc consuetudinem tribuit, quasi licuerit illis *matrimonij adiutores* suis maritis adfiscere. Hanc barbariem pridem extinctam, non sunt, qui hodie vsurpent. At illam alteram polygamiam, plerisque olim gentibus, (exceptis Germanis) vsitatam, nec hodie omittunt Muhammedistæ, & barbarorum multi in Americano orbe. Quare *Grotius* juri naturæ non aduersari hanc polygamiam statuit, *Scholasticos* eâ in re secutus. Sed verius est, corruptæ rationi siue deprauationi luminis naturalis illam gentium consuetudinemtribuendam: nisi quis verbo conetur fallere, & jus naturæ arctioribus, quam fas est, includere limitibus. Congessit non indiligenter, quæ ad hunc locum pertinent, *Arriæus de jure connub. cap. 4. sect. 2. & 3.*

Id tamen, quod *Grotius*, antequæ ipsum alios in hanc sententiam induxit, est *Polygamia Patrum in Veteri Testamento*. Hanc dum in oculis habet, repetit *Rabbinorum* & *Bernhardi Ochini* argumenta *Grotius*, ac in N. demum Testamento non ex primæuo jure, siue ex eo, quod simpliciter justum bonumque esset, sed ex eo, quod melius justiusque videretur, quæsitam

exclusa  
polyga-  
mia.

*descript.*  
*Europ. 201*

*Tac. Germ.*  
*18.*

*de I.B. & P.*  
*II, 5, 9.*

nouæ legislationi materiam, qua Polygamia prohiberetur, asserit: cum debuisset meminisse ejus, quod copiose *Isidorus Pelusiota* demonstrat, ὅτι καὶ ἐν τῇ & δόγματων ἐδεμίαν τῶ νόμῳ καὶ τοῖς προφῆταις ὁ ὁ Θεὸς ὡς ἐπέσησεν. quod *Filius DEI* nullam omnino nouitatem dogmatum lege & prophetis superinduxit. *Lib. 1. Epist. 107.* De Hebræorum sententia fuscè actum *Seldeno in Vxore Hebraica, & de I. N. & G. juxta disciplinam Hebræorum, lib. 5. cap. 6.* Ardua sane de Patribus *V. T.* quaestio: in qua explananda, aliqui ad dispensationem diuinam, conjectura tamen magis, quam argumentis ducti, confugiunt; alii nauum & peccatum in illa Polygamia agnoscunt, toleratum Deo, non probatum; quæ sententia, quia regulam in judicando ordinariam sequitur, carpi non potest. Nonnulli denique, ut in re scitu decisueque non plane necessaria, malunt se eruditæ ignorantia symbolo tueri, *Non liquet.*

*Gerh. V. It.  
Meisn. in  
phil. sobr.*

(Dictum de *Luthero* defenso circa licentiam Polygamia.)

Sicut autem polygamia non rationi tantum matrimonii repugnat, sed seueris etiam hodie pœnis coercetur: (id quod circa pellices quoque & concubinas obseruatur) ita soluto matrimonio per mortem, aut etiam sententia judicis, quantum ad partem innocentem attinet, iterari matrimonium potest, & ad altera pacta transiri. Habent sane secundæ nuptiæ suos osiores extra & intra Ecclesiam. Apud Germanos veteres nonnullæ ciuitates,

tates, laudante illud institutum Tacito, non permittebant secundas nuptias: in quibus ciuitatibus tantum virgines nubebant, & cum spe votoq; vxoris semel transigebatur. Sic vnum accipiunt maritum (hunc colorem addit Historicus) quo modo vnum corpus, vnâq; vitam, nec vlla cogitatio vltra, nec longior cupiditas, ne tanquam maritum, sed tanquam matrimonium ament. E Patribus Tertulliani liber de monogamia notus est: ne de Hieronymo, secundis nuptiis valde iniquo, aliisque dicam. Hinc Conciliorum aliqui Canones & Pontificiorum quorundam disputationes durius audent pronuntiare. Nam de Hereticis nonnullis non est mirum. sed clara sunt loca juris diuini Rom. 7, 2. I. Cor. 7, 9. & 39. 1. Tim. 5, 14. addantur Deut. 25, 5. Ezech. 44, 22. Matth. 22, 29. Joh. 4, 18.

Definit autem partim naturalis ratio, partim Lex, qui mares quibus fœminis jungi possint. Si enim natiuitas, aut infortunium inhabiles fecit ad consuetudinem coniugalem, suam solitudinem ferant oportet, neque nuptias affectent, aut affectare sinantur. *Ætas* quoque iusta requiritur, quam pubertate; pubertatem autem in puellis anno ætatis 12. in maribus 14. definit jus Justinianum, multis non probantibus. (v. Arniseus de iure connub. cap. 2. sect. 3.) Merito certe male audiunt nuptiæ adolescentiorum, siue ipsos coniuges spectemus, siue Reip. vtilitatem, cui societas coniugalis inservire debet. Digna est quæ legatur Platonis dissertatio lib. IV. de LL. & lib. VI. ubi mares ab anno ætatis 25. aut 30.

Conditio  
& qualitas  
respectu  
corporis &  
ætatis;

Pol. VII, 16. usque ad 35. matrimoniis contrahendis destinat. Neque juniorum nuptiis fauet *Aristoteles*, qui annum idoneæ ætatis adsignat feminis 18. Viris 37. quasi tempus pleni vigoris in utroque sexu: eaque de re leges ferri vult; ut & de vitandis matrimoniis nimium inæqualibus ratione ætatis. e.g. si vetulæ juvenibus, aut decrepiti senes puellis jungantur. quæ, ut prohiberi hodie semper nequeunt, ita dissuadentur semper à prudentibus, ipsoque euentu il-  
 Egy. II, 69. lætabili coarguuntur. *Hesiodus* virum, cum uxorem ducturus est, neq; multum infra neq; multum supra triginta annos vult processisse: fœmina autem quinto demum post initium pubertatis anno permittitur nubere: ratione usus, ut apparet, quæ *Plato* & *Aristoteles*. Cur in Hispania defecerit copia hominum, inter alias causas, immaturitatem nuptiarum Historici memorant. (vid. *Merula in Hispan.*) ne dicam de aliis calamitatibus, quibus proiectissimum ad libidinem populum Deus publice ultus est.

resp.  
status.

Quæ statum spectant personarum in causis matrimonii, fere juris civilis inuenta sunt, e.g. de servis & liberis, de peregrinis, de Senatoribus, de tutoribus & curatoribus. Jure enim diuino & naturali nihil prohibet (seruitute præsertim inter Christianos sublata) diuersæ conditionis personas jungi. Quin ipsum jus civile laxauit libertatem, cum nobilibus permisit ignobiles uxores ducere, citra præiudicium liberorum ex tali coniugio natorum, tum in aliis honoribus, tum in feudis (nisi tamen pacto speciali aliter conueniret)



rit) sicut post alios docent *Sinolt. Schütz in Colleg. I. P. part 1. disp. 9. th. 2. & S. & Theodorus Reinking. de regim. sac. & eccl. lib. 1. classe 5. cap. 11. §. 23. & 24.* Cur autem diuersa sit ratio nobilis fœminæ ignobili viro nubentis, eaque ratione nobilitatem amittentis, ex iuris in coniugio communicatione, ejusque forma seu ordine, oriri patet: sicut post dicetur. Jure Canonico Clericis seu Ecclesiasticis personis interdicitur matrimonio; qui error satis est à nostris refutatus. Extat etiam integer commentarius *G. Calixti de Coniugio Clericorum.*

Quantum ad diuersam religionem attinet, resp. religionis. Theologi nostri ægre, & paucis casibus, permittunt tale matrimonium contrahi; sed contractum non dirimunt. Pontificii etiam contracta matrimonia rescindunt. contra quos disputantem, cautelasque in hoc negotio definientem videre est *Gerhardum de coniug. §. 387. & seqq.*

Maxima consideratio est ratione propinquitatis, id est, cognationis affinitatisque. Non resp. propinquitatis, exceptis primis inter Adam et liberos. quidem hic cognatio spiritalis inter susceptorem e. g. & personam è baptismo susceptam, ejusque parentes & susceptoris filios, sicut Pontificii statuunt, impedimentum creare matrimonio potest (v. *Gerh. de coni. §. 365. & 374.* vbi etiam de legali agnatione per adoptionem disputat) sed consanguinitas & adfinitas attenditur. vbi, quantum attinet ad *jus diuinum*, sedes huius materiæ habetur *Leuit. XVIII.* Quæ autem habentur ibi definitiones de gradibus prohibitis, etiam sunt *juris naturalis*, quod

quod Theologi, & res ipsa, satis ostendunt. Hebræorum hac de re sententiam nemo accuratius exequitur *Seldeno de I. N. & G. libro V. Quæ à Græcis (de I. B. II, 5, 12.) & aliis ab animantibus brutis petuntur declarationes, & imagines siue inuitamenta naturalis juris, idem Seldenus erudite impugnat. Graduum supputatio* alia est jure Canonico (quam plerumque hodie Consistoria sequuntur, licet auctoritatem & proposita aulae Papalis interim dedignentur. v. *Gerh. §. 253.*) alia jure civili, cuius regulas multi tradunt, summatim etiam *Dn. Biccus in Aur. Sect. 1. §. 15. & seqq.* Fit etiam, ut jus civile seu provinciale aliquibus in locis peculiariter prohibeat gradum non prohibitum de cetero. De quibus quæstionibus, totiusque argumenti nodis videantur, qui in hanc curam proprie ingenium intenderunt.

Forma  
conjugalis  
societatis;

Nobis enim ad ipsa coniunctionis illius legitimæ & indissolubilis jura, vimque matrimonii præcipuam progrediendum est. Artissima est hæc & indissolubilis societas; cum colligatione mutua ac perpetua, ad benevolentiam & amorem, ad omnium rerum communicationem; non sine ordine tamen: quem Deus instituit, natura amat, virtus perficit.

ex qua ori-  
tur impe-  
riū maris  
in uxorem.  
Civile sci-  
licet.

Præstantior est maris natura. itaque ei imperium datum est in uxorem omni jure: sed imperium civile, non herile aut tyrannicum. Agnovit ipse *Aristoteles*, barbarum esse, si nihil discriminis constituatur inter servum & uxorem. Civilitas huius imperii non excludit honorem ab Apostolo quoque commen-  
datum

datum (1. *Petr.* 3, 7.) honorem, qualem amor & moderatio gignit: honorem, quem vxoris obsequia quodammodo merentur. *Vxori enim sufficit obsequij gloria; ex mente Panegyrista* (Plin. *Paneg.* 82.) imo ex mente *Apostoli* (1. *Petr.* 3, 1.) Non tamen impedit hoc obsequium, quo minus in partem consiliorum vocetur de re familiari. an etiam in publicæ rei conscientiam admittenda vxor à Principe? Fecit non inutiliter Augustus sagacissimam vxorem nactus: sed ea re inuidiam sibi, inuidiam *Liuiæ* suæ creauit. Vxor priuatum nomen est. Miseri sunt, qui disquirunt, an vxorem verberare liceat? miseri, inquam, si causam habent disquirendi. Ridiculi ex diuerso, qui eo delapsi sunt, vt inquirerent, an maritus etiam ad hoc teneatur, vt vxorem vocet *Dominam* (vid. *Limn. de I. P.* 4, 6, 65.) quod tituli blandimentum ab amatoribus natum, recte notat *Simplicius ad Epictetum*. Neque abnuerim, Catoniana seueritate alicubi opus esse, vt in sua quisq; matrefamilias ius & maiestatem viri retineat, sicut apud *Liuium* in suadenda lege *Oppia* differtur. Ceterum imperio in vxorem non intercedit parentum auctoritas. (v. *Arnif. & Bodin. de Rep.* 1, 3.) Quin etiam in vota vxoris extendebatur & iuramenta, *Num.* 30, 7. & seqq. (v. *Grot. de I. B.* 2, 13, 20.) Lex *Romilia* etiam vitæ necisque potestate manum mariti armauit in vxorem ap. *Dionys. Halic. II.* præsertim in causa adulterij (v. *Senecam Patrem Controu.* 4, 24. Exc. p. 1.) id quod Romanis commune cum Græcis fuit. de *Gallis Caesar lib. 6. de bello Gall.* c. 19. Viri

*Dio* 56. ad-  
de *Limn. I.*  
*P. 2, 14, 4*  
& seqq.  
*Arnif. de*  
*iure con-*  
*nub. cap. 7.*  
*sect. 4.*

adde *Bodin.*  
*de rep.* 1, 3.

XXXIV, 2.

& repres-  
sa nimia  
potestate

in vxores, sicut in liberos, vita necisq; potestatem habent. De Longobardis idem ex Baldo Bodinus refert. sed hæc seueritas merito est à Christianis legislatoribus repressa: vt & diuortiorum & repudiorum licentia.

ac diuortiorum licentia.

Licebat apud Athenienses vxorem repudiare, si causa iudicibus probata esset: veteres Romani nullam causam adferebant in repudianda vxore quæ displicuerat: (quam licentiam reductam vellet Bodinus de Rep. 1, 3.) sed restricta est facultas repudiorum, etiam ante postremam legislatorum moderationem. Hinc est apud Quintilianum (instit. orat. VII, 4.) *actio iniusti repudij, sub qua lege, controuersia illud proprium habent, quod a parte accusantis defensio est, & defendentis accusatio.* Apud Hebræos quoque magna temerarium diuortiorum

de l. B. II, s. 9.

licentia: quorum sententiam sequitur Grotius, & cum Rabbinis putat, Lege Mosaica id concessum fuisse. additque in N. T. demum, noua Christi lege, inhibitionem factam. sed quam male id sequatur, ex disputatione Christi cum Phariseis, & præsertim ex loco Mosaico Deut. 24. v. 1. & seqq. erudite & accurate ostendit Buxtorffius in dissert. de Sponsalibus & diuortijs, part. 2. p. 127. & seqq. confer Malach. 2. 16. locum itidem Buxtorffio explicatum. Sedes huius quæstionis in S. literis est Matth. 5. & 19. item 1. Cor. 7, 10. & seqq. vbi videndi Theologi commentatores, quorum plerique statuunt, diuortii unicam causam jure diuino constitui adulterium: si quæraturscilicet de diuortio à parte innocente iusta ex causa faciendo, non

de

de desertione seu diuortio à parte nocente temerarie & iniuste facto, de quo pronuntiat *Apostolus*; neque etiam de separatione eorum, inter quos nunquam fuit verum & ratum matrimoniū. Disputant etiam, *an magistratui civili liceat alias causas addere?* quod negat *Gerhardus de coniug. §. 605. & seqq.* & è Politicis *Arniseus de jur. connub. cap. 6. sect. 10.* modum etiam diuortiorum apud certum iudicem e.g. ciuiles magistratus & ecclesiasticas personas faciendorum describunt. Longe ab hac questione juris factorum licentia sequestranda est. Extat in *formulis Marculfi Monachi lib. 2. c. 30.* libellus repudii: ex quo intelligitur, illo tempore, id est, sæculo post C.N. VII. per Gallias inter ipsos Christianos in vsu fuisse consensu coniugum facta diuortia, quod, cum olim licuisset; *L. si constante. 9. Cod. de repudijs*, atque etiam bona gratia matrimonium dissolui potuisse tradat *Hermogenianus in l. 62. D. de donat. inter vir. & vxor.* tamen id euangelio aduersum, conciliorum decretis reprobatur, & à *Justiniano* quoque *Nov. 117.* *Hieronymus Bignonius* annotat. Quamquam, inquam, hoc factum sit, inualuerat tamen antiqua licentia, sicut *formula Marculfi* ostendit. Confer alium libellum repudii, in *Formulis veteribus* secundum legem Romanam, in eodem opere. In eo etiam sæpe peccatum est, quod matrimonia ob prætextum aut suspicionem adulterii soluta sunt: præsertim apud Principes. Licet enim verissimum sit, si recte accommodetur illud *Plinij, quod multis illustribus dedecori fuit,*

fuit, aut inconsultius vxor assumpta, aut retenta patientius: in tantū tamen momenti negotio nihil ex suspitione statuendum. cuius reum agit historia *Carolū III. cogn. Crassum*, qui *Richardam* seu *Richardim* vxorem repudiavit. (v. *Reginon. lib. 2. ad A. 887. & fragmentum Anonymi*, quod *Alberti Argentinenſis Chronico* præfixum est.) Magnam ex diuerſo infamiam ſubiſcere exturpi patientia *Claudius*, qui *Mefſallinam*; & *Anroninus*, qui *Fauſtinam*, adulteras non dubias, pertulere. Tyrannicum & ſcleratum *Neronis* cum *Octauia* diuortium, variis criminibus in innoxiam ſtructurum; neque aliam ob cauſſam, quam vt pellicis *Poppææ* amore Princeps potiretur, patratum. vide *Tacitum 14. A. 60. & ſeqq.* & confer factum *Lotharii* Regis, vxorem *Thietbergam* ſeu *Thietbirgam*, vt *Waldradam* pellicem ſibi matrimonio jungeret, repudiantis, apud *Othonem Friſing. lib. 6. cap. 3.* quo loco præteriri non debet Pontificum quorundam Romanorum impudentia: qui, ſicut alias diuortia, etiam ex juſta, id eſt, adulterii cauſſa, licita eſſe negarunt; ita, diſpenſationibus, quas vocant, Apoſtolicis, etiam iniqua & temeraria probarunt. ſi quæras, quo conſilio? reſpondendum eſt: eodem, quo inceſtas & inutiles nuptias interdum conceſſerunt. nempe, vt dominationis ſuæ infinitam libertatem, quando jure non poterant, ſeruiendo potentium cupiditatibus, ſancirent atque ſtabilirent.

Fides con-  
lugalis

Quod autem de vnica legitimi diuortii cauſſa, adulterio ſcilicet, dictum eſt, reuocare nobis

nobis in mentem debet sanctitatem fidei coniugalis à neutro coniugum violandam: tum adulterii turpitudinem, seueris apud plerasque gentes pœnis damnatam: adeo vt maritus (imo & alius) adulterum aut adulteram, aut vtrumque impune posset occidere. Nota lex ap. *Senecam controu. 1, 4. Adulterum cum adultera qui deprehenderit, dum vtrumq; corpus interficiat, sine fraude sit.* Et altera: *Liceat adulterium in matre & filio vindicare.* Hodie in Germania multis in locis pœna adulterii est capitalis: suadentque Theologi, vt in omnibus rebus id obseruetur. Ceterum de re tota videatur *Arnisaus de iur. connub. cap. 5. sect. 8.*

Mutua in corpus potestas, inter coniuges, mutua in corpore potestas. disertis scripturæ verbis sancitur 1. *Cor. 7, 3. & 4. & 5.* obseruatis scilicet regulis temperantiæ bonique moris, quas non Lex Diuina modo præscribit, sed philosophia sanior diligenter inculcat. Quod Canonistæ nuptiarum siue necessitudinis nuptialis vix vllam rationem habent, nisi corporum mutua coniunctio accesserit, idque multarum gentium moribus probatum dicit *Bodin*; ad quosdam effectus de Rep. 1, 3. consuetudine aut instituto ciuili accommodatum intelligi debet. vim autem ipsam matrimonii animorum mutua obligatio exple-  
re potest: vt ad vsum potius matrimonii co-  
pula coniugalis pertineat.

Nascitur porro ex hoc tam arcto vinculo externarum consortium rerum secundarum aduersarumq; (*Tac. 3. A. 34, 8.*) Assumitur enim coniunx prosperis dubiisque communis omnium rerum. sociis. Id quod iure diuino ac naturali ex su-  
Tac. 12. A.

C

perio- 35:

perioribus ultro sequitur. Jure civili æquissimum esse Bodinus ait, *ut vxor conditionem, patriam, familiam, domicilium, originem deniq; mariti sequatur.* Ac de facultatibus quidem & bonis, præter ea, quæ jure Romano constituta sunt, quod fœminis non sine ratione fauet, aliqua etiam speciali ciuitatum ac locorum lege sanciri, satis constat. Occasione honorum & dignitatum, quas à maritis participant fœminæ, disputatum est, *an etiam Augusta*, cui Imperator dicitur tribuisse omnia priuilegia, quæ ipse habet, *fuerit legibus soluta?* Negantium sententiam, tum expressa juris auctoritas, tum rationes validæ tuentur. (vid. *Sinolt. Schutz. Colleg. I. P. volum. I. disp. 3. th. 32. Limna. I. P. 2, 14.*) Non fauet affirmanti sententiæ locus *Taciti 2. A. 34, 3.* Adde *Jac. Gothofr. in Oratione, cui titulus, Vlpianus. Clapmar. Arcan. 1, 12.*

Finis matrimonii duplex: sobolis procreatio,

Properandum est ad finem matrimonij; qui ex ipsa rerum natura duplex: *sobolis procreatio, & mutuum auxilium.* Ex ipsa matrimonij institutione & natura hæc dixi repetenda esse. Licet enim *vitatio fornicationis* tertius finis accesserit, id tamen ad naturam corruptam pertinere, qualis post lapsum Protoplastorum est, satis intelligitur: neque conuenerit, nude hunc spectari, sine iis, quos prædiximus.

*Procreatio liberorum* seruit reip. in qua id spectandum est, ut semper succrescant ciues, qui Deo, in Ecclesia; Patriæ in publicis muneribus, ac oneribus; sibi mutuo in conuictu, amicitia, necessitatibus operam dent.

& mutuum auxilium.

*Mutuum auxilium* in matrimonio late patet. vxori



vxori Principis omnem rei domesticæ curam tribuit ille apud Tacitum: *Grauiſſimos Principis labores, quis orbem terræ capeſſat, egere adminiculis, vt domestica cura vacuus, in commune conſulat.* Mox nominatim intimas vxori cogitationes, & paruos liberos tradi aſſerit. Sed nimirum mariti hoc opus eſſe debet, qui ita imbuir, ita inſtituit; vt de Principe itidem Romano æqualis Taciti Plinius obſeruat. Non erit certe, vt bona vxor, *Paneg. 83.* otio ac delitiis, labores mariti onerare potius, quam ſubleuare velit. Sed nec marito decorum erit, ſi aſperitate nimia, ſeruilem in modum, ſexum & valetudinem vxoris grauare ſuſtineat. Antiqui, neque ciuilis moris eſt, quod bellorum quoque operibus & oneribus non liberabatur imbellis ſexus apud Germanos veteres. *Tac. Germ. 7. & 8.* vbi *Cl. Berneggeri quaſtiones* vid. Ita Zauecum in Libya fœminæ, viris è curru præliantibus, aurigarum officia præſtabant apud *Herodotum in Melpomene c. 193.* Abſurda quoque ap. *eundem (in Euterpe c. 35.)* Ægyptiorum conſuetudo refertur, qui fœminis virilia, viris muliebria munia partiebantur. Apud Attigouautanos in Noua Francia Americæ fœminarum iniquiſſima conditio eſt: nam non tantum agros colunt, & ligna congérunt, & meſſem cogunt, omniaque domestica munia obeunt; verum etiam maritos ad bellum egredientes comitantur & neceſſaria omnia mularum inſtar baiulant. *Jp. Laet. deſc. Ind. Occid. 2, 13.* Idem fit apud Cannanes in Peruvia ap. *Laet. lib. 10. c. 10.*

Repugnât  
matrimo-  
nio com-  
munioPla-  
tonica

vxorum &  
liberorū;

Plane autem euertunt rationem legitimi  
matrimonii 1. *Communio Platonica vxorum &  
liberorum.* 2. *Calibatus impurus & callidus.*

De *Platonica* illa confusione verius, quam  
communione, actum *Aristoreli* (2. *Pol.* 1, & 2.)  
atque exinde certatim obiectus error *Platonis*  
Theologis ac Philosophis veteribus. Neque  
defuerunt aliqui, qui *Platonem* excusatum  
irent. horum duo potissima argumenta anno-  
tauit *Petrus Gassendus in philos. moral. pag. 1463.*  
& 1464. scilicet quod *Plato* ipse (lib. de rep. 5.)  
fateatur, talem remp. fingi potius quam dari;  
deinde, quod (lib. 4. 6. 7. de ll.) ferat bonas le-  
ges de matrimonio, iure dotium, diuortio,  
educatione liberorum &c. sublata penitus illa  
communione. Vnde non nemo existimat, *Pla-*  
*tonem* voluisse vxores & liberos communes,  
non confusione libidinis, sed caritate. Nos,  
in medium relinquentes illam quæstionem,  
hoc putamus ab initio definiri oportere, quid  
de illo *Socratico Platonis* ζήτησις seu ratione  
disquirendi (de qua multa per hypothesin ad-  
feruntur neque explicantur) sentiendum sit.

**Celibatus.**

*Celibatus*, qui ab hominibus dono con-  
tinentiæ præditis liberâ voluntate colitur,  
neque matrimonio, neque S. literis aduersa-  
tur: quanquam hyperbolicis laudibus in con-  
temptū coniugii non sit euehendus, quod *Hie-*  
*ronymo* & *Ambrosio* familiare. quibus *Augustini*  
moderatio opponenda. Pontificii enim in-  
consulte arrepta illa elogia in tyrannidem  
verterunt.

Impure autem & callide agunt, qui, molestias matrimonii subterfugientes, interim vagis libidinibus operantur: ideoque seueram coërcitionem pœnamque merentur. Augusti in hac re diligens cura (ap. *Tacit.* 3. *A.* 35.) & oratio in cœlibes grauissima (ap. *Dion.* 56. *non longe à princ.*) vnde peti suadeam, quæ huc pertinent.

Alterius & specialioris quæstionis est, quod Epicurus (apud *Diog. Laërt.*) ait: *sapientem* (studio scilicet intentius philosophandi incensum) *non ducturum vxorem, non generaturum liberos, nisi circumstantia quapiam exigente.* de quo vid. *Gassend. Phil. moral.* p. 1204. & seq. Transtulit *Heinsius* hanc quæstionem à seriis ad jocos, in *Epistola faceta ad Primerium*, *an & qualis erudiro sit ducenda vxor?*

Summa prudentiæ circa hoc negotium vniuerse subiici debet. Cum matrimonium ex eo genere rerum sit, quibus bene aut male, feliciter aut secus vti homo potest, Deus ante omnia exorandus est, vt auspiciū & tesseram prosperi euentus suo numine largiatur: cum præsertim humana solertia non possint omnia satis prouideri, caueri, deliberari. Deinde, nihil temere, aut impetu agendum est. prima honestatis in eligenda vitæ locia, ac virtutis ratio habeatur, ne diuitiæ, forma, nobilitas, (quæ in lucro sunt, si accedant) noxia sint, si non recte neque ordine affectentur. Hanc eligendi prudentiam excipit amor sanctus, stabilis, serius, mutuum amorem mereri dignus & potens. Hic facibus nuptiali-

Summa  
prudentiæ  
coniuga-  
lis.

*Tac. Agr. 6,*  
1.

bus lumen & decus sufficit: hunc fouent aluntque Gratiæ humanitatis atque comitatis, quam non tollit, sed temperat grauitas maritalis & auctoritas imperii. Ita sentiet vxor, se non potuisse in virum meliorem atque commodiorem incidere: neque prauo consilio aut affectu ad insolentiam se abduci patietur. amabit, etiam vt maritum: venerabitur, vt rectorem: utroque nomine sibi donatum diuinitus, conciliatum bono omine, coniunctum sacratís legibus. Gaudebit à viro doceri, quæ grata ipsius ingenio, quæ vtilia domui, quæ decora sibi. Ita leuamentum laboris ab vxore maritus, præsidium suæ infirmitatis à marito vxor mutuabitur. Magna & rara laus, quam

*Agr. 6, 2.* Tacitus de Agricola matrimonio annotat: *Vixerunt, inquit, mira concordia, per mutuam caritatem, & inuicem se an eponendo.* Fructus ille mutuae caritatis: dum quodam quasi certamine, vterque suam vtilitatem alterius vtilitati posthabere; alter alterum testimoniis & pignoribus officiorum studet prauenire. vxor suos affectus ex mariti affectibus temperabit: vt quasi speculū sit, in quo resplendeant mores mariti. Hilaris erit sine lasciuia; verecunda sine morositate; humana & comis sine assentatione. Optimus virtutis coniugalis interpretres vxoris studium in eo versari scripsit, vt placeat viro; non viris. ita enim placere alter coniux alteri debet, ne displiceat Deo: magis autem placebit Deo, quæ religione matrimonii mora, vt vni & suo placeat, vel omnibus cupiet displicere. *Matrona, inquit Seneca, ferat*

*1. Cor. 7, 34.*

*Controu. 2,*  
15.

*ferat jacentes in terram oculos: aduersus officiosum saluatorem inhumana potius, quam inuerecunda sit: etiam in necessariam resalutandi visem multo rubore confusa. Prodeat in tantum ornata, ne immunda sit: optimum probæ ornamentum rata, pulcros mores & caritatem. Neque tamen maritus nimis morosus sit in exigendis omnibus omnium virtutum numeris. si fidem & pudorem seruet (quæ prima dos est) si familiam curet, in aliis censura rigidior non vtendum. Voluit hoc Tacitus monere, cum* 1. A. 33, 5.

*Germanici Cæsaris vxorem Agrippinam ita describit: ipsa Agrippina paulo commotior; nisi quod castitate, & mariti amore, quamuis indomitum animum in bonum vertebat. Recte. quis enim non indulgeat quibusdam incommodis moribus vxoris, si præcipua virtus salua sit? Quotusquisque denique ex maritis omnes boni moris numeros implet? atqui hoc magis virum decebat: cuius exempla vxorem emendare aut deprauare solent. Stultum virum, qualem describit Herodotus Candaulem, nihil* lib. 1. cap. 8

*attinet erudire. Et quid faciemus eo, qui malam mulierem nactus est? Væ illi! neque verbum amplius addimus. Hoc vnum dixisse sufficiat: essent haud dubie multa matrimonia feliciora, si magis pie, magis prudenter contraherentur & haberentur.* et seqq.

Quantum autem ad hanc virtutem & prudentiam conjugalem attinet, egregia sunt, quæ antiqui tradiderunt: *Plutarchus in præceptis coniugalibus* (nam *Aristoteles*, etiam cum non nominatur, intelligitur. vid. præsertim 1. æcon.

Annotatio  
nonnullorum  
scriptorum.

4.) *Stobæus in locis communibus de Nuptiis & Vxorē. Theognus in sententiis. addatur Joannis Pediasmi πῦθ & seu desiderium. Poetæ quoque Comici & Tragici, Græci ac Latini, in hoc argumento diligentes sunt. Inter juniores, Albertus de Eybe de re vxoria, & Antonius Bonfinius, de pudicitia coniugali, celebrantur.*

Totam de coniugio philosophiam tradidere Theologi, J Cti, Philosophi, vt ab initio dictum est: sed in Pontificiis Canonistæ in iure diuino interpretando, supplendo, addam, & negligendo, audaciores: Scholastici, nonnunquam improbè curiosi, nec sine scandalo; sicut ex *Sanchezij lib. 9. de matrim.* apparet. Ex quibus vitiis, quin aliquid irrepāt in eorum libros J Ctorum, qui his auctoribus niti conſuerunt, nemo negauerit.

Intolerabile est, quod conuitia, satyræ, calumniæ, non in flagitia modo coniugatorum (in libidines, adulteria, luxum, quæ non immerito flagellantur) sed in ipsum matrimonium, ac præsertim in sexum fœmineum, passim vibrari videas: sicut, ex diuerso, non desunt ineptiæ otiosorum aut effœminatorum hominum, ordinem naturæ impugnantium, virisque mulieres præferentium. Quæ omnia absunt ab animo sobrio, casto, graui, prudente: qualem negotia matrimonii, vt tractentur vtiliter, requirunt.

Nos, præter eos, qui laudati sunt, paucos adiiciemus, quorum diligentia in hoc argumento eminet. Præter *Lutheri libr. de matrim. Bidembachius de causis matrimonialibus, Beza de repu-*

*repudiis & diuortiis; Albericus Gentilis, & Tiracuellus de nuptiis egerunt. Nam Theologi commentatores, tum dogmatici seu Theologiæ Positivæ tractatores, ad loca solennia S. Scr. & in articulo de coniugio, plurimi nominari possent.*

(De IC. comment. consiliis, respons.)

Si quis huius loci seriem studiosius partiri amat, posset seorsum *ὑποθεσῶν* seu *legislationes* veterum recentiumque circa hanc materiam colligere, e. g. *capita legis Papiae Poppææ*, quæ in ordinem redegit *Jac. Gothofredus*; & disquisiuit *Lipsius ad 3. A. Tac. 25. Leg. Juliani de adulteriis*, in quam extat memorabilis *commentarius Barnabæ Brissoni* [leges enim *Platonis 4. & 6. de ll. supra nominatæ sunt.*]

Possent etiam seorsum annotari *variij ritus, in sponsalibus, nuptiis, diuortiis adhibiti apud varias gentes.* Quo pertinet *Brissoni liber de rit. nupt.* ne de *Rosino & Alexandro Neapolitano* dicam. Extat etiam *disputatio Dn. Dillherri de ritu nuptiarum seu myrtus venerea: quæ est in tomo I, XXV.* Extant & plurima in *Scriptoribus Antiquitatum, Lectionum, Observationum &c.* Adde *Historias præsertim in matrimoniis Regum Principumque.* [qua occasione commendabantur *le Theatre d'honneur, & le Ceremonial de France.*]

Eorum, qui studia sua nunquam otiosa volunt, industria vtiliter occupari potest in istiusmodi fere circa hanc materiam ingenii stilique exercitationibus.

Exempla  
ingenio  
styloque  
exercendo  
idonea.

I. Sit scribendum Specimen Legum de societate coniugali, vel sine proœmio ac ratione, vel cum proœmio. (de quo discrimine egregius locus est in *Platonis 4. de LL.* non procul à fine.)

II. Sit suadendum aut dissuadendum matrimonium aliquod, non in thesi (vt cum vidua, cum peregrina, cum diuerſæ religioni addicta) sed, quod vtilius est, in hypothesi, matrimonium Ludouici XIII. Gall. R. cum Anna Hispaniarum infante; & inuicem Philippi IV. Hispan. R. cum Elizaabetha Gall. R. sorore. vbi præsertim *Principum Gallorum confœderatorum scripturæ & Condæi libellus*, materiam iudicandi, & disſerendi suggerit apud *Gramond. lib. 1. Hist.* Nobiles extant etiam deliberationes de matrimonio Henrici VII. Angl. R. ap. *Bacon. de Verulamio.*

III. Sit gratulandum de sponsalibus aut matrimonio: hic extat *Oratio Anonymi ap. Freher. tom. 2. rerum Germ. p. 15. & seqq.* quæ *Alfonso Lusitaniæ Regi gratulatur de sponsalibus Leonoræ filiæ eius cum Friderico III. Cæsare.* Adde ap. eundem p. 222. & seqq. orationem *Joannis Mayni ad Maximilianum R. Rom. in nuptiis eius.*



## CAP. III.

De

*Societate Parentum & Liberorum.*

**L**iberorum quærendorum erga coniuga- Societas  
 lem societatem contrahi, dictum est. Hinc paterna  
 ergo Parentum & Liberorum altera societas ori-  
 tur: quam, à digniori persona, *παισικλή* seu  
 patriam *Aristoteles*, inter alia nomina, appella-  
 uit. Est autem hæc Societas *inaequalis inter pa-* describi-  
*rentes & liberos, mutuis officiis & juribus ad fa-* tur:  
*miliæ utilitatem & civilem honestatem definita.*

Simplicissima & optima de hac societate eius tra-  
 agendi ratio est, si 1. *agatur de Parentum officiis,* etatio di-  
 & jure. 2. *de liberorum officiis & jure.* uiditur.

Primum Parentum officium est, *cura in ge-* Inter Pa-  
*nerando adhibita:* de qua *Plutarchus in præcon-* rentum  
*iug. & de lib. educ.* Plato de LL. 6. *Arist.* 7. *Polit.* 16. officia pri-  
 Curiosam nonnullorum circa fiderum po- mum ge-  
 situram superstitionem merito & false ridet neratio;  
*Barclaius Argen. lib. 2.* Matris præsertim graui-  
 dæ, quoad corpus, quoad animum, quoad di-  
 ætam, quæ sint officia, studiose præcipitur.  
 Aureum est, si paganismi errorem demas, *Ari-*  
*stotelis præceptum loco dicto: Legislatorem præ-*  
*cipere debere, ut formine, dum sunt gravidæ, singu-*  
*lis diebus templa adeant, diuq; qui generationi præ-*  
*esse creduntur, sacra faciant.* Addit, hoc eo etiam  
 profecturum esse, ut corpus motu vegetetur. Quod  
 nos, ut in secundis & accessoriis ponen-  
 dum reputantes, ad Deum & matrimonii &  
 fecerunt

fœcunditatis coniugalis auctorem, legem talem referimus: Pontificiorumque quorundam superstitiosa magis, quàm pia præcepta, grauidis dari solita, ad paganorum ~~deest~~ *relegamus*. Eximie alias meretur commendari in cura circa generationem & primam educationem infantum describenda, *Scanolæ Sammarthani Padotrophia*.

Caterum naturæ defectum, quod ad liberos procreandos attinet, suppleuit lex ciuilis, *adoptione & arrogatione*. vid. Gell. V, 19.

2. nutritio;  
1. Polit. 7.

Succedit generationi *nutritio*. A natura recte hoc deducit *Aristoteles*: cui proprium est, non generare tantum, sed & victum necessarium præbere generato: cum quod superest post generationem, alimentum generato præstet. vt in mulieribus lac: maxime idoneum alimentum. Vt omnino peccent, quæ emtis nutricibus potius infantes lactandos tradunt, nisi valetudine adactæ hoc faciant. Grauiissima est *Dissertatio Fauorini Philosophi, qua suadet nobili fœmine, vt liberos, quos peperisset, non nutricum adhibitarum, sed suo sibi lacte aleret*. apud Gell. XII, 1. Quid apud eundem de cibo somnoq; puerorum im-  
 IV, 19. puberum tradatur, operæ pretium est videre. *Alimentorum* autem nomine quid intelligatur, quousque ea liberis debeantur, tum naturali æstimatione, tum legislatione ciuili, late tractatum est ab *Arniseo Relectionis politicæ lib. 1. cap. 4. sect. 4*. Hinc etiam deducitur hæreditas, quam liberi vt sibi debitam expectant: tum, quæ de legitima disputantur. Sed de hæreditate quidem dici poterit, cum de iure libero-  
 rum

rum agetur: exhereditatio autem, quæ hac occasione tractari solet, ad potestatem siue jus patrum referuari potest. vide interim *Grot. de I. B. II, 5, 4.* Nutritioni autem repugnat *Expositio infantum.* in qua indulgentiores fuerunt è paganis plurimi (vid. *Aristot. 7. Polit. 16. & Dionys. Halicar. 2.*) legendus omnino *Tholofanus de Rep. XIV, 3, 6. & sqq. & XV, 1, 16.*

Tertium Parentum officium, est *institutio* <sup>3. Institutio.</sup> *Liberorum.* Quæ ab ipsa sermonis recte formandi disciplina inchoatur: eaque continet, quibus mores, studia, artes, vitæ sustentationi & honestati, tum societati ciuili vtilis traduntur discunturque. Illa partienda sunt ætatis vicibus, comparanda ordine, gubernanda ingenio educantium ac docentium. Loco exempli, quantum ad domesticam educationem attinet, commendari potest disciplina Romanorum, descripta *Fabio Quintiliano, dial. de orat. cap. 28. & 29.* An placet, *Bonneum* adire, *de discentia?* Sed, quæ in ciuitate conueniat doceri & disci, itemque de scholis & palæstris, tum de institutione Principum, & similibus, suo loco docebitur. Nunc satis habebimus, admonuisse Parentes, vt curam educationis serio & constanter suscipiant, nulli operæ, nulli sumtui parcentes: si quidem familiæ suæ honestam successionem, ciuitatis ac patriæ utilitatem (cui non nos modo, sed nostros præstare debemus) præcipue autem auctoritatem Dei, insitis naturæ, ac sancitis legum stimulis ad munia Parentum stimulantis, amant atque reuerentur. Prudenter se gerant, aliorumque  
etiam

etiam consilio vtantur, vbi suum non satis expediunt, in destinandis liberis ad certum genus vitæ: diligenti habita ratione indolis, corporis, aliarumque rerum. Nec male præcipiunt, qui suadent Parentibus: *vt sua cum liberis consilia mature communicent, vt norint, quæ res suæ se habeant, aut habitura sint deinceps; ne si parentum mors præoccupet, illi rerum suarum ignari supersint, ac impares, non sine damno, negotiis domus sustinendis relinquantur.* Eget tamen hæc res cautela. ne quid temere, ne quid intempestiue fiat, quod in liberorum & domus detrimentum redundet. Non enim amici modo sunt parentes liberorum; sed rectores etiam.

Gassend.  
phil. mor.  
p. 1457.

Jura Parentum.  
Imperium in liberos;

1. Polit. 8.

Grot. I. B.  
II, 5, 7.

Est enim Parentibus attributum in liberos *imperium*, ac potestas natura, lege diuina, lege ciuili. Vtrique, inquam, Parenti; quanquam si contendunt inter se imperia, Pater præfertur; cuius regium imperium *Aristoteles* nominat. Quomodo hæc potestas ex *mero jure naturæ* interpretanda sit, per vices ætatis liberorum, aggressus est ostendere *Grotius de I. B. II, 5. 2. & seqq.* *Lege ciuili* non vnus gentis, olim etiam in vitam liberorum jus concessum parentibus. Hinc vt passim obuio juris *Justiniani* textus præteream, illa interrogatio apud *M. Sen. Excerpt. Controu. III, 3: Quomodo fieri potest, vt tibi potestas vitæ necusq, aut in fratrem sit, aut in filium non sit?* sed mitigauit illum rigorem dies, & consuetudo humanior, præsertim sub Imperatoribus, qui illam acerbicatem damnarunt; & in pietate, non in atrocitate patriam

triam

*triam potestatem consistere debere* definiuerunt. *Jure* diuino parentibus potestas erat etiam in vota liberorum, quamdiu pars erant domus paternæ, Num. XX, 4. & seqq. An etiam in vitâ? Ita putat Bodinus ex Deut. XXI, 18. & seqq. Vnde de Rep. I, 4. de tamen potius contrarium sequitur, nempe præter coërcitionem modicam Parentibus nil licere in liberos: quin potius à magistratu coërcendos capitali supplicio, si meruerint, non à patre. Extat etiam temperamentum imperii Patrii memorabile in N. T. Coloss. III, 21. Incautus ergo est Bodinus, cum optat reduci illam antiquam seueritatem quarundam gentium: propter impietatem liberorum & ingratum erga Parentes animum: non enim esse metuendum, ne Patres illa potestate abutantur, propter stimulum naturalem amoris, arcem scilicet in Parentum pectoribus. Sed præterquam, quod, *quæ apud concordēs vincu-* Tac. I. A.  
*la caritatis, incitamenta irarum apud insensos* sunt: etiam Reip. rationibus repugnat, si pœnarum capitalium potestas aliunde quam ab imperantibus dependet. Rectius igitur sentient, qui suaserint, auctoritatem Parentum, & obedientiam liberorum, bonis legibus & sub tutela summæ potestatis sanciri atque stabiliri.

Dum de *potestate* parentum sermo est, satis patet, *auctoritatem* subintelligi: quanquam alias differt à potestate, quod hac legitime soluta, illa perpetua est. Nullum enim est tempus, quo expirare debeat parentum apud liberos auctoritas. Etiam si filii summo magistra-

Auctoritas  
Parentum,

gistratu prædicti sint, imo regno præsent. Nota est *Regis Salomonis*, maternam auctoritatem multo cultu agnoscantis, historia *I. Reg 11, 19*. In conspectu matris sedere, nisi ipsa iusserit, ne Reges quidem Persarum solebant; sicut colligas ex sermone Alexandri apud *Curtium V, 2, 22*.

Quomodo patria potestas soluitur,

*v. Dissert. Tauri apud Gell. 2, 2.*

*Tac. A. XIII, 5, 3. A. XIV, 1, 5.*

Recte: quantum ad auctoritatem: nam potestas Parentis tollitur magistratu ac publico filii munere: & quodammodo etiam auctoritas, quod ad ipsas publicas functiones attingit: quibus nulla priuata nomina possunt aut debent intercedere. Hinc impotentiam matris Liuiæ, non Tiberius modo, sed Respublica grauabatur apud *Tac. 1. A. 4, 5. 4. A. 57, 4. 5. A. 1, 5*. Agrippinam autem Neronis matrem, Principatus muneribus se imminiscentem, primo arte deludunt interiores aulici. deinde apertius cupiunt infringi potentiam eius, incautius tamen, & parum memores, immanem Neronis animum freno potius, quam calcibus indigere, ad exuenda matris imperia: quæ nefarius homo denique parricidio dissoluit.

(Dictum de *Cardani* & *Clapmarj* imprudenti facilitate.)

Ludovicus XIII. exilio matris suam auctoritatem in regno stabilire contendit. vid. *Gramondus lib. 2. p. 163. & sqq.*

Soluitur & morte Patria potestas: aliisque modis, de quibus *J. Cti.* vid. *Dn. Eicc. Aur. sect. 1. th. 26. & 27.*

Abdicatio & exhereditatio.

Jure patrio continebatur olim *jus abdicandi liberos*. sed abdicationi in desuetudinem adductæ

ductæ (vide de ea *Sen. Controu. I, 1. & II, 9.*)  
 successit sola *exheredatio*: quæ & ipsa apud an-  
 tiquos in usu. Cumque exheredatio genus  
 pœnæ sit, neque nisi titulo pœnali fieri possit,  
 satis clarum est, ex jure civili hodie pendere  
 totum hoc negotium: cum omnis pœnarum  
 exigendarum ratio (si de maioribus pœnis  
 sermo est) publicæ utilitatis causâ ad sum-  
 mam potestatem referatur; illiusque civili  
 constitutione dispensetur. Qui omnes exher-  
 edandi causas ad *ingratitude* referunt, fi-  
 gura interpretandi potius, quam definiendi  
 perspicuitate utuntur. (vid. *Arnise. relect. polit.*  
*lib. 1. cap. 4. sect. 4.*) Non occurrit autem ho-  
 die facile casus, qui lege descriptus non sit:  
 quæ parentibus licentiam exheredandi non  
 laxat sed restringit. Qui ad naturalem æqui-  
 tatem malunt respicere hic, usurpant illud  
*M. Senecæ Controu. II, 9.* Et quod jure fit, verum  
 est: & quod sine jure quoque rationem habet, recte  
 fit: si modo ratio sit idonea, quæque pruden-  
 ti viro possit approbari.

Quoniam autem exheredatio privato pa-  
 rentum jure continetur, non abs re dubita-  
 tum est, possit ne ad publicas causas porrigi?  
 e. g. an filius à patre ita possit exheredari, ne  
 in regnum succedat? vid. *Grot. de I. B. II, 7, 25.*

(Dictum de ratione *Aristotelis 8. Eth. ult.* quæ co-  
 loris potius, quam veri argumenti nomine  
 censenda est.)

Sequitur, ut de Liberosum tum officio, De Libero-  
 tum jure agatur. Inter *officia Liberosum* pri- rum offici-  
 mum ponitur *gratus animus, seu studium referen-* is: quorū 1.  
*Grat' ani-*

mus seu  
studium  
referendæ  
gratiæ.

*de gratia. Seneca de benef. IV, 19. ad Epicurum  
Deum vis videri colere, non aliter quam parentem:  
grato, ut opinor, animo. Huius gratitudinis in-  
primis elegans extat declaratio apud Hiero-  
clem in aurea Pythag. carm. qui ab ipsa natura  
hoc officium cum ceteris Philosophis dedu-  
cens, eleganter vocat ad explendum quod natura  
imperat officium, pro virili parte amorem operamque  
conferre. Τὸν δὲ Φύσις ὁπιδίδοναι ἐργον. Inter ea,  
quibus par gratia nequit referri, Parentum  
*Eth. VIII, 1.* beneficia Aristoteles ponit. Seneca disputat, an  
aliquando liberi maiora beneficia dare parentibus  
suis possint, quam acceperint? 3. de benef. 29. & seqq.  
(Dictum, quid in utramque partem sentiendum  
sit.)*

*Laers. in  
Solon.*

Hoc gratiæ referendæ officio continetur  
nominatim etiam mutuum alimentorum & su-  
stentationis vicem parentibus exhibere. τὸ ἀνὰ πα-  
τρὸς γέν. Hebræi lege diuina id contineri (4to  
sc. præcepto decalogi) contendebant, ut ci-  
bum & potum parenti subministraret filius, ut & ve-  
stitum: ex eo scilicet quod patris est, seu ex bonis pa-  
ternis: quibus si careret, cogendus erat filius, si ipse  
bona essent, ut utrumque aleret parentem, in quan-  
tum posset: derogauit tamen huic sancto offi-  
cio iuri que diuino respondentem glossa Pha-  
risaica, in quam inuehitur Christus Marc. VII  
11. Math. XV, 5. (vid. Selden. de I. N. VII, 2  
Dillherri disp. tom. 2. disp. 3. q. 5.) Solonis lege,  
qui non alerent parentes, infamia notati. Ne-  
que Romanis deest Lex apud Senecam Controu.  
I, 1. & 7. it. III, 4. Liberi parentes alant, aut viu-  
ciantur. Hierocles pecuniarum promissimam sus-  
pedi-



pedicationem χρημάτων χορηγίαν ὡς μάλιστα πα-  
 τερῶν parentibus deberi asserit.

Alterum in Parentes officium, quo liberi 2. Honor,  
 obligantur, *honore & reverentia constat.* Et  
*honoris* quidem vocabulo decalogus etiam  
 gratum animum, de quo præcessit, & obse-  
 quium, de quo sequetur, comprehendit: sicut  
 & Pythagoreum carmen, *honora parentes, τὰς τε*  
*πατρὸς πῦα*, eodem sententiarum complexu faci-  
 undum est. Ad hunc honorem & reueren-  
 tiam etiam pertinet *timor* ille, quem Aristote-  
 les liberis tribuit. 1. *acon. ult.* Hebræi ita de-  
 scribunt: *ut ex reuerentia filius non stet in loco pa-*  
*tris, seu locum ei assuetum stando occupet, nec in loco*  
*ei assueto sedeat, nec sententia eius refragetur, nec*  
*eam refutet, nec eum nomine suo appellet siue super-*  
*sitem siue mortuum, sed ad hunc modum loquatur,*  
*Abba seu pater Dominus meus.* It. Non dicendum  
*erat ei; Abba transgrederis verba legis: sed dicen-*  
*dum erat ei, scriptum est in lege sic vel sic, idq; perin-*  
*de ac si ea de re consuleret.* (vid. Selden. de I. N. 2, 2.)  
 Honis auctoribus *pietas* dicitur hic affectus in  
 parentes: quæ etiam vultu lædi potest.

Hinc illa jure civili constituta: ne filius in-  
 ius vocare possit parentem sine venia. de quo  
*Arniseus relect. politic. lib. 1. cap. 4. sect. 5. §. 29.* ne  
 eadem causæ sufficiant ad exhæreditatio-  
 nem Parentum, quibus exhæredantur liberi  
 (Idem §. 9.) Et quæ similia præcipiuntur.

Tertium filiorum munus in *obsequio* & obe- 3. Obse-  
 dientia consistit. *Filij* (inquit *Apostolus Coloss.* quium.  
 III, 20.) *obedite parentibus per omnia: scilicet quæ*  
*non repugnant diuinæ voluntati & juri atque*

honestati. Eximia sunt, quæ in hunc locum disserunt *Hierocles, Gellius II, 7. Hugo Grotius de I. B. II, 26, 3. & seq.*

Cum ergo constet, gratitudinem, reuerentiam, obedientiam summam deberi parentibus; satis intelligitur, quantum in vitiis contrariis turpitudinis sit. Sicut enim officia liberorum jus diuinum peculiari & emphatico præmiorum pollicitatione sancit: *Exod. XX, 12. Ephes. VI, 1. & seqq.* ita horribilis pœna denunciat, filiis immorigeris, contumacibus, illuloribus, *Prou. XXX, 17. Syrac. III, 11. & c.* tum in exemplo Chami *Gen. IX, 25.* Hinc etiam humanarum seueritas legum in delicta liberorum. Apud *M. Sen. Excerpt. Controv. IX, 4.* Lex: *Qui patrem pulsauerit, manus ei præcidantur.* Romanorum in parricidas seueritas nota est, de qua *Cicero in oratione pro Sex. Rosc. Amerino* grauitur.

*v. et Tac. 3. Hist. 25. ad de Cic. 3. off.*

(Dictum, quid *Bodinus*, quid alii statuunt, in causis filii aduersus patrem perduellem insurgentem. Item: an mater adultera à filio iussu patris licite occidatur?)

**Jura Liberorum.**

Inter jura Liberorum est *successio in bona parentum*, seu hæreditas, ad quam liberi jure naturæ, diuino, ciuili vocantur (nisi delicto eeciderint vel suo, vel parentum, vt in crimine maiestatis, vid. *Grot. de I. B. II, 21, 13. & 16.*) Jus diuinum tum alibi tum *Gal. IV, 1. 2. Cor. XII, 14.* proponitur. Jure naturæ hæc successio liberorum in primore gradu constituitur: quatenus parentes liberis alimenta debent, adeoque præfertur successioni Parentum in bonis liberorum.

liberorum, quæ tamen ipsa quoque ex natura fuit. Atque huc pertinet locus de successione ab intestato. (vid. *Grot. II, 7, 3. & seqq.*) vel autem in successione æqualia debentur æqualibus.

(Dictum de memorabili lege apud *Sen. Controv. VI, 3. maior frater dividat patrimonium, minor eligat.*)

vel inæqualitas constituitur, tum ratione sexus, tum ratione ordinis nascendi, unde *Jus primogenituræ*; præsertim in Principatibus, quod quum publicum est, fuisse apud Juris Publici scriptores tractatur. *Grot. 2, 7. Reinking. lib. I. class. 4. cap. 17. Sinolt. Schütz. I. P. colleg. rom. I. disp. 7. th. 10. & seqq. Limnaeus I. P. 4, 8, 112. & seqq.*

Quod ad statum libertatis attinet, partus *v. Grot. II, sequitur conditionem matris jure civili: In §. 29. & 2, aliis autem, quod ad liberos ex nuptiis jure 8, 18. civili justis procreatos attinet, partus sequitur conditionem patris, imprimis in juribus civitatis, familiæ, item in dignitatibus. (Arnif. relect. polit. lib. I. cap. 5. sect. 10. §. 4. & seqq. add. Aur. Dn. Biccij sect. I. th. 6.)*

Nituntur autem & officia & jura parentum liberorumque *mutuo illo pietatis naturalis affectu, quem natura animis omnium inseuit: & cuius quædam imitamenta in brutis quoque observare licet. Si ferae partus suos diligunt, (inquit Cicero de orator. II, 40.) qua nos in liberos indulgentia esse debemus?* Liberi post Patriæ caritatem, in qua & Parentes sunt, naturali stimulo ad amandos parentes concitantur,

*sonny* mutua inter parentes & liberos.

itidem à ciconiis sumto exemplo : de quo natura consulti passim. *Triclinius ad Sophoclis Electram* instanter : πάντων τ' νομίμων καὶ δικαίων τῶν ἐν κρείττονι καὶ μέγιστον ὡς δὲ πάντων ἀνακρηστέων. Φρονίδια παιδείης πατρὸς. ὃ θεὸς δοτεδέχεται, καὶ ὁσεὶς λογιζέται. Inter omnia quæ jure & legibus præcipiuntur, optimum maximumque habetur ab omnibus, curam agere Parentis. Quod & Deo gratum est, & pium reputatur. Secundum naturam est, ut nos amemus ipsi : quidni ergo naturale sit amare eos, qui nos produxerunt, seu, qui effecerunt, ut nos amare possimus? secundam naturam est, ut quis amantem redamet : quidni ergo amandi sint parentes, quorum maximus in liberos amor est? Hinc deducit *Aristoteles* (*Eth. IX, 2.*) & *Hierocles* (*ad Carm. Pyth.*) debere liberos pulcrius ducere, si suis parentibus quàm si sibi met opitulentur. Fit tamen, ut parentum in liberos amor longe sit ardentior, quàm liberorum in parentes. qua de re obuia passim apud Scriptores mentio : & supra philosophorum disputationes, efficax experientiae testimonium.

Vices Parentum qui gerant.

Loquimur hactenus de Parentibus & Liberis proprie sic dictis. quod si Parentes defecerint, ad avum & aviam, id officium, ea necessitudo spectabit, non natura tantum, sed lege. (vid. *Grot. I.B. II, 7, 6.*) ex regula caritatis, si hæc quoque nomina desint, ad proxima cujusque necessitudines : aut Tutores, quos præsertim in locum parentum subrogat primum quidem ipsa naturalis ratio ; deinde sub certa formula jus civile. de qua re J Cti agunt.

Qui

Qui locis communibus dant operam, *Sto-* Añotatio:  
*bæum* rursus adeant, & *Valer. Max. V, 4.* Item  
*Comicos Tragicosq.* e. g. in *Terentijs Adelphis* mul-  
 ta Poëtæ arte *Demea* & *Micio*, Patres diuerso  
 plane ingenio, virique sui nominis, ille vt ni-  
 mium durus, hic vt iusto lenior describuntur.  
 apud *Senecam*, *Hippolytus*, pii filii, *Oedipus*, im-  
 pii; piæ matris *Andromache*, impiæ *Medea* spe-  
 cimen gerit. è Theologis commentatores hoc  
 egere in crebra loca & exempla S. Scripturæ,  
 de officio parentum & liberorum. *Scholastici*,  
 cum de iustitia & jure agunt, hunc quoque  
 locum tractant. è Jctis, præter commenta-  
 tores & Systematicos, *Ærodius de patrio jure*  
 scripsit. *Berlichius, de jure nouercarum.*

*Enenckelius de priuilegijs Parentum  
 & liberorum.*

## CAP. IV.

De

*Societate Herili.*

Ceterum vt domus bene atque commode *Seruitute*  
 administretur, *Seruorum* opera requiritur. opus habet  
 neque enim paterfamilias in omnia sufficit: domestica  
 neque decorum fuerit, aut humanum, vxori societas:  
 omnia seruilis opera imponere. liberorum,  
 propter moras ætatis paulatim adolescen-  
 tiæ, tarda ministeria, neque in ampliore do-  
 mo satis idonea aut sufficientia. Jumen-  
 torum quoque adminiculo, quæ *Seruo-*  
 rum loco apud pauperes erant, non possunt  
 omnia geri. Sane quorum tenuis fortuna, &

ies accisæ sunt, quomodo possunt, non quomodo volunt, sicut necesse, non sicut commodum est, rem domesticam administrant. Sed nobis agendum est de Domestica Societate non pessime constituta.

Sed quali? Constat ergo, famulares operas, & servorum adminicula requiri. sed qualis servitutum domi optanda, tum in Rep. instituenda sit, in disquisitionem venit.

Distinctio- *Aristoteles* duo servorum genera facit, & ones servorum. copiose de illis disputat (*in Polit. præsertim lib. 1. c. 3. & 4.*) Quosdam enim *natura servos* nasci, quosdam *lege fieri* ait.

De servitute naturali duo quæri merentur: *παράδοξον* 1. an vera sit Aristotelis, & qui eum sequuntur, Sententia Philosophorum, dari aliquam omnes sapientes liberos, omnes stultos servos. Icti audiendi sunt, qui servitutem contra naturam asseruerunt? Post *Arniseum*, qui huc ista disputat (*relect. polit. lib. 1. cap. 3. sect. 3.*) videtur *Dan. Heinsii* *cruditam* ad *Richterum* *ICrenæ* epistolam, orationibus eius subiunctam. 2. an restituat *Aristoteles*, in *natura servos* i. e. barbaros licite bellum sumi ex hac ipsa causa, quod tales sunt de quo vid. *Grot. de I. B. II, 20. 40. & II, 22, 12.* *Adam. Contzen. Polit. lib. 10. cap. 8. §. 2.*

*Lege servi* sunt Aristoteli, e. g. qui bello capti libertatem perdunt, aut venundati à victoribus. Clarius *Lege servos* vocabimus, quicumque non respectu naturalis aptitudinis ad serviendum, sed ex facto humano institutione in servitutem venerunt: siue ipsi se vendiderint, siue ab aliis libertate exuti sint; quod

quod solet fieri bello, & pœna. Quorum nihil, si modus & ratio adhibeatur, plane iniustum est. vid. *Grot. de I. B. II, 5. 27. & 32. & lib. 3. cap. 7.*

Alii explicant servitutem, *vel ut est juris divini* (vid. *Selden. de I. N. lib. 6. cap. 7. & 8.*) *vel ut est juris gentium, vel ut est juris civilis*: de quo JCu.

*Bodinus* quinque genera servuorum facit. *de Rep. I, 5.*  
 1. Servos natos, ex servis aut serva. 2. captos bello. 3. servos pœnæ. 4. qui se mancipant aut vendiderunt. 5. qui ab aliis, à latronibus aut piratis venditi bona fide ab emptoribus possidentur. Hi omnes sunt *lege servi*, si Aristotelica phrasi loquimur.

Servuorum autem miserrima apud veteres *servitus* conditio erat: *jusq; impunitatis* (quod impro- *veterum abrogata,*  
 prie jus dicitur) domino in infinitum concedebatur, cum tamen justitia interna jus vitæ & necis non posset dominis competere. vid. *Grot. de I. B. II, 5, 28.* Itaque inspectione curaque magistratum paulatim mitigatum & ad æquitatem naturalem reductum. (de qua item *Grot. lib. 3. cap. 14.*) Sub Christianis Imperatoribus denique sæculo (ut *Bodinus* putat) post C. N. tertiodecimo plane evanuit. An & usu Reip. sit, talem servitutem vigere, con-  
 trarias disputationes operæ pretium est videre apud *Bodin. 1. de rep. 5. & Ad. Contzenium Po-  
 lit. lib. 8. cap. 15. §. 2.*

(Dicitur hac occasione de Senatusconsulto Sila-  
 niano ad loc. *Tac. 14. A. 42. & seqq.*)

quatenus  
tamen uti-  
liter hodie  
que cog-  
noscatur.

Historiam servorum, ad intelligendos  
Scriptores Veteres, utile fuerit ex *Aufonio Po-  
ma de operis servorum*: & ex *Laurentio Pignorio*,  
cuius eximius *de servis* commentarius extat.  
repetere.

Tum autem, quæ Philosophi disputant,  
de temperamento præsertim juris herilis,  
(quod in suo rigore acceptum jam olim sum-  
ma iniuria habebatur) cum pondere & incre-  
mento applicationis transferri possunt ad ho-  
diernos servos seu famulos, qui in plerisque  
communione juris cum dominis coniungun-  
tur. Quam enim pulcra sunt, quæ *Seneca*  
præcipit *Epist. 47. lib. 3. de benef. a cap. 17. vsq.*  
*ad 30.* Adde, quomodo se Augustus erga ser-  
vos gesserit *apud Suer. Aug. 67.*

Simulacra  
antiquæ  
servitutis.

Præter simulacra autem prisca servitutis, ut  
asscriptitiis glebæ, hominibus propriis, &  
quos Galli manus mortuas vocant; imperfecti  
servos dixeris) apud cultiores gentes, & Chri-  
stianos populos nihil antiquæ servitutis su-  
perest, ut diximus.

Societas  
herilis de-  
scribitur;

Societas ergo herilis nihil est aliud hodie,  
quam societas inequalis inter dominos & famulos,  
ad utilitatem præcipue dominorum, pactione op-  
rarum & mercedis, constituta.

&  
per munia  
domini ac  
serui de-  
claratur.

Debet autem dominus servis 1. alimenta &  
mercedem. 2. defensionem & tutelam. 3. hu-  
manitatem & caritatem: Servus dominum  
1. fidem. 2. obsequium. 3. reverentiam &  
timorem: ita ut obsequio, labores & indu-  
stria; reverentiæ officio, patientia herilis im-  
perii ingenique, contineantur. quæ omnia  
iure



jure diuino & Sobriæ philosophiæ placitis  
comprehendi manifestum est.

*Prudentiæ herilis* munia sunt: seruos bene  
regere; iis operas prudenter & pro cuiusque  
utilitate partiri: disciplina nec laxa, nec ni-  
hil adstricta eos regere: promissa illis præmia  
soluere; necessitates & incommoda eorum  
non negligere; adeoque non metu tantum,  
sed amore herilis imperii illos imbuere.

Pruden-  
tiæ herilis  
summa.

De famulis studiosorum videatur *Limnaeus* Añotatio.  
L. F. VIII, 10, 19. De officio famulorum vniuerse  
scripsit *Gilbertus Cognatus* & *Jo. Dinckelius*.

Vosset hæc tota materia tractari, conductis  
que in antiquitate historica habentur, & po-  
tius examinatis, hoc titulo: *Helotes*. vel: *Pe-*  
*nestia Thessalica*. vide multis *Arist.* 2. *polis*. 7.

## CAP. V.

*De Societate Domestica.*

Dictum est ante ex *Aristotele*, *Domesticam So-* Domus  
*cietatem* seu domum aut familiam con- seu familia  
line ex tribus societatibus primis; *coniugali*, quibus re-  
*eterna*, *herili*: quibus jam expositis, satis bus consti-  
constat, quid sit familia siue domus: ad quam tuatur?  
res minimum personæ, & duæ societates  
recipue, coniugalis & herilis requiruntur.  
Præter hominem autem ad constituendam  
domum etiam res possessa siue possessio requi-  
tur: vnde pecoris mentio (quanquam &  
hui in possessionis parte habiti Antiquis) &  
iusdam quasi domestici instrumenti in illa  
ipsa

ipsa rudi simplicitate, quam describunt Auctores; & à qua ad illam personarum copiam ac varietatem, quam in opulentorum Principum domibus obseruare licet, peruenit. Ut autem integritas domus, sui gradus, sua incrementa habet: ita inter domos aliquas sine vxore, aliquas sine liberis, aliquas sine seruis famulisque, sine promissa possessione nullas: quamuis id jactent monachorum instituta & cœnobiorum ampliora. Scilicet vna domus magis accedit ad perfectionem domesticæ societatis, alia magis inde recedit. Manet interim, quod respectu omnium & personarum & rerum is, qui pater est familiæ, sit vel Maritus, vel Pater, vel Tutor, vel Possessor siue Dominus.

Sub vno  
capite seu  
patrefami-  
lias.

Cuius pru-  
dentia pos-  
sessoria  
summatim  
notatur;

Cuius (Patrisfamilias) quæ sint officia, in superioribus attigimus: nisi quod de prudentia possessoria, atque adeo de jure possessionis seu dominio rerum nihil dictum est. Aristoteles, qui hac occasione (vt supra expressè *ἐν τῇ οὐρανίᾳ* & *ἐν τῇ ἀνθρώπινῳ*, siue rationem acquirendi possidendique non perfunctus, ostendit: hanc scientiam patrisfamilias qui aut habere possessionem, ac necessarium aut parare debet, plurimum inseruire; quantum attinet ad naturales acquirendi modos (quos limitibus indigentiae & necessitatis metitur) & ad eos qui à natura recedunt cupiditatisque & voluptati vt plurimum succumbunt. Atque hic attigit varia venandi genera (ad quam olim latrocinium & milia

etiam referebatur) *Piscationem, Aucupium, Agricultura*: itemque *Cauponationem, Permutationem*, (ne hanc quidem vnius generis) *Mercatoriam, Vsuram*.

Neque sane alienum fuerit, hoc loco: Patrem familias admoneri, vt provide diligenterque familiæ necessaria procuret: vt impensarum modum reddituum modo metiatur: vt omnem rem familiarem ipse norit, suaque cura de aliena industria nunquam satis securus) complectatur: vt non parta tantum tueatur, sed pro re nata, citra auaritiæ studium, sciat rem familiarem augere. Sed quia hæc in ea civilis scientiæ parte, quæ æconomica dicitur, amplius tractantur; [quanquam *Bodinus Aristotelem & Xenophontem* hoc nomine representat 1. *de rep.* 2.] & infra suis locis attingenda erunt, quatenus ratio acquirendi non domui tantum sed etiam reip. inseruit; itaque nunc tantum *de Origine Domini* pauca annotabimus.

11. *Grotius* (II, 2. 2.) in explananda domini origine non semel labitur. 1. enim in historia colligitur, quasi vllum vnquam tempus fuerit, quo lapsum Protoplastorum, quo omnium communio vigeret. 2. neque possibile est talis communio ex magna simplicitate, & eximia caritate. Nihil enim tale post lapsum cogitari posse, experientia docet. 3. Fallunt ergo exempla de Americæ populis, de Istenis, de primis Christianis. Apud quos opinor non defuit dominium & proprietas; sed partim confusa nec bene ordinata domini ratio

Et de origine possessionis siue domini quædam annotantur.

ratio obtinuit: partim imago communionis, non communio (quatenus scilicet proprietas excluditur) observata est. E. g. quam sit absurdus, qui propter ea, quæ familiares in una familia communiter participant, nullum esse in familia dominium inferat? de qua re *Theologi* amplius agunt, cum asceticorum hodiernorum ineptias rident, quando nihil à se possideri, nulla domini jura aut discrimina observari jactant: id quod nimis facile eis credidit *Grotius*. Sicut & hypotheses gentilium (ex *Tac.* 3. *A.* 26, 1. *Virg. Georg.* 1. &c.) falsas, & ex ignorantia primævi temporis natas incaute pro veris arripuit.

De qua re amplius dictum.)

4. Jam quod de antiquorum hominum vita, de cibo sponte nato, de antris loco ædium, de nuditate corporum, de vestitu incondito memorat, si de genere humano accipiuntur, *anæsthesia* mera est; si de paucis barbaris, & incultis gentibus, qualibus nunquam orbis caruit, aut caret, aliena sunt ab argumento quod tractavit: in quo juris rationem habet aut probationem non unius alteriusque populi inconditus mos, sed plurium & cultiorum gentium, i. e. recte utentium ratione, instituta consuetudinem faciunt. 5. Denique quod ait, *Vniuersalis juris vsum, vice proprietatis fuisse, & quod quisq; sic arripuerit, id ei eripere alterum nisi per iniuriam non potuisse*: satis clare proprietatem occupantibus constituit, communionemque omnimodam, & talem, quæ proprietatem excludit, nec fuisse, nec esse potuisse ostendit.

De

(De nuditate Protoplastorum quam dilute loquatur, dictum.)

Quia enim ex primo jure naturæ nihil est meum potius quam tuum, ut vulgo concipitur (& vice versa) hinc fieret, ut omnia essent omnium, nihilque ita unus haberetur, quin alius idem præripere, suo jure scilicet utens, posset: hinc & iniuriæ perpetuæ & rixæ emergerent. Ob eam ergo rem ab initio statim secundum naturam fuit, ut quisque haberet aliquid proprium ac suum, in quod alteri jus non esset. Aliter enim incolumitas sociæ vitæ [vid. quæ contra communionem bonorum Platon. disputat *Bodinus* 1. de rep. 2.] quam natura tuetur, inter continuas lites nulla fuisset. Atque hæc origo Dominiæ, sicut rectæ rationi consentanea est, ita historiæ sacræ profanæque, primisque rerum originibus congruit.

(Dictum, quomodo distinctio dominiorum sit Juris Divini.)

Quatenus autem *Domus est societas ex herili & nuptiali potissimum composita* (quanquam & patria accedat ad integritatem) sub unius capitis quasi regio imperio, quotidiani usus causa, instituta, rebusq; necessariis sc. ad quotidianum illum usum *structa*: non differt familia à domo, sed plane idem significat; siue de maioribus Principum, siue de minoribus privatorum familiis sermo sit.

Alia est significatio *Familia*, de qua *Sextus Pompeius* ait: ita vocari privatum hominum aucorum cætum, qui liberis hominibus consistet,

Familia & domus  
quatenus  
idem:

*Aristot.* 1.  
*polit.* 1.

Aliter quo  
modo fa-  
milia vsur-  
petur.

*vid.* 1. 195.  
§. 1. D. de  
V. S.

stet, quorum dux & princeps generis Patres  
vel Mater familiæ vocari consueverit. Si  
excluduntur serui & famuli.

Atque ita hodie fere loquimur de Principum  
familiiis, & aliorum, quatenus ex vno stirpe  
progrediuntur. Et quando quidem vni  
viuunt, atque ab vno illo originis Principe  
reguntur, familia manet arctius sic dicta, & a  
Genere siue Gente distinguitur. Gens enim eadem  
Sexto Pompeio auctore pluribus familiis  
constat: quando scilicet multitudo hominum  
ex vna stirpe in plures familias propagatur:  
sæpe tamen Familiam pro Gente usurpari  
videas.

Pacta illustrium  
familiarum.

Habent autem illustres familiæ quædam  
inter se pacta, varia in variis gentibus, circa  
successiones præsertim: sic pacto confraternitatis,  
quod vocant, inter illustres quædam  
Germaniæ familias conuenit, vt altera stirps  
extincta, ad alteram ditiones illius & bonis  
perueniant. vid. *Limn. I. P. lib. 4. cap. 8. Sinoldi  
Schütz. Colleg. I. P. tom. 1. disp. 6. th. 29.* vniuersi  
de pactis illustrium familiarum nobilem tractatum  
edidit *Bersius*.

Pagus seu  
colonia  
domus.  
*Pol. I, 1.*

A Domo ita progreditur *Aristoteles* ad  
Civitatem, vt *Pagum* seu *Vicum* interponat, & ex  
pluribus familiis componat: hac quoque differ-  
entia adiecta, quod *domus* sit οἰκονομία eis  
οἰσιν ἡμέρην οἰκιστικῶς societas quotidianum  
vsum instituta; *Pagus* autem (κωμη) ἡμερῶν  
ἐννεκεν μὴ ἐφ' ἡμέρας vsus non quotidiani gratia.

Latini Scriptores *pagum* modo pro ciuitate  
& gente, modo pro regione, item pro parte regio-

nis, prouincia seu vicinitate accipiunt. Distinguntur & vrbes ciuitatesque *vicatim*: sed ibi de vrbe constituta vox exauditur: hic rudimenta ciuitatis constituenda: per gradus definiuntur.

In Iute Romano *Vici* non vnus generis sunt, sicut ex *Codicis Theodosiani constitutionibus de Patrociniis vicorum*, & *Libanij oratione de Patrociniis* intelligitur. Vel enim ad vnum dominum spectabant, e. g. virum illustrem; qui *Minores Vici* possunt appellari; si cum iis comparentur, qui plurium dominorum erant, *Vici Maiores*, qui & *Metrocomia* dicuntur; *Vici Principes*, *Vici publici*. (vid. *Jacob. Gothofr. ad orat. Liban. nota.*)

## CAP. VI.

De

*Ciuitate.*

**P**Eruenimus jam à primis illis societatibus, unde domus construebatur, per coloniam domus, ad *Ciuitatem*, quam prius intendit natura, secundum *Aristotelem*: licet posterius producat; sicut totum natura prius censetur suis partibus, licet non nisi partibus constitutis totum conficiatur. Transitus ad Ciuitatem. Pol. I, 2.

Et *Ciuitatis* quidem vocabulo varie vtuntur. Potissimum tamen, vel totam gentem seu populum, scilicet ciuili vinculo seu juris communione coherentem notat (sicut dicimus, ciuitas Helueticorum &c.) vel vrbes certæ patio comprehensam ciuium multitudinem: vel jus ciuitatis: vel denique jure ciuitatis

E

ynius

vnus seu Reip. vnus fruenter, citra respectum loci aut domicilii, aut nationis.

Descriptio  
ap. veteres  
varia.  
de Rep. I.

de Rep. III.

cap. 3.

de Ciu. Dei  
I, 15.

Cicero notanter: *omnis populus, qui est cœtus talis multitudinis, qualem exposui, ciuitas est: & vnus ciuitas, quæ est constitutio populi, respubl.* Qualem autem multitudinem intelligat, alibi exposuit: *Populus est non omnis cœtus multitudinis, sed cœtus iuris consensu & vtilitatis communione sociatus.* Præcesserat autem: *Respubl. est res populi, populus autem &c.* Congruit locus alter in Somnio Scipionis: *Concilia, cœtusq; hominum iure sociati, quæ ciuitates appellantur.* Hanc societatem seu concordiam iuris & vtilitatis vinculo colligatam intellexit Augustinus, cum aliud ciuitatem non esse ait, quam concordem hominum multitudinem. Et lib. 15. cap. 8. *Ciuitas nihil aliud est, quam hominum multitudo aliquo societatis vinculo colligata.* Hæc est, inquam, illa concordia, quam Cicero harmoniæ vōcabulō interpretatur. In Platoniciis definitionibus πῆλις seu ciuitas describitur *δικησις πῆλιν ἀνθρώπων κεινῶς δίκυμασι χρωμένων habitatio multitudinis hominum communi iure seu communibus decretis vtentium: siue πῆλιν ἀνθρώπων ὑπὸ νόμον τὸ αὐτὸν ὄντων multitudo hominum, qui sub vna lege sunt.* πολιτεία autem seu Respublica describitur *κεινωσία πῆλιν ἀνθρώπων, αὐτάρκης πρὸς ὁδὸν αἰμονίας communio multitudinis hominum, sibi sufficiens ad felicitatem: seu κεινωσία πῆλιν ἐννομία communio seu societas multitudinis lege descri-*

Ad descri-  
ptiones il-  
las anno-  
tatio.

Ita fere veteres plerique, modo, vt apparet, concisus & simplicius, modo plenius de ciui-



Ciuitate & Rep. loquuntur. Quorum descriptiones scholasticis contentionibus velliscandas non putamus: propter legem disciplinæ politicæ ab initio à nobis commendatam. adde loc. Gell. I, 25.

Patet autem ex his, distinguì quidem *Ciuitatem* & *Reip.* πόλιν & πολιτείαν, vt *ciuitas* ipsum cœtum juris fruendi caussa sociatum, *respubl.* illius cœtus ordinem legibus descriptum notet: quæ in scholis materiæ & formæ vocabulis distinguuntur. Illud interim certum manet, vix vnquam de ciuitate sermonem suscipi, quin de toto cogitetur, neque de populo tantum, sed populi ciuili constitutione simul agatur. Consideretur ipsius Aristotelis exemplum, qui ciuem, vt mox dicetur, magistratus & iudiciorum participatione descripsit: id est nominibus *Reipubl.* debitis. Quæ res satis ostendit, non satis prudenter ciuilia præcepta tractare, qui in examinandis aliorum descriptionibus ita versantur, vt tandem non possint non incidere in id, quod in aliis reprehendunt.

Cæterum non abludivit à dictis *Aristoteles*: Aristotelis cui *ciuitas* modo definitur δικιων πληθος & χωρος & κλημάτων αυταρκες πρὸς τὸ εὖ ζῆν. *familiarum seu domuum tum regionis & possessionum seu opum copia per se sufficiens ad bene viuendum.* modo ἡ ἐκ πλείονων χωρῶν κεινωνία τέλει, ἥδη πείσεως ἔχουσα πρὸς τὴν αὐτάρκειαν, ὡς ἐπὶ εἰσέτη νομένη μὲν ἐν τῷ ζῆν ἐρεκεν, εἶσα ἢ τὸ εὖ ζῆν. *comunitas è pluribus vicis perfecta, quæ jam ad culmen abundantia rerum necessariarum euecta, se ipsa*

Aristotelis  
cæ descri-  
ptiones.  
Oecon. I, 2.

Pol. I, 2.

contenta esse potest: instituta quidem viuendi causa, sed existens tamen bene viuendi ergo. modo,

Pol. III, 1. πολίων πλῆθος ἰκανὸν τοῖς αὐτάρκειαν ζωῆς, ὡς αὐτοὺς εἰσέν. Cuius multitudinis, cui ad necessarios vitae usus nihil desit, summam loquendo. conferenda est duplex descriptio ciuitatis lib. 7. polit. 8.

(Dictum, cur plures ex Aristotele descriptiones alatae.)

Causae efficientes  
ciuitatem.

De origine autem ciuitatis seu ciuilis societatis capite primo satis actum est. A natura enim, adeoque à Deo principia rei inter homines pulcherrimae deduximus. Quod, sicut Theologia abunde interpretatur, ita ne gentilis quidem Philosophia dubitauit. Celebris est locus Cic. in Somnio Scipionis cap. 3. Nihil est illi Principi Deo, qui omnem hunc mundum regit, quod quidem in terris fiat, acceptius, quam concilia cætusq; hominum, iure sociari, quæ ciuitates appellantur. Adde Contzen. 1. polit. 5. & seqq.

Vt vero consociatio ista compositè feliciterque fiat, Politici opus est, siue Oratorem, siue Legislatorem, siue Philosophum & Sapientem, quæ nomina Auctores huic negotio subinde accommodant, appellare libeat. Politicæ prudentiæ esse, non tantum bene administrare ciuitatem, sed bene constituere, Oecon. lib. 1. c. 1. Aristoteles dixit: & lib. 3. polit. c. 1. ὃ ἡ πολιτικὴ καὶ ἡ νομοθετικὴ πᾶσι τοῖς ἀρχαῖς καὶ πραγματείαν ἔσται περὶ πόλιν. Omnem operam Politici & Legislatoris videmus circa ciuitatem occupari. sc. non minus constituendam, quàm constitutam. Apud Cic. 1. de oratore 19. cum Menædemus diceret, esse, quan-

quandam prudentiam quæ versaretur in perspicendis rationibus constituendarum & regendarum rerum publicarum: Carneades omnes partes illius ipsius prudentiæ petendas esse à philosophiâ docebat: neq; ea quæ statuerentur in rep. de diis immortalibus, de disciplina iuventutis, de iustitia, de patientia, de temperantia, de modo rerum omnium, ceteraq; sine quibus ciuitates aut esse, aut bene moratæ esse non possent, alibi inueniri, scilicet, tanquam in propria sede. Inter Heroica opera, & beneficia, quorum vsus in genus humanum redundat, ciuitates constitutæ passim memorantur.

Constat autem Ciuitas ex Ciuibus, de quorum descriptione *Aristoteles* prolixè disputat 3. *pol.* 1. & 2. Neque tamen ita defungitur hoc officio, vt nihil difficultatis relinquat. Illud certum est, Ciuem definiendum esse communiõne juris, quo ciuitas vtitur. Illud ius non beneficia tantum, sed & onera comprehendit: quæ utilitatis nomen & rationem induant, quando ad societatis ciuilis seu consociationis finem referuntur: Porro, neque hoc neq; illud genus juris, quod ciuem facit, cogitari aut intelligi potest, citra respectum legis, quæ ciuitatem describit ac continet. sicut in corpore humano, nullum membrum, vel officiũ vel beneficium in toto sibi assignatum obire ac adipisci potest, nisi anima & spiritu efficiatur, vt sit, quod esse debet. Itaque licet *Subditus* à *Ciue* distingui possit (vid. *Arnif. relect. polit. lib. I. cap. 5. sect. 5. §. 4.*) non insectandi tamen sunt, qui in definiendo ciue legis ac imperii mentionem faciunt, adeoque ordinis il-

Materia  
Ciuitatis,  
Ciues;

quorum  
definitio  
indagatur;

lius, quā ciuitatis corpori pro anima est. non enim statim sequitur, toties variandam descriptionem ciuis, quoties forma ciuitatis variatur. Quanquam id ad mentem *Aristotelis* nihil esset absurdum. Qui certe *Ciuem*, ut ipse fatetur, non alium, quam *popularis reip.* definiuit, *participatione magistratuum & iudiciorum*: adeoque exemplum potius ciuis, si dicendum quod res est, quam definitionem posuit. Fuit enim aliquid adferendum, quo omnes omnino ciues definirentur: quod non potest esse aliud, quam *participatio iuris in ea ciuitate, cuius ciuis est aliquis: siue illa populari, siue regali, siue alio imperio contineatur: juxta cuiusq; ciuitatis descriptionem & formulam seu legem, qua constituitur, quaq; ciuibz sua jura definiuntur.*

Varietas

ostenditur.

Ceterum, quia illa formula in ciuitatibus singulis, & olim & hodie, varia fuit: id melius jam ab *Aristotele* monitum est, ciuem secundum *magis & minus* dici: neque ad omnes in vna ciuitate aequaliter omnia, multo minus ad omnes diuersae ciuitatis, accommodari posse, quae de singulis ciuium iuribus dicuntur. de quibus scilicet alii plura, alii pauciora, tum minora, omnes tamen aliqua, & praesertim quantum ad imperium attinet ciuitatis, (quod qui non agnoscit, ciuis non est) participant.

Ita *Aristoteles*, *pueros & seruos emeritos*, seu ciuilibus muneribus jam solutos, *imperfectos Ciuēs* vocat: de *exulibus* quoque & *ignominia notatis* quaestionem mouet. Cuius generis plura collegit *Bodin* de *Rep.* l. 6.

Añi

Alii *Romanæ Ciuitatis* maxime exemplo Exemplo  
Romanæ  
Ciuitatis.  
vtuntur: vbi plenum, ius Ciuitatis, ejus scilicet, qui optimo jure ciuis esset, definiebatur, *domicilio, tribu, honorum comunione seu petendorum honorum facultate.* Alia *Municipiorum* jura; alia *Coloniarum*: alia *Latinitatis*: alia *Provinciarum*; alia *Præfecturarum.* de quibus præcipuus est, qui egit *Carolus Sigonius* in nobili opere, de *antiquo jure ciuium Romanorum, & adiunctis opusculis.* De *libertis & libertinis* disputat *Arniseus relect. polit. lib. 1. c. 5. sect. 9. §. 14. & seqq.* Hanc varietatem ciuium respiciens *Bodinius* non præter rem affirmat: *nusquam gentium vl-* de Rep. I.  
*lam esse aut antea fuisse ciuitatem seu Remp. quantumuis popularem, seu veram, seu hominum opinionem fictam, in qua ciues omnes omnino jure ciuitatis exæquarentur.*

(Dictum, quomodo accipiendum, cum omnes ciues æqualitate juris apud Auctores describuntur.)

Sicut ex diuerso verissimum manet, nulum dari aut fingi posse ciuem, qui non jurebus suæ ciuitatis (secundum magis & minus) gaudeat atque obligetur. Nam quantum ad *Honorarios ciues* attinet, illi nomine non re tales sunt.

Simul etiam apparet, cur, proprie loquendo, *An Ciuis*  
*nemo possit duarum ciuitatum* ciuis esse, de qua re aliquis  
prolixè *Arniseus relect. polit. lib. 1. c. 5. sect. 7. nota.* *duarum*  
si nimirum loquamur de Ciue pleno, & accurate sic dicto: Deinde, nisi inter fœderatos, *ciuitatum*  
socios, amicos, aliosue populos aliter lege possit esse?  
statutum sit. Ita: *Duarum ciuitatum ciuis esse*  
*Romano jure ciuili nemo potest* (inquit *Cicero pro*

Balbo c. 11.) non esse huius ciuitatis (addit) ciuis, quæ se alij dicarit, potest. confer eundem pro Cæcina 34. Apud alios concessum erat. Itaq; (ait iterum Cicero pro Balbo c. 12.) in Græcis ciuitatibus videmus, Athenis Rhodios, Lacedæmonios, ceteros vndiq; adscribi, multarumq; esse eosdem homines ciuitatum. Hoc more utebantur iidem Athenienses, cum Atticum ciuem facere studerent (apud Cornel. Nepot. Attic. c. 3.) quo tamen beneficio ille vri noluit, satis scilicet peritus Romani juris, gnarusque amitti ciuitatem Romanam alia ascita. Peritus enim (inquit Cicero pro Balbo 12.) nostri juris ac moris nemo vnquam, qui hanc ciuitatem retinere vellet, in aliam ciuitatem se dicauit. Scilicet Romani utebantur hac ratione, sicut iterum docemur à Cicerone: Dissimilitudo enim ciuitatum varietatem juris habeat necesse est.

## Cap. XIII.

(Declarata est hæc ratio ex descriptionibus ciuitatis ante allatis: quas non infirmant, quæ à nonnullis disputantur apud Arnisa, rel. pol. lib. 1. c. 5. sect. 3. §. 4.)

Fœderati autem populi, præsertim fœdere inæquali, facile patiebantur suos ciues Romana ciuitate donari, nisi fœdere id exceptum esset. de qualibus exemplis Cicero consulendus oratione pro Balbo c. 14. At Romani maiestatis suæ custodiendæ studio nolebant suis ciuib; alibi quam domi beneficiorum querendorum occasionem esse, cum præsertim munus Romanæ ciuitatis inter amplissima & vtilissima nomina cuperent præcellere (digna sunt legi, quæ in selectis antiquitatibus annotauit Brissotius I, 13.) dareque beneficia, quam accipere magnificentius ducerent.

Fiunt

Fiant autem ciues, non *loco* aut *domicilio*: Quibus potest enim fieri, vt ciuis huius ciuitatis sit, <sup>modis ciuitas obti-</sup> qui alibi habitat; aut, vt ciuis non sit, qui in <sup>neatur;</sup> hac ciuitate habitat, qui *inquilinus* dicitur; itemque serui, qui in ciuitate sunt, ciues tamen non erant: aut, vt versetur quidem ad tempus in ciuitate, *domicilium* tamen non habens, vt peregrini: *neq; communione fori aut cuiuscunq; iuris*: potest enim aliquid tale ex pacto inter fœderatos fieri, vt *Aristoteles* recte monet: sed 1. *natiuitate*. 2. olim etiam *Polit. III, 1.* *manumissione*. 3. *coopratione in ciuitatem*, seu *donatione ciuitatis*. Nam *adoptionis* in hanc rem vsus euauit.

In *natiuitate* quidem alicubi yterque parentum ciuis requirebatur: sed hodie vbique *parris* conditionem sequuntur liberi legitimi.

In *manumissione*, quæ sit libertorum seu potius fuerit conditio, iuris ciuilibis interpretes tractant, & *Arniseus loco precedenti pagina laudato*.

In *allectione*, & *donatione ciuitatis*, quæ prudentia locum habeat, nemo melius exposuerit *Cicerone orat. pro Balbo c. 13.* & *Claudio Imperatore apud Tacitum II. A. 24.* Tangit etiam *Mæcenæ in oratione sua apud Dionem lib. 52.* Adhibenda tamen moderatio, quam in *Augusto laudat Suetonius Aug. 40.* ne fiat, quod metuit *Aristoteles 5. polit. 3.*

(Explicatus ille locus est.)

*Claudii autem speciosam orationem facti in-temperantia dedecuisse visa est, notante Sa-*

*tyra* (Sen. in *δοτικηλοκωσιωσι*) Pertinet huc disceptatio de causis belli socialis ap. *Vellei.* 2, 15.

Sicut autem peregrinos à ciuibus differre manifestum est; ita viurpantes ciuitatem, siue gerentes se pro ciuibus, qui non sunt ciues, grauitèr coërcitos constat. Ille ipse peregrinorum cooptator *Claudius Ciuitatem Romanam vsurpantes securi percussit.* apud *Sueton.* Cl. 25. Idem *peregrinæ conditionis homines vetuit vsurpare Romana nomina, duntaxat gentilitia.* Moris enim fuit (vt illa *Suetonij* verba *Asconius Pedianus* in *proem. in Verr.* nobis interpretetur) vt cum aliquis ciuis Romanus ostendendus esset, significaretur aut à prænominè suo, aut à cognominè, aut à cognatione, aut à tribu, in qua censeretur, aut à curia, aut à censu, vt si erat *Senator Equesue Romanus.* Habitòs præterea peregrinos subinde deteriore conditione, quam ciues, nihil mirum est. sed quod Romæ difficili annonæ remedio plane expulsi sunt vrbe ab *Augusto* (*Sueton. Aug.* 42.) durius est, notante etiam *Ambrosio* in *officiis*: quod testamenti faciendi licentia illis denegata est, itidem merito apud cultiores populos exoleuit, laudante *Grosio* de *I. B.* II, 6, 14. nisi quod *Turca*, & qui ad eam barbariem propius accedunt, fiscum vnicum peregrinorum heredem faciunt; perinde vt in *Gallia*, fatente *Bodino* I. de *rep.* 6. in qua tamen peregrinis hoc datum ait, vt si extra *Galliam* moriantur, testamentum condere ac filios in *Gallia* susceptos ab vxore, quæ modo ciuis sit, heredes scribere possint: quod *C. Papii* tribuni plebis lege plane prohibiti sunt vrbe (vid, *Dion. lib.* 37. & *Anton.*



*Anron. Augustin. de legib. & Scis*) merito iudicat male factum *Cicero 3. de offic.*

(Plura de peregrinis vid. *apud Bodin. l. c.*)

Veniendum est ad *jus mutandæ ciuitatis*: de quo quibus vel vniuersæ quæritur; vel cuiusque ciuitatis modis mutatur. lege definitur. Prioris generis est quæstio; an ciuibus de ciuitate abscedere liceat venia non impetrata? non indiligenter tractata *Grotio de I. B. II, 5, 24.* Huic affine est: quid in eum, qui inuita ciuitate abest, liceat? de quo prolixè *Arniseus rel. polit. lib. 1. cap. 5. sect. 8. add. Bodin. 1, 6.*

De Romano jure diligenter agit *Cicero oratione pro Balbo*; quæ, non præter rationem, nobis in hoc argumento sæpius laudanda est. Primum illud ponit, juris esse Romani, ne quis inuitus ciuitate mutetur; neue in ciuitate maneat inuitus. hæc enim esse firmissima fundamenta libertatis ciuium, sui quemq; juris & retinendi, & dimittendi esse dominum. (*cap. 11. & 13.*) Deinde *jus mutandæ ciuitatis* definit i. exilio (non simpliciter, sed tum deniq; cum is, qui profugit, receptus est in exilium. h. e. in aliam ciuitatem, sicut ipse *Cicero* alibi explicat *orat. pro Cæcin. 34.*) 2. postliminio (*v. Grot. de I. B. III, 9, 3.*) 3. reiectione ciuitatis. Ita habet oratio *pro Balbo c. 12.* de deditis nec receptis vid. *Cic. orat. pro Cæcin. c. 33. & 34. & Grotius de I. B. II, 21, 4.* sed ista, quibus legibus apud singulas ciuitates definiantur, ex historia colligendum est, eo fere instituto, quod *Bodin* tum hoc in argumento, tum alias, non indiligenter tenet.

Dictum est, qua re incipiat, aut desinat esse Ciuis. Adiciendum erat de diuersis Ciuium ordi-

*ordinibus*, quatenus gradu & officio, seu dignitate conditionis & utilitate operis distinguuntur, sed quia Finis Ciuitatis ista discrimina parit: de eo prius agendum. Erit enim locus, cum, natura ciuitatis perspecta, paulatim ad singula deuenietur, sine quibus ciuitates esse non possunt.

Forma Ciuitatis :  
resp. stricte  
sic dicta,  
seu ordo  
imperandi  
parendi-  
que;  
*Polit. III, 4.*

Nunc de *Forma Ciuitatis* explicandum est. Quæ non alia est, quam *Resp.* specialiter sic dicta; seu *ordo imperandi parendiq;* seu concisius, *imperium*. Græcæ *Aristoteles πολιτεία* vocat, describitque *ordinem ciuitatis circa magistratuum potestatem*. eo, quod summa potestas vicaria magistratuum potestate pleraque administret. Vt ut autem magistratuum auctoritas in oculos abunde incurrat, non aliunde tamen administratio ciuitatis adeoque *Resp.* æstimari debet quam à summa potestate : quam τὸ κυριον *Philosophus* vocat.

hic merito  
considerari  
debet,

Satis scio, Aristotelica ciuitatis definitione formam non contineri: sed seorsum eam considerari. sed quia nec finis ille, quem ciuitati dedit, sine Rep. vllō modo obtineri: neque adeo ciuitas sine hac sua anima bene concipi potest: itaque jam ante dixi, ciuitatem ordinatam, id est, totam, à nobis hic spectari. cuius definitio postea subiicietur.

In primis autem operæ pretium fuerit reip. seu illius ordinis, qui ciuitatem animat, adeoque imperii primordia paulo diligentius speculari.

origo im-  
perii alti-  
us repeti-  
ta.

Monuimus supra, si ex primo quodam jure nullum dominium, nulla proprietas sit, siue,

siue, si nihil Tuum potius quam Meum sit, & vice versa, sed quilibet in omnia sibi jus esse prætendat, futuram fuisse vitam ferinam potius quam humanam, & quasi perpetuo bello, inter contentiones & rixas, infestam confusamque. Quod quia rationi naturali aduersatur, quæ ad societatem ducit, adeoque ad concordiam pacemque, sine qua societas nulla est: necesse fuit, vt societas constitueretur, vnumquemque de jure illo suo, quod hypotheseos rerum communium modo prætendebat, cedere, donec dominiorum juriūque distinctio emergeret. quam ad rem opus erat consensu seu conspiratione singulorum. Hactenus supra explicauimus ex mente ethnicorum. nunc pergendum est. Finge ergo, omnes consensisse, se velle naturæ leges ad colendam societatem conseruare; finge, pactum quoq; in eam rem factum esse: nondum securitati singulorum, aut firmitati concordie ciuilis consultum est, quamdiu nihil est, quod violatores naturæ & pacti vindicet ac vi coërceat. Vt enim iustitia fiat à singulis, legesq; naturæ sponte obseruentur, nemo suspicari potest, qui deprauatam hominum naturam intelligit. Opus ergo fuit vi cogente seu potestate coërcente, in qua resideret publica & communis iustitia, tanquam custos & vindex juris cuiusque singulorum: cui se propterea singulos subiecisse apparet, vt societatis maiore ac communi bono, & suo quisq; jure perfruerentur; viuerentque adeo & securius & affluentius: libertatemque illam ferinam tot periculis obnoxiam

noxiam ac prorsus infociabilem, cum vera libertate, quæ sine potestate cogente seu imperio esse nequit, commutarent. itaque multitudinis potestati, singulos, qui in societatem coiuerunt, siue corporis arbitrio partes se subiecisse consentaneum est. *Habent enim omnes consociationes* (vt recte *Grotius de I.B. II, §. 17.*) *hoc commune, quod in iis rebus, ob quas consociatio quæq; instituta est, vniuersitas, & eius pars maior nomine vniuersitatis, obligat singulos, qui sunt in societate.* Ab hoc jure maioris partis (de quo non tantum hoc loc. *Grotius*, sed etiam in *Apologetico suo* eleganter egit) omnis imperandi parendique ratio profluxit. sed, quia non omnibus satis commodum visum fuerit, ad aliquod negotium expediendum aut discernendum, totam multitudinem congregari, & vel singillatim, vel per tribus sententiam dicere: igitur fieri potuit, & factum esse apparet, vt ipsa multitudo hanc suam potestatem vel vni, vel paucis traderet iisque obedi-  
ret. Sicut autem antea, qui se cœtui aggregauerant, in se ac sua potestatem, quatenus societatis conseruatio & commune bonum postularet, vniuersitati seu maiori parti resignasse intelligendi sunt: ita, qui homini vel hominibus ex causâ dicta se subiecerunt, aut expresse promisisse, aut ex natura negotii tacite se obligasse putari debent, secuturos se id quod hi, quibus delata potestas est, statuis-  
sent. Ita societas, ac in societate imperium constitui cœpit, interdum eo appetitu naturali beatoris vitæ, de quo dictum est: interdum

vi ad dolo potestatem in corpus ciuitatis vnus aut plures arripuere. Quem modum (violentum scilicet) *Bodinus* cum aliis nonnullis, vt solum, non recte agnoscit. Sola enim non sunt, quæ frequentia, non tamen perpetua sunt.

(Dictum de *Thoma Hobbes*, (qui elementa de ciue scripsit.) It. quomodo hoc genus Philosophandi ex Theologia perficiendum & emendandum sit.)

Ad hunc modum igitur constituta ciuitate, Imperium tanquam potentia actiua in aliquid agat, necesse est: nempe in eos, qui parent, seu quibus obsequii gloria & utilitas & necessitas, ex ipsa socialis necessitudinis, quomodocunque constitutæ, natura conuenit. Hinc nata apud iuniores *subditorum* appellatio, qui *imperantibus* responderent. Veteres enim *Ciuis* voce contenti erant: eaque modo latius, vt Imperantes Parentesque comprehenderet; modo adstrictius de parendi conditione utebantur: idque ex appositis aut orationis serie volebant intelligi.

Imperantium & parentium necessitudo.

Imperium quoque siue summam potestatem cœperunt *Maiestatis* vocabulo insignire, Maieestas, quod priscis dignitatem fere notabat frequentius, quam potestatem. Hinc *iura Maiestatis*, quæ veteribus *iura imperij*: sicut postea amplius declarabitur.

Cum autem *Aristoteles* monuit, ordinem non vno Ciuitatis respectu magistratuum, sed præsertim modo hæ respectu summæ potestatis, definiri oportere: nihil betur & dispensatur; potius voluisse putandus est, quam summa potesta-

quid de  
subdito-  
rum diffe-  
rentia, qua  
ralium,  
sentien-  
dum :

potestate, accurate & proprie loquendo, remp. describi; sed illius actionem non vno modo, veluti Spiritum, in corpus ciuitatis dispensari: plerumq; autem magistratuum opera indigere, qui vices summæ potestatis referant. è quibus magistratibus, si qui ipsa summæ potestatis iura participant, non jam proprie magistratus sunt (nisi quod Græca vox ἀρχὴ latius valere potest, quàm Latina) sed imperantes seu imperii & maiestatis socii. Quæ de re infra latius erit dicendum. Igitur illa distinctio subditorum in *priuatos tantum*, & *non tantum priuatos*, vulgaris est, non accurata: nam consules, prætores, &c. (his enim exemplis subditos *non ut tantum priuatos* describunt) magistratus, adeoque priuati sunt: respectu summæ potestatis, cuius vnus intuitu accurate agendo & *subditus & priuatus* intelligitur. Forte, nec *mediati ac immediati subditi* in vna ciuitate, nisi populariter loquamur, designari debent. qui enim magistratui paret, non magistratus, sed imperantis imperium in magistratu reueretur. Nam quæ exempla de Imperio Romano-Germanico afferuntur, quomodo explicanda sint, suo loco dicitur. Qui *spon te subditos à coacte subditis* distinguunt, nihil dicunt, quod ad subditos, quæ tales, attineat. Multo minus *nobilitas & ignobilitas*, in subdito, quæ tali, discrimen constituunt. Jam *peregrini*, & *incola*, quamdiu in ciuitate morantur, naturaliter plane eodem modo *subditi* sunt quo indigenæ, licet non eodem modo *ciues* sint: si cum recentioribus illa distinctione vtendum iudicamus.

Sim

Sin *ciuis* vno vocabulo rem expedire placet, æque illi ciuili imperio obligantur (quamdiu in ciuitate agunt) non æque ciuili beneficio fruuntur. Dico, *naturaliter*: nam instituta & pacta varie rem possunt immutare. Meliori ratione nituntur, quæ de *ciuibus non plenis* (e.g. vbi respectu bonorum tantummodo huius ciuitatis ciuis alteri obligatur) & de *Vasallis* adferuntur. sunt enim *Vasalli*, qui perfecte simul subditi sunt: alii, non item. Denique quod de ciuium varietate supra dictum est, id quodammodo de subditis etiam dici potest: quorum alii astrictius parent; alii laxius & maiore libertatis vmbra reguntur: *pro formula imperij ac regiminis*. sicut suo loco amplius declarabitur: eademque opera id, quod in *maiestate ac imperio diuinum est*, è Theologia designabitur: *ciuiumq; ac subditorum officia* proponentur.

Sequitur *Finis Ciuitatis*, quem *Aristoteles* exprimit, cum ciuitates demonstrat constitutas esse *bene viuendi causa*; quamquam hîc propositum vitæ socialis ac ciuilis non consistat, sed beatam præsertim vitam spectet. *Ἠδαιμονίαν, Ἠωρεσίαν, Ἠωεργίαν*, seu *Felicitatem* vocat idem *Philosophus*. Sicut enim & domum & vicum vsus cuiusdam tum quotidiani, tum vltioris gratia constituit: ita ciuitas talem vsum ciuibus promittit, qui ad beate commodeque viuendum sufficiat, seu ad beatam in ciuitate vitam perficiendam pertineat. Felicitatem autem illam, qui recte ad mentem *Aristotelis* cupiet cognoscere, ei ante omnia ad *Ethica*

Finis ciuitatis beata vita:  
3. *polis*. 4.

eiusdem redeundum est: vbi non priuatum hominem, vt multi putant, sed ad ciuitatem instruxit; felicitatemque non aliam, quam quæ vniuersitati ciuium non minus conueniret, quam singulis, tractauit. Hinc est, quod toties in *Politicis* repetit, ciuitatem & singulos, eodem modo felicitate, & eadem vti potiri que. videantur notabilia loca 3. *polit.* 4. 4. *polit.* 11. 7. *polit.* 2. & 3. & 13. Hinc est etiam, quod felicitas ciuitatis non minus honestate, quam vsu & commoditate siue sufficientia rerum necessariarum definitur à philosopho æstimaturque.

quem Plato  
ex ciui-  
tatis origi-  
ne comple-  
mento-  
que dedu-  
cit osten-  
ditque.

Hic finis ergo obtineri non posse intelligitur, nisi & personæ & res ad ciuitatem constituendam atque administrandam se recte habeant. Quo factum est, vt hanc (notandum de methodo sermonem esse, non de materia totius tractationis) methodum *Plato* sibi proposuerit obseruandam, quæ non potest non laudari. Primo enim, quibus & qualibus personis opus sit; deinde, quibus copiis rerum; denique, quo in rerum hominumque communione ordine; qua dispositione ac lege ad necessitates & vtilitates vitæ socialis explendas, id est, ad bene beateque viuendum. Ostendit nimirum, in præcipuo & maxime necessario vsu poni debere victus seu alimentorum comparisonem, sine quibus ne viui quidem potest: deinde, locum & habitationem requirit: tertio loco, vestitum & alia necessaria eius generis constituit. ad has parandas res, artificis & opificiis, seu artifici-

bus



bus & opificibus opus est, tum foris (quo mercatores pertinent) tum domi: ut agat unusquisque, ad quæ natura aptior est ac propensior. neque unus ad multa, sed potius ad certum genus operum applicet animum; omniaque ad Reip. totiusque ciuitatis vsum conferat: cui rei forum & nummus inseruiunt, beneque ordinata in vendendo emendoque commerciorum ratio. neque enim quidquam feliciter institui gerique potest sine bona dispositione ac ordine: quem iustitia præscriptis legibus describit, seu maiestas legislatrix constituit. Hæc fere *Plato lib. II. de rep.* consentanea iis, quæ alibi tradunt, tum ipse, tum alii veterum.

Nam & ex Aristotelis mente felicitas ciuitatis, seu beata vita, ut ante dictum est, honestate & commoditate viuendi definitur: Ita ut commoditas seu utilitas ciuitatis, personarum, rerum, actionum, eam requirat copiam, quæ sibi ipsa sufficiat, vitæque necessitatibus & opportunitatibus satisfaciat; honestas autem agendi vtendique per omnia normam adhibeat, beatæque vitæ modum virtutis regula metiatur. Consequitur hæc ciuitas, præsertim imperii & Reip. auspicio: sine quo confusio rerum hominumque, & actionum, non beatam reddit societatem ciuilem, sed infelicem planeque dissociabilem. Græcorum mentem diserte expressit Cicero, quando imperantes iubet ad verum Ciuitatis finem respicere, qui est, *beata ciuium vita, ut opibus firma,*

Constat illi  
le commoditate &  
honestate viuendi.

*Epist. ad Attic. lib. 3. ep. 11.*

*copiis locuples, gloria ampla, virtute honesta sit,*

sive *ut beata & honesta ciuitas sit*, sicut breuius effert.

*Lips. 1. polit. 1. Da-  
naus polit. 1.2. cap. 5.  
nisi quod  
nonnun-  
quam ab-  
erratur.*

(Vnde intelligi datur, quid sentiendum de illa quaestione; *An ciuis bonus & vir bonus disse- rant?* de qua *Arist. 3. polit. c. 3.* melius tamen infra definietur.)

Atque hic quidem finis omni ciuitati propositus esse debet. Sed sicut in singulis hominibus fit, ut felicitatem suam errore sapius quam veritate aestiment; & alii quidem voluptuarij ἀπολαυστικῶς in voluptate corporis; alii in diuitiis (genus sc. *quaestuarium χρηματιστικόν*,) alii, in honoribus (qui *ciuiles πολυλῳγῶς* haberi volunt) tanquam in supremo fine acquiescant. nam genus *θεωρητικόν*, cur minus in considerationem veniat, apparet: (*Aristor. Eth. Nicom. 1, 5.*) Ita multae ciuitates, vel ab initio statim, vel postea aberrant aut degenerant à vera felicitate, eamque in opibus, in honore & gloria, in voluptatum affluentia tantum quaerunt. Fit illud, tum singulorum vicio ciuium, tum praesertim forma ciuitatis non legitime constituta, aut in prauum demutata. Imo quamuis *perfectissima* ciuitas communem omnium felicitatem intendat: multae sunt ciuitates, quae tantum ad imperantis commodum referuntur. videndum ergo, ne cum *Althusio* hoc principio quis abutatur. Vnde *Aristoteles* Reip. nomen non de laudabili modo forma ciuitatis, sed etiam de vitiosa usurpari monuit. Plane ut ciuitatis (sua sc. republica instructae, ut nos haecenus accipimus) vocabulo accidit,

Non

Non enim definit esse ciuitas, quæ iniusta agit, quia manet id, cuius causâ coiuit ciuitas, juris fruendi causâ scilicet, licet delicta intercedant. vid. *Grot. de I. B. III, 3, 2.* Quapropter non recte videntur dicere, qui Turcarum imperium ciuitatem aut remp. esse negant. (vid. *Ad. Contzen. polit. I, 3, 4.*) Tyrannidem esse, facilius dici posset, & per argumenta, quæ afferunt, probari: sed Tyrannis non tollit omnem ciuitatem, sed iustum ciuitatis regimen destruit.

manet tam  
men ciui-  
tas, etsi ini-  
iusta agat?

v. Cic. pa-  
radox. 4.

Aliter sentiendum de cœtu latronum & piratarum, qui ciuitas non sunt, nisi tandem fiant ciuitas, de qua re alibi, vid. *Grot. l. c.* De Philippi Macedonis *πονηροὶ* seu malorum ciuitate, frustra puto ex *Suida* exemplum huc adferri. quin enim illa ciuitas sub Philippi imperio fuerit, nulla est dubitandi ratio. Ciuitas autem hic non dicitur nobis, nisi quæ imperium proprium habet.

exceptis  
latroni-  
bus.

*Arnisa. re-  
lect. polit.  
lib. 2. cap. 1.  
sect. 2. §. 16.*

Deduxit nos hic locus ad illam quæstionem, ab *Aristotele* motam, nec satis explicatam (3. *polit. I. & 3.*) quando eadem sit dicenda ciuitas, aut quando desinat esse ciuitas? item, quando ciuitas censenda sit aliquid egisse? quæ quæstio à priori pendet. vid. *Arnisa. relect. polit. lib. 1. cap. 5. sect. 3. & 4.* cuius §. 5. & 6. *ὅτι ὁρθῶς οὐδὲν.*

quando  
desinat ef-  
se ciuitas?

(*Aristotelis* exemplis, quid respondendum, dictum.) Egit diligenter hac de re *Grotius de I. B. 2, 9. per tot.* Vbi tamen §. 11. de imperio Romano ea ponit, quæ defendi non possunt, sicut in tempore declarabitur. Plura diximus in *Dissertatione, de eo, quod ciuitas egit.*

Describi-  
tur ple-  
nius,

Ex his omnibus clarum est, quid sit ciuitas, nimirum *societas hominum perfecta, rebus necessariis instructa, cerroq; imperandi ac parendi ordine constituta, ad bene beateq; viuendum.*

& ab vrbe  
distingui-  
tur.

Aliud ergo est *Vrbs*, aliud *Ciuitas*: quamquam hodie plerumque illa confunduntur, & consuetudine pro vnis habentur. cum tamen *Vrbs* ad locum præcipue pertineat. *Ciuitas* ad societatem & cætum. *Vrbs* enim ab eadem origine, unde & *Orbs*. *Vrbare* enim siue *orbare*, est circulo circumscribere. Gallis est *cerner*, quasi *circinare*. Ita *Iosephus Scaliger in etymologis Varronianis*.

Ambitus enim vrbis aratro designabatur in orbem: sicut *Seruius ad 4. Æn.* notat: siue polenta, vt apud Macedones, referente *Curtio IV, 8, 6.*

Qui hoc discrimen inter *Vrbem* & *Ciuitatem* explicant, plerique afferunt exemplum Romanorum, qui cum promississent Carthaginensibus, saluam eorum ciuitatem fore & iura, postea emigrare iussis ciuibus, excisaque vrbe, ciuitatem non in tectis & mœnibus, sed in ciuibus esse, caussati sunt. sicut auctor est *Appianus in Libycis*. sicut autem verum est, ciuitates non domibus & tectis & congestu lapidum stare (*Tac. 1. Hist. 84, 7. Justin. 2, 12, 14. Liu. 9, 4. Thucyd. 7. Aristot. polit. 3, 1.*) ita nimis faciles Romanæ cauillationi aures præbent, qui excusant factum. vid. *Arnif. relect. polit. lib. 1. cap. 5. sect. 2.* Melioris & grauioris philosophiæ auctorem se præbet *Grotius de I. B. II, 16, 15.*

*Tacitus vr-  
bu vocab.  
pro ciuitate  
vritur.*

Antiquissima sane in Latina lingua fuit per-

permutatio horum vocabulorum, *Urbis, Ciuitatis, Reipubl.* Quis enim fere *Republica* ita vritur, vt hodie solent, pro forma tantum ciuitatis, exclusa materia? Certe *Respublica Romana*, non imperium modo, sed ciuitatem quoque Romanorum notat. *Ciuitates* autem pro *Urbibus* poni, non heri demum aut hodie vsitatum; sicut vicissim, *Urbes* pro ciuitatibus poni videas. Ciuitas ergo modo totum corpus imperii notat, siue magnum illud sit siue paruum; siue pluribus siue paucioribus constet urbibus; atque hoc sensu nos hactenus loquimur: modo *Urbem* significat, siue mœnibus inclusam, siue mœnibus carentem. Quo fit, vt qui subtiles videri volunt in distinguendo, tamen non caueant sibi satis à confusione. Exemplum memorabile demus, quæstionem de magnitudine Ciuitatis: quam non potuit tractare *Arniseus* (*relect. polit. l. 1. c. 5. sect. 6:*) quin confunderet *urbes & imperia seu ciuitates excellenter sic dictas*. itaque modo de consilio Augusti ad coërcendum intra terminos imperium spectante, modo de Babylone i.e. de urbe non de ciuitate agit. In quam quæstionem quia obiter incidimus, summam dicendum est: *Modum & in Ciuitatibus & in Urbibus optimum esse: illum autem modum non ubiq; eodem pacto æstimandum; & in ciuitatibus precipue, non tam numero hominum aut spatii locorum magnitudinem metiendam, sed facultate & viribus verorum ciuium ceteraq; potentia & sufficiencia rerum omnium: à quæque temporis quoq; in optanda magnitudine ciuitatis, non minimam rationem*

De magnitudine urbis & ciuitatis.

*habendam esse.* qualia pleraque *Aristoreli* obseruata 7. *Pol.* 4. Quantum ad vrbes siue ciuitates loco definitas attinet, præter ea, quæ ex dictis huc faciunt, pericula nimix magnitudinis, exemplo *Lutetiæ Parisiorum* inculcat *Barthol. Gramondus hist. lib. 2. p. 127. & 128. edir. Amstelodam.* Quid in *Anglia* statutum sit circa *Londini* nimium excrelcentis magnitudinem, videas licet apud *Thuanum* *sine lib. 70.*

Et quæ alia hic tractari soleant.

Possent in hunc locum conduci etiam reliqua, quæ ad Vrbes pertinent: quatenus sunt aut fiunt vel situ opportuna, vel copia rerum abundantes, vel ædificiis commodæ, vel robore munitæ, vel gloria ample: estque inprimis iucundum intueri in illud diuinæ providentiæ theatrum; ubi aliæ vrbes modo ex cineribus & ruderibus nascuntur; modo è nobili quasi propagine profeminantur; aliæ adulescunt, aliæ senescunt, minuuntur, languent, moriuntur; in quibus omnibus miscentur ratio, consilium, fortuna. si tamen hoc agendum sit, non deerit locus in sequentibus. Commendamus interim Historiam nobiliorum urbium, cum obseruatione politica conducendam: sicut e. g. de initiis urbium cœpit facere *Machiauellus disput. de rep. lib. 1. cap. 1.* de incrementis urbium & augmentis *Borerus*: ex quo descripsit *Althusius cap. 5. §. 70. & seqq.* de urbibus Germanicis. *Cl. Hermannus Conringius*, præmittendus iis, quæ de urbibus Imperii Germanici tradidere Scriptores *Juris Publici.* *Limneus I. P. VII. I. Reinking. I, 4, 20. Sinolt. Schütz. Colleg. I. P. volum. 1. disp. 8. th. 21. & seqq.*  
Bodi-

*Bodin* hac occasione de *Patrocinio & Clientela* disputat, ut ostendat nimirum, quid cliens à ciue differat (l. de rep. 7.) sed nos vtilem materiam in alium locum differemus.

## LIBER II.

## CAP. I.

De

*Maiestate.*

**Q**uid sit Ciuitas, & vnde oriatur, quomodo constitutatur, & quid sibi propositum habeat, dictum est. Quæ doctrina scilicet totius Politicæ summam in se comprehendit. Nunc ad singula eorum, quæ comprehenduntur, progrediendum est. Transitus.

Et quoniam ipsa Ciuitatis anima in imperio est, ut ante posuimus; igitur, quæ eo spectant, statim cognoscenda sunt. Agemus ergo hoc libro de Maiestate, & quæ jura eius feruntur. Insequenti libro, penes quem maiestas resideat, in diuersis ciuitatis formis, explicabimus: atque ita ad declarationem eorum, quæ ciuitatem instruunt, seruant, augent; tum etiam destruunt, corrumpunt, minuunt, procedemus.

*Maiestatis* vocabulum non habet in aliis linguis aliquid simile, sicut recte *Casaubonus* obseruat: Græca quoque, vtut copiosissima hic deficit. Vulgares linguæ pane omnes retinent Latinam vocem.

Significat autem sæpe dignitatem, sed cum  
• F 5
ad declarationem accuratior rem Maiestatis: cuius significationes inquiruntur.
augmen-

augmento & pondere loquendi, vt *maiestas* *matronalis* apud *Liuium*: item *maiestas* *viri* apud *Eundem*: *maiestas* *tribunitia*, apud *Aſconium* in *argum. orat. pro C. Corn. & ſimilia*.

*Lipſius*, quæ in priuato auctoritas eſt, in Principe maiestatem definit, eoque nomine explicat 2. *polit.* 16. & *Tholoſanus de rep. lib.* 8. *cap.* 3.

*Ciceronis* eximia ſunt loca: in *partit. orat.* 30. *Maieſtas eſt in imperij atq; in omni populi Romani dignitate.* 2. *de inuent.* 17. *per dignitatem, amplitudinem, poteſtatem populi Rom.* deſcribit. 2. *de orat.* 39. *Maieſtas eſt amplitudo ac dignitas ciuitatis.* Auctor librorum ad *Herenn.* 11, 12. maiestatem deſcribit per ea, ex quibus ciuitatis amplitudo conſtat. additque: *quæ ſunt ea? quæ capiunt ſuffragia populi, & magistratus conſilia.* Idem *IV*, 25. *Maieſtas reip. eſt, in qua continetur dignitas & amplitudo ciuitatis.* coniungitur itaque aliquando in deſcriptione maiestatis imperium atque dignitas: ſicut ex maioribus illis ſcriptoribus minores retinuerunt. Ille ipſe *Cicero*, cum explicat veterem formulam, darent magistratus operam, ne quid reſp. detrimenti caperet, ita ſubſtituit: *darent operam, vt imperium populi Romani maiestasq; conſeruarietur.* *orat. pro Rabirio* c. 7. de *Manlio* idem inquit 1. *de ſin.* 7. *quod ipſi natura patrioq; amoris prætulit ius maiestatis atq; imperij.*

Conſtat ergo ex his, etiam Romanis non ſolam dignitatem, ſed & poteſtatem, imperij, maiestatis vocabulo notari conſueuiſſe. cuius rei conſideratio paulo interior in diſſertatione de aſſiſcio regio eſt à nobis propoſita.



At Juniores plerique Maieſtatis vocabulo *ſummam poteſtatem* notant. quæ priſcis, modo imperium, modo, *juſ imperij*, *ſummum rerum arbitrium*, *ſummum rerum judicium*, denique hoc ipſo vocabulo, *poteſtas* dicebatur.

Adhanc ergo mentem Maieſtas nihil fue- Deſcribi-  
rit aliud, quam *ſumma in ciuitate poteſtas*, cuius tur.  
*actus alterius voluntatis humane arbitrio non poſ-*  
*sunt in irritum recidere.* Hanc facultatem mo-  
ralem gubernandi ciuitatem vocat Grotius & de-  
ſcriptionem allatam explicat de I. B. I, 3, 6. & 7.  
*Lampadius de conſtitut. Imper. Rom. per potentiam*  
*actiuam regenda reip.* deſcribit maieſtatem.

Qui dicunt, *maieſtatem conſequens eſſe pote-*  
*ſtatis Imperatorie*, de auctoritate vocem ca-  
piunt: quod non omiſit monere Gerhard. de  
*magiſtratu polit.* §. 122.

Qui deſcribunt maieſtatem *poteſtate con-*  
*ſtituenda & regenda ciuitatis*, ita explicari poſ-  
ſunt, vt nihil incommodi habeat, quod di-  
citur.

Qui maieſtatem *non niſi cumulo poteſtatum*  
*functionumq;*, ex quibus aggregetur, deſcribi poſſe,  
conſent, non cogitant de totius per definitio-  
nem, ſed totius per partes potentiales, quæ  
vocantur, explicatione.

*Summa poteſtas* eſt, quæ hoc titulo affici- amplius  
tur, quia aliam non agnoſcit ſuperiorem, niſi declaratur  
diuinam: *ſumma*, quia opus eſt aliquo ſumo, natura  
à quo cætera omnia pendeant, & ad quod maieſtatis.  
referantur in ciuitate, ſiue in imperandi pa-  
rendique ordine: *ſumma*, quia ciuitatem alias  
non faceret, ſed ciuitati maieſtate ſua jam  
infor-

informata inferuiret: *summa*, quia Deus, qui dat, sibi secundam & proximam, id est, inter humana summam facit: *summa* adhuc clarius, quia Deus, ut ciuitas sit ciuitas, aliquam ei potestatem dedit, quam nihil supergrederetur; quæ vices Dei cuncta gubernantis in certo cœtu referret; quæ legis munus, omnem harmoniam concinnantis, viuo quodam præsentissimoque ministerio obiret: *summa*, quæ non impeditur, non suspenditur, non iudicatur vlllo humano arbitrio, aut vi cogente, nisi per arma & scelus: *summa*, quia nihil veneratione sanctius, nihil fastigio in humanis rebus augustius habetur. Dicam simpliciter: supra quam, & contra quam, & sine qua, nihil potest lex aut ius ciuitatis, quam regit. Est enim, ut breuissime & verissime *Aristoteles* loquitur, *in ciuitate ubiq; summa potestas*.

3. *pol. 6.*

Pugnant cum hac summitate, ut sic dicam, quæcunque sunt fiduciaria, precaria, aliunde dependentia, reuocabilia, temporaria, vicaria.

Eadem autem maiestas est, siue in vnum collata sit, siue in multis resideat. Vbi enim Ciuitas, ibi maiestas: quocunque genere reip. ciuitas gubernetur. Quod enim status Aristocratici & Democratici regimini maiestatis vocabulum non soleat attribui (sicut traditur apud *Besold. polit. I, 2, 7. Sinolt. Schütz. colleg. I. P. volum. 1. disp. 3. rh. 4. f.*) ad titulorum formulas pertinet, non ad rerum fundamenta. Fit enim, ut *maiestatis* titulo compelleretur etiam ea dignitas, quæ non habet adiunctam summam

&

& absolutam potestatem. sicut ex diuerso, qui maiestatem reuera habent, vocabulo tamen, quatenus in titulum honoris transiit, non gaudeant.

Esse porro maiestatem in *Ciuitate, tanquam* *Estque in*  
*in subiecto communi*, ita patet, vt quæ ciuitas sit *subiecto*  
 cu resp. maiestatis compos habeatur; & qui *vel com-*  
 maiestatem habent, ciuitatem repræsentent, *muni vel*  
 adeoq; ciuitas sint, ac vt ciuitas agant. *proprie.* Quan-  
 tumcunque enim sit ciuitatis corpus, si tamen  
 summam in se & sua potestatem vel penes  
 vnum constitutam agnoscit, ille Vnus ciuita-  
 tis personam sustinebit, illiusque actus ciuitati  
 tribuuntur. *Proprium autem subiectum est per-*  
*sona vel vna vel plures.* vid. *Grot. de I. B. I, 3, 7.*  
 Idem *Grotius* exemplum regii imperii in hunc  
 modum explicat (*de I. B. II, 9, 8.*) *Imperium in*  
*rege est ut in capite, in populo manet vt in toto cu-*  
*ius pars est caput: atq; adeo rege, si electus est, aut*  
*regis familia extincta, jus imperandi ad populum*  
*redit.* addit postea necessariam restrictionem:  
 ita imperium esse populi, *vt à corpore seu popu-*  
*lo non exercendum, sed à capite,* intelligatur.  
 Quod si conuenire debet cum superiori eius  
 doctrina, ita accipiendum erit: vt Ciuitas,  
 cum maiestatem in vnum proprie & plene  
 contulit, ad jus, quod transtulit, prouocare  
 nequeat, quippe non jam suum nisi poten-  
 tia, id est, in euentum in translatione expres-  
 sum, aut designatum. e. g. cum is moritur,  
 cui, citra hæredum mentionem, collatum est  
 imperium: vel cum deficit familia, penes  
 quam voluit ciuitas potestatem suam residere  
*in re-*

irreuocabiliter. Habent hæc locum etiam in imperiis vi bellica occupatis, victoris scilicet in victos. Non enim vis mera est; sed accedit consensus adeoque voluntas (tales enim actiones, quæ vitandi maioris mali causa, aut ad seruandam vitam, bona & alia eius generis etiam ab inuitis fiunt, voluntarias esse, satis *Aristoteles* in *Ethicis* declarat) quæ per homagium præstitum, vt hodie loquuntur, siue per fidem datam, se ad abstinendum imperio nihilque de rep. præter obsequii gloriam petendum, obligauit.

Manet ergo: omni & soli superiorem non recognoscenti, qualis est ciuitas, sicut hactenus accipimus, siue personam ciuitatis sustinens, maiestatem tribui oportere. quod latius explicat *Arniseus de Jure Mai. lib. 1. cap. 2.*

Distinctio  
vulgaris in  
maiestatē  
realem &  
persona-  
lem exa-  
minatur.

Ceterum id, quod de subiecto communi & proprio diximus, peperit illam vulgarem distinctionem *Maiestatis Realis & Personalis*: quarum illa *Imperij*, hæc *Imperantis*, dicitur. Quam distinctionem, qui satis explicauerit, vix vnus; qui male vsurpauerint & adhibuerint, pluri reperiuntur. Itaque magnus Theologus *Jo. Gerhardus* (loco de magistratu polit. §. 123.) cum hanc distinctionem ex mente aliorum attulisset, addit: *sed cauendum, ne hac distinctione abutantur seditiosi Regicide, qui aestimant, Reges & Principes impune violari posse absq. maiestatis, quæ regno proprie inheret, violatione.* Nimis crebra, vt dixi, abusio in omnium oculis est. sed annotabimus quædam, in quibus vacillat huius distinctionis explicatio. 1. illud

non

non satisfacit, quod, cum ordo semper detur cum respectu ad aliquod primum; id autem primum & summum solum esse debeat atque vnicum, duo summa sic constituuntur; hoc quidem prætextu, quod *maiestas realis* summa sit in ordine fundandi, *personalis* in ordine regendi. 2. non potest illa diuersitas ostendi in ciuitate Democratica: ibi enim vtriusque maiestatis idem esse subiectum fatentur (v. *Besold.*) 3. fatentur etiam, subiectum maiestatis realis inuestigatu difficile esse; cum exemplis agitur, difficultas illa nimis se prodit (v. *Sinolt. Schütz. Colleg. I. P. volum. 1. disp. 3. th. 5.*) 4. quando maiestatem realem in legibus imperii fundamentalibus consistere dicunt, fortissima est instantia apud *Schütziū l. c. th. 6.* quod mutata forma corrueret. 5. dubitant aliqui, an omnes resp. in primis dominatus, maiestatem realem habeant. 6. Fatentur, tum demum maiestatem realem se exerere, si casus existat, qualem supra *Grotius* attulit. vid. *Schütz. l. c. th. 5. C. E.* 7. Animaduerti etiam, Juris Publici Scriptores, dum vnicam illam hypothesin Imperii Romano-Germanici intuentur, atque Cæsari maiestatem personalem, Ordinibus Imperii realem tribuunt, ipsam thesin, de maiestate scil. quasi ad normam illius hypotheseos formatam explicatamque cupere. 8. Definitio maiestatis personalis, quam adferunt, absorbet prorsus illam, quam volunt, maiestatem realem. Est autem vera definitio *maiestatis totius*, quam illi *personali* tantum tribuunt in hunc sensum: quod sit *summa, & perpetua,*

*perua, legibusq, soluta potestas, competens in res & personas suæ dirionis.* intellige, ciuitatis cuius est maiestas: sicut ostendit etiam explicatio apud Schütz. l. c. th. 14. A. & seqq. lit. Vbi ergo, tali potestate constituta in ciuitate, locus est maiestati reali? quæ describitur, quod sit *summa ipsius Reip. eidemq, coæua ac sub interregnis atq, gubernationum alterationibus persistens status & regiminis sui cum constituendi, cum conseruandi tuendiq, potestas.* Si enim personalis maiestas habet summum & absolutum jus in res & personas ciuitatis; in quibus personis & rebus ergo residebit maiestas realis, à qua, juxta illos, dependere personalis maiestas debet? si legibus soluta est personalis maiestas, quomodo realis in legibus præsidium inueniet contra illam? si perpetua est maiestas personalis, ecquando tandem realis illi intercedet, illamque opprimet? 9. Qui hanc distinctionem suo more explicant, plerumque falluntur illis exemplis, quæ diuisa jura maiestatis habent in vna ciuitate. 10. itemque vocabulis & externo rerum schemate, vnde de maiestate non est judicandum, decipiuntur. 11. Necesse foret, vtriusque eandem dare latitudinem. Jam autem jura Maiestatis realis nominantur 1. jus constituendi vel electionis vel successionis modo Imperantes. 2. jus vel absolute vel sub pactio-nibus committendi imperantibus imperii. 3. jus disputandi de dominio imperii quoad jus alienationis, & obligationem successorum: vbi ergo cætera jura maiestatis? Hæc sunt juris nomothetici: vt suo loco.

Melius

Melius ergo videtur de hac distinctione philosophari *Theodorus Grasvinkelius, de jure maiestatis cap. 10. & 11.* quod nimirum maiestas realis desinat, ut primum transiit in personam: si vero maneat realis, personalem nullam esse, sed eius tantum imaginem quandam, respectu administrationi, & curationis. Ad prius membrum supplendum pertinet ille euentus, de quo ante dictum est; si in regno proprie sic dicto moriatur rex, ubi electio viget; vel deficiat familia, ubi successio in usu est. quin enim tum maiestas ad ciuitatem redeat, eiusque arbitrio in aliam personam transferri queat, dubio caret. Ad rem totam explicandam addi potest: sicut in regno vere & proprie sic dicto maiestas realis absorpta est in personalem, nec reuiuiscit, nisi casu prædicto; ita ubi vnus jure non plene ac vere regio imperat, sed diuisum cum ordinibus ciuitatis, siue cum ciuitate imperium habet, ibi maiestatem personalem nullam dari, nisi ex parte, aut ex titulis maiestatem velis æstimare: quod non est ad scopum huius disputationis. qui enim hætenus de maiestate reali & personali disputant, totam potestatem ciuitatis gubernandæ respicere videntur. In Aristocratia, quin tota potestas summa, siue maiestas penes procures possit residere, excluso populo, non potest negari: sed jura imperii seu maiestatis sæpius diuidi solent inter procures & populum; interdum proceribus administratio, populo jus debetur. Ex quibus facile judicari potest, ubi maiestas realis ex-

clusa personali, aut personalis exclusa reali locum habeat. sed de exemplis ipsis alibierit agendum.

Potestas  
summa,  
seu maie-  
stas quo-  
modo à  
Deo sit.

Originem maiestatis, siue summæ illius potestatis, quæ ciuitati regendæ vnice est necessaria, jam supra à Deo & ipsa natura repetimus. Nunc igitur, quomodo Deus suam de illa re voluntatem declarauerit, quidque sit juris diuini, ex sacris literis ostendendum est.

Et locis ju-  
ris diuini  
proponi-  
tur.  
1. Sam. 8.

Prima & maxima quæstio est de jure Regio seu de jure summæ potestatis (siue penes vnum illa sit, siue penes plures) quod describitur 1. Sam. 8. v. 11. vsq. ad 19. Quæritur enim, an illa potestas summa & plenissima in personas & bona ciuium de facto tantum & consuetudine imperantium, an de jure accipienda sit? Magnus *Gerhardus de magistr. polit.* §. 125. argumenta affert in vtramque partem. confer *Wilhelm. Schickard. de jure regis Hebræorum. Grot. de I. B. l. 4. 3.* vbi præsertim *Jun. Brut.* cum sociis tangit. Ille enim *qustæ. 3. vindic. contra tyrann. p. 317.* de abusu & licentia regum, non de jure regio sermonem esse, occasionemque inde sumtam Hebræis coercendi regiam potestatem explicat. Sicut autem illud vere monet *Brutus*, Aulicos abuti illò Samuelis loco: ita nec ipse, nec alii excusari possunt, qui consequentia huius loci neglecta latam subditis licentiam ostentant, si reges ipsorum juxta vaticinium huius loci se gerant, id est, vt ipsi explicant, tyrannicè. Viderunt & nostra tempora disputationes de hoc loco partim im-  
prias,



pias, partim incautiores & immoderatas. Sicut enim iniquus est in jus Regium *Miltonius*, ita nemo aulit omnia defendere, aut recipere, quæ *Salmasius in defensione Regia* ad locum Samuelis commentatur: cuius præcipua disputatio (cap. 2.) eo tendit, ut de jure licentiæ seu impunitatis exaudiendum Samuelem ostendat. Jus autem impunitatis improprie jus dicitur, sicut notum est: inde ergo inferre, legitimum esse, cui impunitas adiuncta est, civiliter loquentium consuetudini vix congruit. sunt autem rationes eorum, qui non de facto tantum, sed de jure etiam sermonem esse statuunt, fortiores apud *Gerhardum*.

(In P[er]f. 31, 6. Tibi soli peccaui, quomodo ab Interpretibus nonnullis huc accommodetur, notum est.)

*Prou. 16. v. 14. & 15. Indignatio Regis, nuntius mortis: & vir sapiens placabit eam. In hilaritate vultus Regis, vita: & clementia eius, quasi imber ferotinus.* Non obscure jus vitæ & necis in manu Regis hic ponitur. Cum hoc loco *Phil. Melanchthon* confert illum alterum *Prou. 19, 12. sicut fremitus leonis; ita & Regis ira, & cap. 20. v. 2. sicut rugitus leonis; ita & terror Regis; qui provocat eum, peccat in animam suam.* atque hinc deducit: magistratus (nam hac voce Theologi imperantes, & jura imperii notant) esse timendos: non per simulationem, sed vere & ex animo: quia Deus adsit magistratibus, eosque formidari velit, & quia non sinat elabi impunitos eos, qui laedunt maiestatem eorum. scilicet vult DEUS eos formidari, quia gladii in manus eorum traditi terrore potestatem eorum armanit, sicut

*Apostolus amplius explicat causam regulæ; cui timorem, timorem. ad Rom. 13.*

*Ecclesiastes 8, 2. & seq. Ego, inquit, os Regis obseruo, & præcepta juramenti Dei. Ne festines recedere à facie eius, neq; permancas in opere malo, quia omne, quod voluerit, faciet, & sermo illius potestate plenus est: nec dicere ei quisquam potest: quare ita facis? Quibus verbis etiam sine interpretum auctoritate intelligitur potestas à vultu & seu à nemine homine dependens, neminis hominis arbitrio iudicioque subiecta; tum jus vitæ & necis: quorum utroque sæpe solent omnia maiestatis jura, seu πᾶν τὸ κρείττον & ἐξουσίας δὲ χρεῖς omnis potestas imperii, comprehendi atque significari.*

*Daniel Propheta cap. 2. cum v. 2. præmisisset, Deum transferre regna atq; constituere, adeoque regibus imperantibusque potestatem & jura imperii dare: postea ne quid dubitationis superfit, jura maiestatis seu summæ potestatis à solo Deo pendentis, illustri descriptione exequitur. v. 36. 37. 38.*

Possset etiam ex historia Josephi argumentum peti, quando Rex Pharaó Josephum vires suas implere jubet, seu Pro-Regem constituit: ubi inter alia ista plenissimæ potestatis significatrix formula adhibetur, *Ego sum Pharaó: absq; tuo imperio non mouebit quisquam manum aut pedem, in omni terra Ægypti. Genes. 41, 44.*

Sed ad testimonia Noui Fœderis accedemus: si prius admonuerimus, quæ de regibus dicuntur, non alio quam maiestatis seu supremæ potestatis respectu dici. Hæc enim, tanquam

quam excellentior imperii species, nunc à nobis adhibetur, ad significandum, quod ex vi potestatis summæ non tantum reges, sed qui par regibus jus obtinent, seu ciuitates populi que liberi possint.

In N. igitur T. *Matth. 20, 25.* notus est locus: scitis, quia principes gentium dominantur eorum, & qui maiores sunt, potestatem exercent inter eos. confer *Luc. 22, 25.* ubi de vocabulis *κατὰ κυ-  
εἰδέναι* & *κατεξουσιάζειν*, quin veram potestatem & summam notent, non potest idoneis rationibus negari.

*Matth. 22, 21.* Reddite quæ sunt Cæsaris, Cæsari: ubi tributum nominatum, & obedientia fidesque vniuersæ præcipitur Judæis Romana vi subactis.

Omniū autem illustrissimus est locus *Rom. 13.* quod caput Christianorum Politicam non sine ratione nominat *Philippus Melan-  
chthon.* Ibi enim imperantium potestas, adeoque maiestas à Deo esse traditur; Dei vicaria, & ministra nominatur: obsequio & honore & timore propitianda commendatur: jura maiestatis vno alterove exemplo declarantur; mentio enim fit & *ἀντιθέμενον*, juris vitæ & necis, (quo etiam jus belli continetur) juris tributorum & vectigalium; violatoribus maiestatis, non humana tantum, sed diuina vinclicta indicitur.

Locus *1. Petri 2, 13. & 14.* subiecti estote omni humane creature, propter Deum: siue Regi, quasi excellenti; siue ducibus, tanquam ab eo missis, ad indi-  
cendam malefactorum, laudem vero bonorum.

omni potestati diuinitus inter homines & ab hominibus constitutæ parendum præcipit. 2. diuidit potestatem in summam, seu independentem; & subordinatam, qualis est omnium magistratuum, curatorum &c. 3. diuinam voluntatem, vt præcepti huius causam adfert. 4. finem omnis imperii designat. id quod plenioribus verbis etiam facit *Paulus 1. Tim. 2, 2.*

Solet etiam ex *Epist. Judæ v. 8.* huc adferri: vbi inter maxima Pseudo-Apostolorum scelera ponitur, *dominationem spernere, & maiestates blasphemare.* quanquam varias explicaciones recipit ille locus. *vid. Gerhard. de Magistr. Polit. §. 77.*

Constat ergo, vt ciuitas sit ciuitas, finemque suum consequatur, institutum à Deo ordinem imperandi parendique, in quo ex ipsa Dei voluntate, & naturalis rationis dictamine aliquid summum sit ac à nemine dependens, neminis arbitrio subiectum, nisi solius Dei; quæ est maiestas seu potestas summa civilis, modo in persona, modo in tota rep. residens, prout forma ciuitatis constituitur.

Hanc rem, in humanis vt summam, ita sanctissimam, varie videmus temerari & labefactari à Pontificibus Romanis, eorumque asseclis. 1. Pontifex prætendit potestatem in omnes Principes, Reges, Resp. siue, à se depend. re ait Cæsarem, Reges, Principes. *vid. Gerh. de magistr. polit. §. 82.* Magnæ super hac re quæstiones, lites, pugna sæpius agitata. Laudandus hic *Goldasti* liber, qui in *unum opus, titulo Monarchia S. Romani Imperij, inscriptum,* colle-

collegit plurimorum Theologorum, Juris-  
 rum, politicorum scripta. videatur contro-  
 uersia ista in Gallia agitata, anno huius sæculi  
 15. & 25. & 26. apud *Gramondum lib. 1. & 15. ad-*  
*de Thuan. an. superioris sæculi 61. lib. 28. p. 50.*

(Dictum hac occasione de astutia *Contzenij 7. po-*  
*lit. 6, 2.*)

2. Clericos omnes liberant eximuntque ab  
 obsequio potestati civili debito. vid. *Gerhard.*  
*de Mag. polit. §. 440. & seq. & confess. Catholic.*  
*lib. 2. part. 2. artic. 6. cap. 5. Arnis. peculiari com-*  
*mentario de subiectione & exemptione Clericorum.*

3. alia seditiosa dogmata, de violando regib.  
 sacramento, de occidendis regibus, & similia  
 spargunt præsertim Jesuitæ. vid. præter hist.  
 ante cit. *controuersias postremas Jesuitarum cum*  
*doctoribus Sorbonicis Parisiis agitatas, typisq; ex-*  
*cusas.*

Deprauant etiam non parum hanc de ma-  
 iestate doctrinam, qui, prætextu finis, quem  
 ciuitas optima sibi proponit, meras perfectione-  
 nes in ore habent, communisque omnium  
 boni causa ex æquo omnes ciuitates vnice  
 constitui ratiocinantes, à populo & propter  
 populum omnia imperia ita statuunt, vt ma-  
 iestas, seu, summa civilis potestas, semper penes  
 populum maneat, ab eo semper & in quocun-  
 que regiminis genere dependeat, neque ma-  
 gis quam vita comunicari aut in alium transi-  
 re possit. In hanc sententiam aliquos animus  
 arrogans, indomitus, Stoico rigore liberta-  
 tem sibi fingens & pingens abduxit: Alios,  
 oppressionis metus, aut tyrannidis, eo cui-

brauit, vt potestatem ciuilem bene constitutam negarent, nisi populo subiiceretur: nonnulli, periculosa sane sapientia auctores, eo veluti terribulamento, Reges, ne in tyrannidem elaberentur, retentare moliti sunt. Præcellunt in his nominibus *Hotomanni Franco-Gallia*; & *de jure regni Gallici*; *Buchanani diascepsis de jure regni*; & *Brutus* ille; siue *Mornau* latet sub isto nomine (vt *Grotius in apologetico aduersus Riuetum* autumat) siue potius *H. Languetus*; titulo sane specioso, quasi *Vindicia contra tyrannos* pararentur. sed qui hos viros stimuli in hanc philosophiam egerint, non est obscurum. Itaque plus nocuit *Albuzii Politica*, quæ ista commenta & portenta opinionum auctoritate artis donauit, vt mirandum prorsus & dolendum sit, illud opus iuuentuti commendari in vlla Academia Augustanam Confessionem proficiente, cui hoc proprium est & esse debet, quod hanc philosophiam incorruptam alias seruat.

(Dictum, quid de Reformatis *Grotius in Apologetico aduersus Riuetum*, & *Jacobus Magnæ Britannia Rex in Διόγω βασιλικῷ* de Puritanis monuerint.)

De cetero opposuerunt se tam fædo dogmati *Albericus gentilis*, de vi in Principem semper iniusta: *Arniseus de Auctoritate Principum in populum semper inuiolabili*: cuius libri cap. 1. præcipuos patronos perniciosæ doctrinæ amplius recenset. *Grotius de I. B. I. 3. 8. & seq.* Item *I. 4. 5. & 6. H. Conringius*, de subiecto summa potestatis; cum quibus iungenda est *Guil. Barclaii doctrina aduersus monarchomachos*.

Nos ad noscendas illorum gigantum ca-  
 ptiones pauca hic notabimus. 1. Quomodo  
 scripturis abutantur, clarum est, dum oppo-  
 nunt ea, quæ opponi non debent; vim ver-  
 borum eneruant, scopum non attendunt, tex-  
 tus & exempla clarissima dissimulant aut de-  
 torquent. 2. A rerum externarum schemate  
 jus imperii arguunt, neque etiam modum gu-  
 bernandi statum ab ipso statu distinguunt,  
 quod tamen faciendum esse, omnis & philo-  
 sophia & experientia clamat. 3. Adeoque  
 exemplis alienissimis decipiunt suos discipu-  
 los. 4. Experientia docuit in hunc diem,  
 fautores huius doctrinæ esse inimicos non ty-  
 rannorum aut tyrannidis; sed regum regni-  
 que vniuersæ; itaque nemo regum dari potest,  
 quin, juxta ipsorum sententiam, sit tyrannus.  
 5. Quæ res directe ad perturbandam humani  
 orbis quietem pertinet. 6. Neque aliud ta-  
 men agit, quam vt sub specioso & in vulgus  
 fauorabili libertatis popularis nomine ve-  
 ram ex arbitrio suo tyrannidem formet: cu-  
 ius propositi documenta non longe sunt pe-  
 tenda.

Igitur *Grotius* bene monuit, cauendum in  
 hac disputatione de summa potestate, i. ne de-  
 cipiamur ambiguo nominis sono, aut rerum  
 externarum specie. *de I. B. l. 3, 10.* 2. distin-  
 guendum, an de re, an de modo habendi qua-  
 ratur. §. 11. 12. 13. &c. 3. promissiones impe-  
 rantium etiam juratas, non tollere summum  
 jus seu potestatem imperandi. §. 16. 4. sum-  
 mum imperium diuidi posse; non tamen sem-

Fundamē-  
 ta respon-  
 dendi ad  
 σφισμα-  
 & aliorum.

Cautiones  
 ad judici-  
 um de hac  
 controuer-  
 sia infor-  
 mandum.

per pro diuiso habendum; ubi quædam simulacra eius rei se offerunt §. 17. & seqq. Quæ, quia ab ipso bene tractata sunt, inde repetenda duxerim.

**Maieſtatis**  
*ἀντιπα-*  
*ρῶν* con-  
 tineretur,  
 legibus ſo-  
 lutum eſſe:  
 id quomo-  
 do intelli-  
 gendum.

*vid. Ger-*  
*hard. de*  
*mag. polit.*  
 §. 265. &  
 266.

Ea autem, quæ hæcenus diximus, de ſumma poteſtate, quod ſit *ἀντιπαρῶν*, nullis legum vinculis adſtricta, ſiue abſoluta, vt alias loquimur, non inerudite demonſtrat *Arniseus de Jure Maieſt. lib. i. cap. 3. toto*. Quantum alias attinet ad quæſtionem, *an Princeps aut Rex legibus ſit ſolutus?* recte idem *Arniseus* monet, determinandum ante omnia eſſe, *an ille Princeps aut Rex plena maieſtate utatur?* Vidit hoc, neq; tamen expediuit, vir magnus *Jacobus Gothofredus in Ulpiano ſuo*: in hac enim oratione l. 31. D. de LL. explicat de Principe Romano; bene & recte. ſed cum primo poſuiſſet, non omnem Principatum de *παμβασιλείᾳ* accipi debere, in qua Princeps omnino legibus ſolutus eſſet; & jam expectare deberet lector, an Principatus Romanus *παμβασιλικός* eſſet; ille declinata hac aſſertione (quantum ad directam reſpondendi viam attinet) oblique oſtendere velle videtur, non eſſe: ſed tamen denique addit, diſtinguendum inter ſummum Principis Romani in adminiſtranda rep. arbitrium; ſeu poteſtatem *αὐτοκρατορικῶς* ei & in eum tranſlatam; tum priuilegium Auguſtum, ſeu ſolutam Legibus maieſtatem: tanquam res diuerſas, (pag. 40.) Quanquam autem nemo non videt, hoc priuilegium Auguſtum, vt vocatur, in poteſtate *αὐτοκρατορικῇ* neceſſario contineri: non eſt tamen de cetero repudianda viri ſummi induſtria



stria, quando noua quadam solertia ostendit, de quibus legibus *Vlpianus* loquatur, cum Principem iis solutum pronuntiat. Prolixa autem querela, aut distinctione forte non est opus. si enim attendas eos, qui de hoc argumento scripserunt, qui Principes etiam plenissima maiestate præditos solueret lege diuina, lege naturæ, lege gentium, (quatenus plurimum est, & naturali æquitate nititur) nemo est repertus, nisi fortasse *περὶ αὐλικῆς* aulicam, veteratoribus nonnullis visitatam, velis adducere. Verum id *ἀπερὸς δὲ τῶν νόμων* est. De positiuis quæri, res ipsa loquitur: adferenturque nonnulla huc pertinentia, cum de potestate legislatoria agetur. Quod autem attinet ad impunitatem etiam male factorum, nihil definit aut absoluit *Gothofredus*, cum tamen vel manifestissime illa potestate ei & in eum translata contineatur: si enim cogi potest, superior non est: pugnat enim cum inferioris natura, ut cogere possit superiorem; sicut superioris naturam tollit, qui dicit, eum cogi posse. Vbi quiuis videt, sermonem esse de coactione propria, non metaphorica, qualem hic nonnulli adferunt. De lege Regia, quæ non minimum ad huius controuersię enodationem facit, infra suo loco. Quod ad *Dionis* commemorationem lib. 53. attinet, *Gothofredus* nescio quid argutatur, nec totum textum exprimit.

Qui ergo hac in re dicunt, quod lex diuina, quod ratio dicit, non probant propterea abusum potestatis summæ, seu tyrannidem.

Ipsa

Ipsa potestas summa & in dependens sacra est Deo & Reip. qui ea abutuntur, reddituri sunt rationem Deo. Abutuntur autem, non tantum, qui ex ea nihil præter licentiam & facinora optant ac docent. sed etiam, qui eam alteri arbitrio iudicioque quam diuino subiiciunt. Annon totus quoque populus abutitur summa civili potestate? nihil frequentius certe in Democratiis. si ergo interrogas illos populares philosophos, à quo sit iudicandus populus peccator, seu tota illa ciuitas, imperio inique & fœde vsa? respondebunt certe, à solo Deo. quidni ergo eadem ratio valeat in iis imperiis, ubi potestas à populo vni & in vnum, aut paucos, translata est? quo genere argumentandi jam olim *Aristoteles* tales homines arguebat, 3. *polit.* 1. *sine.*

Quæstiones quædam hinc enatæ tanguntur.

Cætetum ex iis, quæ hæctenus de maiestate disputata sunt, facile est, plerasque dubitationes explicare. Atque ea quidem, quæ *Grotius* erudite annotauit & expediuit, locis supra citatis, non repetimus. nisi quod monemus, non probari, quæ ille de Dictatore habet *de I. B. I.* 3, 11. magis enim videntur probanda *Bodini* argumenta 1. *de rep.* 8. p. 125. & seq. cum præsertim etiam respiciendum sit ad populi propositum, & conditionatam ad certum tempus certaue negotia voluntatem.

An & quatenus iuramenta Principum impediant vel non impediant τὸ ἀντιέξουσιν seu liberam potestatem, quosque effectus pariant, à *Grozio* diligenter inquisitum. cui addendus *Grafvinkelius de jure maiest.* simulque notetur,

tur, nihil pronuntiari posse, nisi formula juramenti præcise spectata. Itaque *Bodinus* non sine ratione, cum recitasset formulam juramenti, quo se Dux Andium Henricus Polonis obligauerat, cum Rex eorum renunciatus esset, subiicit: *Hæc formula non regiam maiestatem, sed Principis, id est, in Rep. primi, conditionem sapit.* 1. de Rep. 8.

Nullam plane difficultatem habet, quando non minus absurde quæritur, quam dilute disputatur; an solus Imperator Romanus maiestatem habeat? vid. *Arnif. de jur. Maiest. lib. 1. cap. 2. Limn. de I. P. 2, 8. per tot. Grot. de I. B. 2, 22, 13. Jac. Gothofr. ad l. æquus. 9. D. ad L. Rhod. de jact. de potestate eius interim peculiaris quæstio est, & in alium locum referuanda.*

De iis, qui inæquali fœdere obligantur, itemque de Vasallis & tributariis, an maiestatis possint esse compotes, præter *Arnifæum & alios*, etiam *Grotius* egit de I. B. I, 3, 21. & 22. & 23. Quantum ad quæstionem consilii attinet, nobilis est imprimis illa disputatio; an consultum sit, potentes Reges aut Principes vasallos asciscere? agitata in nuperis Comitibus Osna-brugensibus, cum de Alsatia Gallis tradenda deliberaretur.

Referri huc solet & illa quæstio, an successor in Rep. eodem scilicet statu manente, obligetur actis placitisque prædecessoris sui? &, si hoc ita sit, an nihil illi pereat de maiestate, quæ suæ spontis, ut hætenus vidimus, & libera esse solet? Prolixe tractat hoc argumen-  
tum

tum *Arniseus de Jur. Maj. lib. 1. cap. 7.* & brevius *Grotius de I. B. I. 3, 7. II, 7, 27.* & præsertim *II, 14, 10. & seqq.* In hac quæstione plerumque confunditur id, quod est juris, & id, quod est consilii. Jura quoque & leges à cæteris factis solent distingui: & quod prædecessorum in eodem Reip. Statu auctoritas successoribus curæ sit ac esse debeat, evidenti publicaue utilitate suadetur. Add. *Dissert. nostram: de eo quod civitas egir.*

## CAP. II.

De

*Juribus Maiestatis.*

Transitus  
ad jura  
maiestatis.

**Q**UANTUM ad maiestatis naturam attinet, vel explicauimus, vel ostendimus auctores explicationis, quæ sufficere potest. Nunc ad jura maiestatis digrediendum est.

Quid sint?

A nonnullis vocantur ea *partes maiestatis potentiales* (vid. *Grot. de I. B. I. 3, 17.*) ab aliis *effecta maiestatis.* conciliat vtrumque loquendi genus *Sinolt. Schütz. Colleg. I. P. vol. 1. disp. 3. rh. 19.*

Quomodo  
distinguantur?

Plerique hodie distinguunt in *jura maiestatis maiora & minora*: eaque varie explicant. de qua tamen distinctione sunt, qui non magnifice sentiant, tanquam veteribus ignota, neque necessaria: cum præsertim multiplicanda valde sint jura maiestatis, si per totam obiecti, seu materiæ circa quam, amplitudinem eundo, quæ maioribus rebus minora

*Grot. de I. B. II, 5, 23.*

sunt, singulis titulis designentur. *Neq. enim est vlla actio hominis externa, quæ non ad civilem societatem*

*societatem aut per se spectet, aut ex circumstantiis spectare possit, adeoque illi juri subiecta sit, quod confociatio civilis dat corpori in partes, i. e. summæ potestati: sed veteres multa complectebantur jure νομοθεσίας seu legum ferendarum. illæ enim de omnibus rebus præcipere possunt: non autem singulas materias legum quasi separata maiestatis jura designabant.*

Non minimi etiam momenti est quæstio, *an maiestas possit diuidi in partes subiectiuas, siue, an jura maiestatis partitim, id est, hoc jus penes illum, aliud penes hunc aut hos residere possit?* Fieri id posse, post alios, bene ostendit tuereturque Grotius de I. B. I, 3, 17. Itemque Jacobus Lampadius de Rep. Romano-Germ. part. I. th. 60. & 61. Non admitti ergo potest, quod dicunt, subiectum maiestatis seu summæ potestatis est vel vnus, vel pauci, vel populus: quo præcipue argumento impugnatur mixta reip. forma, de qua infra (vid. Gassend. phil. moral. p. 1466.) addendum enim erat: vel partim populus, partim pauci, seu partim vnus, partim pauci &c.

Quibus in hoc transitu annotatis enumeratio jurium maiestatis instituenda est: quæ apud Scriptores varie indagatur. Nobis commodissime videntur in hoc argumento versari Lampadius de Rep. R. G. part. I. §. 15. & seqq. diuidendo obiectum maiestatis in *res sacras & profanas; profanas in ciuiles & bellicas: cum* Grot. de I. B. I, 3, 6. qui veterum partitione allata, ita procedit:

an in diuersis subiectis propriis scilicet, existentia) esse possit maiestas?

Quot sint jura maiestatis?

**Maiestas**

Maiestas regit ciuitatem aut

*Per se*, versando vel circa

*Vniuersalia*: condendo, tollendoue leges vel circa

*Sacra*:

*Profana*:

*Singularia*: eaque vel

*Directe publica*: quæ sunt vel

*Actiões*:

*Pacis*:

*Belli*:

*Fæderum*:

*Res*:

*Dominium eminens*:

*Vestigalia*:

*Alia*.

*Prinata*, sed ad publicum ordinata s. controuersias dirimendas in

*Iudiciis*:

*Per alterum*: expediendo negotia vel per

*Magistratus*:

*Curatores*:

*Legatos*: alios. &c.

*Arniseo de I. M. lib. 2. c. 1. §. 9.* placet ad tria reuocare; quibus tamen postea duo addit. Illæ sunt *Ius belli*, *Ius legum ferendarum*, *Ius magistratum creandorum*: Hæc, *Ius ordinandi religionem*, & *ciudendi monetam*. Ad *Ius belli* refert, *Ius fæderum faciendorum*, itemque *Ius legatorum mittendorum atq; recipiendorum*. Id quod compendia partiendi loquendique sectantibus facile indulgeri potest: sed accurate loquendo, lega-

legati non tantum in causa militari mittuntur. Nam de fœderibus, quæ sæpe negotiandi causa, aliisque nominibus non militaribus ineuntur, nolo dicere.

De loco *Samuelis*, ubi jura maiestatis aliqua enarrantur, supra dictum est.

An *communicari jura maiestatis possint*, fuscè, An communicant jura maiestatis? vtinam non confuse, disputatur. (vid. *Arnisa. de I. M. lib. 2. cap. 2.*) Reuocatis autem hucius, quæ ante indicata sunt, de diuisione maiestatis in partes subiectiuas, res ita videtur definienda; cum maiestas pro subiecto essentia ciuitatem habeat, vna & indiuisa intelligitur esse, neque communicabilis alteri ciuitati: amitteretur enim & periret, quidquid communicaretur aut diuideretur, i. e. non maneret maiestas, quod esse debet. At in eadem ciuitate, id est, in vno eodemque subiecto essentia, subiectum existentia diuersum esse posse, vt quædam jura maiestatis penes vnum, quædam penes plures sint, Auctores ante laudati ostendunt. Sed hoc ad formam ciuitatis referendum est, quæ exinde mixta fit & appellatur. Sicut autem clarum est, ad Imperium & imperantes illam descriptionem pertinere: Ita cum subditorum siue parentium natura pugnat, si jura maiestatis illis communicari dicuntur. Itaque cum communicatione iurium maiestatis, adeoque cum assumptione ad societatem imperandi in eadem ciuitate, non debent confundi, quæ indulgentur priuilegia & beneficia, saluo semper ipso imperii jure intelligenda. Hæc & partem tantum-

H

modo

modo ciuitatis exiguam spectant, & à maiestate ciuitatis dependent, eiusque scopo inferuire coguntur. Quod autem maiestatis est, independens sit, necesse est. Nam de Magistratibus & Curatoribus, ea quæ mandata aut commissa sunt à maiestate, agentibus, res aperta est. Quantuscunque sit vel in obiecto actionis, vel in mandatis & formula splendor; nihil proprium, nihil summum, nihil denique tale est, quod ministerii modum & parendi mensuram transcendat. Quæ in hac quæstione, de Imperio Romano-Germanico, iuribusque maiestatis cum statibus communicatis adferuntur, tum demum in expedito erunt, si de forma magnæ illius Reip. suo loco disquisitum fuerit.

## C A P. III.

De

*Jure Legum Ferendarum.*

Jus legum  
ferendarum  
maiestate  
contineri  
& Theologia  
dictat;

**I**Nter Jura maiestatis primum nobis occurrat, *jus legum ferendarum ac tollendarum.*

Id enim maiestate continetur, siue Theologiam consulamus, siue Philosophiam audiamus interpretem. Quia enim Deus imperantibus dedit potestatem imperandi, atque eadem opera ciues obediendi necessitate obligauit: satis patet, *omnis potestatem* imperio contineri: quod diuinitus committitur imperantibus Rom. 13. & alibi, sicut ante demonstratum est. Hinc etiam in sacris,

regna-



*regnare & iusticiam decernere* coniungi, Gerhardus monet (*de Magistr. Polit. §. 219.*) *Prou. 8, 15. Esai. 32, 1.* Idem qui alias adfert rationes, à *sine*, sc. bono publico, quod Deus imperantibus commisit; ergo etiam *νομοθεσιαν* ceu instrumentum boni illius procurandi commissum intelligi: à *requisitis νομοθεσιαι*, prudentia scilicet dirigente, & vi cogente, quibus imperantes Deus instruxit: *ab exemplis*, ubi leges imperantium etiam extra Politiam Mosaicam probantur, utque illis pareatur, jubetur. Vnde monemur, non modo in *thesi* hoc firmum esse, sed etiam in illa *hypothesi*, qua contra fanaticos ostendendum est, licere imperantibus, præter leges Mosaicas, etiam novas alias ferre.

Dictum est aliquotiens hætenus, formam & *restam* ciuitatis essentialem esse in ordine imperandi *ratio*, parendique, siue in imperio, imperium autem sine iubendi potestate intelligi nequit, Ex iussione ergo legis origo repetitur, quæ nil aliud est quam summæ potestatis iussum: & quidem ad finem ciuitatis relatum. is enim obtineri nequit, nisi jubere aut vetare summæ potestati liceret, quæ vel ad constituendam bene ciuitatem, vel ad regendam pertinent.

Primum hoc itaque & præcipuum caput maiestatis esto: Legem vniuersis & singulis ciuibus dare posse, libere, id est, sine necessario superiorum, aut æqualium, aut inferiorum consensu, quod recte Bodinus monet explicatque de *Rep. I, 10.*

Atque ista poterant sufficere hoc loco, ubi

nimirum de juribus maiestatis definiendis sermo est. Sed quia vsus apud plerosque Politicos obtinuit, vt ex Ethicis, seu communi civilis doctrinæ parte huc repetantur, quæ de origine legum & juris, de discrimine, de requisitis ac vitiis, traduntur: itaque nobis etiam hac via, compendio tamen incedendum est; vt Legislatoris non potestas modo, sed virtus & officium demonstretur.

Legis &  
Juris ho-  
monymia.

phil. moral.  
p. 1552.

Legis & juris vocabula promiscue vsurpantur in Theologorum, Iuristarum & Philosophorum scholis, omnibus notum est. nisi quod *prisci prudentes Romani* (notante *Jac. Gothofredo in Ulpiano*) *caute strictèq; loquentes legis appellatione notabant ea tantum proprie, quæ positiui juris essent, quæq; à populo Principue constituta, deniq; quæ ex communitantum reip. sponsione atq; ex scripto iura essent.* *Gassendus quoque monet: aliam proprie legem, quam civilem, non esse.* vbi tamen ratio, quam adfert, (quod *lex sit πῶς ἢ κἄν* seu pactio ciuitatis apud veteres) caute accipienda est: *Demosthenes* enim & *Aristoteles*, quibus potissimum auctoribus vtitur, legem civilem in Democratia, eiusque ferendæ modum, respexerunt. Pactio autem proprie dicta non est in omni lege, e. g. in regno. Rex legem etiam inuitis fert: nisi quod in omnis ciuitatis constitutione, se velle parere legibus quas tulerit summa potestas, ciues consensisse censendi sunt, vt ante dictum est. sed *consensus* vocabulum *pactione* latius patet.

p. 1551.

Non improbanda de cetero est opera, quam *Gassendus* posuit in enodanda homonymia Juris.

ris.

ris. qua etiam occasione longe doctius Vlpianeam *Juris* distinctionem, & naturalis descriptionem explicauit atque excusauit, quam illi, qui importunitate mera conantur rumpe-  
re nodum, quem ratione non possunt soluere : exagitati & improbatum etiam *Seldeno de I. N. & Gent. lib. 1. cap. 4.* vel ex notissimo certissimoque illo principio, quod *Cicero* in hunc *de Nat. Deor. II, 62.* sensum extulit : *Soli ratione vtentes, jure & lege viuunt.* Sed & *Grotius* significationes *juris* studuit explorare *de I. B. I, 1, 3. & seqq.* Ne de aliis dicam, præsertim *Scholasticis*, qui in operosis suis commentariis de *Justitia & Jure* satis copiose hoc agunt. Adietiam, si vis, *Contzenium* referentem complures, qui de legibus scripserunt : *polit. lib. 5. cap. 1. §. 4.*

Attendatur ergo primo *Æterna Lex*; quæ *Lex æterna* nihil est aliud, quam conceptus rei gubernandæ ad prouidentiam Dei pertinens. sicut enim illa dirigit res omnes conuenienter cum cuique rei, tum suæ ipsius bonitati, in fines & præcipue vltimum; ita eadem, quatenus intelligitur ita dirigere, vt cuique necessitatem siue obligationem quandam cuiusque naturæ congruam imponat, *Lex æterna* vocatur. Per necessitatem impositam res irrationales; rationales verò libere, i. e. salua potentia obsequendi vel refragandi diriguntur. Itaque etiam illæ improprie, hæc proprie obligantur: ad illas *Lex æterna* strictam propriamque rationem legis non obtinet: ad has omnino obtinet. quæ omnia ex Theologis Scholasticis & Moralibus latius explicantem vid. *Ca-*

*lixtum Theol. morali p. 46. &c.* Viderunt hoc Ethnici, & satis luculente interdum philosophati sunt: nisi quod suam ipsi philosophiam in altioribus istis rerum omnium principiis & originibus vel obscurarunt, vel corruerunt. Quæ Cicero in hoc argumento eximia habet, ex Pythagoricis & Platoniciis hausta sunt. sicut pronum est intelligere, si quis vel ea repetat, quæ omnium clarissime grauissimeque in Pythag. carmina Hierocles scripsit. *ὁμοιογενὲς νόμον* atque *ὁμοιογενὲς νόμος* vocat: quasi diceret *legem opificem* seu *leges opifices* vel architectonicas. Hic, ait, omnia discrimen & ordinem accepisse in primo rerum conditu. Appellat etiam *immutabilem DEI* & *architectonicam operationem*, tandemque *legem*, inquit, in superioribus declarauimus perpetuam DEI, eodemque modo se habentem operationem; quæ semper & immutabiliter omnia ad esse suum ducit ac ordinat.

p. 29.

Lex naturalis.

Ex lege æterna resplendet siue exprimitur *Lex naturalis*, quæ quasi promulgatio est legis æternæ. Eo ipso enim homini illa promulgatur, quod diuinitus naturam intelligentem accepit, per quam cognoscere & diiudicare possit, quæ sunt honesta & humanæ dignitati consentanea; tum, quæ turpia & indecora. (v. Calixt. l. c.) Connascitur autem hoc lumen & naturale rationis dictamen, non actu, sed potentia, proxima tamen; quæ scilicet, ut primum ratio se vindicare & exercere incipit, in actum prodit: applicaturque ad opera particularia per dictamen conscientiæ. Necessitudinem æternæ legis & naturalis legis Cicero tum alibi  
tum

tum 2. de ll. 4. ita exprimit: *Principem legem illam & ultimam, mentem esse omnia ratione aut cogentis aut verantis Dei; ex qua illa lex, quam Dii humano generi dederunt, recte sit laudata. Est enim (ita pergit) ratio mensq; sapientis, ad iubendum & deterrendum idonea.*

Quatenus autem hæc lex naturalis refertur ad naturam rationalem per se consideratam, communiter solet appellari *jus naturale*: quatenus autem refertur ad naturam rationalem in ciuili societate & rep. constitutam, *Jus Gentium* vocatur.

Comprehendit Lex naturalis tum *prima & vniuersalia principia practica*, tum *conclusiones ex illis deductas*. Primum practicum principium est: *Bona facienda esse, mala non esse facienda*. Videri omnino dignus est Gassendus, qui (*phil. moral. p. 1555. & seq.*) capita generalia & prima huius juris colligit explicatque.

Atque illa quidem non possunt deleri ex hominis mente: quando autem per consequentias ad minus vniuersalia descenditur, fieri potest, vt praua educatione aut consuetudine, ea quæ juris naturæ sunt, obscurentur ac obliterentur. sicut in præfatione harum institutionum attigimus.

*Legem naturalem* (inquit Gerhardus de Mag. Polit. §. 217. cuius verba certas ob causas adferre lubet) *Deus protoplastis primitus perfectam implantauit: eiusdemq; reliquias adhuc mediante natiuitate ex parentibus, animis hominum inserit. Idem §. 262. Lex naturalis immediate à Deo creatore primorum hominum cordibus fuit inscripta,*

*eademq; adhuc hodie, mediante carnali propagatione, posterorum cordibus à Deo interiorius inscribitur. Ibidem: Lex natura est rivulus quidam ex fonte legis æternæ, quæ in Deo est, deductus, ac diuinæ illius lucis, sapientiæ scilicet & iustitiæ in Deo quidam radius. Ibid. Lex natura immota est, immutabilis ac perpetua. It. omnibus natura nota: Estque jus naturæ pars diuini juris, quod ad c. 2. Ep. ad Rom. demonstrat Phil. Melancthon. It. in Epitom. phil. moral. p. 248. jus naturæ esse diuinam sententiam.*

De modo indagandi juris naturalis eximie disputat *Seldenus de I. N. & Gros. lib. 1. cap. 1. §. 10. sqq.*

**Lex Moral.**  
lis.

Ceterum, quia dictum est, illam naturalem notitiam obscurari posse & solere, igitur Deus, ut humanæ vel tarditati vel prauitati consuleret, simulque omnem contumacibus excusationem præcideret, peculiari denuo promulgatione legem naturæ inculcauit, Decalogoque, quæ actiones ex se & ratione obiecti naturam rationalem ac humanam decerent, quæ dedecere, comprehendit. Atque hæc est *Lex moralis*, juxta tenorem æternæ legis, in lege naturali relucens ac expressæ, conclusiones legis naturalis certis & necessariis consequentiis innixas comprehendens. excepto tertio præcepto, quo cæremonia sabati, adeoque lex positiva, continetur. Quæ de re amplius Theologi agunt.

**Lex Posi-**  
tiua.

*Positiua* autem *Lex* dicitur, quæ ex principiis vniuersalibus non deducitur, sed in qua ab illis principiis ad particularia descenditur  
adeo,

adeo, vt consequentiæ necessitas vel euiden-  
tia non appareat, arbitrio scilicet statuentis  
nixa, id est eius, qui potestate νομοθετικῇ est  
instructus.

Cumque leges Positiuæ aliæ sint *Diuinæ*,  
aliæ *Humanae*: de illis Theologi agunt; de his  
nunc porro edisserendum est; si prius indica-  
uerimus, qui veterum, & quomodo Jus Le-  
gemque distinxerint.

*Auctor librorum ad Herennium* Jus constare  
dicit his partibus, *Natura, Lege, Consuetudine,*  
*Judicato, æquo & bono, pacto.* *Aristoteles* 1. *Rhe-*  
*tor.* 13. facit legem aliam propriam, aliam com-  
munem. Propriam vocat, quæ singulos spectat,  
per se consideratos: Estque vel scripta, vel non  
scripta. Communis Lex est secundum naturam: est  
enim illud, quod omnes judicant natura communi-  
ter justum, aut iniustum, etiamsi nulla communio  
ad inuicem, aut pacto, intercederet. Ita apud So-  
phoclem Antigone ait, jus esse, Polynicem interem-  
tum sepelire, quod natura id justum esset. Atq; hoc  
non hodie & heri, sed semper valet, siue vim suam  
obtinet. Et quæ sequuntur.

II, 13.

Descriptiones quoque legis variæ extant Descri-  
apud veteres. apud Ciceronem (2. de N. D. 31. ptiones le-  
& alibi) Lex est recti præceptio, prauiq; depulsio. <sup>gis variæ.</sup>  
Digna omnino sunt, quæ legantur Platonis  
Φιλοσοφία de descriptione legis in *Minoe*:  
vbi per gradus incedit, & primo inquit, an τὸ  
νομικόν seu consuetudo Lex sit: deinde addit  
δῆγμα πόλεως decretum ciuitatis: tertio adiun-  
git & δὴ ἐξ ἄρῃ eius quod vere est (i. e. legis  
sempiternæ seu naturalis) inuentionem: quarto

H 5

addit

addit πολιτικά συγχεύματα & civiles constitutiones: denique τὸ ὀρθόν, seu id quod rectum est, ad complendam descriptionem adiungit. Phaenonius ex veteribus in suum Lexicon descripsit illas definitiones legis: νόμος, λόγος, πρῶτα κληρὸς τῷ πρακτέων τε καὶ ποιητέων. Lex est oratio praeicipiens quae agenda & facienda sint. Item: νόμος ἐστὶ βασιλικὴ ἀνάγκη (ἢ πρῶτα κληρὸς βασιλέως) διορθωτικὴ πάντας ἐκκρίσις καὶ ἀκρίσις πηλημελήματός. Lex est dispositio Regia (seu praeceptum Regis) quae corrigit omne delictum, siue à volentibus, siue ab inuitis commissum. Iterum: λόγος πρῶτα κληρὸς ἀ δέ, ἢ ἀπαγορεύων ἀ μὴ δέ. Lex est oratio, praeicipiens, quae oportet fieri; & vetans, quae non decet fieri. Aristoteles proæmio Rhetor. ad Alexandr. καὶ γὰρ ὁ νόμος ἐστίν, ὡς ἀπὸ πρῶτος εἰπεῖν, λόγος ὡς ἐπιστολή καὶ ὁμολογίαν καὶ ἐν τῷ πόλεως, μινύων ὡς δέ, πρῶτα κληρὸς ἐκαστα. Lex, simpliciter loquendo seu semel definiendo, est oratio constituta consensu communi civitatis, indicans quomodo debeant singula fieri, seu quomodo debeamus singula facere. Quae descriptio Legem positivam spectat. Alibi addit δυνάμει ἀναγκαστικῇ vim cogendi. 10. Eth. cap. ult. Scholasticorum definitionibus recensendis occupatur Contzenius 5. polit. 2. è quibus Thomae definitionem multi probant: Lex est ordinatio rationis, ad bonum commune ab eo, qui curam communitalis habet, promulgata. Videatur omnino etiam Horneius in Ethicis.

An definitioni inferenda sit mentio iusti rectique, disputatur. Plato, & eum secutus Cicero (2. de ll. 5.) nullam esse legem hoc nomine dignam,



dignam, nisi quæ iusta rectaque sit, contendunt. vocem legis, ut apparet, in præcipuo & excellenti significato sumentes. Alii legem distinguunt in *iustam* & *iniustam*. sicut nec de Reip. essentia sit, rectam esse; cum & corruptæ dentur: & ad reip. conditionem etiam leges se habeant.

Requisita Legis alias *Isidorus* (in orig. 2, 10.) *Legis requisita* expressit: Erit *Lex honesta, iusta, possibilis, secundum naturam & patriæ consuetudinem, loco temporis, conueniens, necessaria, utilis, manifesta quoque, ne aliquid per obscuritatem in captionem contineat, nullo priuato commodo, sed pro communi ciuium utilitate conscripta.* *Fridericus Imperator* apud *Radeuicum lib. 2. c. 3.* ita complectitur: *Siue ergo nostrum jus, siue vestrum in scriptum redigatur, in eius constitutione considerandum est, ut sit honestum, iustum, possibile, necessarium, utile, loco temporis, conueniens.* De quibus singillatim aliquid erit dicendum. *A Gerhardo (de Magistr. Polit. §. 221.)* contrahuntur ita, ut materiam legis faciat 1. *iusta & honesta.* 2. *possibilia.* 3. *Reip. salutaria & utilia.* 4. *vniversalia, & futura:* quæ quidem duo distincta sunt.

Quod dictum est, legem positiuam *honestam & iustam* esse debere, ad ipsam formam inter-  
nam legis spectat, quæ in congruentia cum iure  
naturali, cum dictamine rectæ rationis & princi-  
piis practicis ponitur. (vid. *Gerh. de Magistr. Polit. §. 260.*) Jus autem naturale ex congruentia  
cum Lege Diuina, cuius pars est, æstimari, ex  
superioribus repeti debet. Præcipiuntur au-  
tem

*Lex iusta  
ac ho-  
nesta.*

tem lege positiua interdum ea ipsa, quæ sunt juris naturalis, eodemque modo. Tale est præceptum de *non occidendo*, naturale scilicet, sed positiua quoque lege constitutum. Hinc nonnulli dicunt *legem vel esse naturalem seu communem, vel propriam seu ciuilem; vel naturalem & ciuilem simul*; propter nouam scilicet ad animos humanos applicationem & sanctionem. Plerumque autem *lex positiua legi nature aliquid addit*, vel determinando specialem actionis conditionem seu modum; vel ex illa generali juris naturæ regula (quæ bono publico conducere iubet, quidquid statuitur) actiones exigendo prohibendoue, quas, ut tales, lex naturæ non attingit. Manifestum interim est, lege humana positiua nihil prohiberi posse, quod lege diuina, siue naturali, siue positiua, mandatur: neque mandari, quod vetatur. In desuetudinem autem deducta lex naturalis vel diuina, in usum reuocari lege humana potest; & determinari ad certum tempus & locum, quæ tantum quoad substantiam diuinitus mandata erant. Item quæ nulla lege diuina attinguntur, nec ex se vel honesta vel turpia sunt, adeoque indifferentia, lege humana vel præcipi, vel prohiberi queunt, si ex occasione & re præsentis ad bonum publicum seu omittendo seu faciendo referri possunt.

Sed, ut sunt res humanæ, non vna imperfectio in legibus Rerump. etiam hac in parte deprehensa est: dum permittuntur, aut statuuntur ea, quæ ad legem naturæ relata ac diuinam;

vinam, probari non possunt: aut plane iniqua sunt. unde *iniustas* quoque *leges* dari, supra dictum est: adde & imperfectas, quæ ad internæ justitiæ examen non possunt laudari. Referenda huc sunt, quæ *Grotius* habet de I. B. III, 10, 1. & 2. adde not. Atque hic, veluti in locum communem conduci possunt exempla *Legum iniustarum, imperfectarum, ambiguarum*, e. g. iniqua Lex Macedonum apud *Curt. VI*, 11, 20. Illa Rom. duodecim tabularum, de debitoris corpore inter creditores diuidendo. apud *Quintil. instit. orat. III*, 8. an & *L. Quisquis* 5. C. ad *L. Ful. Maiestatis*. ea parte, qua pœnam in liberos nocentium porrigit? Ita videtur sentire *Grotius* de I. B. II, 21, 13. contrarium autem *Jac. Gothofredus* tuetur in nobili *commentario ad illam legem*. Idem *Grotius* exemplo Scti Silaniani (quod tuetur *Cassius ap. Tac. 14. An. 43. & seq.*) *leges Romanas* in multis duriores, quam *Christiana lenitas* patiatur, vult ostendere, de I. B. I, 2, 10. (notandum hic, tales disputationes de æquitate, aut iniquitate legum, vtilem habere exercitationem inter proficientes. Ita cap. 9. *Gellius* de Lege Solonis disputat, lib. 2. c. 12. Ita hodie de lege disputatur, quæ fures suspendio punit &c.) Adde *Danaum Polit. Christ. 5, 1. & 2. Canonista*, & ex eorum mente *Contzenius lib. 5. Polit. cap. 3. §. 4.* catalogum ponunt legum ciuiliū Rom. iniustarum; in cuius fine tamen addit *Contzenius*: *verum multo plures esse iniquas in omni rerum genere facile esset ostendere: & harum quadam excusari videntur*. Iplis Canonistis ex confessione Pontificiorum

Scriptor

Scriptorum monstrari posse, quod in jure Canonico reperiantur lege diuina & naturali contraria. & obscura & sibi inuicem repugnantia, videas licet in *Gerhardi Confessione Catholica* l. 1. part. 2. c. 14.

Lex Reip.  
utilis sit,

Ad finem legis spectat, quod legem reip. salutarem vtilemque, adeoque ob publicum bonum ferri debere, dictum est. Itaque facile intelligitur, quid sentiendum sit de illis legibus, quas caussa *adipiscendi illicitos honores, aut pellendi claros viros, aliq;* ob praua, per vim latas esse, Tacitus memorat 3. A. 27, 3. Ratiocinatio autem utilitatis huius simplicissima quidem est, quæ ex ipso ciuitatis fine, id est, ex Felicitate, & Beatitudine petitur. Eius enim descriptio est loco regulæ, qua utilitas legis definitur. Sed potest tamen fieri, vt ex rebus circumstantibus ambigua fiat æstimatio. Ita apud *Thuanum* (lib. 41. p. 460. & 461.) à Rege Galliæ anno 1564. constitutio facta est *juxta vtilis & æqua*: sicut *Historicus* iudicat. sed quia tamen instante *Joan. Monlucio* Episcopo Valentino facta erat, adeoque gratiæ potius vnius viri, quàm publicæ utilitati data videbatur, itaque ceteræ curiæ (excepta Parisiensis) id edictum, vt *ambitiosum* reiecerunt. Interdum in Legislatoribus animaduertitur vitium, si partem utilitatis publicæ præcipuam putant, quæ non est præcipua, aut interpretantur prolixius, quam par est. Notat hoc propositum in Henrico VII. *Baconus de Verulamio*, quod nimis studuerit pecuniis corrogandis. Pertinet huc etiam, quod de eo in hanc sententiam

tra-

tradit: *ut interdum leges suas ad prerogativa sua jura trahebat & prope torquebat: ita rursus per vices, prerogativam suam, ad Legum aequalitatem & moderationem consulto demittebat: Quilocus propterea allatus est, ut ostenderet, Legislatōres monarchicos eorumque magistros partem publicæ utilitatis semper facere prerogativam monarchæ; siue, in describenda utilitate & felicitate ciuitatis, intime innectere prerogativam Principis, in cuius maiestate, salutis publicæ tutelam, in hoc quidem genere regiminis, contineri dicunt. Incidunt etiam tempora, quibus leges accommodandæ sunt, ubi legum ratio vnica est in temporis circumstantia: quæ alio tempore non esset eadem. Hinc est, quod Græci id genus Legum positivarum *ἡ νόμος τῆς βίης καὶ τοῦ χρόνου* dicunt, seu *inuenta vitæ ac temporis*, id est, quæ præsentis status ac temporis conditio, vsusque & emergentes varii casus vitæ postulant. Quæ omnia in utilitate legum examinanda attendi debent. Illud quoque non omittendum, vtilem cense-  
 ri legem, quæ in commune prodest: vere Cato apud *Liuium XXXIV, 3. Nulla Lex satis commoda omnibus est: id modo queritur, si maiori parti & in summam prodest.**

Quod dictum est, possibiles esse leges debe-  
 re, non de absoluta possibilitate accipi debet *Possibilis.*  
 (ea enim præsupponenda potius, quàm incul-  
 canda est) sed de respectu humanæ conditio-  
 nis: præsertim quod ad leges pœnales atti-  
 net. verissimum autem est illud *Taciti: flagi-  
 tia sine modo sunt; supplicia ac remedia Principis  
 mode-*

de I. B. I. 4. *moderatio temperat* : 3. A. 50. 2. bene *Grotius* :  
 7. *Ferri leges ab hominibus solent ac debent cum sensu  
 humana imbecillitatis. Quæ observatio etiam  
 interpretationi legum servit: censendi enim  
 sunt legislatores, quam minimum voluisse re-  
 cedere à naturali æquitate.*

Lex futura  
 respicit.

3. A. 69. 2.

lib. 19. p.  
 591.

De futuris legem ferri, ante dictum est.  
 Quod enim apud Tacit. dicitur, *leges in facta  
 constitui; quia futura in incerto sint*: id ad pœnas  
 legibus constitutas pertinet: itaque mox in  
 vicem explicationis sequitur: *sic à maioribus  
 institutum*, ut, si *anteissent delicta, pœna seque-  
 rentur*. Memorabilis est narratio Thuani de le-  
 ge pia & honestati publica consentanea, qua clan-  
 destina matrimonia prohibentur: sed quia  
 huius legis suasor fuit Momorantius, priuata  
 ratione inductus, dum verebatur, ne filius  
 amatam nobilem, sed imparis nobilitatis pu-  
 ellam duceret; itaque *ambitosum* id edictum  
 à plerisque vocatum fuit; eo, quod Momor-  
 rantii causa additum est, ut, quando legi Dei  
 consentanea esset hæc lex, *in præteritum quoq;  
 valeret*, modo copula non interuenisset. Cum  
*alioquin cetera Constitutiones, quæ à Principibus  
 fiunt, tantum dent formam futuris negotiis.*

Lex uni-  
 uersalia  
 præcipit.  
 De Priui-  
 legiis:

Quod dictum est, *Leges circa vniuersalia  
 occupari*, id reuocat nos ad disputationem de  
*Priuilegiis*. Priuilegia sunt, *quæ prius irrogan-  
 tur*: vel in fauorem, vel in odium. Hæc le-  
 ge XII. tabularum prohibita sunt: *Priuilegia  
 ne irroganto*. Explicat breuiter & bene Cicero  
 3. de ll. 19. *Maiores nostri in priuatos homines leges  
 ferri noluerunt: id est enim priuilegium: quo quid  
 est*

est iniustius? cum legis hæc vis sit, scitum & iussum esse in omnes. unde & in jure civili Vlpianus repetiit: *Jura non in singulas personas, sed generaliter constitui.* Permisit tamen idem jus civile, ob fauorem personæ reiue, ob vtilitatem (intellige publicam) & necessitatem. vid. *Jacob. Gothofr. fragm. XII. Tab. annot. ad Tab. 9. tum in Commentar. ad regulas juris. 68, 141. 162.* In antiquis *Demosthenes contra Timocratem* consulendus. Legi XII. Tab. consonat illud *Tacit. 3. A. 27, 5.* quando corruptæ reip. hoc quoque signum ponit; quod jam non modo in commune, sed in singulos homines lata sint quæstiones. In causa Mariæ Scotæ apud *Camdenum*, ut agi posset vehementius, noua lex maiestatis, in Reginam Mariam lata est. Ceterum priuilegiorum vocabulo, fere beneficia hodie, & in fauorem indulta significari solent.

(Quamquam alias distingui beneficia & priuilegia, recte notat *Bodinus s. de rep. 4.*)

Vnde Scriptores Juris Publici, cum de priuilegiis agunt, eo referunt *Jus Nobilitandi & Dignitates conferendi; Jus ciuitatis condendæ; Jus Saluoguardiæ, seu absolutæ & plenæ securitatis; Jus & veniam ætatis; Jus famæ (in famam & honorem restituendi); Jus Judeos recipiendi; Jus induciarum moratoriarum; Jus spurios legitimandi; dispensandi, seu remittendi pœnas capitales.* vid. *Sinolt. Schürz. Colleg. I. P. vol. 1. disp. 3. rh. 21.*

Comprehendi autem potestate legislatoria etiam priuilegia, tum res ipsa loquitur, tum ita ostendi potest, si attendamus, quæ postea dicentur. *Legis ferendæ* vocabulo etiam

*tollenda legis potestatem contineri; qui autem tollere potest legem, quin possit limitare, derogare, excipere à lege, dubio caret. Et quid aliud est priuilegium, quam exceptio à lege? unde jus singulare dicitur. quanquam distinguere soleant interdum Jus singulare & priuilegium: notante Jac. Gothofredol. ante cit.*

Aliud est quærere, de prudentia in priuilegiis indulgendis sequenda: quæ res sæpe ancipitem deliberationem habet. sint exemplo priuilegia magna ciuitatibus concedenda; quæ Imperatores in Germania solerti consilio indulgere, vt Episcopis, nimia affectantibus, subtraherentur nerui potentiae. Obseruare licebit aliqua eius generis, etiam in amplissimis immunitatibus, quæ Nobilium Ordini concessæ sunt. Dum enim formidatur Principum potentia, inter artes ponitur, quidquid eam minuit. Interim cauendum, ne frequentia nimis, ne temere, ne in præiudicium concedentis, priuilegia concedantur. Vnde Principum beneficiis & priuilegiis clausula addi solet: *Quod sine mea, aut alterius fraude fiat:* quam laudat Bodinus, & inesse censet, etiamsi omissa fuerit.

Lex sit perspicua.  
an & brevis?  
uis?

Ad externam legis formam facit, quando præcipitur, vt perspicua sit, vt brevis sit (est enim aliquando breuitas perspicuitatis pars) unde etiam præsumtio est semper de perspicuitate legis; quando ita ratiocinamur: Legislatori neque ingenium, neque operam, neque facultatem ullam defuisse, quo minus posset aperte perscribere id, quod cogitaret. Consuesse eos, qui leges scribant, exceptio-



*exceptionibus vri: apud Ciceron. 2. de inuent. 45. & 46. laudatur lex, quæ ita diligenter perscripta sit, ita cautum vnaquaq, de re, ita, quod oportuerit, exceptum, vt minime conueniat, quicquam in tam diligenti scriptura præteritum arbitrari. Vbi tenenda tamen hæc circa ipsas exceptiones exceptio: neminem posse omnes res per scripturam amplecti, sed eum commodissime scribere, quicuret, vt quædam ex quibusdam intelligantur. 2. de inuent. 50. Itemque: Non omnia scriptis, sed quædam, quæ perspicua sunt, tacitis exceptionibus caueri. cap. 47.*

Obscuritatem Legum Francis. Baconus de Verulamio *serm. fidel. 61. aphor. 52. à quatuor rebus originem ducere ait, vel ab accumulatione legum nimia, præsertim admixtis obsoletis: vel à descriptione eorum ambigua, aut minus perspicua & dilucida: vel à modis enucleandi juris neglectis aut non bene institutis: vel deniq, contradictione & vacillatione iudiciorum. In quibus partibus vna tantum est, quæ legem ipsam attinet, scilicet, scriptura obscura aut ambigua. Cetera aliunde accidunt, vt multitudo legum, à Legislatoribus; sinistra enucleatio, ab interpretibus: quibus hæctenus accenferi etiam Iudices dissentientes aut vacillantes possunt: nisi quod res iudicatæ ipsis Legibus denique annumerantur.*

*De obscuritate aut perspicuitate legis ipsius diligenter egerunt Rhetores antiqui in genere caussarum forensium: quatenus vel in verbis, vel in materia dubitatio locum habere potest.*

Neque parum illustrant hunc locum, quæ de *interpretatione legum* tum alii scripserunt, tum *Grotius de I. B. II, 16.* Qui enim bonum interpretem vult agere, omnes fontes causasque vel perspicuitatis vel obscuritatis sciat enucleetque, necesse est. Quid in Juris Romani interpretibus desideret *Jacobus Gorhofredus*, erudite ostendit in præfationibus ad *Animaduers. Juris Civilis* & ad *L. Quisquis C. ad Ful. Mai.*

In *rebus judicatis*, primum ea noscenda sunt, quæ *Rhetores antiqui* de auctoritate, tum in se, tum comparata, disserunt. Cetera eximie complexus est, in *præfatione ad Decreta, Aerodius.* De his memorabilis est cautela, quam *Bodin* suggerit *lib. 6. cap. ult. p. 1183.*

De *multitudine legum*, illustre est *Taciti* testimonium 3. *A. 25.* cum fatetur, *ut antehac flagitiis*, ita tempore *Tiberii legibus laboratum esse*; *Bodin. ibid.* eaque occasione disserit de *principiis juris*, & quibus modis ad illam multitudinem infinitam & varietatem legum peruentum sit; *corruptissimæq;* *Reip.* partum ac indicium denique *plurimas leges* ponit. sed nimirum id fatum fuit Romanæ jurisprudentiæ, in qua ad habiliorem *Reip.* usum concinnanda nunquam inde defuit, quod laboraretur.

(De quibus rebus ferendæ sint leges *Danaus* proposito indice alphabetico docuit. *Plato* non vult de omnibus rebus leges ferri. laudante *Bodin. 6, ult. p. 1183.*

Sicut autem nimia multitudo ciuitati onerosa est: ita nimia quoque paucitas non parua habet

habet incommoda. Cum enim Legislatoria potestas ad amplitudinem ipsius Imperii pateat (à quo scil. personæ, res, actiones omnes pendent) itaque leges ad omnes ciuitatis partes debent porrigi. verum quia humana prudentia non potest omnia complecti atque definire, ac subinde emergunt noui casus, pro remedio est, ratiocinatio ex similibus, aut exemplis, aut responsis Prudentum seu placitis Curiarum. Apud *Scriptorem ad Herenn.* 1, 13. in causa Malleoli: *Hic certa lex in rem nulla affertur, & tamen multa afferuntur, è quibus ratiocinatio nascitur, quare potuerit, aut non potuerit iure testamentum facere.*

Perspiciuitatis partem aliquando in breuitate esse, ante diximus: Eadem tamen breuitas interdum fit causa obscuritatis. Hinc *Baconus* (*aphor.* 65.) *descriptionem legum obscuram* oriri ait, aut ex loquacitate ac verbositate earum; aut rursus ex breuitate nimia; aut ex prologo legis, cum corpore ipso legis pugnante. Hinc *Juris Romani* interpretes in conciliando rubro cum nigro laborant.

*Breuitate igitur obscura* repudiata, est etiam clara & illustris breuitas, quam in lege exigit *Seneca* *epist.* 94. *Legem breuem esse oportet, quo facilius ab imperitis teneatur. velut diuinitus emissa vox sit. Fubeat, non dispuret.* Hactenus bene: sed, quod addit, *disputationem* habet. Nihil mihi frigidius videtur, nihil ineptius, quam lex cum prologo. *Mone, dic, quid me velis fecisse: non disco, sed pareo.* Et ante dixerat: *In hac re dissentio à Posidonio: non probo, quod Platonis legibus*

*adiecta principia sunt. Prologum legis hic vocat, non, sicut modo Baconus, titulum seu rubricam legis: sed προοίμιον seu suasionem legis; seu eam partem, quæ non tam præcipit, quam præcipiendi rationes causasque exponit suadetque. Valde tamen probabiliter usum eiusmodi προοίμιων Legislatori commendat Plato de Rep. l. 4. extremo. Quin ipse Seneca fatetur, quod leges quoque proficiant ad bonos mores, utique, si non tantum imperent, sed doceant. Itaque hodie consensu gentium plerarumque videmus usurpari hæc præmia in novis legibus ferendis, aut veteribus corrigendis. Quinimo ipsa lex diuina positiua, nobilissima scilicet & sapientissima, suis præmiis non caret.*

Partes Legis.

Quæ in lege requiri & reprehendi soleant, ex his quæ dicta sunt, apparet. Illud adiiciendum est: partes legis duas esse *necessarias*: *præceptionem*, seu *jussionem*, seu *constitutionem* (qua interdicta quoque continentur) & *sanctionem*: *tertia, præfatio* seu *prologus* etiam omitti salva lege potest. *Constitutio* est id, quod lex jubet aut verat: *Sanctio* pœnas violatoribus legis decernit; inestque omni legi, qua lex est, etiamsi verbis disertis non exprimitur. Vnde supra diximus: *Aristoteli* legi διωκτικὴν ἀναγκαστικὴν seu vim cogentem tribuere. Et *Seneca* ep. 94. *Quid aliud sunt leges, quam minis mixta præcepta?* Itaque in ipso ferendarum legum jure hoc continetur. Leges enim ferre, nihil est aliud, quam necessitate faciendi omittendique res in legem deductas ciues obligare. Qui effectus nisi

nisi sequatur, legis nomen potius, quam vis manebit.

De *diversis Legum appellationibus*, e. g. in jure De legibus  
 civili, de *plebiscitis*; *Senatus consultis*; *constitu-* specialiter  
*tionibus Principum*; *jure prætorio*; *responsis pru-* sic dictis.  
*dentum*, nihil attinet verba facere. (videri in- De variis  
 terim possunt *Antonius Augustinus in erudito* legum ap-  
*Commentario de LL. & SCis, & JCI* passim) pellationi-  
 Quantum enim ad naturam Legis attinet, si bus & di-  
 semel vigorem legis adeptæ sunt, nihil inter- stinctioni-  
 est, quomodo appellentur. Ab Auctorum bus.  
 conditione, à modo item ac occasionibus fe-  
 rendi desumuntur illa nomina: suntque alibi  
 alia. id quod ex historiis rerum repetendum  
 est. Neque cetera aliquid difficultatis ha-  
 bent, quando lex vel *scripta* vel *non scripta*, *af-*  
*firmans*, *negans*, *uniuersalis*, *particularis*; aliisque  
 distinctionibus denotatur.

Postquam ergo ea sunt allata, quæ naturam Summa hu-  
 & vim legis possunt ostendere, facile est, de ius juris  
*Legislatoris officio & virtutibus* judicare. Quan- ferendarum  
 quam huc potius pertinet, *de jure potestateg;* legum.  
*Legislatoris agere*. Id quod jam ab initio feci-  
 mus, cum inter jura Maiestatis & partes retu-  
 limus legum ferendarum potestatem; adeo-  
 que & tollendarum, limitandarum, authen-  
 tice interpretandarum, aliove modo mutan-  
 darum. Hæc omnia enim insunt potestati le-  
 gislatoriæ, cuius est, constituere ea, quæ pu-  
 blicæ felicitati obtinendæ conducunt. Et si  
 ergo crebra mutatio legum fugienda sit, neq;  
 sine magna ratione discedendum ab iis, quæ  
 semel placuerunt (facit enim hoc ad auctori-

tatem & firmitatem Imperii) si tamen vsus, qui *corrector legum* dicitur apud *Liuium XLV, 32.* aliquid tale postulet; vtendum est potestate, quam diximus. Perite apud *Tacitum (3. A. 34, 6.)* *Valerius Messalinus: placuisse quondam Oppias leges, sic temporibus reip. postulantibus: remissum aliquid postea, & mitigatum, quia expedirèt.*

Attingitur  
quæstio de  
Lege Fun-  
damentali.

Fert autem leges summa potestas, tum de toto Reip. statu, siue describit formam reip. quæ ciuitati regendæ tenenda atque colenda sit? tum de personis, rebus, actionibus ciuium. Hinc est, quod *omnem regiminis ciuili formulam componere, ciuitati Statum dare*, opus *πομοθεύειν* apud veteres passim celebratur. Atque hæc formula, tanquam *Lex Fundamentalis*, à ceteris distingui posset. Sed hodie aliter vtuntur *Legum Fundamentalium* & non *Fundamentalium* vocabulis: satisque vage in hoc philosophantur. Aliqui, *Legem Fundamentalem* dicunt: quæ (ita *Reinking. de reg. Sec. & Eccl. lib. 2. Class. 2. c. 6. §. 3. & 4.)* *imperantibus imperandi modum præscribit: Non Fundamentalem, quæ subditis præscribit, quid agendum.* Alii *Legem Regni* (nam hanc cum *Fundamentali* eandem faciunt) putant esse, *inueteratam quandam consuetudinem, vel tacitam legem, decursu temporis hominum mentibus inscriptam, secundum quam Reges scepra capeßere, & Reip. præesse tenentur, nisi, quæ jam diu, certa fuerunt, non sine reip. perturbatione euertere velint.* Ita *Arniseus de Fur. Maiest. lib. 1. c. 2. §. 11.* An & quatenus Rex aut Princeps obstrictus sit, aut solutus his legibus,

bus, ex formula regni seu principatus, adeoque ex iis, quæ de Maiestate personali & reali dicta sunt, facile iudicatur. Legislatores quidem qua talis, i. e. maiestatis compos, has quoque mutare potest, si de jure quæritur. quanquam in consilii quæstione prudentiores sunt, qui caute agendum, neque periculosam fortunæ aleam tentandam censent.

Quantum porro ad Legislatoris officium attinet ac virtutes, veteres vno *Prudentia* vocabulo omnia includebant. Hujus *prudentiæ legislatoriæ* partes varie possunt & solent explicari. Cum enim *prudentia civilis* ea pars, quæ νομοθετικὴ siue legislatoria dicitur, sit ἀρχη τοῦ κράτους, i. e. talis, quæ principem locum tenet tanquam arbitra rerum varie dirigendarum & dispensandarum; juxta Aristotelem 6. Eth. Nicom. 8. igitur vis eius singillatim nosci debet. Quibrevius agunt, *Iustitiam* ponunt & *Prudentiam*; quarum illa honestatem & æquitatem; hæc utilitatem legum Legislatori suppeditet. Ad quæ duo nimirum etiam ceteræ legis dotes referri possunt. Illud quidem certum est, ex natura & virtute legis recte intellecta, recte & facile æstimari officium legislatoris. Ita, cum *Aristoteles* 7. polit. 14. Legislatoris officium examinat, virtutes legis, ut Lydium lapidem, adhibet. *Est, inquit, hæc lex* (sc. Laconum de belli studiis præferendis, tanquam ad potentiam civitatis facientibus) *nec politica, nec utilis, nec vera*. Igitur multis eleganter disputat, quid in ferendis legibus spectari debeat: præcipue quidem, ut cives bonos, adeoque civitatem

De Legislatoris officio & virtutibus ex mente veterum describitur.

beatam faciat, siue eas leges ferat, quæ ad finem optima vitæ quadrant. Atq; ut hunc finem adipiscatur, spectandum, quæ ad rationalem animæ partem, quæ item ad partem ratione destitutam, sed obedire tamen rationi aptam pertineant: ut illa potius, tanquam meliora, hæc in secundis constituantur. Considerari insuper debere, quæ in vitæ agenda sunt, cuius sint differentia; necessaria scilicet, honesta & vtilia; in quibus honesta semper præferenda sint. Cumq; honestas omnium virtutum nexu contextuq; ad ciuitatis felicitatem pertineat, Græcorum nonnullos legistatores aberrasse, qui nec finem optimum ciuitatis satis propositum sibi in ferendis legibus habuerint, neq; omnes virtutes legibus suis complexi sint, sed ad eas pleraq; retulerint, quæ vtilis putantur, quales sunt bellica, siue ad victoriam pertinentes. Hæc Aristoteles bene & solide philosophatur.

Ex quibus apparet, quod in ante dictis non semel fuit suggestum, finem Legislatori esse propositum debere, ciuitatis felicitatem. siue enim Legislatorem accurate accipimus, de eo qui maiestatem habet, satis constat, qui imperii & imperantis scopus esse debeat: siue consultorem imperii & Imperantis seu adiutores sumæ potestatis, ex mandato sc. officio aut oblata decore opera, Legislatoris nomine dignamur, nemo viri ciuilis, aut prudentis, aut consilarii nomen tueri potest, nisi ipsum imperantis scopum pro regula & norma omnium suorum consiliorum, suggestionum, operum habeat. In illa porro ciuitatis felicitate ratiocinanda, primum semper honestati locum deberi, id quoque non obscurum est.

Stu-



Studebit ergo Legumlator, ut ciues bonos reddat ac iustos. Iustitiæ autem vocabulo pagani sæpe omnes virtutes comprehendunt: sicut apud Christianos *pietatis* vocabulo omnis boni moris probæque actionis laudes concluduntur. Ita Eusebius *Præpar. Euangel.* IIX, 8. νομοθεσίαν Mosaicam hoc nomine laudat, quod religionis partes, omnes ceteras virtutes fecerit, non contra. Religio enim & pietas apud paganos iustitiæ pars est. *Jamblichus* in vita Pythagoræ Pythagoram summum & præcipuum Legislatorem facit, quippe qui μετὰ πολλῆς ἐννοίας καὶ ὑψηλῆς νομοθεσίᾳ ἐπέχειερασε, multa solertia & scientia ciuili leges ferre instituit. lib. 1. c. 30. Discipulosq; Pythagoræ optimos Legislatores fuisse commemorat, Charondam, Zaleucum, Timaratum, Theatetum, Heliconem, Aristocratem, Phytium, Zamolxin, & alios: atq; hinc ex magna Græcia, adeoq; ex Italia in Græciam leges scriptas peruenisse. De Zaleuco & Charonda, & Posidonio Seneca etiam testatur ep. 90. Hi non in foro, non in consultorum atrio, sed in Pythagoræ tacito illo sanctoq; secessu didicerunt iura, quæ florenti tunc Sicilia, & per Italiam Græcia ponerent. Cum autem Pythagoras suam philosophiam ex Hebræorum fontibus hauserit, vel ex hoc extrinsecus arcessito testimonio intelligi potest, quanti sit Legislatoribus omnibus facienda Lex Mosaica. Quod vero idem, quem modo laudaui, *Jamblichus*, ex mente Pythagoræ con- lib. 2. c. 10. tendit: Bonos legeslatores physica, & rei medica, Gymnastica peritos esse debere, cum optima sit Lex, quæ secundum naturam fertur: illud ad

ad studia subsidia, & adiumenta Legislatoris referendum est, non ad ipsam disciplinam νομοθετικὴν. Manet interim, quod *leges ferre* sit opus vere philosophicum. in philosophia autem, quæ sit rerum contexta series, & quantitas doctrinarum necessitudo, aliunde constat. vid. *Dan. Heinsii præf. Aristarch. suo præfixam.*

Virtus Legislatoris ab opere nomothetico distinguitur.

Si quis simplicissime velit agere, distinguet *virtutem Legislatoris, & opus Legislatoris.* Virtus in hoc consistit, ut velit & possit bonas leges ferre. *Ut velit*, amor iustitiæ, & amor Reip. faciet. *Amor Iustitiæ* formam legibus dabit & rectitudinem: *amor reip.* ad finem Legislatoris leges diriget, ciuitatique viles faciet ac salutare. *Ut autem possit bonas leges ferre, ingenium practicum, profunda ciuile prudentia, aliarumq; subsidia artium, efficient.*

*Opus Legislatoris* in hoc consistit, ut legens prudenter excogitet, diligenter & bene perscribat, tum publice promulget. Quod postremum (nam de prioribus satis dictum est) omnino etiam requiritur. Neque enim obligat lex naturaliter, nisi ab eo tempore, quo promulgata est. Malus ergo Legislator Caligula fuit, qui vectigalia indixit, neq; proposuit. Itaque cum per ignorantiam scripturæ multa commissæ fierent, tandem flagitante populo Rom. proposuit quidem legem; sed & minutissimis literis, & angustissimo loco, uti ne cui de scribere liceret. *Suet. Calig. 41.*

Annotatio.

In hunc tanquam locum communem pertinent illa examina Legislatorum veterum. qualia *Aristoteles*, præsertim *lib. 2. de polit.* proponit: tum *disputationes Platonice de LL.* Deniq;

Histo-

*Historia Legislationum particularium*; præsertim quibus suaforiæ ac dissuasoriæ dissertationes innexæ sunt. Ita apud *Liuium* de Lege Oppia in vtramque partem disceptatur, *principio libri XXXIV.* Alibi de aliis. Inter recentiores *Thuanus* diligenter explicat νομοθεσίας varias: nemo autem exquisitius *Franc. Bacono de Verulamio* in *Historia Henrici VII.* Suaforias *Libanij*, à *Jacob. Gorchofredo* editas, ante laudauimus.

Qui scribendo exerceri cupiunt, nobilem illam digressionem *Taciti* de LL. 3. A. à cap. 25. vsq; ad 29. possent annotatione seu consideratione politica prosequi, juxta ea, quæ annotata sunt. 2. Legislationem aliquam particularem sibi interpretandam aut examinandam sumere. cuius rei specimen dedit *Cicero*, *libris de Legibus.* 3. *Platonis Minoem*, in formam scribendi ciuilem, citra ἀσλογισμὸς, redigere. 4. Ex *Zaleuci* proœmio Legum, (quod extat apud *Strobaum* *serm.* 145.) dissertationem politicam adornare, de officio Legislatoris: siue illud proœmiū ἑπικλείσι πολιτικῇ perpetua prosequi. 5. Si quis *Philonis* studiosus esset, operæ pretium foret, ex eius nomotheticis (e. g. de *Decalogo*, item de ll. *specialibus*, quibus addi posset *vita Moysis*) vel de natura legum, vel de Legislatoris officio, in summam, studio scilicet erudite imitandi contrahere, quæ fusius dispersa sunt. 6. Suaforiam alicuius legis scribere, exemplo *Libanii* ante laudati. vt, si quis scriberet suaforiam *Legis Quisquis* 5. C. ad L. *Ful. M.* alius autem *dissuasor* existeret. Ita in aliis, nouæ quoque historiæ, legibus. Qua

de

de causa omnino adeundus *Quintilianus instit. orat. lib. 2. cap. 4. parte posteriore.* 7. *Ciceronis orationes pro lege Manilia*; vel de lege agraria, exemplum illustre præbent, tum huius scriptiōnis, de qua dictum; tum *ἡρωικῆς δεινότητος*, siue definitæ, specialisque obseruationis in examinandis legibus tenendæ.

## CAP. IV.

De

*Potestate circa Sacra.*

De jure  
maiestatis  
circa sacra.

**P**ostquam de jure maiestatis nomothetico actum est, quod per omne ciuitatis corpus lat. patere diximus; non alienum erit, nunc subiungere, de jure maiestatis circa sacra, siue, *quid maiestas possit circa sacra.* Cum præsertim in partitione ante allata positum sit, *leges ferri vel circa sacra, vel circa profana.*

Cuius difficilis & à multis tractatæ materiz,

Ardua hæc materies, & disputationibus obnoxia, sicut fatetur *Lampadius de Constitut. Imp. Rom. part. 1. §. 16.* vbi partite & docte in *obiectum potestatis ciuilis circa sacra* inquit; *rationem autem & modum statuendi* non attingit. *Grotij extat Commentarius posthumus de Imperio summarum potestatum circa sacra*, in quo, vt omnes omnia probent, fieri nequit: in dirigenda tamen huius loci philosophia, quin vltum habeat nonnullum, vix est, vt negari possit. Tractauit etiam, è Reformatis, hanc quæstionem *Nicol. Vedelius libro*, cui titulum fecit, de *Episcopatu Constantini Magni.* in quo  
pre-

proposito plerosque suorum aduersos habuit; oppugnatusque est à *Guilielmo Apollonio*, qui iussu publico scripsit librum, cui index: *Fus Maiestatis circa sacra.*

(Dictum hac occasione de illa disputatione.)

Pontificios non attinet nominare, qui omnia hæc maiestati adiungunt. Igitur Nostri laudem *ὀρθοδοξίας* in hoc argumento merito sibi obtinendam ducunt.

In obiecto autem potestatis ciuilis circa sacra inquirendo, tum *natura potestatis ciuilis*, tum *scopus integer* bene considerari debent: *Imperium* quoque *circa sacra*, à *functione sacra*: *Fus* denique *ipsum*, à *modo iuris exhibendi* seu *exercendi* diligenter distinguui debent. Actus insuper *Imperiij*, quatenus huc pertinent, in suas species distinguui, vtile fuerit; sicut e. g. *Grotius* seorsum considerauit *Legislationem circa sacra*, *Jurisdictionem circa sacra*, & *speciem innominatam*.

Post præmissas quasdam distinctiones terminorum,

Summatim *Gerhardus* noster (quem, cur sæpius & libentius laudemus, satis putamus intelligi) ita egit *Loco de Magistr. Polit. à §. 165. ad 213.* vt, postquam imperantis officio scopoque contineri religionis curam probasset, duas postea huius iuris muneris partes faciat: 1. *Recti cultus conseruationem*, & 2. *collapsi corruptiue restitutionem*. In recto cultu conseruando potestati ciuili permittit commendatque 1. *Ministrorum idoneorum constitutionem*, non sine cautione, de adhibendo *Ecclesiæ* iudicio in *vocatione Ministrorum*. Atque ad hoc caput refert *Scholas*, *sustentationem Ministrorum*, *ordinem in-*

summa ex Gerardo proponitur.

*ter eos instituendum, tum & remotionem flagitiorum Ministrorum, repetita cautione, de qua in vocatione dictum. 2. Legum Ecclesiasticarum promulgationem de externo cultus diuini exercitio, additis cautionibus, ne tales sint leges, quæ cum officio ministrorum pugnant, ne quid temere aut sine matura deliberatione mutetur, ne sine consilio Ministerij Ecclesiastici leges ferantur. 3. Bonorum Ecclesiasticorum legitimam dispensationem. 4. Ecclesiæ inspectionem, quo visitationes refert, & Synodorum conuocationem. In recto cultu, si collapsus est, instaurando, ponit 1. inquisitionem in errantes, præsertim hereticos & seductores.*

(Dictum de modo inquirendi.)

*2. Coërcitionem eorum. 3. Idololatriæ cultus abolitionem. Ex utroque capite, conseruandæ sc. & instaurandæ religionis, quæstiones fluunt variæ: de quibus Gerhardus istas proponit, quas cum breui annotatione attingemus. 1. An subditi ad fidem cogendi? quod, contra Pontificios affirmantes, negatur. Permissa tamen licentia compellendi ad conuersionis media, sc. ad audiendum verbum orthodoxe prædicatum; & prohibendi falsæ religionis publicum exercitium, nisi necessitas aliud suadeat. Recentissima est huius quæstionis tractatio, in literis Protestantium intercessionalibus, pro Evangelicis oppressis in prouinciis Cæs. hereditariis, in Comit. Ratisb. 1653. 2. an plures religiones in vna rep. tolerandæ? Rigorem Pontificiorum hac in re moderandum, melior prudentia dicat: cū id, quod optimum est, non semper possit spectari ac obtineri: distinguenda etiam singulorum priua-*

priuatim diuerſa, citra turbas, ſentientium, tolerantiã ab exercitii publici conceſſione. ſicut & tranquilluſ reip. ſtatuſ à perturbato diſcerni debet. Religionis itidem diuerſitas à blaſphemiis publicis multum differt. Aliud quoque eſt, tolerare diuerſas religiones, aliud approbare. Vnde nec Syncretiſmuſ locum habet, ſed pax & concordia publica. Quid autem imperantes ipſi hac in re poſſint, diligenter, ſpectandum: abſolutam enim poteſtatem nonnullis adimunt leges Imperii fundamentales, in q̄tias iuratuſ eſt; nonnullis partitio Imperii, cum eiſ pars penes Proceres reſidet. Denique Vet. Teſtamenti inſtitutuſ & exempla in hoc genere leniuit Nouuſ Teſtamentuſ, mitiori diſciplina commendata.

(Dictuſ de *Lipſio*, qui variuſ ſe in hac quæſtione præbuit. Item de *Thuan*i præſatione in opus ſotum, quæ eximie huc pertinet.)

3. *An Pacificatio Religion. Paſſauienſis probanda?* Quod affirmatur contra nonnullos (abſtinent enim vt omnes hoc ſentiant) Pontificioſ negantes: & ſtatim ſubiungitur: 4. *An Pacificatio illa ſublata ſit per Conciliuſ Tridentinuſ?* Quod negatur.

(Omnino adeunduſ eſt de vtraque quæſtione *Limnæuſ I. P. 1, 13. cum Additionibuſ*. Conferenda etiam, quæ de Pace Monafterienſi diſputata, ſiue potius contra eam vibrata ſunt.)

5. *An fideſ hereticis, & diuerſæ religionis hominibuſ data, ſit ſeruanda?* Id quod aduerſuſ Pontificioſ affirmatur.

(*Limnai addit. ad l.c.* videri digna sunt, quæ de vocabulo *Hæretici* annotantur, vt & apud ipsum *Gerhard. loc. de Ministr. Eccles. §. 370.* tum opuscula contraria, de pace nupera.)

6. *An Imperantes possint iuramentum religionis à subditis, præsertim in officio publico constitutis, exigere?* Quod facile, contra nonnullos negantes, defenditur. 7. *An vicinorum, ob vera religionis professionem, ab ordinario Principe pressorum, curam aliquam Imperantes alij gerere debeant?* Affirmatiua cautelis munitur.

(Pertinent huc, quæ disputantur apud *Grotium de causis belli pro alia suscipiendi, de l.B. 2, 25. præsertim §. 3.*)

Ad hæc, quæ loco de Magistr. Polit. à *Gerhardo* traduntur, referenda etiam sunt, quæ tradit idem, de *Jure Episcopali: itemq; de jure Patronatus, in loco de ministr. Eccles. §. 108. vsq; ad 115. cum questionibus huc pertinentibus §. 117. item de remotione Ministrorum §. 174. de potestate Ecclesiastica §. 191. & seqq.* Denique summa huc redit, vt in hoc jure maiestatis administrando, & *Καταρπαγία*, & *Παροικισαεία* vitetur. Quorum illud vitium, omnia ciuili potestati; hoc omnia Ecclesiasticæ potestati arrogat. videndi post *Gerhardum, Meisneri tractatus de Regimine Ecclesiastico: Arniseus de l.M. 2, 6. citati à Besoldo l. Polit. 3.* Contra Pontificios in hoc argumento multa etiam disputauit *M. Antonius de Dominis*, caute tamen legendus.



De

*Jurisdictione.*

**E**Tiam si autem prudenter omnia consti-  
tuat maiestas, quæ reip. utilitati inferui-  
unt, *inanis tamen erit omnium legum tenor* (in-  
quit *Lampad. de constit. Imp. R. G. part. 1. §. 44.*)  
*nisi de genere facti posita singularibus applicentur*; & jus judi-  
& quod cuiq; potentia comperit, id actu seu effectu  
tribuitur. unde reddendi juris nata potestas, quæ  
factis singulis in specie statuta accommodet. Adde  
*Gerhard. de Magistr. Polit. §. 270.*

Quando ergo hoc jus maiestatis *Jurisdictione* Homonymia voca-  
dicitur, notandum, hanc vocem latius sumi, buli.  
quatenus maiestatis potestas per omnia re-  
rum genera, in quibus jus statutum reddi  
oportet, diffunditur, atque criminalia non  
minus quam ciuilia spectat. Alias autem cri-  
minalium potestatem hoc vocabulo non so-  
lere notari, ex vsu hodierno constat. vide  
Homonymiam huius vocis diligenter expli-  
catam à *D. Biccio* in *Aureis*, tum ex principiis  
juris ciuilis (*sect. 5. §. 36. & seqq.*) tum ex vsu  
hodierno & more loquendi Doctorum §. 46.  
& seqq.

Hæc ergo potestas administrandæ justitiæ, subiectum  
formaliter & primo est in maiestate, siue penes distingu-  
vnum, siue penes plures sit maiestas: per par- tur.  
ticipationem est in magistratibus, de quibus  
postea. (*vid. Lampad. part. 3. c. 15. §. 2. & seqq.*)

Quando autem dicitur *Jurisdictionem* pri-

mo & formaliter penes maiestatem esse, satis intelligitur, à maiestate ipsa non posse appellari, siue prouocari; ad maiestatem autem, tanquam ad fontem omnis jurisdictionis, ab omnibus magistratibus, prouocari posse, id quod *jus extreme prouocationis* vocant, & à maiestate inseparabile demonstrant. videatur *Arniseus de I. M. lib. 2. c. 4.*

Quomodo jurisdictio maiestati jure diuino competat; partim ex iis, quæ ante de iuribus maiestatis in vniuersum sunt dicta; partim ex iis, quæ *Gerhardus* contra Anabaptistas disputat (*de Magistr. Polit. §. 271. & seqq.*) satis liquet. adde *Grot. de I. B. I, 2, 7.* De jure humano & philosophia, res itidem clara est.

Partes Jurisdictionis.

Partes Jurisdictionis sunt tres. 1. Siue enim negotium ciuile sit, siue criminale, ante omnia factum, de quo disceptatur, cognoscendum est: Hæc est *cognitio*: Jure ciuili, *notio & quasi facti*. 2. De facto cognito jus statuendum est. hæc est *Jurisdictio* propriissime sic dicta. 3. Statuti juris executione opus est. Hæc, *Imperium* seu *extremum in jurisdictione* vocatur. Alii duobus membris vim jurisdictionis explicant, *explicatio* & *executio*; ad illud referentes causarum non modo cognitionem, sed & judicationem. vid. *Reinking. de Regim. sec. lib. 2. class. 2. cap. 17. §. 4. & seqq.* Idem *Reinking.* explicat, quid hic *mixtum & merum Imperium* (qua *Imperij* voce, executio scilicet in essentialibus jurisdictionis partibus notatur) significet, juxta vulgarem opinionem. Quam erudite examinat *Lampad. l. c. §. 48.* Addenda sunt

sunt omnino, quæ *Jacob. Gothofredus* annotat  
*comment. in reg. jur. 70.*

Sicut autem tres sunt jurisdictionis partes, ita etiam species objecti diuersæ; summam loquendo. itaque hoc sensu res, in quibus reddendi juris potestas vertitur, vel sunt civiles, vel criminales, vel Ecclesiasticæ.

Ad maiestatem ergo pertinet tota jurisdictio, siue distinguamus eam per partes illas essentielles; siue per species obiectorum. Quoniam autem habentes maiestatem non ubique aut semper per se possunt eam administrare, itaque aliis committunt jurisdictionem, vel jure magistratus, vel lege beneficium speciali: idque rursum vel per omnes, vel per quasdam jurisdictionis partes; itemque vel in hac aut his, vel in alia aut aliis obiectorum speciebus: prout supremæ potestati visum fuerit.

Hæc fundamenti loco probe scienda sunt in hac materia, ut ad omnes disputationes agitari solitas erudiamur. Quanquam autem cognitio, & jurisdictio propriissime sic dicta, ut & jurisdictio ac merum Imperium, ita arcte cohereant, ut omnium judiciorum quasi formam constituent; poterimus tamen de vnaquaque parte jurisdictionis totius quædam annotare.

In cognoscendo igitur 1. non omittenda est necessitas cognitionis. i. e. neminem damnandum aut puniendum, nisi auditum. Hinc apud Tacit. 13. A. 20, 5. regula communis; cuiusque defensionem tribuendam. 1. H. 6, 2. qui inauditum atque indefensi perierant, tanquam inno-

Et obiectorum species.

Quæ omnia cum ad maiestatem pertineant, ab ealibet & varie mandantur.

De Cognitione.

*pentes periisse videntur.* 2. *Diligentia cognitionis*, ut satis audiantur partes; ne quid inquirendæ veritatis negligatur. Pertinet huc solertia *Salomonis* 1. Reg. 3. quæ res multo labore & patientia constat. 3. Abesse tamen debet nimia *asperitas* atque *calliditas*. Huius exemplum est in cognitione Tiberii apud *Tacit.* 2. A. 30, s. *Illius* varia sunt genera, *tum* fouendo & immitendo nimisque audiendo delatores; *tum* tormentis, siue quæstione per tormenta abutendo; *tum* per rigorem immobilem, omnes circumstantias ad lenitatem & humanitatem ducentes, negligendo. Qua in re, qui ex mandato cognoscunt, pierumq; formula mandati se tuentur; debebant tamen meminisse, nullis mandatis humanitatem ipsam tolli. Atque ad hanc partem jurisdictionis, de quæstione facti, referenda est tota de accusando & defendendo materia; adeoque, quidquid de probationibus tam inartificialibus, quam artificialibus tradi solet; ne scilicet, qui cognoscit, fallatur. Summa non alibi exactius apud veteres tradita est, quàm à *Quintiliano* lib. 5. *instit. orat.* Quantum autem sit periculum in his rebus discernendis, vel ex historia *Philoteæ* apud *Curtium* lib. 6. apparere potest. Illi interim quæsitores, qui infra maiestatem cognoscunt, præscriptis fere legibus ac iudiciorum formulis alligantur. Maiestas ipsa liberius hoc agit; & in crimine manifesto ac flagranti omittit nonnunquam cognitionem. Id quod tamen caute fieri debet: neque cum *Clapmario* inter proba exempla retulerim, *Parmenionis*

nis inauditi supplicium. In hunc locum quaestiones variae congeruntur, e. g. an probationes innocentiae per duella, per sortes, per ferrum ignitum, per aquam, sint admittendae? quae rudioribus saeculis non sine superstitione recepta. In inquisitione praesertim in veneficas, multa in usu sunt, quae superstitione plena, à judice Christiano abesse debent. Qualia vid. apud *Xholosanum de rep. lib. 13. cap. 32. §. 5.* Idem sentiendum de signis homicidam arguentibus in occisi corpore. vid. *Besold. in Thesaur. Pract. voc. Wabrrecht.* sed infinitum fuerit, ad singula huius generis descendere.

In *jurisdictione*, siue *in statuendo jure, justitiam* judici diligenter praecipiunt sacrae litterae: locis à Gerhardo laudatis de *magistr. polit.* §. 282. Licet enim justitia se exerat in omni parte jurisdictionis; in statuendo tamen jure praecipue eius vis cernitur. Est autem *juste judicare*, ita jus statuere, ut 1. regula juris dicendi sit *Lex Divina*, tum naturalis, tum positiva. (his modis, sicut alibi explicatur) tum *leges reip.* à quibus praesertim iudices inferiores non possunt recedere. 2. *ut aequabiliter jus dicatur*, id est, secundum merita causae, ut in foro loquuntur, sine gratia & odio, aliisque animi perturbationibus. Duae hic sunt primariae quaestiones de *aequitate*: quam *Aristoteles* 1. *Rhet.* 13. describit, τὸ κατὰ τὴν γῆγραιμυδίον νόμον δίκασαι. quod praeter legem scriptam justum est; & copiose explicat. Quaritur autem I. an *aequum & bonum sit pars jurisdictionis propriissime dicta; semperq. in jure dicundo adhiberi debeat?*

De Jurisdictione  
propriissime  
dicta.

ubi non cauillandum est in vocabulis. *vel* enim supplet siue continuat id membrum, de norma iurisdicendi, i.e. lege, de qua modo dictum est: vel peculiari membro, vt luculentior sit doctrina, commendatur æquitas. Necessitatem vtique æquitatis signanter deducit *Aristoteles* l. c. *partim* ex ignorantia legislatoris; qui sua scientia non potest omnia complecti; *partim* ex generalitate legis, quæ non potest singula definire; *partim* ex discrimine delictorum, quæ, cum ex causis & circumstantiis suis plurimum differant, non possunt à iudice iisdem pœnis digna iudicari. videndus omnino *Grotius de I. B.* III, II. 3. & 4. *Item* II, 20, 25. & seqq. Spectatur autem æquitas (quod bene notandum) 1. in cognitione; cum in quæstione facti, si obscuritas inest, humaniorem partem sequimur. 2. in ipsis legibus & edictis æquitate temperatis. 3. in eo, quando lex tollitur, siue æquirari cedit lex ipsa; quæ æquitas extrinseca potest appellari. ubi satis intelligitur, hanc maiestati soli reservatam esse. (vid. *Grot. de I. B.* II, 20, 24.) 4. est intrinseca æquitas, i.e. juris scripti & aperti temperamentum & supplementum. De qua vid. omnino *Jac. Gothofred. in Reg. Juris* l. 85. §. 2. & l. 90. vide etiam *Gerhardum. in loc. de magistr. polit.* §. 290. An iudex semper debeat iudicare secundum leges? Quæritur hic etiam II. An iudex secundum acta & probata, an vero secundum conscientiam iudicare debeat? de quo fuscè *Gerhard. l. c.* §. 291. adde *Cl. Biccij Aurea sect. 5. th.* 153. in not. Pro amico an & quid liceat? eximia est disputatio apud *Cell.*

Gell. 1, 3. Adde factum *Augusti* apud *Sueton.* in *Aug. cap. 56.*

Potestas exequendi, quod jure statutum De Execu-  
est, Imperium appellatur. Quod si coniun- uone.  
ctum est cum facultate statuendi juris, *mix-*  
*tum* dicitur; si absque illa facultate considera-  
tur, *merum* est. Quanquam postea usus ob-  
tinuit, ut *merum Imperium* criminalibus rebus  
accommodaretur (de qua re erudite *Lampad.*  
*de Constit. Imp. R. G. part. 3. cap. 15. §. 35.*) Dice-  
retur etiam *gladij potestas*, synecdochice, ut  
*Lampadius* autumat, siue potius à *symbolo*, ut  
*Fac. Gorhofred.* declarat.

In hunc locū concurrit tractatio de *premiis*  
& *pœnis*: de qua materia agunt Theologi, Jcti,  
Philosophi: *Gerhardus* (in *loc. de mag. pol.* à §. 293.  
vsq. ad §. 314.) I. ostendit contra Anabaptistas  
& Photinianos, ex lege Diuina scripta, & non  
scripta; tum ex Patrum scriptis, *imperantes ha-*  
*bere potestatem*, tum *pœnas irrogandi mitiores*, tum  
*capitales*. Hinc veluti *ποροσματικῶς* colligit  
1. ministros publicos suppliciorum nulla infamia ju-  
ris laborare, nec à cœtu Christianorum excludendos  
esse. 2. Capitalia supplicia non semper & ubiq;  
remitti, pœnas tamen certis casibus mitigari posse.  
Deinde *Canones* proponit, de suppliciis capi-  
talibus, quod rara esse debeant; quod nunquam ex  
meris presumptionibus irroganda; quod sententia  
& executiones nunquam precipianda; quod non  
delectari debeant Imperantes pœnarum irrogatio-  
ne; quod non seuiendum in cadauera punientum.  
II. Circa modum irrogandorum suppliciorum  
1. quærit de sortitionis in pœnis irrogandis usu. 2. de

*proportione Arithmetica & Geometrica in pœnis irrogandis.* III. Ad obiecta suppliciorum progressus, disputat 1. de pœna adulteri capitali. 2. admodum prolixè agit de pœna hæreticorum, & contra Pontificios, & nonnullos è Calvinianis, ostendit eam non esse debere capitalem, ex scriptura, ex rationibus, ex testimonio veteris Ecclesiæ, ex testim. ipsorum aduersariorum; refutatis, quæ in contrarium adferuntur. addenda est *Iusti Meieri* quæstio capitalis de puniendis hæreticis.

*Grotius* diligenter de pœnis egit 2. de I. B. 20. & 21. hoc ordine, vt 1. naturam & originem pœnarum declararet. 2. de finibus pœnarum disliceret, 3. de obiecto pœnar. siue qui actus sint punibiles, explicaret. 4. de taxatione meriti ad pœnam. 5. de bello ad pœnam. 6. Donec denique ad communicationem pœnarum, capite è nominatis altero tractatam, procederet.

Pœnarum species plerumque ex *Isidoro* ita recensentur: *damnum, vincula, verbera, talio, ignominia, exilium, seruitus, mors.* Quomodo *I*Cti partiantur, summam est videre in *Cl. Biccij Aureis sect. 5. th. 192. vsq; ad finem libri.* Item de singulis agunt fusc; adeoque de omni pœnaliū iudiciorum argumento.

Judiciorum enim potestatem à iurisdicendi potestate non distinguimus, cum de iuribus maiestatis sermo est. Neque veteres id facere solebant. Licet alias non ignoremus, quomodo vel notiones vocabulorum, vel actus quidam distingui possint; sicut præsertim iuris ciuilis scriptores, *jus dicere & judica-*



re aliquando pro differentibus habent. (vid. *Cl. Biccij Aurea sect. 5. tb. 88. lit. aa.*) cum autem, hoc quidem loco, de ipsa tantum potestate dicendi juris, quatenus scilicet summæ potestatis pars est, agendum sit: si quis tamen totam materiam velit partiri, ad hæc potissimum capita respiciendum fuerit. 1. enim occurrunt *essentialia jurisdictionis & judiciorum*; de quibus hæctenus actum est. 2. *Ea, quæ ad processum, ut loquuntur, & formulam ac solennitates judiciorum spectant*: ubi præsertim ambages fori, & aduocatorum artes, præmiaque, cum similibus in disquisitionem veniunt, e. g. refer huc duas orationes senatorias apud *Tacitum II. A. 6. & 7.* Querelam & consultationem de labe fori apud *Barclai. in Argenide lib. 3.* *Bodin. de rep. lib. 6. cap. ult.* 3. *Historia judiciorum*, rei totius praxin, & varietatem, debet ostendere, e. g. de jure *Areopagitico Joh. Meursius in Areopago*; de *judiciis Atheniensium, Car. Sigonius: Historiam fori Romani Pollerius* scripsit. Ita præterque, quæ de jurisdictione tum Imperii Germanici vniuersæ sumti; tum singulorum ordinum, disputantur, explicatione historica nituntur, & receptis moribus, sicut videre est apud *Reinkingium lib. 2. class. 2. cap. 17. per tot.* Adde de *Camera Imperiali, de judicio Rothvillensi, de Aulico Imperatoris judicio, Austregis, Limn. I. P. lib. 9. à cap. 2. per seq. Sinolt. Schütz. I. P. rot. 2. disp. 2. & seq.* Ex illis autem, quæ de potestate & officio jûs dicentium seu judicum traduntur, sponte postea emergunt, ut in aliis quoque materiis fieri amat, quæ de virtute &

pru-

prudencia juris dicendi seu judiciaria, passim habentur. *Aristoteles in Ethicis* (adde explanationis causa *Hornei. in Eth.*) hunc locum persecutus est. Extat & *Philonis elegans de Judice libellus*, quanquam mutilus: ex junioribus, *Eryci Puteani*. Adde *Strobei Eclog. serm. 155. & 156*. Ex fabulari historia *Æacus* huc pertinet, & *Radamantus*. Oratorum autem, qui forenses orationes scripsere, maximus hic usus est: illi enim subinde judicem suæ prudentiæ, æquitatis, justitiæ, humanitatis & aliarum virtutum admonent. Ex omnibus nominabimus *Ciceronis orationes forenses*, *Seneca declamationes*; & *Quintiliani*; *Demosthenem*, *Æschinem*, *Lysiam*.

## CAP. VI.

De

*Jure Magistratum Constituendorum.*

Jus magistratum  
constituendorum  
quid sit?

IN materia de jure dicundo facile intellectum est, multis jurisdictionem jure magistratus competere: ac plerosque judices, quos constituit summa potestas, esse magistratus. Hinc ex parte jam constat, *Jus magistratum creandorum, mutandorum, abrogandorum* (ut statim complectar) *esse inter jura maiestatis*. Jus, inquam, *magistratum constituendorum & destituendorum* ita est in maiestate, ut, quæcunque magistratibus datur potestas, ea maiestatis sit, à maiestate pendeat, ad eius arbitrium.

rium quiescat, propria authoritate sumi nequeat aut exerceri: Qua de re haecenus recte Arniseus de I. M. lib. 2. cap. 4. §. 2. 10. & seqq. sed quod *extremam prouocationem & creationem Magistratum* in vnum cogit, in eo partem respexit, non totum. sunt enim & alii magistratus, præter eos, qui jure dicundo occupantur. *Magistratus* cum dicimus à maiestate constitui, intelligimus omnes, i.e. maiores & minores; licet minores interdum à maioribus, aut à ciuibus constitui videantur; sicut & aliquando summa potestas siue maiestas, ordinibus, ciuibus, aut certo generi hominum tribuit Jus, creandi etiam maiores magistratus. sed ista ad *modum constituendi* pertinent; vnde & *Electiorem* nonnulli malunt dicere, quam constitutionem. Aliud itaque est: *constituere sua vi, sua auctoritate, sua potestate, adeoque proprie & independenter*; aliud *constituere* (si hanc vocem placet retinere hic quoque) *auctoritate concessa, opera vicaria ac demandata*. Quanquam ne id quidem semper tale est, quale videtur. sæpe enim sophismate politico, *imago tantum ac simulacrum electionis ac potestatis vicariæ*, non res ipsa conceditur; sicut de Principum Romanorum arte, & alii sæpe ostendunt, & clare Tacitus l. A. 15. Quæ omnia qui non accurate distinxerit, ei philosophia huius loci nunquam in expedito erit.

Homonymia *magistratum* non est obscura. Latinis veteribus *magistratus* semper sunt; ii quibus sub maiestate & à maiestate certa imperia sunt commissa. Juniores, præser-

Vocabuli  
Magistra-  
tus Ho-  
monymia

ura

tim Theologorum consuetudinem secuti, pro Imperantibus in vniuersum sumant, & vel maxime pro iis, qui maiestatem habent. Ita, de Magistratu Politico agentes, quidquid est Imperii in rep. & praesertim suum nomen intelligunt. Nobis prior illa significatio tantum proposita est.

Aristotelis  
in hac ma-  
teria, &  
Bodini tra-  
ctatio.

Egit autem de magistratibus, si de vilo capite sui operis, valde accurate *Aristoteles 4. polit. 15.* Quem suum nomen interpretatur *Cellarius polit. 11, 9.* Illud notandum est, pleramque *Aristoteles* tractationem ad liberas Resp. respicere, earumque fere consuetudinem explicare. è recentioribus multum diligentiae adhibuit huic argumento *Bodinus*, quando *lib. 3. c. 1.* agit de Senatu; *cap. 2.* de Officialibus & Curatoribus: quatuor autem sequentibus capitibus de magistratibus, eorumque jure, ordine, officiis. Quae tamen legenda sunt non sine cautione, de qua saepius dictum.

*Aristoteles* ita partitur, vt 1. post definitionem 2. agat de speciebus & numero magistratuum. 3. de tempore magistratus gerendi. 4. de subiectis magistratuum, seu ex quibus legendi sint magistratus. 5. de causa efficiente, seu à quibus constituantur magistratus. 6. de modo creandi seu constituendi magistratus. E quibus tria posteriora membra vna voce complectitur, κατὰ τὴν νόμον seu constitutionem magistratuum appellans.

Ad defini-  
tionem an-  
notatione.

Quando definitione comprehendit jus de liberandi de quibusdam, judicandi, & maxime imperandi; satis apparet, non recte agere eos, qui

qui Senatum & Consiliarios ubique à magistratu separant. Res enim ipsa docet, & Senatum, & Consiliarios, aliquando magistratus esse: aliquando non esse. Neque accurate videntur distinguere, qui ita distinguunt: *Senator de omnibus reip. negotiis & semper deliberat; magistratus de nonnullis, & aliquando.* sæpe enim Senatus, eo ipso, quod Senatus est, jura magistratus habet, seu jure magistratus & deliberat & imperat. De cetero definitionem Aristotelicam satis commode explicat, & diligenter vindicat *Piccartus, in comment.* ad l. c.

Interim accurate in eo fecit *Philosophus*, quod à magistratibus proprie dictis, ceteros, præfectos, curatores, ministros (*ὑπάρχοντας, ὑπηρετικούς, ὑποφύλακας*) discernit. quanquam neque in Græca, neque in aliis linguis, cavillatione verborum utendum est: quæ sæpe permutantur. Plane est eximium illud: *Curationum* (*ὑπηρεσιῶν*) alias esse civiles; alias *æconomicas*; alias *administras*, *ὑποφύλακας*, quasi diceret, *ministeriales*. In quæ genera tribui posse, quidquid est officiorum, ac ministeriorum in ciuitate, non est dubium. Itaque non deesset occasio, hic agendi de ceteris illis præfecturis, curationibus, ac variis ministeriis, præter magistratus. Non tantum de iis, quæ nominatim exprimit *Philosophus* (e.g. de *Sacerdotibus*, de *Legatis*, de *Consiliariis*, de *annonæ præfectis* &c.) sed de omni illa varietate, quæ in historiis & rebusp. occurrit. Nos præcipua officiorum in alium locum

cum reseruant, nunc veluti farraginem huius materiae, exemplo praesertim Romani Imperii, suppeditamus, commendatis in sequentibus libris. Egerunt enim de officiis & ministeriis variis, *Jul. Caesar Bulengerus, in vasto opere de Imperio & Imperatore Romano. Pancirollus in Notitiam Imperij. Jac. Gutherius de officiis Domus Augusta. Gretserus in Codinum. Henr. Valesius in Ammian. Marcellinum.*

De tempore magistratus gerendi, vel perpetuo vel annuo, pleni eorum libri, qui quaestiones scripserunt, *Junij & aliorum. Bodinus fusc.*

(Dictum in ipsa explicatione.)

De iis qui ad magistratum idonei sunt, siue qui adhibendi, aut secus, itidem plana est facilisque explicatio. occurrit ibi quaestio, de hominibus novis, designata in *Notis ad Vellei. 2, 128.* de arte circa dignos inveniendos vid. *Machiauell. dissert. de rep. lib. I. c. 48.*

Ad modum, etiam juxta morem antiquorum, Comititia pertinent,

(De quibus hac occasione aliquid dictum.)

debetque hic vapulare illa *nundinatio & mercatura magistratum*, Gallis usitata. in quam erudite inuehitur *Bodinus de Rep. l. 5. c. 4.*

De Speciebus Magistratum, historia praesertim, sicut indicauimus, erudire potest. ut & de modo potestatis; ubi vide *Machiauell. disput. de rep. lib. I. c. 50.*

(Dictum de histor. magistr. Rom.)

Inprimis omnia hic accommodanda sunt ad formam reip. ac statum, quod praecclare ab

*Aristo-*

*Aristotele* monetur: qui hanc materiam non vult erudite intelligi tantummodo in *Græc.* sed vel maxime applicari prudenter in *Lat.* *Græc.* Quo respexit etiam *Tholosanus*, cum *lib. 4. polit. cap. 5.* agit de magistratibus in *Rep.* vel *Principatu*, satis copiose.

Sicut autem satis animadverti potest, de magistratibus proprie hic agi: ita ceteros curatores, atque, ut hodie vocant, officiales ministrosq; civitatis hæcenus non excludi decet, quod eorum quoq; constitutio & destitutio ad maiestatem pertinet; licet, quantum ad minores functiones, per alios sæpe eligantur, atque reiiciantur. Imo qui maiestatis habendæ agendæque periti sunt, vel maxime dant operam, ne in hoc genere præter arbitrium suum aliquid fiat.

De Legatis scorsum, certum est notumque, proprie dictos Legatos neque mitti, nisi ab habentibus maiestatem; neque, nisi ad habentes maiestatem. Alii enim laxè & populariter, non ex merito id nominis gerunt. v. not. ad *Vell. II, 7, 2.* ac de jure quidem res clara est. Quantum autem consilii politici & prudentiæ, in hac quæstione sit, ostenderunt *Grotius I. B. II, 18.* *Albericus Gentilis*; *Carolus Paschalius*; *Kirchnerus*; *Fridericus de Marselaer.* • *Grotius* quidem etiam de toto legationum jure egit. De sanctimonia Legatorum aliquid annotavimus in *Dissert. de Auspicio Regio cap. 2. §. 14.*

(De his dictum, qui materiam de legationibus ad jus referunt.)

In primis autem profuerit, ipsas legatorum occupationes & tractationes nosse. Quo fine legendæ sunt *Legationes Philippi Canaii, Litera Offati, Legatio Rhetica Paschali &c.*

## CAP. VII.

De

*Jure Belli & Pacis.*

**Jus belli & pacis.** **C**onsequens est, ut agamus de *Jure belli & pacis*. quod & ipsum maiestati vel maxime competit.

**ab homonymia liberatur.** Non autem hic nobis notant ista verba idem, quod apud *Cicer. orat. pro Balbo c. 6. & Grotium*, qui sui operis titulum inde desumpsit: sed *poteſtatem belli & pacis*.

**describitur.** Hoc sensu *poteſtas belli ſuſcipiendi gerendi, tum pacem faciendi ſeu paciſcendi*, non competit niſi maiestati ſiue maiestatem habentibus: qualemcunque interim ſpeciem habeant, quæ vel per commiſſionem, ut hodie loquuntur, vel per temperamentum, vel per ſimulacrum, in hoc genere adminiſtrantur.

Quæ de re interim illi quoque non negligerent agerunt, qui jus belli & pacis illo altero ſenſu (quando id notat, quod in bellis gerendis finiendisque juri conſentit aut diſconuenit) tractant. præſertim *Grotius*.

Coniunximus hic *bellum & pacem*. Quamuis alias diſtincte tractari jus belli, & jus pacis poſſit. Ita veteres fere. vid. *Tac. 13. A. 49.*

Annotabimus tamen ſeorſum aliqua de  
viro



utroque. Ac in *jure belli* quidem seu armorum (*armandiæ* dicunt barbari) duo sunt, quæ transactionem huius materiæ constituunt, si ostendatur; *Cui competat hoc jus? & quid in se comprehendat?*

De primo dictum est: neque probatio longè petenda. Quia enim maiestatis est, non domi tantum pacem inter ciues conseruare, eoque prohibere iniurias, iudicare lites, omniaque turbamenta tranquillitatis ciuili, sine qua ciuitas beata esse nequit, è medio tollere; sed etiam ab omni vi externa ciues defendere: itaque satis apparet, neque iniurias demi aut vindicari aliquando posse, nisi bello aduersum eos, qui nullum iudicem agnoscunt; neque pacem inuiolatam perdurare, nisi bello interdum redimatur ac stabilatur. Fluit ergo ex ipsis juris naturæ dictatis hæc potestas, vim iniustam vi iusta depellendi, tegendi armis patriam, defendendi aras focosque. Neque jure divino superest dubitatio.

Jus belli  
maiestati  
competere  
probat.

(Dictum hac occasione de regiminis Theocratici bellis: vt de loco 1. Sam. 8. v. 5. & 6. & 20.)

Adde Gerhard. de Magistr. Polit. §. 368. & 369. & 394. vt loca scriptorum atque consensum huc accumulemus, non est necessarium in re passim obuia.

Comprehendit autem *Jus belli*, quidquid Jus belli ad armatam reip. tutelam pertinet. e.g. Exercitum conscribere, delectum habere, arma quid in se comprehendat? comparare, in hostem mouere, prædas age-

re, configere; atque illa, sine quibus militia geri non potest, stipendia constituere, pœnas & præmia militibus tribuere, siue totam belli disciplinam regere, quæque alia hinc dependent. v. Tac. 6, 3. *Custodia* quoque *armata publica* vel Principis, vel ciuitatis, huc pertinet: in qua vim & speciem Imperii Scriptores constituunt. Id jus maioribus ministris ac magistratibus permitti aliquando videas; sed tum precarium est. Jure belli comprehenditur etiam *jus muniendi*. Illustris locus est ap. Tacit. 5. H. 12. *Torneamentorum* quoque jus, quatenus virtuti militari exercitandæ destinatum est, huc referunt. v. *Limæus* I. P. VI, 5.

Quæst. ad 1. membr. pertinentes: explicatio unde petenda. Ad primum membrum pertinent variz quæstiones, vel generatim & communiter loquendo, vel seorsum de hac aut illa ciuitate. Ita e.g. communiter disputatur, an magistratibus liceat arma expedire, aut subditis? vel contra vim externam, vel contra eos, qui summam potestatem in ciuitate habent, sed ea abuti videntur.

(Res, post *Gerhardum*, qui ante omnes consulendus est, diligenter tractata *Grosio* de I. B. I, 3, 4. & 5. It. I, 4. per tot.)

Seorsum autem apud Juris Publici Scriptores inquiritur, quid de jure belli competat Imperatori? quid Principibus & Ordinibus Imperii seu coniunctim seu singulis? item, an contra ipsum Imperatorem?

It. in 2. membro.

In secundo membro, eadem quæstionum distinctio locum habet; simulque obseruandum venit, ne quæstio juris cum quæstione confi-

consilii confundatur. videantur *Limnaeus de I. P. 4, 8. Schürz. vol. 2. Colleg. I. P. disp. 10. Rein-king. de reg. S. & Eccl. 2, 3, 1.*

Quæ ab aliis huc conducuntur, *tum* de iustis iniustisve aut dubiis belli causis, *tum* de modo & tota ratione bellandi, effectuque armorum & militiæ: de iis sciendum est, quod proprie ad alium locum pertineant; si velimus partite hoc argumentum exequi. Atque de illo quidem capite (quod propius huc spectat) satis diligenter *Grotius* egit: de hoc *Lipsii* (*pol. lib. 5.*) egregia designatio est, quam diffundere conati sunt *Chokier in thes. Polit. & Gabr. Naudæus in Syntagmate de studio militari*; cum Scriptoribus rei militaris alibi nominandis.

Quid alias  
huc con-  
ducatur.

*Ius pacis faciendæ* penes eosdem esse, penes quos *Ius belli* est, ex superioribus patet. Qui nomine pacis etiam inducias comprehendunt, populariter agunt. Accurate enim loquendo, illæ ad statum belli pertinent, notante *Grotio de I. B. III, 21, 1. & seqq.* Annotauimus aliqua de pace, *annotat. V. ad cap. 10. lib. 1. Tac. add. Dissert. de Amnestia Schürz. Colleg. I. P. vol. 2. disp. 12.* Qui exempla quarunt specialia, in quæstione juris, legant, quæ de pace religionis & novissima *Osnabrugensi* multis opusculis disputata sunt. Quæstio consilii, ab auctoribus militaribus partim tractatur; partim ad alium Politicæ institutionis locum pertinet, ubi de cura & studio Pacis differitur. Quo etiam retuleris ejus generis scripturam, qua *Frid. de Marselaer* uti-

De Jure  
Pacis scor-  
sum quæ-  
dam anno-  
tantur.

tur, quando in Legato suo ostendit: Quibus rationibus Pax, quibus item Bellum suaderi soleat.

## CAP. IIX.

De

## *Jure Fœderum faciendorum.*

**Jus Fœderum** unde peti debet, ostenditur. **Jus Fœderum faciendorum** Arniseus partem facit juris belli. Sed quia aliis quoque nominibus fœdera incuntur, seorsum quoque tractari potest.

Superest de natura conuentionis & pactionis. Bene de hac materia meritis est Grotius de I.B. II, 15. cum 1. tractat discrimen inter fœdus & sponsonem (sine quo non recte intelligi potest, quomodo Jus Fœderum Maiestati competat.) 2. Fœderum diuisiones exequitur. 3. de Fœderibus cum profanis gentibus disputat. [Cui disputationi adde, quæ contra fœdera Gallorum cum Turcis, Patricius Armacanus in Marte Gallico: & pro iisdem Auctor Vindictarum Martis Gallici, dilceptarunt: & si tanti est, annot. nostr. in c. 2. lib. 2. Hist. Tac.] 4. de conseruandis fœderibus, siue de eorum duratione & cessatione agit. Quibus 5. adde, quæ capite sequenti, de interpretatione Fœderum habentur. De sponsonibus: 1. ad quid teneatur sponfor? 2. an sponso obliget summam potestatem ex notitia, & silentio?

Disputatio de Fœderibus bellicis, faciendis aut non faciendis, *questionem à Νεϕορίας*, seu, vt vulgo appellant, *Neutralitatis* inuoluit, tractatum à Junioribus sæpe, præsertim peculiari

culiari opusculo à *Neumeiero*, quod seorsum editum, & actis publicis Lunderpianis insertum est. Add. diss. nostram, cui titul. fecimus: *Quies in turbis.*

Scriptit alias præcipue de hac materia *Waremundus ab Ehrenberg*. Scriptores Juris Publici sæpe & à nobis hætenus nominatim laudati, suo more de Fœderibus Imperii, & Imperatoris Romani Vniuersalibus quæ vocant, tum de Particularibus, Statuum inter se aut cum exteris, præsertim de Fœdere Smalcaldico fuscè disputant.

(Dictum aliquid hac occasione de Instrum. Pacis definitione circa hanc quæstionem.)

Observationes quasdam & exempla quasdam alibi attulimus atque considerauius. Posset, qui exerceri cupit, ex *Jul. Cæs. lib. i. de Bello Ciu. c. 34. & seqq.* instituere deliberationem ex parte Massiliensium, Cæsaris ne, an Pompeii, an neutrius partes essent sequendæ?

## CAP. IX.

De

*Dominio Eminente.*

**Q**ui inter jura Maiestatis minora referunt *Dominium Eminens, & Veltigalium Tributorumq; jus*, quin vulgariter loquantur, resque maximas, & in quibus singularis splendor maiestatis fulget, minores parum apte appellent, nemini potest esse dubium. Itaque jam supra indicauius, quod causam non videamus, magnifice de illa distinctione sentiendi.

Dominium Eminens.

*De Eminentiori Dominio* pauca annotabimus, quæ multis expediendis poterunt inferuire.

I. Frustra à *Feldeno*, & aliis, de nomine *Dominij* controversiam moueri, pro quo volunt *Imperium* substituere. Ita enim etiam Theologi, Juri & Politici in hac materia passim loquuntur.

II. Definitione *Dominij* Eminentis recte constituta, facile judicari, quid de variis quaestionibus, vel sequestrandis, vel explicandis fieri oporteat. Optime & clarissime *Grotius* describit de I. B. I, 1, 6. & explicat II, 14, 7. addatur *Bodinus de rep.* I, 9. n. 103. & quæ nos ad loc. *Grot. cit.* I, 1, 6. annotauimus.

III. Disputationem de bonis regni alienandis, aut imminuendis, confusius hic tractari; quæ expediri facile poterat, si de modo habendi regnum, adeoque de formulâ Imperii constet: & subiectum existentia maiestatis satis cognitum sit. Rursum præclare fundamenta huius loci constituit *Grotius de I. B.* II, 6. & III, 10, 5.

(Videndi Theologi, *Gerhardus in l. de Magist. Polit. & Commentatores ad l. Reg. 21. de Vineâ Nabothi.*)

IV. Vix accurate in hac quaestione distinguuntur, quæ ad materiam de vectigalibus & tributis pertinent, & quæ ad Eminentiori Dominium proprie spectant. Hinc intricari quodammodo necesse plerumque tractationem.

Cuius rei exemplum licet etiam videre in *Arnif. cap. 1. lib. 3. de jure Maiestatis.*

V. Ex

V. Ex necessitatis allegatione, propterea interdum difficilius se nonnulli expediunt, quia in ratiocinando necessitatis articulo, adeoque definiendo necessitatis casu, non ita pronum est, pronuntiare.

Habuerunt nobile talis disputationis exemplum consultationes Osnabrugenses, de Alsatia Gallis concedenda, ita de satisfactione Sue dica.

(Dictum aliquid de momentis huius quæstionis.)

## CAP. X.

De

*Tributis & Vectigalibus.*

**M**ateria de Vectigalibus, & Tributis (vt Materia de Tributis & Vectigalibus veteres loquuntur) siue de collectis & contributionibus (vt hodie amant loqui) itidem in Juribus Maiestatis tractatur: potestque illis fere capitibus includi: 1. Quomodo hoc jus, & quo nomine competat Maiestati, siue Maiestatem habentibus? 2. Quid in se comprehendat? 3. Ad quas personas & ad quas res porrigi debeat aut possit? 4. Modus siue Quantum, vnde definiri debeat? 5. Administratio in exigendo qualis esse debeat? 6. Administratio in dispensando, quo jure requiratur, aut consilio commendetur? 7. Quæ *ποσιματὰ* seu arcana in hoc argumentum concurrant? 8. Quæ totius ærarii, in rep. æconomia? Non opuserit de singulis aliquid dicere, cum præsertim hæc materia multis magnisque voluminibus tractata sit, quæ in omnium manu versantur. Quis enim non vidit

vidit *Obrechtii secreta Politica*, *Hermannum Latherum de Censu*, *Klockium de contributionibus*, *Faufti Aerarium* &c? ne de Politicorum Systematum & Juris Publici Scriptoribus aliquid dicam.

Ad singula  
membra  
annotatio,

1. Competit hoc jus maiestati, ob erogationes nomine publico faciendas. In omni enim Reip. forma pecunia publica conficiatur necesse est, inquit *Mæcenas* apud *Dionem lib. 52.* Exempli loco ibi ponitur defensio reip. siue armorum necessitas: sicut etiam apud *Tacit. 4. H. 14, 2.* Accedunt stipendia ipsis imperantibus debita. Mensura horum omnium est ex necessitatibus reip. petenda: sed extendit eam summa prudentiæ ratio etiam ad largitiones. vid. *Tac. 13. A. 50. & 51.* adde *Schütz. Colleg. I. P. vol. 2. disp. 11. th. 1.* ubi etiam de jure diuino.

2. Quid in se comprehendat hoc jus, vid. apud *Arnif. de I. M. lib. 3. c. 7. §. 1. 4. 8.* *Bodin. de rep. 6, 2.* vectigalia, tributa, exactiones, veteribus dicuntur? suntque vel ordinaria, vel extraordinaria: vel ad ærarium totius reip. vel ad fiscum Principis spectantia. *Opera rustica*, & quæ sunt eius generis, ad affinia potius pertinent.

3. In hoc membro duo præcipue in considerationem veniunt. 1. de exemptione & priuilegiis clericorum aliarumque personarum. de illis egit *Arnif. de exemptione Cler. cap. 4.* de ceterorum immunitatibus, scriptores J. P. passim *Althus. polit. c. 15.* 2. de obiecto quæri præsertim solet, quibus ex rebus tributa exigere debe-



debeant aut possint. vbi vid. quæ notauimus ad *Herodian.* 2, 4.

4. Iterum vid. notata ad *Herodian.*

5. De hoc *Lips.* vid. 4. *polit.* 11, 76. & seqq.

6. Iterum *Lipsium* vid. 4. *polit.* 11, 93. & seqq.

7. Pertinet huc *Ærarium* sanctius apud *Liu.* 27, 10. & *Jul. Caesar.* bell. *Ciuil.* 1, 14. subsidia regni apud *Tac.* 12. *A.* 7! Instar omnium exemplorum possunt esse *σφίσμα* & Henrici VII. Angliæ Regis apud *Baconum.* Arcana tyrannica eo spectant, vt expilati subiecti imbelles fiant.

8. De œconomia ærarii *Obrechtus* consulendus. & exempla variorum regnorum.

## CAP. XI.

De

*Jure Moneta &c.*

**A**D jura maiestatis referri multa alia solent. De quibus suffecerit, quæ sequuntur, annotasse.

Et quomodo quidem *Jus monetae* proprie ad jus nomotheticum referri debeat, inlectionibus Politicis aliis satis dictum est: Laudatis etiam scriptoribus, quibus omnino addatur *Goldasti Catholicon rei numariae.*

Idem sentiendum de *Mensuris & Ponderibus*, de *Nundinis*, de *Lingua.* Quæ omnia legibus determinantur. itaque veteres peculiaria jura maiestatis non numerarunt. Quantum attinet ad *jus viarum, fluminum, portuum, metallorum, bonorum derelictorum, thesauri, venatio-*

Quæ præterea à nonnullis jura maiestatis ponantur?

nis, hæc omnia ad stipendia imperantium & redditus publicos pertinent, & partim ad rem tributariam, partim ad legislationem & conventiones reip. referuntur. videndus omnino *Grotius de I. B. II, 8, 5. & 6. & 7. Arnisæus de I. M. III, 4. & 5.*

## CAP. XII.

De

*Judiciis Maiestatis.*

De Judi-  
ciis Maie-  
statis.

POSTquam ergo naturam Maiestatis & partes considerauimus, reliquum est, ut de *Lege & crimine Maiestatis* aliqua subiiciantur.

Quamquam id jam alibi à nobis factum est, in lectionibus Politicis. Petit is ergo inde, quæ annotatæ sunt, supplementi loco; sequenti aponimus.

1. Iuuerit nobiles historias iudiciorum maiestatis particulatim considerare. Quod in historia Philotæ alibi fecimus.

2. Inquiri vtiliter potest: utrum de maiestatis crimine melius accusati, an defensi sint, quorum causæ ponuntur apud *Sen. in controu. lib. 4. contr. 25. It. 5, 33. & 34.*

3. Quamquam in causis maiestatis, plerique omnes consiliarii & adiutores Principum, tutissimum regno publice, sibi priuatim existimant, districtius philosophari: non debent tamen obliuisci, cautionibus, quàm acrioribus iudiciis aliquando plus consuli utilitati regnorum, sicut in exemplo suppli-  
ciorum

ciorum Hornani & Egmontii Comit. ex historia Belgica demonstrari solet.

4. Præcipuum momentum est, in ipsius Principis prudentia & moderatione, si resp. talem nacta sit. Ille enim semper cauebit, ne suæ personæ magis, quam salutis publicæ rationem videatur habere. Licet enim in monarchia, vere sic dicta, verissime dicatur salus publica in Principis salute contineri, non tamen desinit in Principe omnis respectus personalis, ut sic dicam. Vnde prudentissimi Principes Augustus, Tiberius, alii frequenter distinxerunt, quid in remp. quid in se commissum dici deberet.

5. Quomodo in monarchiis, quomodo in Aristocratiis, itemque Democratiis tractari soleant hæc iudicia, breuiter expositum est in ipsa lectione.

6. De loco *coniecturæ*, de loco *definitionis*, itemque de *culpa silentij*, alibi actum est.

## LIBER III.

### CAP. I.

De

### *Formis Rerumpublicarum.*

**P**ostquam de Maiestate & eius iuribus actum est, consequitur, ut de Rerump. formis agatur: vniuerse primo, deinde singillatim. Cui tractationi hic liber destinabitur.

De Formis  
Rerump.  
hoc libro  
agendum.

Non

Non repetemus nunc ea, quæ de Formis Rerump. egimus ad locum πολυθρύλητον Tacit. 4. A. 33, 1. in Notitia Reip.

quas Aristoteles memorat ac definit.

Aristoteles de hac materia incipit agere lib. 3. Pol. c. 6. & 7. Illo diuidit formas reip. (cuius definitionem lib. 1. attulimus) in rectas & declinantes: hoc vtriusque generis numerum & definitiones ponit.

Rectæ unde æstimentur?

Quando de rectis tractatur, prolixè commendari solet boni publici cura, non nisi virtutis auspicio obtinendi. (v. Arnif. relect. polit. lib. 2. cap. sect. 3. & Lips. 2. pol. c. 6. & seqq.) Distin. rect. & optima.

Diuisio formarum unde petenda?

In distinctione formarum multa scholasticè disputantur, vnde petenda sit diuisio rerump. Licet enim de summa potestate ambigi nequeat, quod penes eam sit radix quærenda diuisionis: quomodo id fieri tamen debeat, non ita in aperto est. Late Arnif. relect. polit. lib. 2. c. 1. sect. 4.

Número senario, adiiicienda septima species mixtæ formæ:

De numero trium formarum rectarum, quibus totidem declinantes & παρεκβαλινæ opponuntur, satis inter veteres ac iuniores conuenit, quanquam vocabulis alii aliter interdum vtantur.

De sola quæ ex simplicibus formis componitur, & mixta appellatur, disputatio est: *Antalis forma detur?* Erudite & fuscè de hoc argumento Arniseus egit relect. polit. lib. 2. cap. 6. sect. 1. caute tamen legendus 1. quia argumenta à Physica mixtione desumpta ita tractauit, vt inuoluant potius hanc materiam, quam expediant. 2. Quia in exemplis historicis

ricis aliquandò penitioris cognitionis deliquium passus est. Illud bene factum ab eo, quod *modum administrandi à forma* accurate distinguendum in hac disputatione monuit.

Pendet hæc quæstio à diuisione maiestatis in partes subiectiuas, de qua *lib. 2. cap. 2. principio* egimus; *auctoresq;* laudauimus, cordate & ad vsum vitæ accommodate in eo argumento versatos.

Quæstio de præstantia, seu quæ ex formis rerump. optima, quibus obseruationibus & cautionibus expediri debeat, ad locum *Taciti* ante laudatum satis ostendimus. Nunc illud tantum notamus, vix vnquam hanc disputationem ad liquidum perducì; dum maximi etiam viri, amore & reuerentia reip. in qua viuunt, alium ei Statum præferre verentur.

Prærogatiua. cui debeat formæ?

(Dictum hac occasione de *Aristotele, Platone, Grotio.*)

Add. *Bodin. 6. de Rep. 4.*

## CAP. II.

De

*Regno.*

**D**E Regno agentibus, seu de Monarchia (quæ vox latior est) præcipua difficultas occurrit in definiendis distinguendisque speciebus. Cetera facile explicantur. Causam dubitandi disputandique *Aristoteles* dedit, cum Regnum vnus imperium, ad vtilitatem & felicitatem parentum directum; Tyrannidem, vnus imperium, ad vtilitatem imperantis, describeret: species regni non satis expli-

De regno  
disputatio  
intricatur  
à multis.

*Arist. lib. 3.  
pol. cap. 5.  
& 10. &  
seqq.*

explicate traderet: & differentias regni ac tyrannidis subtilius, quam in usu vitæ conducit, constitueret. Hinc contra Aristotelem

2. de rep. 2. Bodino aliisque disputandi occasio nata: ceteris Philosophum defendentibus, sicut, ne de pluribus dicam, ex *Arnisæo* patet.

Relect. polit. lib. 2. cap. 2. sect. 15.

In his ergo disputationibus, quin multa dicantur, quæ rem parum expediunt, non dubitabit, qui cum iudicio legerit.

Distinctio regnorum planior.

Omnium optime & ad usum accommodatissime *Tacitus* distinxit 12. A. II, 2. & 1. Hist. 16, 7. in *Regnum civile*, & *Regnum herile*; quorum illud, ut in liberos; hoc ut in servos exercetur.

An herile regnum statim pro tyrannide habendum?

Quo posito, id tantum dubitatur: sitne omne herile Regnum pro tyrannide & vitioso statu habendum? cum præsertim Aristoteles dicat, *παρεχέσθαι* proprium esse, si resp. non primario ad parentium bonum administraretur. Contra quam sententiam (*Althusio* defensam confusaneo illo & *Φοβλήτω* disputandi genere, quo Reges omnes pro magistratibus habet c. 9. & 24.) H. *Conring.* de subiecto summa potestatis, & *Grotius* de I. B. 1, 3, 8. notabiliter disputarunt. Cordata sunt verba *Philippi Melancthonis*, in epitoma *Phil. mor.* p. 249. sciendum est, dissimiles esse formas regnorum; & alibi alias esse gradus libertatis. Approbat autem Deus omnes formas imperiorum rationi & naturæ consentaneas. Videnda omnino eiusdem annotatio in 3. *Polit. Aristot.* p. 280. ubi quæstio movetur: quam regni speciem approbet Deus?

An

An etiam *fœmina sint capaces sceptri*, in thesi De fœmi-  
otiose disputatur, &, quotiens conuitia in nis sceptri  
sexum adduntur, impie: in hypothefi, ex le- capacibus.  
gibus & moribus gentium iudicatur: ficut  
apud Gallos LEX Salica est, de qua vid. *Limn.*  
*I.P. II, 2, 24. & feqq.*

(Male tamen sub Fœminis afflictam esse Galliam,  
hac occasione dictum.)

*Modus capeffendi Regnum*, vel Electio, vel De modis  
Successio. vtra melior, disputatur? regni ca-  
piendi.

(Dictum de *Lipfi tractatione 2. polit. 4. Barclai.*  
*Argen. lib. 1. Annot. ad 1. Histor. Tac. 15. pag. 23.*  
*& feqq. Arnif. relect. polit. lib. 2. cap. 2. sect.*  
*4. &c.)*

Sunt & alii modi, de quibus *Augustinus Ni-*  
*phus de periria regnandi lib. 1.*

In *Electiois negotio* pernoscendo, multum Electiois  
confert *historia Comitiorum Germanicorum* in negotium.  
Electioe Impp. *Polonicorum*, in Rege consti-  
tuendo. *Conclauia Pontificum Romanorum.*

In *successione*, pleraque quæstio in jure & Successio.  
lege succedendi versatur: notabiliter tracta-  
ta *Grotio de I. B. 2, 7.*

De *virtute Regia*, & animo Regio ideo non Virtus Re-  
opus est generaliter agere, quia virtutes ad gia.  
imperandum idoneæ & validæ omnibus for-  
mis rerump. sunt communes. Nisi quod  
quiddam specialioris notæ ex hac aut illa for-  
ma induunt. de quilibus characterismis hi-  
storia prudenter scripta.

Prudentiæ tamen Monarchicæ regulas in Prudentia  
conferuando & firmando regno, in mode- Regia.  
rando administrandoque, partim tradidit  
*Aristoteles lib. 5. pol. 4. II.*

(De quo dictum.)

Partim alii, qui diuiferunt, in rectas, obli-  
quas, manifestas, occultas. Adeundus *Forst-*  
*nerus not. ad Tac. 12. A. p. 179. & seqq.*

Dedimus alibi breuiarium artium Monar-  
chicarum: quæ sæpe tales sunt, vt bonis ma-  
lisque Principibus in vsu sint; sæpe malo pro-  
posito, bono schemate vsurpantur. Vid. si  
lubet, quæ annotauimus etiam *ad 1. A. 6. de*  
*arcanis domus &c.*

### CAP. III.

De

## Tyrannide.

Tractatio  
de Tyran-  
nide qui-  
bus mem-  
bris absol-  
uatur?

**R**egno opponitur Tyrannis seu Imperium  
vniuersalius, ad explendam animi libidinem per  
fas & nefas tendens.

Occurrunt hic 1. Tyrannidis notitia:  
2. distinctio. 3. opera seu specimina. 4. re-  
media.

#### I.

Descriptio  
& notitia  
Tyranni-  
dis.

Non esse semper facile pronuntiare de Ty-  
ranno, experientia docet. *Politici* has obser-  
uationes seu cautiones ponunt: primo, non  
esse statim Tyrannum, qui *remp. segniter tractat*:  
secundo, non quæuis vitia priuata tyrannum ar-  
guere: tertio, non statim tyrannum esse, qui  
*tyrannica agat, sed qui tyrannice agat.* sed ista qui-  
dem facile definiuntur: maxima hodie diffi-  
cultas in *jure Regnorum discernendo* consistit,  
quale sit e.g. in Anglia, in Gallia.

(Dictum de nupero exemplo R.A. an tyrannidis  
merito accusetur. *Salmas. def. Reg.*)

Ibi



Ibi enim statim & de plano pronuntiant multi: *Qui potestatis suæ limites egreditur, tyrannus est.* Atque licet maioris loco hoc concedatur (quod tamen sine cautela non est faciendum) minoris probatio plerumque non minimas ambages habet; per quas fit, ut ad conclusionem cunctanter & ægre veniendum sit.

(Dictum de tyrannide Pontificia in tyrannis declarandis.)

Ut autem in ceteris omnibus, ita hic ambiguus vocabuli usus, quo nonnulli liberius, alii astrictius: aliqui proprie, quidam populariter utuntur, nemini debet imponere.

## II.

Distinctio, ut Tyrannorum alius usurpator potestatis alienæ; alius vexator & oppressor reip. habeatur; alius denique titulo & exercitio tyrannidis infametur. Late *Arnisaus relect. polit. lib. 2. c. 3. sect. 6.* Est & illa *Ciceroni* probata distinctio in *Pisistratismum* & *Phalarismum*: unde & mixtum genus nascitur.

## III

Notæ ac specimina tyrannidis recensentur Notæ Tyrannidis seu flagitia tyrannidis. ab *Aristotele 5. pol. 11.* quæ diligenter explicat *Piccartus* & describunt plerique; inter eos *Bartolus in tr. de tyrannide*; ut incautius videatur agere *Anti-Machiaellus præfatione lib. 3.* quod ipsius *Bartoli* inuentioni & auctoritati ista tribuit.

(Dictum de illo auctore.)

*Septalius quoque in libr. Ital. de ratione Status, pleraque explicauit.*

(Dicitum de hoc etiam Scriptore & Scripto.)

Addendus est *Lipsius 6. Pol. 5. Tacitus* inter præcipuos.

## IV.

De remediis.

Deremediis ardua quæstio, tractata Theologis, Iuris, Politicis. vid. *Gerhardus de Magistr. Polit. §. 485. An Tyranno resistere, eiusque jugum vi armata subditi excutere possint? Guil. Barclai. contra Monarchomachos, ubi respondetur etiam argumentis Bruti, Rosfai & aliorum. Hortlederus tom. 2. lib. 2. de causis belli Germ. Bodinus 2. de rep. 5. Accurate Grotius de I. B. I. 4.*

## CAP. IV.

De

*Aristocratia.*

Aristocratia.

**D**E *Aristocratia*, quæ nunc sequitur, alibi egimus. Definitio eius ex *Arist. 3. pol. 7.* non tam repetitur, quàm colligitur à *Cellario*. estque tota huius materiæ tractatio nuppiam conjunctim apud *Philosophum* tradita, sed passim dispersa. vid. *Arnif. relect. pol. lib. 2. cap. 4. sect. 1. & Conringius de gradibus oligarchiæ, de formanda oligarchia & formata.* In nomine non est argutandum. Qui *Optimates* semper volunt intelligi optimos virtute homines, non recordantur historias & tempora. Id sanè intendit quælibet ciuitas, ut optimus aut optimi quique præsent. sed in humanis magna est imperfectio, qua prohibemur opti-

optimum semper finem indipisci. Experientia docuit, plerumque *genus* in Aristocratia spectari consueuisse. *Cicero in Orat. pro Sextio* multa de *Optimatibus* differit; sed ita, ut officium eorum & virtutem, non statum, describat. Incantius tamen hac in re loquitur *Bodinus* 2. de rep. 6.

Exempla Aristocratia, quæ *Bodinus* ibi ponit, examine opus habent. Quod *Imperium Germanicum* Aristocratiam putat, refutatum est jam ab aliis. De *Helvetiis* quoque, quæ differit, non produnt notitiam interiorum illius status. Venetorum exemplum hodie est incomparabile. Aliter id tamen, quam sentiebat, descripsit *Contarenius*.

Ingenium huius Status, & Optimatum Ingenia  
Optima-  
tium &c. proposita, consilia, artes alibi exposuimus, adhibita præsertim *Liuij* auctoritate, qui in hoc argumento est incomparabilis. Ceteris, quos ibi laudauimus, adde *Bonfadium*.

## CAP. V.

De

*Oligarchia.*

**I**llis recte intellectis, facile erit judicare de *Oligarchia*, quæ plerumque Aristocratia, chia. ut rectæ formæ vitiosa opponitur; quando nimirum Pauci Remp. non ad ciuium, sed suam utilitatem administrant.

Sicut nimirum in Aristocratia *Auctoritas* cum Aristocratia stocratia  
contendi-  
tur, præcipue, sed ciuili, quæritur; ita in oligarchia eminentia inciuili spectatur. Ibi, virtus & fama

fama & egregiæ artes, loco præsidii sunt: *hic*, potentia, & opes, & vis iniusta regnum obtinent: *Ibi*, legum & patrii moris, sancta auctoritas: *hic*, libido dominandi, cetera opprimunt aut obscurat. *Ibi*, concordia magistratuum, pro muro est: *hic*, loco ciuilis concordie, factio obtinet. *Aristocratia*, aliquando Tyrannidem corrigit: *Oligarchia*, tyrannide deterior, plerumque tyrannide, tanquam extremo remedio, rarius monarchia ciuili emendatur.

Eius declaratio  
vnde petenda;

Si auctores & interpretes huius philosophiæ quæris, primum eosdem dabo, qui in *diff. Polit. de Aristocratia* laudati sunt. Deinde *Sallust.* præsertim in *Catilina* c. 20. *Theophrasti charact.* *Ἡ δὲ ἀλιζαρχία.* *Thucyd.* *Xenophont. historiam Græc.* *Historiam bell. Ciuilium Rom.* apud *Dionem*, *Appianum*, *Plutarchum* &c. vbi per multa testamenta oligarchica, ad abruptam oligarchiæ speciem i.e. triumviratum *Jul. Cæsaris*, *Pompeii*, *Crassi*, & postea, *Octauii*, *Antonii*, *Lepidi*, peruentum est. *Arist. 4. pol. 5. & 6. 5. polit. 3. 6. 8. 6. pol. 6. Plato de Rep. 8.*

## CAP. VI.

De

## Democratia.

Democratia.

**T**ertia ex simplicibus formis est *Democratia*; cuius explicationem *Aristoteles* dispersit in plura capita *lib. 3. & 4. Pol.*

(Dictum de nomine Politiz & Democratiz.)

describitur.

Est ergo *Politiz* seu *Democratia*, quando multi

multi i.e. populus, siue omnes indiuisim Imperium habent, singillatim autem sumti parentium vicem subeunt; & in reip. administratione communem vtilitatem respiciunt.

Qui hanc formam rectis annumerari debere negant, infirmo vtuntur argumento, de quo vide *Piccart. ad 4. Polit. Aristotelis cap. 8.* quanquam fatendum est, *Aristotelem* satis obscure illo loco egisse, causamque dubitandi aliis præbuisse, contra quam alii veterum fecerunt. defenditur.

Ratio administrandi remp. Democraticam, nititur *jure majoris partis*. de quo egregie disputat *Grotius Apologetico c. 8. It. l. B. II, 5, 17. & seqq.* (Dictum de disputationib. in hac materia oriri solitis.) Jus majoris partis.

Huc ergo adhibentur *Comitia*.

(Commendata historia Rom. Comitiorum; per ætatum mutationumque variarum vices.)

Scopus est communis vtilitas, sed per *libertatem ac in libertate* obtinenda. vnde libertatis vocabulo ipsa Democratia laudatur. Consistit autem Libertas in æquando omnium jure. Libertas.

Huic scopo obtinendo, prudentiam Democraticam, & virtutem Democraticam siue popularitatem (non quæ Principi inter artificia monarchica commendatur, sed quæ statui Democratico tractando est intenta) alibi commendauimus & explicauimus. vtramque moderatur *Lex*, norma omnis regiminis Democratici. Lex. Virtus & Prudentia Democratica.

Tenendum hic est 1. Male facere eos (faciunt Cautio in hoc argu-

mento ob-  
seruanda.

ciunt autem multi) qui Democratias rectas à vitiolis non satis distinguunt; &, quæ his conueniunt, illis quoque attribuunt. 2. ad-  
coque, qui omnes indefinite Democratias damnant. 3. Cogitationibus quibusdam suis magis, quàm experientiæ attendunt. Hæc enim ostendit, nullas hodie dari Democra-  
tias, quales illi fingunt, i. e. pure & mere po-  
pulares absque ullo temperamento Aristocra-  
tico, aut mixtura. Atque hoc monuisse vide-  
tur jam suo tempore *Aristoteles loco citato*.

*Proprie huc  
pertinet  
Isocratis  
Ἀριστοκρα-  
τίας.*

(Dicitur, an fuerit vnquam, aut esse possit talis  
Status, qui nihil nisi Democraticum habeat  
etiam in administranda rep.)

## CAP. VII.

De

### *Ochlocratia.*

*Ochlocra-  
tia.*

**P**opuli regimen vitiosum, quod ad libidi-  
nem multitudinis, in qua vtilitatem sui sta-  
tus ipsi constituunt, refertur, modo *Democ-  
ratia* dicitur, modo *Ochlocratia*; quæ vox in-  
terdum ita usurpatur, vt deteriorem populi  
partem prævalentem notet.

*Summam  
designatur.*

Summa est; si multitudo affectu potius, &  
impetu animi, quam ratione ducitur; neque  
ad decus & commodum publicum respicit,  
sed suæ libidini satisfactum cupit; ex hac re-  
gula leges & comitia moderatur. libertatem  
contentiose exercet, licenter, præfracte, su-  
perbe: inimica omni temperamento.

*Demago-*

In tali multitudo plurimum possunt *De-  
mago-*

magogi, quorum *calliditas & importunitas* prudentiæ ac virtuti Democratiæ opponitur.

Multa fiunt, tum in Democratia recta, tum in vitiosa, quæ eadem videntur. Qualia apud *Aristotelem* diligenter distinguere debent. Ita Reges quoque & tyranni multa faciunt eadem, sed non eodem modo æstimanda; cum diuerso proposito diuersisque consilii rationibus gubernentur.

Ceterum de omnibus rebus Democraticis, in vtramque partem, exemplum singulare est *Athenarum ciuitas*: & inter Scriptores earum rerum *Thucydides* ac *Demosthenes* præcellunt.

(Dictum de *Linio*, *Cicerone*, aliis.)

Democratia vitiosa occasionem dat oligarchiæ, quæ iterum per monarchiam conuertitur: sicut de illa *ἀνακυκλώσις* rerump. *Polybius lib. 6. differit*.

## CAP. IIX.

De

*Statu Imp. Rom. Germ.*

Non intempestium fuerit, occasione eorum, quæ de formis Rerump. disputata sunt, digredi ad exemplum Imperij Romano-Germanici, & qua forma regiminis utatur, inquirere, siue potius ad ea, quæ aliis inquisita sunt, non inutiliter aliquid annotare.

## Prænotanda.

Ante omnia fatendum est, quæstionem difficilem & pene periculosam esse, i. quia quid-

M s

quid

gica Calliditas & Importunitas.  
Facta Democratica distinguuntur.

Exempla & Scriptores.

Exitus Democratia vitiosa.

Digressio de Statu Imperij Rom. Germanici.

quid de mixtis formis disputatur, operosius est & obscurius. 2. quia modus administrandi Statum, ab ipso Statu, ubi in rem præsentem ventum est, non ubique expedite dignoscitur. 3. Quia in has disputationes auctoritates tantum intertrimenti inuexerunt, ut rationibus se audeant opponere, siue illarum claritati umbram interponere. 4. Quia, si usquam in jure publico, certe in hoc argumento, studia partium dominantur; & ex studiis, artificia, schemata, inuenta disputantium. 5. periculum offensionis vix satis vitatur. 6. genius quoque sæculi in solido fluctuantis metuitur.

Prima difficultas quomodo expediri debeat; dictum est cap. 1. huius libri.

In 2. ut & in tota hac tractatione, requiritur non vulgaris, sed interior, & cum iudicio practico coniuncta, politices cognitio.

In 3. Auctorum dignitas reuerenter tractanda, auctoritas veritati postferenda.

In 4. Multa & solerti observatione opus est. studiisque partium opponetur non indecore, amor patriæ, legumque fundamentarium. sed & voto obsequii aulici, religio conscientia citra reprehensionem intercesserit.

5. Offensionis periculum, modestia tractationis, & cautelis philosophandi mitigabitur.

6. Genium sæculi, maiorum memoria, & superioris præsertim sæculi exempla, in solido locare poterunt.

*Statue*



## Status Quæstionis.

A nonnullis ita formatur; *Qualis Imperij nostri sit Status, an simplex, hoc est, Monarchicus, vel Aristocraticus, an mixtus ex utroq;* Ita Limn. I.P. I, 10. & Arumæus disc. de I.P. tom. 1. diff. 1. Alii ita quærent: *An Status Imperij Romani, adhuc hodie, sicut fuit olim, sit Monarchicus & Regius?* It. *An Status Imperij Rom. hodierni sit pure Monarchicus?* Ita Reinking. de Reg. sec. & Eccl. lib. 1. claff. 2. cap. 2. n. 1. & Witzendorffius: Bodinus ita fere tractat hanc quæstionem, ut inquirat: *an Imp. nostrum sit Aristocraticum?* 2. de rep. 6.

## Επίκλεισις.

Id in aperto esse putamus, quo simplicius constituatur quæstio, eo rectius explicationem processuram. Itaque, qui adiungunt comparisonem antiquiorum temporum, obscurant rem, cum Reinkingio. Cuius asseda Witzendorffius fatendum habuit conclus. 1. *Imperij Romani hodierni administrationem non astimandam esse ex administratione Imperatorum priorum sæculorum, sed ex constitutionibus & actionibus hodiernis.* Et quando quidem in bene constituendo statu quæstionis omnino temporis facienda est ratio: rursus obscuritatem parit, si hodiernum tempus indefinite nominemus: præcise enim constituendus est terminus à quo. De antiquis quippe Imperatoribus loqui, & de temporibus, ante Auream Bullam, partim absurdum est, partim alienum. Illud quoque apparet, membra  
quæ-

quæstionis esse facienda: *An forma siue Status Imperij Romano-Germanici inde à temporibus Aur. Bullæ sit ac ex lege fundamentalis esse debeat simplex, adeoque vel Monarchicus siue Regius vel Aristocraticus: tum, an sit Mixtus, adeoque præcise ex Monarchia & Aristocratia mixtus.* sumtis vocabulis proprie & accurate, sine mixtura popularium locutionum.

### Principia & Fundamenta tractationis.

*Reinking.*

1, 2. 2, 247.

De his omnino aliquid monendum est. Nescio enim, quid sibi velint, qui jactant, se hanc quæstionem decidere *ex sacris literis, ex Jure Canonico, ex Jure Civili.* 1. enim certum est, in sacris literis nobis non explicari hanc quæstionem, in terminis, quos constituimus. Quæque inde adferuntur, longe petita sunt, vocabulorumque homonymia, tanquam velo, inuoluuntur. 2. De jure Canonico alias dictum est: & miror, si Augustanæ Confessionis addictus Politicus multum in eo reponat; cum præsertim pleraque, quæ inde adferuntur, terminos quæstionis & temporis limites, quos circumposuimus, non ingrediantur. 3. Jus Justinianæum non potuit determinare Statum, suis temporibus posteriorem: multo minus prædicare potest A.B. & reliquis fundamentalibus postea constitutis legibus. Cumque hæc sit ardua Juris Publici quæstio, tenenda est regula plerisque probata, etiam *Limæo* tradita I.P. I, 3.

Vt ergo distincte noscatur, quomodo incenden-

dendum, sciendum 1. *Maiorem propositionem semper hic ex Politicis desumendam.* e.g. *Fundamentale & indubium hic est axioma Politicum: Formam Imperij accidentalem aestimandam ex subiecto existentia maiestatis seu summæ potestatis.* hunc in modum: *Vbicunq; summa potestas seu Maiestas cum suis partibus siue juribus est penes vnum, ibi est Monarchia.* Et inuicem: *Vbi summa potestas & jura, summi Imperij non sunt penes vnum, ibi non est Monarchia,* propriè scilicet loquendo, quod hic oportet fieri. Iterum: *Vbi jura maiestatis partim sunt penes vnum, partim penes plures, ibi est mixtus Status,* ac (deinde procedendo) *mixtura ex Monarchia & Aristocratia.* In ipsa mixtura (quanquam forte non est semper consultum eo vsque disputando descendere) *si plura & potiora jura maiestatis sunt penes paucos, praeualet Aristocratia.*

Quæ omnia sumi debent præcise. e.g. 1. *citra confusionem temperamenti & mixturae.* illud enim modum administrandi respicit: hæc jura maiestatis seu Statum ipsum spectat. 2. *citra confusionem vocabulorum.* 3. *citra confusionem principiorum in agendo;* aliud enim est ex jure summæ potestatis agere; aliud delegata potestate uti. 4. *citra confusionem mixtionis physicæ, & eius, quæ in moralibus locum habet.* Id quod nimis Scholastice fit à nonnullis. Atque hic præsupponitur illa quæstio (de qua supra) an omnino detur mixta reip. forma aut dari possit?

II. Minor propositio desumitur ex Fundamentalibus Imperij Constitutionibus siue  
Legi-

Legibus i. e. Aurea Bulla, Capitulationibus Cæsareis, Recessibus Imperii & Pragmaticis sanctionibus. In quibus, quidquid in dubium vocatum est, id postremis constitutionibus, præsertim etiam Instrumento Pacis, vel decisum est, vel declaratum. Quod si constanter hanc viam institerimus, non est, unde falli metuemus. Illi autem, quid aliud quàm volunt falli, qui sub titulo consuetudinis & Præceos, vnum alterumue factum ex-  
 ούσουλαντ? Proponemus illis hominibus *πέμματα περίληκτον*, & interrogamus, an & quando & quomodo Praxis aliquid à formula fundamentalium Legum diuersum introduxerit? cumque *νόμοθεσίαν* allegare non possint, priori contrariam aut aduersam præscriptionem, ex silentio probent necesse est. Id autem est *τὸ ἀδυνατῶν*. adeo quauis occasione, iis, quæ contra formulam Status minus legaliter cœperunt fieri, cordate, diserte; nonnunquam etiam vehementer contradic-  
 ctum est.

Si quis hæc attendat, facile erit ei iudicare, quo jure hæc tenas *Reinkingium* & alios *Linnaeus* oppugnaverit; & quomodo se illi defenderint. In eo tamen non probari potest *Linnaeus*, quod studio disputandi extra oleas processit, & illam distinctionem, *inter Statum, & modum gubernandi Statum*, verissimam, & veriori sententiæ nihil minùs quàm obfuturam, reiecit *lib. 1. de I. P. 10, 24. etiam in Ad-*  
*dendis.*

*Arist. 4.  
 pol. s. 6. pol.*

4.

*Argu-*

## Argumenta Reinkingii considerantur.

Sed veniendum est in rem præsentem ; ut considerentur quædam, in utramque partem disputata. Et, quoniam *Reinkingius* inter eos, qui *pure Monarchicum Statum hodie in Imperio obtinere* statuunt, princeps numeratur ; aliquid ad argumenta eius annotabimus.

I. Argument. (*lib. 1. class. 2. cap. 2. §. 54.*)  
Quicumque habet summam & legibus solutam potestatem in ciues & subditos, ille habet maiestatem seu jura maiestatis solus. Atqui Imp. Rom. habet talem potestatem : vi legis Regiæ nunquam reuocatæ, aut reuocabilis. E.

Nihil dicemus de maiori propositione, ad quam alias pertinet distinctio inter *privilegium Augustum*, & *potestatem αὐτοκρατορικὴν*, tractata *Jac. Gothofredo in Vlpiano*. Quia enim de *L. Regia* minor loquitur, miror tam secure dici : *non potuisse eam renocari aut abrogari*.

Recte enim vidit & monuit *Linneus in prolegom. ad Capitul. Cæsar. sect. 8. §. 7. & seqq.* ante omnia probandum fuisse, an Lex Regia Romanorum apud Germanos unquam in usu fuerit, aut recepta sit ? Id quod nunquam probari potest. Nugantur ergo, qui tam secure huic fundamento innituntur, quod nunquam constitutum est, nec constitui potest. unde porro notandum, comparisonem potius & similitudinem, quam historiam spectare eos, qui hodie Capitul. Cæsaream, Legem  
Re-

Regiam vocant, de qua *Carpzovius tractatu peculiari*: & quidem in illa ipsa comparatione, *Lex Regia*, non proprietate vocabuli, aut ad æquata similitudine, metienda est, sed locutione minus accurata. De abrogatione ergo legis Regiæ frustra hic quæritur: atque etiam si quari posset, imperite tamen diceretur, non potuisse eam unquam sine scelere abrogari. id quod historiæ & politices gnaris aliunde constat.

Id potius est agendum, ut videamus, quid *Lex Regia Romanorum & Capitulationes Caesarum Germ. discrepent*? *Lex Regia Rom.* Principi dabat absolutam & liberam potestatem *παυλάσις*, sicut tum ex Pomponii verbis, tum ex fragmentis ab *Onuphrio* (*Commentario in fast. temp. Vespas.*) relatis clarum est. Capitulationio Caesarum Germ. absolutæ potestati contraria est. vid. *Limn. prolegom. ad Capit. Cesar. sect. 8. §. 3.* vi legis Regiæ, rata erant, quæcunque Imperator agebat, siue *Lex Regia* removebat omne impedimentum juris & facti, quo Imperatoris actus potuisset in irritum cadere: At vero Capitulationio ita adstringit Imperatorem, ut actus nullus sit, quo Capitulationis limites transgreditur. vid. *Limn. prolegom. ad Capitul. Caf. sect. 10. §. 5.* vi Legis Regiæ Imp. Romanus erat *ἀντιθέσις*: Vi Capitulationis Imperator rationem reddere tenetur. Imo de solio deponi posse, forte non satis caute (ut alibi ostendimus) disputat ipse *Reinking. lib. 1. class. 2. cap. 2. §. 189.* Incaute igitur ad *L. Regiam* prouocant; qui si obtinere cupi-

capunt, evertant Capitulationes Cæsareas necesse est. Id quoniam directe nemo audet, indecorum est, obliquis artibus grassari. Qui autem putant, se posse Capitulationem ad formam Legis Regiæ interpretari, aut alteram cum altera stare posse, illos miro quodam modo sapere oportet. Confundent enim omnem philosophiam, & vocabula artis non ex arte interpretabuntur. An Capitulatio vinciat maiestatem, quod hic quæritur, infra patebit.

II. Argument. *Reinking.* inde petit, ex communi opinione, quia ab omnibus regibus & populis fidelibus & infidelibus pro Monarcha habeatur Cæsar. Respondet *Limnaeus I.P. lib.1. cap.10. §.47.* Nec simpliciter verum hoc esse, & testium externorum imperitiam nihil præiudicare veritati. Adde, quod hodie non ignotum est, quid exteri de Imp. Germanici potestate sentiant, possentque huc veluti in locum communem plurima eiusmodi iudicia congregari.

III. Argumentum: *Imperator summus est, quia nullius Imperio tenetur, quia ciues vniuersos & singulos coërcere potest, quia ei omnes tenentur rationem reddere. Primum membrum obscure ponitur.* vel enim de parte vel de toto sermo est. sic in mixto reip. statu, qui partem maiestatis seu quædam jura maiestatis habet, nullius Imperio tenetur, quantum ad illam partem. Non tamen simpliciter Summus, aut Monarcha dici potest. Deinde si ab Imperatore ad Imperium appellari potest (quod  
N pro-

prolixè probat *Limn. I. P. II, 9, 107. & seqq.*) non potest dici, quod nullius Imperio teneatur. *Secundum membrum argumenti* itidem obscurum est. vel enim suo nomine vniuersos & singulos coërcere potest Imperator, vel Imperii nomine; vel in omnibus, vel in quibusdam; vel ex pacto, vel simpliciter. Quæ nisi explicentur, parum firma erit conclusio. Ad *tertium membrum* respondet *Limneus I. P. II, 10, 49.*

IV. Argumentum: *Qui omnibus & singulis ex plenitudine potestatis imperat, ille verus est Monarcha.* Minor ex Recessibus Imp. probatur. Respond. quantum attinet ad vocabulum, *plenitudo potestatis*, vid. quæ *Limneus* ex *Vasquio* notat *Prolegom. ad Capitul. Cæs. sect. 8. §. 6.* Deinde nota, textus ex Recessibus Imp. citatos à Reinking. determinare potestatis huius subiectum & fontem; Imperium Imperatorj coniungendo, & propter Imperium Imperatori potestatem tribuendo, siue nomine Imperii. Tertio nec absolute dici potest, omnibus & singulis i. e. vniuerso Imperio & omnibus eius ciuibus vbique & semper & per omnia imperare Imperatorem. si enim hoc ita se haberet, ad Imperium non posset appellari, nec Imperio teneretur rationem reddere; nec Ordinum Imperii consensu opus haberet in præcipuis negotiis.

V. Argumentum: *Quia Imperator est Ordinum Imperij & Procerum Clementissimus Dominus.* ad hoc satis respondit *Limneus*. Probatio ex Euangelista petitur crude, neque erudite.

Cum



Cum nec concludere ita liceat, & verbo *Clementia* aut *εὐεργεσία* nulla potestas imperantis, sed virtus imperantium notetur.

VI. Argumentum : *Quia Cæsari omnes & singuli obedientiam & subiectionem, tanquam Domino & summo Magistratui, debent, subiectissimosque se vocant.* Resp. vel hoc de eo accipiendum est, quod debetur Imperatori, nomine Imperii; non simpliciter, sed in quantum Imperium aliqua suo nomine per Imperatorem vult expediri. vel omnes & singuli ambigue iterum vsurpantur. si enim hoc verbo exaudias omnes Imperii proceres collectiue, falsum est. Fuisset autem ad constituendam veram Monarchiam omnino necessarium.

VII. Argumentum : *Quia omnes Principes & Status præstant Imperatori homagium non tantum fidelitatis, sed etiam subiectionis.* Bene responsum est à *Limnao* l. P. I, 10. f. Notentur verba formulæ ab ipso *Reinkingio* probata.

IIX. Quomodo à VII. satis distinguitur, vix intelligi potest. Rursus enim de subiectione, quam Status Cæsari debent, agitur. Neque noua responsione opus habet.

Sicut autem in his valde confuse & imbeli manu agit *Reinkingius*, ita non magis valide respondet ad argumenta melioris sententiæ.

E. G. Quando *Limnaus* l. c. *Arniseus* Relect. Polit. lib. 2. cap. 6. sect. 5. & alii dicunt : *Ferendarum in Imperio LL. potestas non est penes Imperatorem, sed penes Ordines; sicut Constitutiones Imperij*

*perij & praxis Comitiorum monstrant: Respondet Reinking. (II, 2, 109.) non pertinere ad essentiam Maiestatis leges concernentes vniuersum Statum reip. pro lubitu ferre. si accurate agendum esset, nescio quid sibi velit illud, pro lubitu. si enim τὸ αὐτοκράτοριον explicat, bene. sed clarius potuisset fieri: neque enim cæca libido in legislatore, sed prudens ratio, seu nixa ratione potestas præsumitur. Illa potestas cur non est de essentia Maiestatis? Ecce, leges ferre est Jus maiestatis, contestatissima veteris ac junioris philosophiæ veritate. Jura maiestatis quin essentielles maiestatis partes sint (quanquam alii potentiales vocant) siue essentiam maiestatis constituent; non potest negari. Nam quæ de exemplis eorum Principum adferuntur, qui in legibus ferendis consilia aliorum adhibuerunt, vt inde conficiatur, leges in Imperio Rom. consilio & consensu procerum ferri, quare non absorbeatur maiestas: tantisper ἀπεγοδιώκα sunt, donec ostendatur, Status Imperii in ferendis II. le tantum habere, vt consiliarios & Senatum. pridem alii ostenderunt, ini-que eos ad hunc modum comparari: item-que Status esse auctores legum vna cum Imperatore, ad Status pertinere etiam abrogationem legum. (vid. Arnif. Relect. pol. 2, 6, 5, 82, & 84. It. 75. & 78.) confer in ipso Reinking. 2, 2, 5, 36. & 37. Illud quoque non satis ad scopum facit, quando Reinking. dicit, non absorberi maiestatem consensu & suffragio statuum probatam. I. enim non de tota maiestate hic sermo est, sed de hoc jure maiestatis. 2. etiam si*

de consensu hic loqui liceret, non confundendus erat consensus libere requisitus, cum eo, qui necessario requiritur, & sine quo legislator nihil potest agere. *Quod ex jure con-  
vocationis Comitiorum* (de quo tamen abunde responsum alias est) & *ex jure proponendi Cæsari reservato*, infertur immotum in Imperio prædominantis Monarchiæ fundamentum (ex *Bertramo de Comitibus membr. 5. & 65.*) nulla philosophia politica nititur, & facile refutari potest exemplis in contrarium valentibus. Jam quod dicitur, *leges in Comitibus non Statuum, sed Imperatoris solius auctoritate*, promulgari & sanciri, indeque præcipuum robur & auctoritatem legibus conciliari, satis infirmatur per ea, quæ tradit *Bertramus de Comit. membr. 5. §. 74.* Quod de *Fiscali Cæsareo* additum est, quale sit, per se apparet.

Quando *Limnaeus* & alii, melioris sententiæ fautores, dicunt, *Jus belli non esse penes Cæsarem, sed penes Ordines Imperij*: Resp. Reinking. 1. petendo principium nimis manifesto, negando penes Ordines esse illam potestatem, quia jus belli maiestati soli competat, adeoque Cæsari relictum sit, quæ retulisse est refutasse.

(Dictum hac occasione de Gailio frustra citato.)  
2. iterum Ordines tantum Consiliarios facit; & Parlamentis Galliæ & Angliæ comparat. quod qui concoquere potest, valde firmo stomacho indiget. An ridiculum insuper est, quod de Regno Polonico addit? certe ita proditur aperte causa, quam tuendam susceperat. *Witzendorffius* & alij præclare se expediunt,

diunt, ad Legem Regiam antiquorum Imperatorum prouocantes. De qua re ante dictum est.

Atque ita fere in ceteris Juribus maiestatis illi procedunt. Quid attinet enim, per singula ire? illud hic notari velim, non carere artificio propositum Reinkingii, cum Bodinum præcipue sibi refutandum sumit, verbo-  
foque discursu se diffundit citra necessitatem: *Bodinus* enim rerum Imperii imperitus miscuit aliena, etiam falsa. Quibus reiectis, nondum vicit, qui hoc agit. Alia enim sunt, quæ fortius exdediri debebant.

Jam, quando de *mixto Statu* agitur, tum vero *Witzendorffius* (*conclus. 3.*) μάλα φοβηκώς: 1. Mixtionem ad administrationem Imperii, non ad Statum, referendam. 2. veram mixtionem ab apparenti distinguendam. 3. veram mixtionem ita definiri, qua tres *Rerump. formæ* ita permiscantur, ut incertum relinquatur, quo nomine resp. illa denominari debeat. Atqui talem non dari.

(Dictum de his qualia sint.)

His obseruatis nihil poterit obscurum esse in hac quæstione: Præcipue autem huc referri debet quæstio de Imperatoris potestate, e.g. apud *Limn. I. P. II, 9.* itemque de potentia, libertate, & Juribus Statuum Imperii 4, 8.

Erudite & diligenter in hac quæstione versatus est *Lampadius in Rep. Romano-Germ.* cuius præsertim admonitio *part. 3. cap. 14. §. 27. & 28.* notari debet.

## LIBER IV.

## CAP. I.

De

*Causis conseruantibus & destruentibus Resp. in genere.*

**V**Idimus, quæ ciuitatem constituent, <sup>De causis conseruantibus & destruentibus Resp. nunc agendum.</sup> tum in iis, quæ faciunt vt sit ciuitas; tum in iis, quæ faciunt vt talis sit, id est, tali forma. Non alienum nunc erit de iis rebus agere, quibus ciuitas vel conseruatur, firmatur, augetur; vel infirmatur, diminuitur, destruitur.

*Aristoteles initio 5. Polit. ita partitur hanc materiam: agendum ex quibus rebus & quot & quolibus Resp. mutantur: quique sint interitus singularum Rerump. & ex quibus in quas maxime mutantur: preterea quæ sint salutes & communiter omnium & seorsum singularum: preterea, per quæ Resp. quæque maxime conseruetur.* In quibus verbis præclare illud monet, duos esse huius disputationis veluti fontes; si primum in genere agatur, de iis, quæ Remp. iuuant, firmant, seruant, amplificant; aut vicissim lædunt, infirmant, minuunt, destruunt; deinde specialiter: quid huic aut illi Reip. vt noxiumue sit. Quod posterius membrum scilicet ita extendendum est, vt non tantum e. g. notet, quid Monarchiæ, Aristocratix, &c. profut situe.

situe. sed etiam quid huic Monarchiæ, quid illi Monarchiæ, & sic deinceps. Occurrit enim in unaquaque Reip. forma non vna diuersitas, quæ huius argumenti rationes non finit semper vnas esse.

Lib. 4. polit.

Ad omnem reip. formam seruandam iuuantandaque quæ pertinent, *Lipsius in vim & virtutem* tribuit: sub quibus titulis multa complexus est. Nos ad tria capita reuocabimus, quidquid huius generis est, vt dicamus: *Omnes Resp. stare, formari, augeri, Fortuna, Viribus siue Potentia, & Virtute.*

## CAP. II.

De

### *Diuina Prouidentia in Rebusp. conseruandis.*

Fortuna  
Rerump.  
seruatric  
& amplifi-  
catric.

**F**ortuna nobis erit, Diuinæ Prouidentia circa Respublicas cura & dispositio, quæ vt homines, ita Resp. facit *crescere, florere, concidere, resurgere, Vellei. 1, 7. adde Orat. de Hist. Vellei.*

Sensu  
Christiano;

In sacris literis illustria sunt monumenta huius curæ, in iis, quæ de conseruatione & incrementis Reip. Hebræorum in propheticiis scriptis traduntur; de quibus alias. Nunc *Psal. tantum 46. 37. 127. laudabimus.* In *Patribus Augustinus* sæpius hoc agit. vide præsertim de *Ciu. D. lib. 5.* Vbi etiam à Stoica necessitate, quam plerique Ethnicorum Scripto-  
rum

rum in hanc materiam inferunt, liberat fatalem rerum contextum.

Sicut autem Stoici in eo exceſſerunt, quod *neceſſitatis fatalis* neſcio quem *rigorem* conſingerent: ita vicinum errorem fouerunt, qui *fato* *Aſtologico* *Reſpublicas* regi crederent. Epicurei autem *fatum* ſiue *Diuinam* *Providence* *plane* *ab* *hoc* *negotio* *excluſam* eſſe voluerunt. Aduerſus quæ eximie erudita ſunt, quæ diſputat Gaſſendus in *Phyſiologico* opere, quod *Deus* *curam* *rerum* *humanarum* *gerat*; tum in *Philosophia* *moral* *de* *Libertate*, *Fortuna* & *Fato*; itemque ruruſus in *Phyſiologia*, *de* *Præſignificationibus* *Siderum*. adde *not. ad* *Vell.* 1, 8, 4. Diligens eſt etiam in hoc argumento *Richter*us in *axiomatibus*.

Veræ autem huius loci philoſophiæ uſus & praxis ita intelligetur, vt quidquid ad rerum. tutelam, ſalutem, amplificationem pertinere peculiaribus deinceps nominibus docetur, id omne & à diuino munere procedere, diuino auxilio prouenire ſeu valere, & diuino moderamine dirigi credamus.

Excluſis  
erroneis  
ſententiis.

translata  
in rem præ-  
ſentem  
hæc philoſo-  
phia.

## CAP. III.

De

*Potentia.*

**V**ires & *Potentiam* duabus rebus contineri, palam eſt: ſi & rerum *neceſſar*iarum *utiliumque* *abundantia* *adſit*, & *non* *deſit* *facultas* *tuendi* *ſua*, aut etiam *acquirendi* *aliena*. De priori genere alio libro ſingillatim declarandum, quæ res ad ciuitatis *ἀντίρροπον* requi-

Dilatatis vi-  
ribus ſiue  
opibus ne-  
ceſſariis, de  
Potentia  
agendum.

N 5 rantur;

rantur, siue quibus copiis ciuilis vitæ abundantia definiatur.

Ciceronis  
distinctio-  
nem se-  
quendo.

Diuidit ad hunc modum etiam Cicero 2. de Inuent. 56. illas res, quibus incolumitatem ac libertatem retinent ciuitates, ab iis, quæ jam quiddam magis amplum & minus necessarium conficiunt; siue, quibus non illud solum conficitur, vt saluæ & incolumes, verum etiam, vt amplæ atq; potentes sint ciuitates. Et prior quidem illa pars, causis conseruantibus; posterior, augmentibus debetur: vtraque autem, & incolumitas, & potentia, hic tractari posset, nisi certas ob causas, peculiarem in locum enumerationem ac descriptionem rerum, ad incolumitatem facientium, reseruaremus.

Partes Potentia-  
e indagando.

De illa igitur, quæ proprie potentia dicitur, hic agendum. Cui Cicero tres partes assignat, *Vrbium exornationem & amplitudinem, quandam excellentem pecunia magnitudinem, amicitiarum ac societatum multitudinem.* Vnde apparet, Potentiam niti vel Domesticis præsidis, vel Externis. *Domestica* clarius retuleris ad *Virorum, Locorum, Pecunia, Armorum*, robur atque copiam. *Externa* in *fœderibus & societatibus* consistunt. De singulis actum plenius in *Dissert. de Potentia Ciuitatum.*

## CAP. IV.

De

### *Armis.*

De Armis.

**A**ddimus *Arma*, quæ subintellecta Cicero-  
ni, vel ex definitione *Potentia*, quam sub-  
iun-



jungit, licet animaduertere. Nec male huc respicit *Machiauellus*, quando de Viribus ac Potentia Principis ita judicari vult, an tantum virorum ac pecuniarum habeat, vt suis ac domesticis opibus exercitum possit parare, ac alere, quem cuicumque hosti ausit opponere: Qui enim hac facultate destituitur, potens nullo modo dici poterit, quippe qui semper alieno præsidio se tueri cogatur.

in princip.  
c. 10.

In hunc locum referuntur, quæ in descriptione Imperiorum & Statuum mundi occurrunt, de Armorum modo, apparatu, dispositione. Quæ diligenter inter se conferenda & judicanda sunt: vt obseruetur, respondeatne magnitudini Imperii aut Status armorum copia? quomodo miles alatur & sustentetur? quomodo respectu limitum, hostium, accolarum, omnia sint disposita?

*Lipsius* (4. pol. 7.) *Arma* partitur in *Milites* & *Munimenta*. *Milites* rursus facit *Custodes*, & *Exercitum Ordinarium*. Nostro proposito commodius erit, ita partiri: vt Armis tribuamus *Viros*, *Apparatum* sive *Instrumentum Militare*, & *Munimenta*.

*Viros* militares, ab officio & vsu licebit distinguere in *Custodes* & *Satellites*; *Milites Ordinarios* ac *perpetuos*, *subsidiarias copias* siue *ciues* more *militiæ exercitos*.

Custodes.

De *Custodibus* & *Satellitibus* præcipuæ cautiones & consilia ad Statum Monarchicum pertinent, de quibus abunde *annot. 2. ad 1. A. Tac. cap. 7.*

Ordinarii  
Milites.

Circa *Milites Ordinarios* præcipuæ disputationis

tionis

tionis est, quomodo alantur, ac habeantur, sine ingenti incommodo ciuium. Id enim si fiat, inciuile est; & herilibus Imperiis, quam ciuilibus, conuenientius. sicut in dominatione Ottomannica videmus.

Estque hæc res in primis ardua: neque illis ipsis militiae artificibus Romanis dispositu ita facilis, quin semper querelis locus fuerit. Cum enim duo sint bella, quibus hominum vita infestatur (sicut eleganter describit *Libanius Oratione aduersus ingredientes*) vnum quod armis ferroque constat contra extraneos; alterum internum, quod in pace etiam mutuis maleficiis geritur: absurdum fuerit, illud huius causam facere & fomentum. Habemus imaginem huius mali in *Oratione Libanij de Patrociniis Vicorum*. Adde *Jac. Gothofred. disc. Histor. ad L. Quisquis. cap. 10. & 13.* Quibus autem remediis occurri huic malo debeat, vide erudite deliberantem *Barclaium 4. Argenid.* ubi tota materia de habendo commode & vtiliter milite ordinario tractatur.

Subsidiarii  
milites.

De *subsidiario milite*, siue *ciuibus more militiae exercendis*, *Lipsius* egit *5. pol. II.* Nulla hodie pœne est Ciuitas, quin tale propositum præ se ferat: sed satis somnolente ista res administratur propter has causas, vt arbitror: quia qui nimis ad audaciam militarem imbuuntur, ferociiores & ad ciuilis obsequij modestiam impromptiores fieri solent. Deinde, quia ex militaribus ciuium studiis, ciuilibus opificiis, & negotiationibus, aliisque rebus quod-

quoddam impedimentum metuitur. Igitur in Germania fere non amplius temporis huic rei tribuitur, quam quod ludo & remissioni conuenit. Pertinet huc mos vulgaris, sclopos ad destinatum scopum explodendi, propositis præmiis & institutis certaminibus. sunt etiam huius loci constitutiones Imperii Germanici, de exercendis in armis subditis. *N. N. zu Augspurg/ de anno 1555. adde N. N. de anno 1564. Addantur Consilia de bello Turcico, in Anti-Turcico Reusneri; itemque Georg. Obrechti; inter secreta Politica.*

*Ad apparatus militarem armorum, siue instrumentum militare, pertinet tota Armamentariorum instructio: quæ hodie constat copia telorum, munimentorum corporis, tormentario apparatu, ornatu equestri, instrumentis ad faciendum opus, variis machinis, puluere pyrio. Nam annuam in alium locum referuamus.*

Apparatus  
militaris  
quibus  
constet

In omnibus hisce spectatur copia, pro modo ciuitatis, *habilitas ad vsum*, respectu temporis, *inuentio ad certos casus, dispositio.*

Tela præcipui generis sunt hodie *gladij, sclopi, haste.* Nam quæ antiquioris & rarioris formæ tela in armamentariis asseruantur, pompæ & ostentationi, non vsui militari, seruiunt. Estque hæc pars armamentarii extraordinaria. In *sclopiis* hodie obseruandum, vt idoneis opificibus vtamur; ne plus nostris, quam hosti noceant.

Tela:

Pertinent huc *Heronis Belopoëtica, & Mersenni de Ballistica & Acontismologia.*

*Munimenta corporis sunt lorica varii generis, lami-*

lami-

*lamina ferrea, galea, scuta, de quibus vid. Strewechius ad Vegetium.* variant ista, vt & cætera, temporum, locorum, nationumque ingenio & inuentis. vid. *Laurentius Mellietus in discurs. militaribus & Politicis ad Tac. disc. 4.*

*Tormenta*, vt & bombardæ reliquæ, recentioris sunt inuenti. His præcipua vis hodiernorum bellorum constat; vt frustra sint *Scipio Amiratus* & *Mellietus* ille, quem dixi, antiquorum tormenta (de quibus præsertim *Lipsius in Poliorceticis* agit) eandem vim habuisse discentes. Longe melius *Laonycus Chalcondylas lib. 5. & alibi* sentit. In his spectatur 1. *Modus vel in praliis*, vel in oppugnatione aut defensione urbium. 2. *Apparatus idoneus*, eiusque integrandi & reficiendi cura. 3. *Dispositio & libratio.*

Huc referimus statim *ceteras machinas igniarias, pyriumque puluerem* (in quo & ipso bene conficiendo & caute seruando maxima cura) totamque *militarem Pyrotechniam*. de qua vid. *Vannochius Birungucius*. Pulueris pyrii quanta vis sit, in *cuniculis* præsertim apparet, inuento *Francisci Georgij Senensis*, cuius discipulus *Petrus Nauarrus Cantaber* apud alios inuenti gloriam tulit. vid. *Guicciard. 6. Hist. & Vossius Theologia Gentil. 2, 63.* Pertinet huc etiam *Besoldi lib. de Bombardis & Typographia*. Itemque *Meieri de veris Germania inuentis*.

Adiungi statim possunt *Machinæ & instrumenta varia variis belli vsibus seruientia*. vid. *Mersenni Mechanica*. *Leonardi Fortij de re militari, variisque instrumentis bellicis*. *Eryci Puteani, de*

*de tormento trippharis. Jac. Reffoni theatrum instrumentorum & machinarum. Leuini Hulsii instrumentum. mechanica. Tum quæ recentiores, notii Scriptores, edidere.*

Ad *armaturam equestrem* referimus omnia, quibus equi militares instrui possint, ephippia, frena, sclopos minores &c. Qualia etiam attingit *Jo. Melch. Maderus in Equestribus. Vid. Herm. Hugonis egregium opus de Militia Equestri.*

*Navalis militia* iisdem fere armis utitur, sicut terrestris: tormentisque maioribus præsertim pleraque gerit. ut huc nihil novi pertineat, nisi in Imperio maritimo, idoneis locis stationes navium & *naualia*, portus, ipsæ naues numero & varietate idonea, armamenta *naualia*. de quibus Scriptores rerum *naualium* alibi consignandi.

Recentent armamentaria potissima *Arniæus de I.M. 2, 5, 7. Limæus I.P. 4, 8, 210. & seqq.* ubi etiam de armamentario Veneto refert nonneminis sententiam, quasi 500000. hominibus armandis sufficeret, intolerabili hyperbola. Longe veriora vide memorantem *Ducem Rohaneum en son voyage.*

*Munimenta* quod attinet, *arces, turres, propugnacula, castella* intelligi, palam est. De his 1. est quæstio: *an & ubi extrui debeant?* vide disputationes *Machiaueli in Principe cap. 20. & Barclaium in Argenide lib. 3.* Romani in limitibus custodiendis admirabiles. *Drusus per Rheni ripam quinquaginta amplius castella direxit. Flor. 4, 12, 26.* Quo etiam *colonia militares* pertinent. 2. *quomodo, qua firmitate, qua forma*

*forma, qua arte sint extruenda. e. g. extant opera Alberti Düreri, de urbibus, arcibus, castellisq. condendis. Caroli Theti de muniendis arcibus. Hieronymi Magij de eadem re. 3. quomodo i. e. qua cura, dispositione, instructu debeant haberi.*

## CAP. V.

De

*Viris.*

Viris instructa esse ciuitas debet.

**A**ctum est de armis, quatenus *Potentia* pars sunt. Agendum nunc est de *Viris*, non sicut modo factum est, quatenus militant, sed quatenus *Virorum copia* ciuitati in omnem *autopneias* constituendæ, & felicitatis perficiendæ habitum inseruit.

Virorum hominumque copia, non solum numero hic intelligenda est, sed varietate, ad ciuitatis vsus scilicet relata. Vnde quis ita partiti potest hunc locum, vt 1. *collectionem*. 2. *discrimina*. 3. *modum seu proportionem*. 4. *dispositionem & ordinem*, intueatur.

quod prae-  
stant:  
Collectio,  
cuius 1.  
momentum in fortuna.

*Collectio primum* momentum in Fortuna & Fato repositum habet. omnino enim *Deus* aliquas ciuitates aliquando amplificat, & copiosas facit, aliquas aliquando diminui patitur, aut augeri non patitur. id quod ab eo pendet, quod supra de causis potentiae communiter dictum est.

2. *Fœcunditas*.

*Secundum momentum in naturali fecunditate* quærendum est. Aliæ enim gentes facile augentur, aliquæ minus fœcundæ sunt. Itaque

*Tertio*

*Tertio*, Legibus quoque curanda & ordinanda est naturæ ad propagandum genus faculta- Legibus  
cultas. sicut supra de societate coniugali dictum est. iuuanda;

*Quartum præsidium, inuitamenta complectitur, huc artes alliciendi homines, atque vndique congregandi. Quæ vel bonæ sunt, vel malæ. an & mixtæ adiicimus? Quas alii necessarias, alii dubias vocant. Tales sint in Asylo Romuli. de quo vid. August. de C. D. 1, 34. & raptus Sabinarum, de quo Idem C. D. 2, 17. Euocationes celebrium hominum, in quorum gratiam confluxuri videntur multi alii.* Artes alliciendi homines.

*Malarum artium (quæ sine controuersia tales sunt) specimina; quando, contra pacta confilia clanculum pelliciuntur, per emissarios ac romissores, certi alicuius populi Cives, & veluti abducuntur de corpore alterius ciuitatis. Quando, barbaro more, per latrocinia, veluti venatione abiciuntur homines: quod Turcis familiare.* malis reiectis.

*Bonæ artes variæ sunt; præcipue Commercio in omni generis copia & commoditas facilitata, quibus, dantur bonæ.  
iulægiis & immunitatibus indultis procurata:  
rum necessariorum adeoque victus parabilis facilis;  
Scholæ & disciplina variarum artium; splendor  
& paratus aula; & quæ sunt eius generis*

*Discrimina virorum hominumque ita hinc Discrimina  
enduntur; quatenus nullum genus eius na porro  
ietatis abest, quâ sufficientia beatitudini attendenda  
ietatis destinata expletur. Ne vnquam in a in viris  
int sc. qui sacra curent, qui militent, qui  
os colant, qui opificia omnis generis tractent,*

etent, qui scientiis & artibus excellent. Turcarum olim hac in re defectus, & Scytharum, Tartarorum, Septentrionalium aliorum populorum.

Itemque  
Modus.

*Modus* tamen hic quoque attenditur: ne multitudo exuberet supra vires regionis, aut, si omnino exuberet, quemadmodum demigrationibus, coloniisque ad modum reducat: *ver sacrum* huius loci est; de quo *Lin. XXXIV. 43. & not. Bernegg. ad Justin. XXIV, 4, 1. c.* Altera pars proportionis siue modi in eo consistit; ne vnum quidem genus hominum abundet; aliud nimis deficiat. sicut in Turcia milites proportionem ceteræ multitudinis excedunt. Alicubi multitudo Legistarum, proportionem ceterorum studiorum, supergreditur. Alicubi, non citra malum publicum, nimis multi sunt, qui artes tractant ludicras, aut deliciis tantum destinatas &c.

& dispositio.

*Dispositio & Ordo* multitudinis, ex confusa & indigesta mole, corporis rationem efficit: si describantur omnes *per discrimina patrimonij, dignitatis, ætatis, artium, officiorum*; adeoque referantur in censum, digerantur in classes, curiis atque collegiis distribuantur; quod Romæ Seruius Tullius fecit. vid. *Flor. lib. 1. cap. 6. & Dionys. Halicarn. lib. 4.* Hæc pars nisi diligenter curetur, facile fit, quod de conuenarum multitudine auguratur Alcibiades apud *Thucyd. lib. 6.*



## CAP. VI.

De

*Loco Ciuitatis.*

quitur, vt videamus, quomodo potentia Locum Ci-  
*uis* junetur. *Locorum* considerationem hic uitati  
 im offert *Natura*; partim construit *Ars*;  
 im concinnat *Prudentia*.

*Natura* debet Ciuitas, si habeat fines vñdi- offert na-  
 limitibus *montium, fluminum, marium* mu- tura.  
 . Licet enim aliquando, etiam hoc mo-  
*iscretis, connexum odium* reperiatur (*Tac. 1.*  
*.)* facultas tamen nocendi haud perinde  
 a iis, qui *montibus* aut *fluminibus separan-*  
*tac. Germ. 1.)* Nam hæc *separandis gentibus*  
*ra pro terminis constituit. Plin. 36, 1.*

locis ergo *Natura* nobis primo commen-  
*nes*, si ciuitas limitibus arcifiniis custo-  
 rit: deinde, *facilitatem commeandi, agendi,*  
*unicandiq;*, siue in commune conferendi, quæ  
*ias & vbertatem ciuitatis pertinent*: cum  
 , quæcunque homines arant, nauigant,  
 cant, in terra gerantur, non minima ex  
 præsidia expectari par est. *tertio, opes na-*  
 , si agri frugibus, pascua pabulo, flumina  
 aria piscibus, luci lignis, viscera terræ me-  
 feracia sint: *quarto, amplitudinem*, non  
 s diffusam, neque interiectu alienorum  
 rum intercisam.

*commeandi & communicandi* facilitas flu-  
 bus præsertim & maribus iuvatur: vn-

de non aliis pronior ad potentiam via, quam maritimis gentibus. Quod exemplis Cretenſium, Phœnicum, aliorumque patet; de quibus *Thomæ Riuij Historia Naualis, & Morſoti Orbis Maritimus* agunt. Tyri potentiam etiam *Propheta* deſcribit *Ezech.* 27. Hinc Romani, cum ſimul & ſemel vellent Carthaginis potentiam deſtruere, à mari Carthaginenſes ſubmouerunt.

*Opes locorum nativæ*, etiam in *S. literis*, inter instrumenta potentiæ diuinitus concedi ſolitæ referuntur. Igitur luſus eſt *Machiaueli*, non ſemel ingenium ita oſtentantis, quando ſterilia loca præfert, & augendis ciuium opibus aptiora iudicat. Licet enim non negetur, induſtria naturam aliquando ſuperari ac ſuppleri: itemque inopiam non leue ad copiam parandam incitamentum: præterquam tamen, quod id non ſit in re, ſed accidat aliunde, etiam hiſtoria nos docet, ſæpius imaginem virtutis & induſtriæ, quam veram virtutem illis gentibus opes paraſſe; dum bellis vt latrociniis vtuntur, nullumque ſcelus autumant, ad quod inopia ſe impelli obtendunt.

*Amplitudo* locorum, amplitudini ciuitatis ſcil. reſpondens, ſi adſit, potentiæ aliquod momentum adiicit: ſi non adſit, Artis & Prudentiæ ingenio, vt anguſtiæ amplitudini æquiparari queant, efficitur.

*Artis* enim non minima vis, in Locis, potentiæ accommodandis. Ars, inquam, *ſterilitatem & inopiam* locorum variis commentis ſub-

subleuat: *commendi & communicandi facultatem* promouet: *adificat domos, vicos, oppida, locis opportunis, salubribus, amœnis.* Testem vocemus Germaniam nostram, quæ Tacito olim dicta *informis terris, aspera cælo, tristis cultu aspectuq;* (Germ.2.) at hodie fertilitate, cultu, splendore, cum florentissimis Europæ provinciis certare potest, nisi quatenus diuturni belli clades vastitatem induxerunt. Videmus hodieque excindi sylvas, conseri colles, fluminum cursus coniungi deriuarique.

*Vrbium exornationem & amplitudinem*, supra Cicero exempli ergo posuit, cum vellet ostendere, Locum quoque habere aliquod ad potentiam momentum. Quo præsertim pertinet *Regiarum Vrbium, siue earum vnde in omnia regimen, ornatus. Capita, Metropoles, Vrbes Vrbium* vocantur.

(Dictum est aliquid in *Annotat. ad Tac. 1. Ann.9.*) In vniuersum, *quin commoditas, splendor, amplitudo Vrbium* alliciat incolas, & locupletet, non est dubium. Hi nerui suo quisque priuatim robore valentes, corpus ciuitatis publice firmant ac mouent.

Tu tamen præterea obseruabis, vt *locis maxime idoneis*, sicut dicere cœpiimus, *extruantur vrbes; vt ad se commode respiciant invicem ac pertingant: vt semel bene adificata,edium incolis demant, desideriumque aliquid nouandi in adificiis excutiant.* Quanquam pro re & tempore necessitas sæpe in consilio est. Non potuit Roma primum nisi lateritia surgere:

donec aucta imperii magnitudine marmorea facta est.

Notentque rerump. moderatores verum verbum : *studium & propositum exornandi Vrbes amplificandiq; sepe non promouet potentiam sed impedit* : quando alienis temporibus exercetur, & sumtus, aliis vsibus ac necessitatibus publice priuatimque debitos, interuertit. Qui enim de potentia fastigio vult cogitare, antequam fundamenta eiusdem constituit, præposteræ consilii pœnam in ciuitatem at- trahit.

Conciñat  
prudentia,

Igitur Arti & naturæ, subsidio compara- uimus *Prudentiam*. Cuius proprium munus ; *Locorum interualla, opes, ornamenta metiri mo- dulo reip. munire prouisu, connectere subsi- diis*. Quod quale sit, nullo fortasse melius exemplo doceri potest, quam Augusti illius, de quo diximus ad Tac. I. An. 9. vbi magnificis titulis commemorantur : *mari, oceano & amni- bus longinquis septum Imperium ; legiones, pro- uincia, classes, cuncta inter se connexa : vrbs ipsa magnifico ornatu*.

Vnicum est, quod hic adiici debet in pru- dentia Locorum amplificatrice : quando sci- licet Legibus latis ciues ad ea imbuit, quæ lo- corum genio sunt aptissima, e. g. maritimis locis, ad studium nauigandi, & negotiandi ; fertilibus ad agriculturam ; sterilibus ad noua laborum inuenta, &c.

CAP.

## CAP. VII.

De

*Pecunia.*

**D**E domesticis potentiaæ præfidiis super-  
est *Pecunia*, scilicet non modo ad necessa-  
rias erogationes, sed ad quosuis casus v'susue *necessaria*  
parata.

Quantus sit pecuniaæ v'sus ad bellum ge-  
rendum, hac occasione *Lipsius* monuit 4. *Pol.*  
9, 48. & seqq. Item 5, 6, 6. &c. Non tantum  
scilicet ad expensas belli ordinarias, sed etiam  
ad conciliandos homines, & vincendos sine  
armis. Quo genere *Philippus Macedo* ce-  
lebratur, de quo *Poëta*:

— diffidit vrbium

*Portas Vir Macedo, & subruit æmulos*

*Reges muneribus: munera navium*

*Sauos illaqueant duces.*

*Horat. 3.*

*Carm. Od.*

14.

Sed & extra bellum, magnæ præsertim Ciui-  
tates, pecunia sibi varia hominum genera  
opportunis in locis & gentibus adiungunt,  
conducunt & mittunt, qui apud vicinos, apud  
longinquos, vel speculentur, vel tractent,  
quæ in rem sint: subueniunt sociorum aut  
ciuitatum ad quendam communis propositi  
scopum tendentium desideriiis: Aduenas &  
Legatos munifice habent: præmiorum ma-  
gnitudine, ingenia & artes alliciunt fouent-  
que: splendore rerum suarum, exteris se fa-  
ciunt venerabiles.

quibus  
modis pa-  
retur?

Paratur autem pecunia *Fodinis Metallicis*; *Rerum domi nascentium aut manu factarum exportatione*; *Bello*.

*Metallis* colligendis & eruendis natura viam ostendit: neque vulgari tamen arte & peritia opus est in re metallica tractanda. Pertinent huc *Georgij Fabricij*, *Georg. Agricola*, *Andrea Casalpini* de re metallica, scripta; item *Chronicon Metallicum Albini*: Tum Historia super hoc argumento, ex annalibus omnium gentium colligenda.

de hac vid.  
Bochar-  
dum.

Effodiuntur autem domi, aut *abunde* aduehantur metalla; sicut ex insula Ophyræ Salomon, ex Indiis Hispani, non sine malis artibus hi quidem, petierunt.

Nec terra tantum metallifera est, sed flumina quoque aurifera reperias. Etiam in Germania; ut Rhenus, & alii fluuii, de quibus *Aeneas Sylvius in Germania sua* c. 29.

Jam *rerum domi nascentium*, & *manufacturarum exportatio & venditio*, pecunia incolas ditat. Sed hæc ad mercaturam pertinent, de qua alibi.

*Bello*, & ex deuictarum gentium spoliis, immensos pecuniarum acervos gentes bellicosas & victrices collegisse, satis constat. sed hic modus cumulandæ pecuniæ, si iustitia bello absit, male audit.

Et quæstio est non expedita, an optari aut affectari debeat? Quia 1. non est, ut iniustitia omnis à bello & bellorum spoliis sequatur: atque sunt quasi fatales scorix auro collecto immixtæ, & nobilitatem eius, ut  
ita

ita dicam, vitiaturæ. 2. Quia odium & invidia, has opes sequitur; quibus fit, ut sua spolia repetere aliæ gentes cupiant, ubi primum occasio & facultas venit. Atque hoc fere fatum pessum dedit felices aliorum populorum prædones. In recentiore Historia graue iudicium est, de rebus Gallicis, Petri Puteani, descriptum *Rigaltio in vita ejus*: conferendum cum iudicio *Flor.* 3, 12, 6.

Facilius enim quærentur opes in cumulo, & ad remp. aptantur; de quo hic quæstio est.

Nisi enim *iniustitia in quarendo, luxuria in utendo absit*, plus nocebit pecunia, fietque, quod Romæ factum: ubi illæ victis ereptæ opes atq; divitiæ afflixere sæculi mores: *mersamq; vitium suis, quasi sentina, remp. pessum dedere.* *Flor.* 3, 12, 7. confer ceteras historias; videbis sæpe (cum *Sallustio orat.* 2. de *Rep. ord.*) qui reges, quæ ciuitates & nationes per opulentiam magna imperia amiserint, quæ per virtutem inopes ceperant.

In fine huius tractationis notandum, non agi hic de pecunia, quatenus instrumentum permutandis rebus necessarium est, siue quatenus ordinarium & necessarium in ciuitate usum habet; sed quatenus amplitudo & copia eius ad ciuitatis potentiam valet.

## CAP. IIX.

De

*Fæderibus.*

**A**ctum est de *Domesticis Potentia Præsidii*: *Fœdera ciuitatis potentiam*

O S

se-

sequuntur *Externa*, præsertim *Fœdera & Societates*.

Penes quem sit potestas faciendorum Fœderum, supra lib. 2. c. 8. dictum est, annotatis etiam potioribus huius argumenti momentis, & Scrip̃toribus.

Nic ea tantum persequenda sunt, quæ potentiam spectant.

Talia fœdera, si quis dixerit, vel ad *Famam*, vel ad *Potipam potentia*, vel ad *usum & effectum Potentia*, contrahi; non absurde existinauerit.

Vtrique generi communia sunt: 1. *vt licita credantur fœdera, & honesta*. aliter enim nec fœdera putabuntur; sed conspirationes. 2. *vt rata sint*. 3. *vt utilitatis vel vim, vel speciem habeant probabilem*.

Ineuntur autem vera illa Fœdera vel *constituenda potentia ergo*, vel *augenda & amplificanda*.

Constituunt.

Qui non sunt potentes satis aduersus æmulos vicinos inimicos, fœdus plurimum ambiunt sanciantque: sicut ab initio ciuitates Belgarum, aduersus Hispanum; Heluetiorum, aduersus Austriacos, fœderatae sunt.

Huius generis fœdera quo longius arcesuntur, eo plus periculi habent: & vix nisi arctissimis & intimis nexibus consolidata valescunt.

Cetera, quæ nexu minus arcto remotius quærantur, plerumque oneribus aut insidiis externorum fœderatorum intuta sunt. Vnde qui amant libertatem, Fœdus Patrocinii & Clientelæ, Tributorum, & eius generis valde extimescunt.

Fœde-



Fœdera augendæ potentiæ ineuntur pro opportunitate situs, pro respectu politico, ad alios Status Principesque; præsertim vero ex communis alicuius utilitatis certa destinataque æstimatione. Fixum enim esse debet omnibus Pragmaticis hominibus, nullum fœdus esse firmum; nisi quod communis utilitatis vinculo colligatum est.

Hinc etiam satius est, certum tempus fœderi definire, quam perpetuum facere. Exceptis fœderibus inter eos contractis, quorum rationes publicæ, & utilitates, perpetuo nexu cohærent, vel ob vicinitatem, vel communem aliquam causam, ac inseparabile negotium.

Sed nec illud arctissimi fœderis genus, quo eosdem amicos & inimicos habere fœderati debent, sæpe iniri potest: nisi inter eos, qui arctissimis communium utilitatum vinculis, iisque perpetuis, colligantur. Si autem omnino ineatur tale fœdus cum exteris, certi temporis modus utiliter definietur.

Tartarorum, Moscovitarum, Turcorum fœdera cum exteris mercenaria, & vix unquam satis fida sunt.

Sicut autem in fœderibus ad splendorem Potentiæ pertinentibus multa speciose euulgantur, & ad metum tertii cuiusdam adornantur: Ita ex diuerso in veris & solidis fœderibus, haud raro aliqua artificiose occultantur. *Secretos articulos* vulgo vocant: quos ab aliis, quam qui fœdus iniungere, sciri nihil attinet.

De secretis  
articulis  
fœderum.

Com.

Annotatione.

Commendari hic merentur *Tabula & Conditiones variorum fœderum, quæ in Excerptis Legationum post Polybii historiam exhibentur.*

Periculosi & infelicitis clientelaris fœderis exemplum ex historia sequioris ævi Bodinus affert, de Rep. lib. 5. c. 6. cum Sigismundus Augustus Poloniae Rex, Livonos in clientelam receptos, contrario fœdere cum Moscovitis pacto, plane deseruit, & ut ipse judicat, potius prodidit immanissimo hosti. Videatur etiam Orichonius in Annalibus, quibus eius Regis imperium describit.

## CAP. IX.

De

*Virtute, quatenus Rempubl.  
firmat, servat, auget.*

Virtutis  
vis in re-  
genda ci-  
uitate.

Inter ea, quibus omnis Ciuitas firmatur, servatur, augetur, tertio loco *Virtutem* posuimus.

Sicut enim in constituenda ciuitate primum & potissimum auspiciū virtus facit: ita, in regenda eadem, quidquid virtute vacuum est, alienum à fine proposito & infirmum putari debet.

quid huc  
pertineat?

In hunc locum ergo tota virtutis explicatio conuenit, qualem *Aristoteles, in Ethicis Nicomachicis* præcipue, tradidit. Falluntur enim, ut alias dictum est, qui putant, *Aristotelem* propositum fuisse, hominem priuatum, non

non ciuem ibi informare. Quod si quis sub nobilibus exemplis ad ciuiles vſus propius accommodatam cupit hanc doctrinam cognoscere, *Ciceronis Officia*, incomparabili præstantia celebrari merentur. *Lipsius* quoque I. & II. libris *Pol.* egregie hanc viam triuit. nisi quod pauca quædam, Regno propria, neque ciuitati cuius communia insperguntur.

Virtus hic intelligitur tam *moralis*, quam *intellectualis*. Illam nomine generis, *Lipsius*, *Virtutem*; hanc, *Prudentiam* appellauit. Quamquam & *Prudentia* hic considerari possit vt Virtus *Moralis*, monente *Gassendo in Phil. Mor.*

De vtraque agitur, vel contractius, & summam, vel explicatius & per partes.

*Virtutem* *Cicero* summam distribuit in *Iustitiam*, *Fortitudinem*, *Temperantiam*. vid. libell. memor. *Eth.*

Quando hodie summam volumus loqui, seruandis firmandisque ciuitatibus requirimus *Religionem* siue potius *Pietatem*, *Iustitiam*, & *Fortitudinem*.

Quando accuratius agendum est, nullam esse dicimus virtutem, quin seruandis augendusque ciuitatibus aliquid adiumenti adferat.

Sed hæc facile vel enumerantur, vel describuntur. Illud plus interioris philosophiæ habet, vt vniuscuiusque virtutis munia, in ipsa actione, siue ad singularia applicatione, seorsum ac singillatim perdiscantur.

Verum de his alias.

(Hæc

(Hac occasione dictum de controuersia aduersus *Machiauellum*, & libris quibusdam ad specialiorum virtutum intelligentiam facientibus. *Paschal. character. virt. & vit. Barcl. Icon. Anim. Argen. Histor. Poët. Epicus & Tragicis.*)

## CAP. X.

De

*Prudentia.*

Prudentiæ  
munus in  
doctrina  
ciuili:

**D**E prudentia quoque, quæ omnes virtutes moderatur, rectius in singulis argumentis perspicitur. Sane per totum ciuilis doctrinæ corpus id agitur, vt, quomodo in singulis rebus prudenter sit versandum ciuili viro, cognoscatur.

Repetemus tamen aliqua de hac re. Et quomodo quidem veteres ad quotidianam vitæ consuetudinem orationem accommodando Prudentiam partiti sint, *alibi* explicauimus.

Vocabulum Prudentiæ sæpe veteribus idem cum Sapientia notat, nec videtur discernere *Cicero* 1. *Offic.* c. 5. & 6. nisi quod in fine libri respicit ad distinctionem *Aristotelicam* 6. *Eth.* 7. traditam.

Annota-  
tio.

*Aristotelis* de Prudentia tractationem, quæ fere totum *lib. 6.* occupat, egregie ex veteribus *Eustratius*, è junioribus *Gassendus* explicauit. in *Phil. Moral.*

Quæstionem, *an sit Prudentia?* *Sextus Empiricus* (*aduers. mathemat. lib. 10.*) fuscè tractauit; negantem contra Dogmaticos sententiam tuens.

tuens: non erit difficile, dissoluere eius argumenta, e.g. cum vulgo, etiam à Philosophis, dicitur, *Prudentiam esse artem vitæ*; vocabulum Artis arripit, eiusque descriptionem. Item: cum *Prudentia in bonorum & malorum delectu consistat*; dicit, *diuersis Philosophorum sectis non eadem bona, eadem mala haberi, adeoque nullam horum scientiam dari.* Omnia enim bona & mala esse non re, sed opinione hominum &c.

## CAP. XI.

De

*Virtutis efficientia, effectusque intermedio, ad effectum conseruationis &c.*

**C**Æterum, singularem considerationem *Efficientia* meretur *Virtutis efficientia*, ex qua consequitur confirmatio, conseruatio, amplificatio Reip. *virtutis.*

*Efficientia Virtutis* eo tendit, vt actiones imperantium & parentium *efficaces* sint, & *decora*. Tum enim conseruari, amplificari, confirmari Reip. dicitur, cum imperantes parentesque efficaciter & decore suas partes ob-  
actiones  
imperan-  
tium &  
parentium  
reddit  
eunt.

*Efficax* censetur actio, quæ habitu animi *Efficaces*: idoneo & instrumento sufficienti ad fines, tum particularem, qui & certi alicuius operis, ac negotii confectio; tum vniuersalem, qui est Reip. utilitas, contendit.

Deco-

Decorz.

*Decoram* actionem dicimus hoc loco: quæ eisdem ad fines, ordinem & modum & speciem adhibet.

In *Efficacia* actionis, facultatem & vires agentis; in *decoro* actionis, dexteritatem agendi spectamus. Si enim hæc non abesse possunt in actionibus quibuscunque, quæ manu & corpore perficiuntur: quanto magis ad actiones pertinebunt, quæ proprie ciuiles sunt.

Vt ergo actio ciuium (i.e. Imperantium & Parentium) sit ciuilis, efficacia & decoro actionis opus est. Vt efficax & decora sit, virtus efficit. Ad quam virtutis efficaciam consequitur effectus conseruationis, confirmationis, amplificationis Reip. non sine effectu quodam intermedio, de quo mox dicetur.

Efficientia  
gratus.

Habet autem ista efficientia virtutis suos gradus, & quandam varietatem, pro conditione agentis, pro circumstantiis negotii & determinatione finium in maius minusue facta.

Ipsa etiam Virtus, quamuis omnis huc pertineat, una tamen magis ad hanc actionem, itemque ad unam actionem plures, ad aliam pauciores virtutes concurrunt sua efficientia.

Efficacia item & decorum actionis uniuersæ quidem in ciuibus, qui sunt ciues, siue imperent siue parent, spectatur: seorsum tamen alia est ratio huius considerationis in Imperante, alia in parente, quatenus his nominibus distinguuntur.

In

In *Imperantibus* efficientia virtutis maiore quodam paratu, copia, artificio ad efficaciam & decus actionis concurrat; in parentibus præter dexteritatem agendi, fides & ars obsequendi, rem absoluunt.

Vnde, *effectus intermedio* etiam, discrimen quoddam notabitur, paulo post. Nunc enim *effectus intermedius*, communis omnibus civibus, signandus est: nimirum, *Domi*, concordia & amor siue *benevolentia mutua & civilis*; *Foris*, uniuerſæ Reip. auctoritas; & in eam *Benevolentia*. Cic. 2. Off. 8.

*Effectus intermedius*, proprius *Imperantibus*, est proprius Auctoritas apud ciues, tum benevolentia civium Imperantibus: specialiter spectata. Proprius parentibus, gloria obsequij.

Vbi rursus efficientia virtutis, aliter auctoritati, aliter benevolentia parandæ seruit.

Aliter item in hac reip. forma; aliter in illa: nec eodem modo hoc tempore, conditione, statu reip. sicut ubi ista diuersimode se habent. Confer locum *Arist. 5. pol. 9.* Rursus aliquid diuersitatis cernitur, si virtutis efficientiam, & effectus intermedios consideres, prout incolumitatem, firmitatem, amplitudinem Reip. pariunt, tum si spectes, prout eandem aliquid detrimenti passam restituunt. Tum enim remediorum instar sunt, quæ priori genere ordinariam vim primario opere explicant.

Verum cum, ut jam dictum est, confer- Beneu-  
uatio, confirmatio, amplificatio Reip. obti- lentia;

lib. 4. c. 8.  
& 9.

neri nequeat, nisi eadem opera Beneuolentia hominum, & apud eos auctoritas domi forisque Reip. concilietur; hinc nonnulli, & cum *Lipsius*, inter causas iuuantes firmantesque imperia, Beneuolentiam & Auctoritatem ponunt: vt *Virtutes Lipsius* nominat; liberiori sermonis genere, nec absque figura; cum ea, quibus vtraque paratur, virtutis actiones artificiaque sint. In ipsa quoque tractatione, argumentis specialibus sub certos titulos redigendis seruit potius, quam contextæ philosophiæ: atque hinc quæ in *cap. 9.* de potentia habet, melius referentur partim ad vim iuuantem, siue vires roburque, partim ad alia loca. Insunt etiam aliqua, quæ vnius imperio, non autem ceteris Rebusp. conueniunt. Quod ei pro ratione instituti faciendum fuit. Illud bene factum est, quod ordinariis extraordinaria; thesi hypotheses; manifestis arcanis coniunxit. In quibus subinde aliqua sunt, quæ in naturali rerum consecutione aliam sedem nanciscuntur, huc singulari consilio Scriptoris translata.

Ceterum in Beneuolentia quæri ante omnia solet, *siue Beneuolentia Imperantibus & Imperio utilis?* Ita enim formanda fuerit quæstio, cum de mutua ciuium inter se beneuolentia nemo dubitare possit. Negauit inter *Iuniores, Machiauellus*: secutus antiquos tyrannidis magistros, præfractos homines & superbos, qui metu plus valere Resp. autumant. Melioris philosophiæ auctor sequendus est *Cicero 2. Off. 7.* Proxima quæstio est



est, *qua re paretur Beneuolentia?* Hic si quis exactius partiri velit, non debet negligere causas à vulgi obseruatione remotiores, quibus multa tamen efficacia est. Tales sunt: *Deus & Natura*; hoc sensu: Deus, rationibus & modis hominum scientiæ parum obuiis, huic ciuitati alias reddit beneuolas: itemque hunc aut hos imperantes foris domique facit diligere. Factum imo videmus singulari consilio DEI, ut vnus aut plures huius Reip, ciues aliam Remp. amore prosequerentur. Quæ *οἰκονομία* diuina vsus finesque habet varios & reconditos. Sic in naturis quoque & ingeniis hominum, ut singulorum, ita per totas ciuitates, est aliquid, quod nationem nationi, locum loco, ciuitatem ciuitati; aut ciuitati ciues quosdam alterius ciuitatis conciliet.

Causa Beneuolentiæ apertior est *Virtus*, intellige omnem, ita tamen, ut ex virtutibus plus efficientiæ huc conferant, quæ sunt *leniores*, & magis, ut sic dicam, sociales, communitatique hominum aptæ. Quo sensu recte Cicero 1. de Off. 17. *Quamquam omnis virtus nos ad se alliciat, faciatq; ut eos diligamus, in quibus ipsa inesse videtur: tamen Iustitia & Liberalitas id maxime efficit.* vid. etiam 2. Off. 9. Ad di potest *Comitas, Mansuetudo, Modestia*, cum similibus virtutibus, seu quæ pertinent ad mansuetudinem veram ac facilitatem, ut Cicero loquitur. Quæ omnia suis non modo regulis, sed inuentis & artificiis constant.

Huc accedunt, si de hominibus loquimur,

*Species virtutibus similes, ut Tacitus vocat, 15. A. 8. tum fortuita & externa, etiam in rebus inanimis. Sicut in alio quoque genere observamus, & mox in auctoritate cernemus;*

Auctori-  
tas:

Quæ cum Benevolentia fere cohæret; hoc sensu: Vbi auctoritas adest civitati, inde non abest Benevolentia. Quæ sententia invicem commeari potest, sed non æqualiter, in hunc modum; Auctoritate præditus semper diligitur, siue, quem complectitur hominum caritas, interdum quidem eodem actu admirandus habetur, interdum admiratio seu auctoritas abesse potest salva caritate. Alia enim est earum virtutum indoles, quæ benevolentiam; alia earum, quæ auctoritatem conciliant proxima & propria efficientia. Auctoritas etiam maius quiddam & altius dicit, aptaque est sub se comprehendere benevolentia parandæ vim; à qua, si quis ordine velit proficere, ad auctoritatem scilicet ascendendum est.

Ceterum, utriusque necessitudinem veteres studiose inculcant. Ita Cicero 2. Off. 8. disserit, quomodo possimus facillime eam, quam volumus, adipisci, cum *honore & fide caritatem*. Et Currius hanc philosophiam secutus ostendit, quibus *vel ingenij dotibus, vel animi artibus Alexander effecerit, ut pariter carus ac venerandus esset.*

Atque, ut ad necessitudinis illius modum redeamus, Cicero benevolentiam auctoritatis partem facere non dubitat, cum (2. Off. 9.) perfectam *gloriam* tribus ex rebus constare dicit:

si

si diligit multitudo: si fidem habet: si cum admiratione quadam honore dignos putat. Sumitur alias gloria apud ipsam Ciceronem & alios de fama & laude meritorum virtutis: quo sensu vel est pars auctoritatis, si populariter cum quibusdam loquendum esset; vel effectus, ad auctoritatem, quam virtus efficit, intermedius. Quales effectus intermedii etiam caussis accenseri solent. In quam sententiam recte illud est à Cicerone positum: ipsa fama & opinione virtutum, etiam benevolentiam generari. At eo loco, quem produximus, *gloriam pro auctoritate* accipi ipsa tractatio docet.

Ex tribus autem illis partibus, secunda & tertia proprie auctoritatis sunt, quatenus à Benevolentia distinguitur. Quod si enim summarim agendum est, auctoritas omnino adesse ei creditur, cui fidem habent homines, & quem admirantur.

*Fidem* porro Justitia & Prudentia comparari, hoc modo differit Cicero, quatenus Justitia voluntatem; prudentia facultatem aliis bene consulendi, siue aliorum res juuandi, habere intelligitur.

*Admiratio* excellentia quadam virtutis & singulari præstantia & amplitudine parari dicitur. Hæc, inquam, summarim, & *ὡς τὸ πᾶν*.

Magis partite, quanquam alio consilio, & declarandæ rhetoricæ argumentationis gratia, quæ ab auctoritate sumitur, ita philosophatur in *Topicis*. Auctoritatem aut *natura*, aut *tempus* adfert. *Natura* auctoritas in vir-

*tute inest maxime. In tempore autem multa sunt, quæ afferunt auctoritatem; ingenium, opes, ætas, fortuna, ars, usus, necessitas, concursio, etiam nonnullam rerum fortuitarum.* His, si Deum, cuius maxima & prima vis est, tum admirabilis providentiæ dispositio, in auctoritate singulis & ciuitatibus constituenda adiunxeris, *necessitatem* detraxeris, pleraque omnia habebis, quæ auctoritatem faciunt. Figura tamen in verbis notanda est. Quod enim Cicero hic *naturam & tempus* vocat, illi, qui ad docendi perspicuitatem vocabula accommodant, dicerent *causam per se efficientem*; & *causam ex eo, quod rebus accidit, efficientem.*

Verissimum autem est, quod Cicero monet 2. Off. 12. *gloria & quærenda & collocanda ratione est.* Ratione, id est, prudentia, consilio, ad reip. statum & tempora, finesque vel perpetuos, vel temporarios, congruente.

Pars ejus rationis est, simulacra à veris distinguere; quorum in his solida efficacia, in illis fragile subsidium est: tenere ordinem rerum, ne in primis ponantur, quæ secundo, aut infra secundum locum valere debent. Qualia exempla tractantur à Cicerone diligenter; ut de eloquentia forensi, de magnificentia spectaculorum & munerum. Vbi verba (2. Off. 17.) probe notanda: *Tota ratio talium largitionum, genere, vitiosa est; temporibus, necessaria; & tum ipsa & ad facultates accommodanda, & mediocritate moderanda est.*

## LIBER V.

## CAP. I.

De

*Causis Civitatem corrumpentibus & destru-  
entibus.*

**D**ictum est de iis, quæ communiter Ci-  
uitates seruant, firmant, amplificant; Partitio  
hujus ar-  
gumenti.  
sequitur, ut de iis agatur, quæ com-  
muniter civitatem infirmant, minuunt, mu-  
tant, corrumpunt, destruuntque. Quæ *Lipsius*  
ad vim & vitium refert, *αὐτὸσκοπία* scilicet ad  
vim juuantem & virtutem. Vis ei est, *prodi-  
tio & insidia*: Vitium duplex ponit, *odium &  
contemptum*, rursus eo proposito, quo supra  
eum uti vidimus. Si enim accuratè & subti-  
liter vis fuisset explicanda, non poterat sedi-  
tio, factio, bellum civile externumque omit-  
ti. Quæ ille libro ultimo ex alia methodi  
serie ordinat. Jam, ubi de odio tractat, uni-  
uersum argumentum de *Suppliciis, Tributis,  
Censura*, per accidens tantum huc spectanti-  
bus, exequitur.

Ante omnia autem faciendum hic nobis  
putamus, quod fecit *Aristoteles lib. 5. Pol. c. 1.* ut  
constet, quid sit illud, & quàm varium, quod  
infirmandi, minuendi, corrumpendi, de-

struendi vocabulis hætenus significamus. Licet enim effectus hic sit ex causis nunc explicandis secuturus: plurimum tamen interest statim sciri, quid rei hic intelligatur. Veteribus ergo Græcis Latinisque familiare est, *Mutationis* vocabulo, late patente, omnia complecti. Sed subtiliter agentibus illud observatur, quod non omnis mutatio lædendi & destruendi, sed quædam etiam conservandi juuandique vim habet. Igitur vident, distinctione hanc vocem opus habere.

Complexus forte videbitur omnia, qui dixerit: *Mutationem, Corruptionem, Destructionem* Civitatis esse, de quibus hic consideratio suscipitur.

**Mutatio.**

*Mutationem* bene distinguit *Aristoteles* in eam qua ipse status reip. in alium commutatur; & qua ipso statu siue forma reipub. manente aliquid commutatur. Hoc posterius mutationis genus iterum distinguitur tripliciter. 1. quando in eodem statu personæ personis deturbatis aliæ succedunt. 2. quando status restringitur aut laxatur. 3. quando magistratus aliquis inducitur, aut abrogatur. Hæc divisio subtilis est & sufficiens, & exemplis bene à *Piccarto* illustratur.

Si modo illud simul observetur; *Mutationem* aliam esse *apertam* & omnium intelligentiæ expositam; aliam *occultam*, & dissimulatam, de qua prudentes tantum judicant. Sicut etiam in *corruptione* fieri videmus.

**Corruptio.**

*Corruptio* sæpe via est ad mutationem; & invicem mutatio sæpe via ad corruptionem.  
nisi

nisi quod mutatio etiam in melius tendere potest. Est enim hæc illa latior.

*Corruptio* ergo erit cum mutatione illa quidem semper coniuncta, in deterius scilicet; sed hic intelligitur mutatio magis particularis, quæ ab illa modo nominata differt: illa enim termini rationem habet; hæc ad illum terminum interdum tendit, interdum citiori termino destinatur.

*Corrumpi* enim tum civitas dicitur, quando in fine civitatis destinando, tum in rationibus ad destinatum finem dirigendis, vel uniuerse, vel pro statu certæ Ciuitatis, id quod rectum est & bonum, deflectitur, infirmatur, aliqua labe inficitur; adeoque degenerat: aut quando ea, quibus Ciuitas constituitur, firmatur, amplificata est, vitium capiunt.

*Destructio* est, quæ corpus aut speciem Ciuitatis tollit. Quod probe explicat *Grotius* 2. *De destructio.*  
*de I.B.c.9.* vocatur etiam *euerfio, interitus, excidium.*

Quo loco probe notandum est discrimen inter *mutationem cum corruptione coniunctam*; itemq; *corruptionem magnam & notabilem*; tum *veram destructionem*. Illæ enim cum sæpe huius causæ sint, intuentium aut deplorantium iudicio pro destructione habentur. An autem vere destructio sit, non causis in efficiendo constitutis, sed effectu consummato æstimandum est. Destructio enim rationem integri effectus habet, ad quem causæ mox nominandæ per effectum intermedium mutationis ac corruptionis tendunt. Cuius

effectus quæ sit natura, ante explicatum est. Accurata est ergo distinctio *Curtij lib. 4. c. 14. n. 20.* qua *concussionem* ab *afflictione* seu interitu Reip. distinguit. Sicut & *conuersio* ab *euerfione* plurimum differt.

Interim *conuersiones* illæ vix solent sine magna & horribili *concussione* accidere: & hostilia portendunt; sicut insequentia amplius docebunt.

*Causse* ergo, quibus mutationes, conuersiones, destructiones Ciuitatum fiunt, sunt: *Fortuna, Vis, & Vitium*; non sine effectui intermedio.

## CAP. II.

De

### *Fortuna ut est causa mutationis aut corruptionis in ciuitate.*

In mutationibus ciuitatum Imperiorumque causa præcipua referenda est

**F**ortunam quo sensu hic accipiamus, libro priore, cum de conseruatione & auctu Ciuitatum ageretur, monuimus. Itaque proprie huius loci sunt, quæ de *Fatalibus mutationibus, corruptionibus & destructionibus Rerump.* olim & hodie, non sine solidis erroribus, & confusione disputantur.

Fato enim hic locum esse, etiam Ethnici agnouerunt: *Sallust. Or. 2. de Rep. Ordin.* Si morbo, aut fato, huic imperio secus accidat &c. sed non omnes eodem modo explicant. Imo nec iidem eodem semper modo capiunt. Itaque



que distincta consideratio oritur quæstionum illarum:

I. *An Diuina voluntate & dispositione mutationes, corruptiones, euersiones Ciuitatum accidunt?* Aff. Dictis S. S. manifestis. Quibus *Augustinus* accinit *s. de Ciu. D. 8.* cum probat eos, qui *caussarum ordinem & connexionem Dei summitribuunt voluntati & potestati*, qui optime & veracissime creditur & cuncta scire antequam fiant, & nihil inordinatum relinquere: à quo sunt omnes potestates, quamuis ab illo non sint omnium voluntates. Et cum ostendit, Deum omnia curantem regnorum quoque & ciuitatum prospera aduersaque non negligere: Deus, inquit, nullo modo credendus est, regna hominum, eorumque seruitutes & dominationes, à sua prouidentia legibus alienas esse voluisse.

II. *An Astris in hos effectus aliqua vis sit, idque fato contineatur?* Negatiua & ab *Augustino lib. 5. de C. D.* & ab aliis luculenter tractatur.

III. *An ipsi temporis aliqua vis sit, quam fatalem nonnulli dicunt; ut certis temporum spatiis decursis, sequatur deinde mutatio reip. corruptio, euersio: siue ante terminum temporis, quo mutantur aut vertuntur resp. definiri ac numero designari queant?* 1. ubi notum est, temporis nullam propriam esse in his talibus efficientiam; figurisque accenseri debere; quæ passim in hunc sensum obuia sunt. 2. Sicut & illud frequentissime, sed figurate, dicitur: Certis temporibus decursis, mutationes & similia accidere. Nam illud certum tempus, quod vulgo ita ponitur, incertum est. Mutatione

ad voluntatem & dispositionem diuinam.

An astris in hos effectus aliqua vis sit? An temporis?

tionibus, ut alia, ita Resp. & Ciuitates subiacere, certum est: At tempus definiri certum nullo modo potest: etiam si præter propter & in latitudine velis loqui. Citius, tardius, mutantur, conuertuntur, evertuntur Ciuitates. Atque, si aliqua exempla eodem pœne annorum numero decurrere videntur, fortuitum id est, & longe plura discrepareprehenduntur.

An certa  
mutatio-  
num peri-  
odus sta-  
tuenda?

IV. *An Periodus eiusmodi mutationum certa statui debeat, ut ista mutatio illi; hæc isti succedat; itemq, an illa periodus mutationum sit circularis, & ad id redeat unde cœpit?* Vtrumque affirmari potest: sed ex parte. Vniuersæ enim non est verum. Dictum est aliquid de Doctrina Periodica Platoniorum alibi: itemque de ἀνακυκλώσις seu circulari revolutione rerump. ad 1. Ann. Tac. annot. 2. ad cap. 1. Polybius præsertim videndus lib. 6. Notus est locus Ciceronis de Diuinat. lib. 2. c. 2. Id ipsum à Platone philosophiaq, didiceram, naturales esse quasdam conuersiones rerump. ut eætum à Principibus tenerentur, tum à populis, aliquando à singulis.

An vitari  
humana  
ope fatales  
mutatio-  
nes pos-  
sint?

V. *An fatales mutationes humana ope vitari, prauerti, declinari possint?* Hoc totum pendet à conciliatione fati cum voluntatis humanæ libertate, de qua alibi.

### CAP. III.

#### De Vi.

Vis  
quotu-  
plex?

Nunc de Vi agendum est: quatenus resp. corrumpit, labefactat, euerit. Quam  
Lipsius

*Lipſius* diſtinxit in *apertam* & *occultam*. *Illius* 4. *Pol. 10.* poſuit tres partes; *Factionem, Seditiōnem, Bellum*. Hujus duas; *Inſidias* & *Proditionem*. *Illam* in alium locum diſtulit; *huic* ſedem conceſſit in loco, quem tractauimus.

Accurate partiri cupientibus, vis alia eſt maior viribus humanis, alia ab *hominibus* oritur: *Ille* vere dici ſolet *vis maior*; *hec* citra adiectionem *Vis* appellatur.

Ad vim maiorem pertinent *Fatalia*, & quædam *Naturalia*. Fatalis interitus eſt e. g. cum igne cœlitus demiſſo per miraculum euertuntur 5. Ciuitates: cum per diluuium deletur Ciuitas generis humani, pauculis tantum in ſemen relictis. Ita *naturæ* violentia, totas nationes abſorpsit terræmotus, inundatio. &c.

Vis humana eſt vel *externa* reſpectu ciuitatis; vel *interna*. humana

Utraque, vel *aperte*, vel *occulte* admouetur.

*Vis externa aperta*, vix alio quam ad bellum & bellicos actus pertinere poteſt. Bellum enim eſt illa exitiabilis bellua, quæ incurſat Ciuitates, earumque vel firmitatem peſtilenti halitu vitiat; vel corpus immani rictu dilaniat. Externa aperta:

*Vis externa occulta*, quando incendiarii, inſidiatores, corruptores vario aſtu reip. labefactandæ aut deſtruendæ adhibentur. occulta:

*Vis interna aperta eſt*, cum vel unus aut plures, ſæuitia: vel plures factionibus, vel omnes aut maxima pars concertationibus ciuitatem Interna aperta:

tatem

tatem perturbant aut affligunt. Quæ mala aliquando etiam misceri solent.

**occulta.** *Vis interna occulta est*, quando aliquis aut aliqui, ciuitatem vel incendiis ac cædibus perdere, vel prodicione aliis subiicere, vel insidiis omnique alio conatu suæ tyrannidi vindicare satagunt. Huius generis ea est conditio, ut plerumque in vim apertam definat, & transeat.

**Effectus vis externæ apertæ:** *Vis externa aperta* i.e. bellum & arma ciuitatem 1. vel minuit viribus, e. g. pagis, vicis, hominibus perditis deletisque. 2. vel euertit, ut quando tota gens excinditur, quod est quasi supplicium capitale, aut dissipatur, ut amittat rationem corporis. 3. vel mutat formam, ut quando inter leges pacis alius status ciuitatis præcipitur. 4. vel simul euertit ac mutat, siue coniungit mutationem cum quadam euersione, ubi forma siue species ciuitatis interit, corpus autem ipsius ciuitatis in partem alterius ciuitatis contribuitur. 5. vel manente corpore & specie, varie inducit vitiosum habitum.

**occultæ.** *Vis externa occulta* iisdem operibus efficiendis noscitur: via tantummodo diuersa.

**internæ:** *Vis interna aperta & occulta*, quibus rebus constet, jam dictum est: quomodo autem tendat ad ciuitatis labefactionem aut euersionem, explicandum restat.

**Tyrannis.** *Tyrannis* vel vnius, vel paucorum, vel multitudinis ad hunc finem tendit; vel dum constituitur; vel dum constituta durat aut viget.

Con-

Constituitur omnis tyrannis, & firmatur, continuaturque malis artibus. Illæ malæ artes, siue *dolo* exercentur, siue violentia, siue *mixtis* vtrisque.

Talia sunt: jura & leges, quibus se tyranni alligarunt, opprimere; vi pro jure vti; judiciorum acerbitate ciuitatem vastare; disciplinæ corrigendæ speciei, aut securitatis publicæ muniendæ prætextu innocentes aut claros viros circumuenire &c.

*Tumultus* vocatur repentinus ille motus à Tumul-  
multitudine excitatus, metu, aut consterna- tus.  
tione, aut indignatione, sine altiore proposito mutandi status, aut res nouandi.

*Causa* vel *perpetua*, vel *temporaria*. *Temporariam* modo exempli ergo declarauimus. *Perpetua* est; ingenium ferocioris populi, aut laxior viuendi ratio, nec adstricta bene compositæ vinculo ciuitatis disciplina.

*Exempla* in Historiis passim obuia.

*Remedia* constant vel vi *militari*, eaque aut ostensa, aut adhibita; vel *auctoritate* & *consiliis*. Eum in vsum, præter ceteras utilitates, arma ciuitati semper in promptu esse debere alibi diximus.

*Factio*, quando inter familias aut partes *Factio*,  
quasdam ciuitatis ducatum præbentibus nonnullis dissidia exercentur, præsertim in administranda rep. aut circa religionem, aut honores, aut commoda. *Lips. 6, 3. Liu. 9, 26.* Dictator quæstion. habendæ de factionibus creatus.

Tumul-

Seditio.

Tumultus facile in seditionem trāhsit. Itaque vocabula etiam, prisca recentique loquendi consuetudine, haud raro inuicem permutantur.

Accurate tamen loquendo ; Seditio est motus populi, vim minantis aut facientis, mutandi regiminis ergo, vel quoad personas, vel quoad formulam reip.

Causa seditionis perpetua.

*Causa perpetua* itidem est ingenium multitudinis secundum magis & minus, pro nationis, morisque ac disciplinæ, diuersitate. Ita apud Polonos & Hungaros perpetua sunt, quæ alibi rariora.

Temporaria.

*Causa temporaria* vel est à potestate magistratus popularis nimia (vid. quæ Cicero disserit de Seditiositate Tribunorum plebis Rom. 3. de ll. c. 8. & 9.) vel à sensu, aut metu, aut opinione iniuria aut damni. Huc enim redeunt, quæ apud Aristotelem 5. Pol. c. 2. & 3. disputantur. Quibus autem modis fiat, ut sentiant aut opinentur aut metuant, iniuria se damnoque affici, qui seditionem mouent, rectius postea tractabitur, cum de vitiis agetur. adhuc enim de vi agitur.

Exempla.

*Exemplorum* plena est omnis historia, tum ciuiliū, tum militarium seditionum. vid. *Liv. à lib. 2. per seq. Tac. l. 1. A. 16. & seq. &c.*

Remedia.

*Remediorum* primo obseruanda sunt discrimina. Alia enim sunt violenta (honestiori vocabulo fortiora, strenua &c.) alia moderatiora, mollia &c. 2. mixtura vtriusque generis. 3. *οὐκ ἐκείνη* siue dispensatio per momenta

ta temporum, per occasiones euentuum, per gradus effectuum.

Quæ de gradibus & progressu ipsius seditionis erudite disputantur à *Lips. 6. Pol. 4.* ad naturam & ingenium seditionis pertinent. Diximus etiam de ea re ad *1. A. Tac. 16. & seq.* Pertinet huc oratio brevis, sed copiosæ philosophiæ descriptio *Virgil. 1. Æn.* Annotatio,

Bellorum Ciuiliū largam quidem segetem omnis ætas, omnis historia suppeditat. Ex iis tamen qui descripserunt, nemo superat diligentiam *Dionis, Appiani, Plutarchi in Vitis, Ciceronis in Epistolis ad Atticum, Taciti in Libris Historiarum*; qui Romanorum bella Ciuilia descripserunt. E recentioribus *Acta publica Hortleleri & Lundorpij in Germanicis; Thuanus in Gallicis; Meteranus & alij, in Belgicis*, obseruandi studioſo lectori, hoc argumentum probe explanabunt.

## CAP. IV.

De

*Vitiis Ciuitatem infirmantibus &c.*

**S**equitur, vt de *Vitiis* agatur, quæ Ciuitatem infirmant, corrumpunt, destruunt. Vitia remō  
publ. de-  
struentia  
sunt : Quæ philosophia his, vt arbitror, nititur regulis. I. Sicut omnes virtutes, vna tamen potius quam alia, conseruant, firmant, amplificantque ciuitatem: ita omnia vitia, vnum tamen altero magis, efficiunt contrarium.

Q

rium.

rium. II. Potissimum id præstant, *Imprudentia, Iniustitia, Ignavia, Intemperantia*. III. Aliter tamen, apud subditos, seu in subditis; aliter apud Imperantes: Aliter in Monarchia, aliter in reliquis formis.

**Imprudencia.** *Imprudentiam* fere in Imperantibus, quique iis consulunt, spectare fas est. sicut prudentia propria Imperantium virtus est. *Imprudentia* Ciuitati noxia, vel est *Natura*, vel *Morum*. *Natura* enim quidam tam sunt hebetes, stupidi, absurdi, aut speculationibus potius, quàm vllis agendis rebus apti, vt ad Ciuitatis negotia vel iudicanda vel tractanda cœcutiant. Exempli olim & hodie non desunt. Claudius, Vitellius &c. Rom. Principes.

*Imprudentia* quæ moribus tribuitur, vel *imperitia status* constat; vel *imperitia actionis*.

*Imperitia status* ita capi debet, quatenus illi, qui Ciuitatis felicitatem curare debent, interiori illa & accurata sua reip. cognitione, sine qua nihil recte in publicis geri potest, destituuntur. e. g. Quis putet Appios plerisque, quales à *Liui* describuntur, satis intellexisse, vel Aristocraticas, vel mixtæ ex Aristocratia & Democratia reip. rationes? Galbam & postea Neruam parum intellexisse, quid esset regnare, non absurde opinantur, qui dicunt. Ex hoc fundamento philosophatur *Crispus* apud *Tacit.* l. A. 6. & quanquam in mimo, *Asinius Gallus* cap. 12.

Pertinet ad Imperitiam Status, etiam illa *imprudencia*, quando momenta & gradus, in ipso statu



*statu non recte judicantur, discernunturq;* vel dum fiunt, vel dum facta sunt. Non enim tam constanter & æqualiter se res humanæ habent, vt forma Ciuitatis eodem semper gradu, iisdem momentis, æstimanda & pensanda sit. Monarchia e.g. modo arctius astringit, modo lenius sua vincula. neque eadem ratione consultatur viuiturque illo & isto tempore.

*Imprudentia*, quæ ad actiones refertur, ita intelligitur, quando abest 1. communis dexteritas actiones ciuiles obeundi. 2. solertia totam vim actionum & partes iudicandi, siue expedito iudicio complectendi. 3. temperandi moderandique actiones ex re & vsu præsentis, siue ex variis subnascensibus momentis, iuxta omnes denique, vt vocant, circumstantias subtilitas. Qui in primo genere deficit, æque ineptus est ad ciuitatis felicitatem curandam, ac, qui ingenio hebeti, absurdo, denique mere speculatio vtitur. Duo posteriora plerumque se comitantur; possuntque etiam in eo reperiri hi defectus, in quo primus defectus non inuenitur. itaque minus apparent; donec euentus de noxa testetur. Ad quam iudicandam sæpe solis prudentium oculis prospectus patet.

Exerit se *Imprudentia*, tum in consultando, i.e. in iudicando de singulis ciuitatis negotiis, honestaque à deterioribus, vtilia à noxiis discernendo; tum, in administrando, siue in exequendis quæ diiudicata sunt & consultata.

*Noxa imprudentia*, vt ante dictum est, à capite quidem, id est, ab imperantibus præcipue diffunditur: Sed prudentia actionis siue administrationis reip. indiget adiutoribus idoneis & ministris. Nam alias etiam præcipua Principis aut Optimatum, Imperantium denique, prudentia, imprudentium actorum opera corrumpi, & ad Ciuitatem damnis afficiendam degenerare potest.

In hunc locum pertinent exempla totius historiæ antiquæ & veteris bene explicata, & ad hanc philosophiam examinata. Vt, si quis sibi sumat demonstranda, quæ in Rep. turbanda imprudenter, & quomodo, & quo effectû acta sint, in iis, quæ describit *Appianus, Plutarchus, Dio, Ciceronis Epistola & Philippica, de bellis Ciuilibus*, sic in recentiore historia.

**Iniustitia.**

*Iniustitia* hic spectatur, vel quatenus *Imperantibus & parentibus communis* est: vitium scilicet vere inciuile & infociabile, sicut *Justitia* vnice ciuilem societatem continet: vel quatenus *alterutris* propria intelligitur.

*Communis* Imperantibus & parentibus, id est, omnibus ciuibus, iniustitia in duabus præcipue rebus cernitur. I. quando *peruertitur ordo officiorum* iustitiæ consentaneus. In ipsa enim *communitate* (quod recte Cicero notat l.offic.45.) sunt gradus officiorum; ex quibus quid cuiq; præster intelligi possit: vt prima, *Diis immortalibus*; secunda, *patriæ*; tertia, *parentibus*; deinceps gradatim, reliquis debeantur. Ita si priuatis nominibus studetur ante publica & præ

præ publicis ; si diuinarum rerum non ea, quæ illis debetur, æstimatio fit, disciplina ciuitatis, & subinde fortuna, vitiatur & corrumpitur. II. *Inviolanda rerum contractarum fide.* Sicut enim iterum bene hoc à Cic. positum est (2. Off. 24.) quod *nulla res vehementius remp. contineat quam fides*: Ita fide violata, dissoluitur facile resp. Ingens ea domi forisque noxa. Domi enim concussa fides seditiones excitat: sicut historia Romana ostendit, quotienscunque de agrariis legibus & nouis tabulis actum est. Foris infamia paratur ciuitati, odium, & sæpe, ob contractus non seruatos, bellum.

*Imperantium Iniustitia* partim ad vim spectat, jam supra notatam: partim sine vi considerari potest; referturque vtraque ad fontem *Ambitionis & Auaritia*, vel in occupando, vel in mutando, vel in administrando Imperio. Ad hæc fundamenta commode pertinet, quidquid est sophismatum, artium, arcanorum dominationis tyrannicæ. Enumerantur talia apud *Aristotelem* l. 5. Pol. 10. & 11. & *Clapmar. de Arcan. Rerump.* Si quis partiri & disponere velit, non poterit meliorem methodum sequi, quam per *jura maiestatis* e.g. *iniustitia in legibus ferendis, in iudiciis, in bellis suscipiendis gerendisq., ac eminente dominio exercendo &c.*

*Iniustitia parentium* vel ad detrectanda ciuilia munia, vel ad iniuriam Status, vel ad iniuriam & contumeliam personarum im-

perantium; vel ad iniuriam ciuium (quæ in inæqualitate consistit) pertinet.

*Noxa iniustitiæ* sæpe ab initio non satis obseruatur, dum latet sub prætextu & præscriptione iustitiæ; & ab euentuum ad se inuicem consecutione pendet.

**Ignauia.**

*Ignauia* comprehendit 1. *animum mollem in consultando.* 2. *inertiam in agendo.* Resp. enim generosis consiliis, nec raro fortibus armis, opus habet.

Cerniturque vel in negociis pacis, vel in militia.

*Ignauia pacis* in eo est, quando effectus & profectus disciplinæ ciuilis actionumque nec curatur, nec vrgetur.

*Ignauia belli* in apparandis, sumendis, tractandis inefficialiter armis versatur.

Ignauix plerumque assidet imprudentia & intemperantia.

*Noxa præsens*, in historia omni & vita. Ita ignauos Asiaticos populos facile Alexander, antea autem Sardanapalum Arbactus vicit. Quare quibusdam inter artes fuit, ad ignauiam traducere, quibus seruitus parabatur. vid. *Justin.* 1,7,12. *Tac.* 4. *Hist.* 64.

Extant passim querelæ prudentum, ex eo calamitatem & interitum Ciuitati ominantium, si à generosis consiliis & strenuo actu cessari viderent.

Intemperantia se prodit:

**Intemperantia.**

1. In profusis sumptibus, mensæ, vestium, supellectilis, ædificiorum, spectaculorum &c.

*Tac.*

*Tac. 3. A. 52. 53. 54. 55. Liv. 34. l. vsque ad 9. Sallust. Catil. 12. & 13. It. Orat. de Rep. Ord. Seneca in epistolis passim.*

2. In libidinibus, petulantis, lasciviis. Quas in Romanis exagitant, noxamque ostendunt, præter *Senecam & Sallust. Poeta Satyrici, Horatius, Juuenalis, Persius.*

Noxam ad detrimenta reip. pertinentem, ostendunt iidem; tum, magnis casibus exemplisque *Tragici.*

Hac occasione tractantur variae quæstiones. e.g. de lupanaribus tolerandis aut vetandis. vid. *Gerhard. l. de Coniug. &c. De LL. Vestitariis, sumptuariis &c.*

## CAP. V.

De

*Effectu vitiorum intermedio  
ad corrupt. ciuit. &c.*

**A**D infirmationem, corruptionem, de *Vitiorum*structionem Ciuitatis, vitia perueniunt, non *sine effectu intermedio.*

Qui vel spectatur, vt est omnibus ciuibus *Effectus* communis, vel vt est imperantibus aut paren- *interme-* tibus proprius. *dus,*

Effectus intermedius, omnibus ciuibus *Communi-* communis, est 1. *neglectio scopi siue finis ciuitatis.* i. e. quando in rep. ita viuatur, tanquam si non esset resp. 2. *neglectio aut violatio ordinis ad hunc scopum ducentis.*

*Imperantibus proprium* Lips. facit odium & *Imperantibus pro-* contemptum, de quo lib. 4. Pol. c. 11. & 12. *prius,* Vbi,

more suo argumenta quædam huc trahit, alias aliis in locis tractanda.

Parenti-  
bus pro-  
prius.

*Parentibus proprius est, obsequij imperitia & ignavia.*

## CAP. VI.

De

### *Remediis Rerumpubl. corruptioni opponendis.*

Corrupti-  
oni rerum-  
publ. op-  
ponenda  
cum judi-  
cio

**I**N judicio de reip. corruptione aut diminutione ferendo, ratiocinanda sunt probe 1. tentamenta, praludia, preparationes. 2. gradus corruptionis, noxa, pericula. 3. temporis præteriti, instantium, imminentium, specimina, habitus, omina & signa. 4. idq; in singulis ciuitatis partibus.

Remedia.  
quorum

1.  
Genera  
notanda :

Hoc facto ad Remedia transeundum. Quorum considerantur 1. Genera. Alia enim sunt strenua & præsentanea, alia tarda & moras trahentia. Quædam lenia, mollia, placida: Quædam aspera, dura, fortia. His in pauca, illis in multa: his in istam; aliis in aliam partem ciuitatis ac negotiorum salutaris vis inest. In nonnullis, aperta; in aliis, occulta est efficacia &c.

2.  
Vfus:

2. *Vfus*, qui singulari & exercitata prudentia opus habet, & industria siue dexteritate agendi applicandique. Nisi enim accurate judicaueris de natura cuiusque remedij, nisi efficaciarum momenta & seriem præuideris, haud felicem in medendo operam fumes.

3. Tem-

3. *Tempus* seu potius tempestiuitas: prodest ab initio, quod nocet in medio; aut inuicem. *Tempus*. Prodest ex occasione, & emergenti, vt sic dicam, symptomate, quod ordinario rerum morbike habitu non prodest &c.

Videatur omnino, exempli causa, & vt *Annotation.* praxis huius philosophiæ *Sallust. Orat. de rep. ordinand.* siue, ex corrupto statu post bella ciuilia in meliorem referenda & restituenda. Item *Jul. Pflug. Orat.* (1560. scripta) de Ordinanda Rep. Germaniæ. Vbi præsertim examinari merentur, quæ de jure Cæsareo differit, an morbo reip. an tempori aptum remedium, & aliis præferendum sit. Iuuaret etiam examinare *Ostermanni Palladium Pacis exulantis*: in quo multa prudentiæ eius, de qua hic agimus, deliquia. It. *Hippolit. à Lapide.*

Propter comparationes crebras à re medica petitas videatur *Canonhier in Aphorism. Polit.*

Atque hæc est quasi *generalis* tractatio, de Remediis. *Specialia* in re præsentī spectantur. e.g. Quomodo medendum Monarchiæ corruptæ, quomodo Oligarchiæ; quomodo Ochlocratiæ, aut mixtarum formarum vitiis &c.

Colligendæ sunt præsertim obseruationes & regulæ ad omnem de remediis philosophiam pertinentes, ex historia inprimis, quæ omnia referuntur i. vel ad *Notitiam morbi*, vbi e.g. mature initia orientis morbi obseruanda; parua non negligenda, conse-

quentiæ rerum & euentuum speculandæ &c.  
 2. vel *judicium practicum*, de morbi indole, factisque. e.g. quo velit modo tractari morbus; ubi cautam, ubi audacem manum requirat; &c. 3. vel *ad effectum remediorum obseruandum, sufflaminandum, promouendum* &c.

Legendæ hic præsertim descriptiones mutationum, reformationum, emendationum in Rebus. vt Florentinæ in Principatum &c. vide omnino memorabilem locum *Aristotelis* 2. *Pol.* 8. de medicina *αὐτόπω καὶ ἡ παλινκαΐ*. *Liū.* 23, 5.

## LIBER VI.

### CAPUT I.

De

### *Ciuium numero & qualitate.*

In admini-  
 nistratio-  
 Reipubli-  
 cæ respici-  
 tur

**H**Oclibro agendum est I. De *Ciuium numero & qualitate.* II. De *Loco Ciuitatis.* III. De *partibus Ciuitatis, ex præcipuis actionibus, quas certa hominum genera in certis rebus obeant necesse est.*

Incipiendum est de *Ciuium numero, & qualitate.* Ac de *numero* quidem non opus erit multa verba facere. Nihil enim simpliciter pronunciari potest. Et jam supra, cum de potentia ageretur, fundamenta huius philosophiæ jacta sunt. *Aristotelis* regulæ hæ sunt:  
 1. distinguendam esse frequentiam à magnitudine

i.  
 ad nume-  
 rum ciui-  
 um.

7. *Polit.* 4.



tudine ciuitatis. Non enim, illa posita, statim hanc sequi. 2. in numero modum optandum; immodice enim numerosas Ciuitates vix ad *Ἀγορίαν* comparatas esse. Adduntur & aliæ rationes, quas ibi videre est. 3. Multitudinem siue numerum ciuium definiri, præsertim inde, si instructus ille cætus sit rebus ad beate viuendum pertinentibus.

At *qualitatem Ciuium* ad duo capita refert *Aristoteles*: vt sint 1. *Ἀγρόνους*, intelligentia <sup>ad quali-</sup> præditi, dociles, minime hebetes: 2. *ἤρως*, <sup>tatem ci-</sup> animosi, fortes, impauidi. <sup>uium.</sup>  
7. Pol. 7.

(Ratio huius philosophiæ explicata.)  
*Coniunctim* sunt hæc exaudienda, non *alterutrum* seorsum. Quod *Aristoteles* exemplo *Asiaticorum* & *Europæorum* illustrat: *Græcos* autem, ceu vtroque præditos, suo more dilaudat.

Vt autem tales sint Ciues aut fiant, partim *natura* & *ingenium* præsto est; partim disciplina adhiberi debet.

De *natura* & *ingenio* diuersorum populorum actum est in *Politicis Lipsianis*; allatis cautelis. collegitque ad hoc caput aliqua *Piccartus*, addantur etiam *Joach. Camerarius* & *Sepulveda*.

De *Disciplina* notandum. 1. *naturam* disciplina facile emendari, & ad *utrumq;* institui. 2. *disciplinam* illam partim confieri legibus huc relatis; partim 3. *educatione*, *Scholis*, *moribus*. 4. *genio sæculi mutato*.

## CAP. II.

De

*Loco Ciuitatis.*

3. **L**ocum Ciuitatis diligenter tractat *Aristoteles lib. 7. Pol. c. II.* Et dicta sunt supra à nobis pleraque *lib. 4. c. 6.*

ad Locum  
Ciuitatis :

Quæ autem de loco *Vrbis* eximie dici solent, etiam ad *Ciuitatem totam*, sensu politico acceptam, pertinere possunt.

In loco igitur totius Ciuitatis spectatur:  
1. *Salubritas.* Ita prouinciæ quædam *grauioris cæli* apud *Suetonium* memorantur : Vt, si magna Ciuitas sit pleraque parte salubris, etiam si quædam loca infalubria occurrant. 2. *Sufficientia rerum necessariarum & vtilium* ; tum *colligendarum*, tum *communicandarum.* hoc sensu : Si talia locus ciuitatis vel ferat, vel facile importanda aut communicanda admitat. 3. *Defensionis facultas.* De qua supra. Add. *Aristoteles lib. 7. c. 5. & 6.* cum *Interpretum* annotatis.

DIGRES-

## DIGRESSIO

DE

## CIVITATE MARITIMA.

## CAP. I.

*Vocum explicationem pramittit.*

**C**ivitas hic vocatur, ut ex disciplina supra tradita patere potest, quæ suis ipsa auspiciis, suis legibus utitur, totumque, & separatum ab aliis, civilis consociationis corpus constituit; neque ut pars alterius corporis spectatur. Qua ratione ab vrbe quid differat, manifestum est: quanquam fieri posset, ut civitas integra unius urbis ambitu contineretur. Sæpius tamen civitas, ut nunc accipitur, amplioribus spatiis, agro, pagis, vicis, urbibus, pluribus paucioribus describi creditur.

*Maritima* autem Civitas dicitur, quam vel tota amplectitur Amphitrite, ut Insula sit; vel ex maxima parte, ut Peninsula habetur; vel notabili loco, & ad accedendum egrediendumque opportuno alluit mare. Nam & huic generi fauet usus & consuetudo loquentium, scribentium, negotiantium. Quinimo, si Civitas habet urbem aut vrbes maritimas, utitur illa in parte iis rationibus, quibus uti licet toti, si tota maritima sit. Videre licet pulcerrimam quæstionem de  
Pha-

*lib. 22. c. 41.* Pharo insula & Heptastadio, apud *Ammianum*  
*cap. 20. n. Marcellinum:* disceptatam *Joanni Gryphandro*  
*115. usq. ad* in erudito *de Insulis* Commentario. Quid? si  
*127.* quis destitutam Cleopatram tueatur? Liceat  
 hoc facere, sicut in iudicio nemini patronus  
 inuideri solet.

Permiscetur autem persæpe hæc quæstio,  
 cum de commodis incommodisue situs mari-  
 timi, vel vrbis, vel totius ciuitatis exemplo,  
*ad lib. 7.* disputatur: sicut videre est apud *Interpretes*  
*Polit. c. 6.* *Aristotelis.* Et sane pleraque, quæ de vrbibus  
 maritimis dici possunt, sua quadam ratione  
 ad totas, etiam maximas, ciuitates pertinent.  
 nisi quod Ciuitates & regna, antiquitus suas  
 sedes adepta, non opus habent illa delibera-  
 tione, de situ eligendo, sicut interdum de Vr-  
 be consultatio incidit, penes mare ne sit, an  
 ab eo longius propiusue constituenda. Et  
*Ad Attic.* quanquam apud *Ciceronem* Dicæarchus, & in  
*lib. 6. ep. 2.* principio libri quarti de legibus *Plato*, maritimum  
 situm non valde probent: nos tamen eum  
 hac vice commendabimus, & ad amplitudi-  
 nem Ciuitatis ac potentiam haud paulo plus  
 conferre, quàm situm mediterraneum, sta-  
 tuemus.

## CAP. II.

*Qua forma reipublicæ Ciuitas*  
*Maritima utatur, an in-*  
*tersit. Nullam formam ex-*  
*cludi, neq. comparisonem*  
*inde*

*indere recte peti in hoc negotio.  
Legibus tamen in quavis  
forma opus esse, rem mariti-  
mam regentibus. Discerni  
illas leges varie.*

**Q**ua forma autem reipublicæ Ciuitas ma-  
ritima vtatur, parum refert. Omnem  
enim reipublicæ formam ei aptam esse, præ-  
terquam quod vsu magistro docemur, nulla  
dubitandi ratio ostendi potest.

Quanquam enim *Libertatem & plurium re-  
gimen* aliquis præferre videatur posse, ex illa  
ratione, qua *Sallustius in Catilina* vtitur, quan-  
do, exactis regibus, *homines magis ingenium in* cap. 7.  
*promptu habuisse, & se suaq, magis extollere cæpi-  
se*, putat; id quod etiam Belgarum exemplo,  
postquam Hispanica ditione exempti sunt,  
nonnulli ostendere parant: non tamen recte  
instituitur comparatio talis, aut ad formam  
statumue Ciuitatis refertur; cum aliunde  
pendeant, qui hic memorantur, euentus; &  
ad casus quosdam temporum, rerumque, in  
quavis republica exoriri solitos, pertineant.

Jam, si quis dicat, in singulari vnus impe-  
rio in expedito magis esse maritimam admi-  
nistrationem, hæc ratio non spectabit magis  
ad maritimam, quàm ad reliqua negotia Ciui-  
tatis gerenda: quæ nonnulli, dum formas in-  
ter se contendunt, præsentius efficaciusque  
vnus nutu confici demonstrant.

Nam,

Nam, cum in rem præsentem ventum est, in *Monarchia* quidem antiquitus *Minois* exemplum præcellit; & si propiora quærimus, *Magna Britannie*, id est, Ciuitatis maritimæ, hac imperii forma ad summa prouectæ: *Aristocratica* Ciuitatis maritimæ incomparabile specimen *Veneti* præbent: sicut in populari imperio, *Athenienses*: in mixto ex *Aristocratia* & *Politia* statu, si multos sequimur, *Confederati Belgæ*.

Quæ res facit, vt quamuis reipublicæ formam Ciuitati maritimæ aptam nihil dubitemus pronuntiare. Illud autem satis intelligitur, cum administratio Ciuitatis Maritimæ in rebus haud paucis differat ab administratione Ciuitatis non Maritimæ; Legibus opus esse ad hanc Ciuitatis conditionem pertinentibus. Argueretur enim insignis defectus ab hac parte, si non essent provisæ omnia ac destinata. Exemplis clarius fit, quod dixi. Si Ciuitas aliqua opposita esset, non dicam exposita, barbaris, à fide omni ac virtute alienis; non bene constitutam dixeris, nisi leges, quibus aduersum illos defendatur & excitetur, sollerter excogitatæ, grauiter perlatae fuerint. Nam & latrones ac piratæ non possunt hoc genere legum carere: si quidem velint non in diem viuere. Ferri autem solent tales leges, *vel de iure nauigandi*, siue *vtendi mari*; *vel de eiusdem utilitate*; *vel de eiusdem ordine*. Poterit qui volet, & aliter, ac fortasse subtilius, partiri. Exempla autem habemus in antiquitate, *Leges Rhodias*; & *Romanas*,

*manas, aliasq; ; collectas Morisoto. Addi debet* *Orb. maris.*  
*jus nauticum Wisbyense, Lubecense, (de quibus* *lib. 1. c. 30. &*  
*doctissimus Gryphiander) tum statuta variarum* *lib. 2. c. 9. de*  
*Ciuitatum nautica.* *Insul. c. 13.*  
*g. 83. &c.*  
*& acon.*  
*leg. lib. 1.*  
*c. 25. n. 32.*  
*&c.*

## CAP. III.

*De Imperio maris alibi agitur.*  
*nunc questio est, quid Ciui-*  
*bus Ciuitatis maritima con-*  
*cedatur aut interdicator?*  
*Tum, quid sibi reseruet Ciui-*  
*tas? Religio. Locus. Tempus.*  
*Questus.*

**C**iuitas Maritima, in quantum sibi vindicare possit imperium in mare, aut non possit, alii diligentius exquisierunt: in his *Grotius*, & qui aliquid annotant. Relictis *de L.B. 2, 2.*  
 ergo iis, quæ de externorum jure quærentur, *&c.*  
 hoc tantum monemus: Ciuitati Maritimæ jus esse, vsum maris suis Ciuibus laxandi restringendiue (extra vsus innoxios & necessarios) prout Reipublicæ salus postulat.

Neque enim audiendi sunt, qui navigationibus (celeberrimo frequentissimoque maris vsu) plane abstinendum, vix serio, scribere tamen non dubitarunt. Quos enim Deus apud mare constituit populos, illis vsum maris vltro videtur commendasse.

R

Refer-

Reseruat ergo sibi Ciuitas omne, quod ad arma pertinet, arbitrium. Ita munire Insulam, classem armatam in mare educere, non est priuati arbitrii. Non tamen vetita censentur priuatis munimina & aggeres mari, ne agris cuiusque ingruat, oppositi, nisi quod hæc quoque cura (ob lites de hac re inter vicinos, diuersa commoda allegantes, exoriri solitas) ad iura summæ in Ciuitate potestatis transferri cœpit. Naues non bellicas ob fines non bellicos è portu proficiscentes armare, naturaliter licet illis, quibus itineris maritimi potestas facta est. Sicut viatori gladium necessariae defensionis causa gestare licet. Sed vix consultum aut vsitatum est, hanc quoque partem inspectione aut cura legislatoris vacare. Vectigalia à præternauigantibus exigere, non singulorum ciuium, sed Ciuitatis est. An & jus naufragii colligendi sibi vindicare Ciuitas potest? Ita. nisi vrbibus quibusdam ad mare sitis permittat; aut ciuibus suis. vtroque tamen temperamento opus est: vt, si de naufragis constat, facultas recipiendi eis non adimatur, repensa impensa.

*vid. Grot. I. B. 2. 7. 1.* De cetero, Ciuitas maritima merito con-

stituit, quæ ad nauigationem religiose in-  
eundam & peragendam pertinent. Apud  
Ethnicos quoque non mos tantum, sed lex  
erat, diis preces in principio, grates in fine  
operum dicare. Gallorum hac in re legem

*De vena-  
tione c. 35.*

laudat Arrianus; & addit: αἰνὰ καὶ ὅσοι ναυ-  
ῖλλον, ὑπὸ θεῶν ἀρχόντων, ὅσοις τὸ εἰ σωζέσθαι  
μέλει,



μέλει, καὶ ἀνσωθέντες χαρισίαια θύοσι τοῖς θεοῖς τοῖς θαλασσίοις, Ποσειδῶνι, καὶ Ἀμφιτέτῃ, καὶ Νηρησίῳ. Lucas Holstenius ita vertit: nam & rem nauticam exercentes à diis faciunt principium, quocumq; suam sibi salutem cordi habent, & ubi salui euaserunt, diis marinis, Neptuno, Amphitrite, & Nereidibus, gratias referendis sacra faciunt. Et de Fortuna, quæ dea marina πηδάλιον gestans, Antii, aliisque urbibus maritimis colebatur, vel ex Horatio notum. Quidni Dei notitiam vberius adepta Ciuitas cultum lege publica decernat ei, cui venti & maria obediunt? Ita videmus in regnis maritimis, classem perpetuo, expeditiones seorsum, Deo custodi & seruatori, publicis precibus commendari. multæque bonæ consuetudines, etiam citra legem, inter Christianos nautas inualuere. Quanquam hoc genus ad superstitiones multas procliuæ, & vento secundo licenter viuere assuetum, rerum aduersarum & prosperarum rationes, raro, cum Diuino numine putat. Bodinus in amplissimo *de abditis rerum sublimium arcanis* opere nunquam edito, sub initium, cum cadaueris conditi (Mumiam vocant) jactu tempestatem sedatam retulisset, Dæmonibus & geniis nimis multa videtur attribuire in his rebus. Aduersus quæ vna Lex Ciuitatis Maritimæ valere debet: vnum esse,

*Quem maris & terræ tempestatumq; potentem, respicere & venerari omnes oporteat ciues.*

Potest etiam loca quædam nauigationibus priuatorum interdicare: tum ad quæ loca ci-

ues suos velit excurrere, quibus abstinere; denique quas exterorum naues admittere, quas non admittere velit, decernere licet Maritimæ Ciuitati; dummodo juris & commercii humani reuerentia regantur ex leges. Idem debet nimirum juris esse maritimis, quod in mediterraneis agris sibi Ciuitates vindicant. Sicut de Neruiis antiquis (hodie

*de Bell. Gall.*

2, 15.

Hænouii & Cambresiani illam partem incolunt) Julius Cæsar testatur: *nullum aditum ad eos esse mercatoribus; nihil pati vini reliquarumq; rerum ad luxuriam pertinentium inferri. Quod & Sueuos statuisset, ad quos de cætero*

*B.G. 4, 2.*

mercatoribus aditus erat, apud eundem Historicum legas. Chineses cum naufragio male multati essent in freto Zeilano, pœnam capitis statuisset in eos, qui in illas partes nauigarent, Boterus auctor est: atque id consilium, suis se continendi finibus, multis laudibus fert. Idem homines externos difficillime in

*in Polit.*

*Reg.*

*vrbes suas admittunt, ne moribus externis oblit, ab institutis suis paulatim deducantur: teste Orosio. An hæc ratio, quæ crebro auditur, iustitiæ sit vsquequaque consentanea, dubitare queas. placet, disputandi causa, negare.*

*de reb. Im-*

*manuel.*

*Lusit. lib. 11.*

Tempus (καιρὸν πλεῖσθ' ὀφειλέειν) Natura demonstrat, Sapientes obseruant, Lex decernit.

*lib. 2. 2<sup>o</sup> 7.*

Igitur quæ Hesiodus suauissimis 77. versibus de tempore ad nauigandum idoneo aut non idoneo disserit, merentur pro Suasoria Legis maritimæ haberi. Neque *maris clausi & aperti discrimina*, in ciuitatibus maritimis, tantum inter obseruationes Nautarum, sed inter præcepta

cepta legislatorum leguntur. Notæ sunt *l. 6. C. de Imperatorum constitutiones*, de hyematione & *offic. rest. prov. & l. 3. C. de Naufrag.* naufragiis, quatenus huc pertinent. Pro conditione autem & diuersitate locorum, nauium, causarum, non vno vbique & semper isthæctalia modo statui consueuerunt. Sæpe atroces casus Legislatoris animum huc aduerterunt. Ita, cum anno 1468. Nauis Lubeca Reualiam tendens, vna cum mercibus, & vectoribus 200. diuersi sexus & ordinis, in faucibus scopulorum Sueciæ & Finniæ, naufragio interisset, inde lege constitutum est, vt post Martini festâ nulla nauis in Linoniam soluat ex portu Lubicensi, referentibus Alberto Krantzio sine libri XII. Vandalia; & Jo. Regkman. in Chron. Lubec. Germ. daß niemand nach Martini von der Drave solte seglen. Addit tamen Chronicum: und diß wird nicht gehalten. Idem contineri in *statutis nauticis Hamburgensibus*, vt terminus nauigandi sine Octobris aut principio Nouembis concludatur, memorat Gryphiander.

Quæstum piraticum nec conniuendo tolerabit Maritima Ciuitas, & seueris vltro legibus interdicit suis ciuibus: quinimo ad coercendos aliunde infestos piratas sedulam operam, sui & aliorum causa, nauabit. *Necessariam Piraticam*, nullo tempore, in præteritum aut futurum agnoscimus, neque ita excusari posse illum rudi vetustati apud ethnicos quasi probatum acquirendi modum, statuiamus, de quo *Interpretes Aristotelis*, & *Clar.* *ad 1. polit.* *Schefferus de militia Nauali*: licet prætexatur, *s. l. 1. c. 1.* vel victus quærendi, vel sedium requirenda- *& in Add.*

lib. 1. c. 38.

Wandal.  
lib. 3. c. 35.Wandal.  
1. 7.lib. 14. pag.  
259. & seq.

rum necessitudine. Non magis Septentrionalium populorum, iisdem in Medio Ævo consiliis suffragari fas est. Cordate Crantzins in Dania: Compertum est, apud veteres huius ditionis homines, justum esse habitum questum, exercere piraticam. Fuere tamen inter reges huius nationis, qui rem scelestam perosi, summis conatibus improbitatem illam sunt insectati. Christianis autem temporibus, omnis ea depredatio piratica abolita est. Alibi, de Winulis ob piraticam bello petitis, *piratica*, inquit, nullum faciebant finem, arbitrati (*barbaro sensu*) honestum id esse militiae genus. Iterum: arbitrantur in paganismis barbari, iuste possideri quicquid vi aut armis quareretur. Quam sententiam inter Christianos nec dum multi antiquauere, armati, praesertim militiam sequentes. Licet enim Christianis, ut ante dixerat, ex instituto sui ordinis, abominabilis esse debeat piratica, tamen neglecto conscientiae dictatu, multi, quod verbo damnant, factis æmulantur. Quærat curiosus aliquis: an illa piratica, quæ auctore Wethemanno Roskildiae cœpit, tempore Suenonis IV. & Canuti V. etiam improbanda sit, cuius disciplinam describit Saxo Grammaticus? sed illa nomine *piratica* dicitur: ceterum auspiciis publicis vtiliter aduersus piratas instituta militia haberi debet. Rectius diceretur militia nautica voluntariorum, spe prædæ de piratis capiendæ auctorata.

## CAP. IV.

*Studium rei nautica Ciuitati  
Maritimæ necessarium. In  
structura nauium Ciuitati  
accommodanda. In arte na-  
uigandi tradenda. In me-  
chanicis & mathematicis  
physicisq; disciplinis colendis.  
In exercendis nautis. In præ-  
miis & privilegiis decernen-  
dis.*

**V**T Maritima Ciuitas maris & patiens & sciens sit, primarii est consilii. cumque vsus maris nauigando potissimum absoluitur, ad rei naualis studium ciues assuefaciendos esse, satis intelligitur.

Non dicemus de illa consuetudine, qua in vndis prolem educari constat, ab iis, quibus maria & flumina atque adeo naues pro patria sunt. Quanquam hoc non apud *Chinenses* tantum facitari, ob exuberantem hominum multitudinem, comperimus, sed cotidie fieri videmus, vel ob nauigationis moras, vel ob pontium naualium custodiam, aliisque de causis. Nam de longinquis nauigationibus, vbi multos sæpe per menses non descenditur in terram, nunc non loquimur.

Naues certe, in quibus magna pars Ciuitatis maritimæ, sæpe ipsum robur & compendium, versatur, summo sunt studio comparandæ, prout earum varietatem, structuram, ornatum, maris conditio, vsus negotiorum, temporum & casuum circumstantia postulat. Rebus enim angustis & modicis, rudimenta quoque & tumultuariæ naues aliquando sufficere potuerunt. plura & exactiora, cupido habendi, aut subnati æmuli inimiciue admonuere. In Aremoriciis siue litoralibus Venerorum in Gallia ciuitatibus, laudat *Cæsar* imprimis, quod habuerint illis Oceani partibus penitus accommodatas naues. Pro magnitudine autem Ciuitatis, vtile est, magnum numerum omnis generis nauium præsto esse. Potest enim fieri, vt bello ingruente, ad alios, quàm ad quos factæ sunt, vsus valeant. Belgis certe hæc res fiduciam non exiguam semper, & vsum eximium sæpe præstitit.

de R. G.  
lib. 3. c. 13.

lib. 4. c. 34.  
c. seqq.

Non autem diligentia tantum ædificandis nanibus opus est (de qua etiam *Vegetius* ad vsus bellicos aliquid præcepit, & ex eo *Ægidius de regimine Principum* capitulo vltimo, in *Manuscripto codice supplementum libri tertij professo*) sed etiam frequenti repetitione structuræ. Nam quæ exempla antiquitus fuerunt, de valde longæuis nauibus, in exemplum trahi non debent.

Ars porro nauigandi constat, rudimentis, obseruationibus, experimentis. Nam rudis aliqua meditatio, etiam ad adolefcentiorem

tio-  
torem

tiolem ætatem pertinet. variæque exercitationis specimina etiam in Ludis Nauticis & Piscatoriis edebantur. quamvis, ut in reliquo hoc genere, Naumachiarum ingens apud Romanos abusus esse cœpit. Videatur *Cl. Schefferus de milit. Nau. lib. 1. c. 5. & l. 2. c. 2.*

Observationes ad scientiam referri par est mathematicam, qua & ratio constituendi naues judicatur, & peritia *ισορρομίας* seu velificationis comparatur, & vsus pyxidis nauticæ intelligitur. Sed hæc subtilius ostendenda sunt.

Siderum quoque notitia, Geographica & Hydrographica scientia, ventorum cognitio, Ciuitatis Maritimæ institutis vnice conueniunt. Quid de Æstu marino dicemus? cuius desperata pæne est hæcenus explicatio. Probandi autem in primis sunt, qui ad eam ingenium & observationes suas conferre velint. Quin enim hæc cognitio, labores, & pericula nauigationum, totiusque negotii maritimi, plurimum subleuare queat, nulla est dubitatio.

In his studiis duæ cautiones videntur opportune adferri posse: quarum vnā *Strabo*, alteram *Ptolemæus* suppeditant. *Strabonis* hæc est admonitio: *Καὶ γὰρ εἰ μὴ θινατὸν, καὶ τινὲς γεωγραφ.*  
*ὑποθέσιν τινὲς ποταμῶν ἀπὸ τῶν ἀκροῦν ἀφ' οὗ τὸ* *p. 2.*  
*εἶναι ποταμικὸν πέραν, τὸ γὰρ ὅτι ποταμὸν ἐφ' οὗ εἰσιν καὶ*  
*τῶν ποταμῶν ἀφ' οὗ ἀκροῦν θινατὸν, περὶ οὗτοι εἰσὶν*  
*εἰκέτως. Etenim si in hoc genere non possunt omnia*  
*exaëtius inuestigari, eo quod ciuilitèr philosophan-*

*dum est; eousq; certe procedendum fuerit, quo viri  
ciuilis industria queat pertingere.*

*Ab. 1. Geogr.* 6. 1. *Ptolemæi autem cautela, de Geographia  
vniuersè, ad maritima studia pulcre congruit,  
quando exertius suadet, ὅτι τῆς ἐγλυπτικῆς τῆς  
ἰστορίας προσεκτέον, διὰ τὰς ἐν τῇ γῇ καὶ χρόνον  
μεταβολάς, quod nouissimis historiis potissimum  
attendendum sit, propter multas in variis terrarum  
loci tempore procedente factas mutationes. Sane  
quantum obseruationis nouissima quæque  
nauigatio prioribus adiecerit, volumina &  
Descriptiones vnius & alterius sæculi abeun-  
de demonstrant.*

Ciuitati ergo maritimæ consultum fuerit,  
semper Artifices mechanicos, & insignes Ma-  
thematicos, denique præcipuos talium stu-  
diorum auctores, in promptu habere; eos-  
que animosis mercedibus conducere: vt  
nunquam huius disciplinæ cupidos vlla pos-  
sit occasio deficere.

Nec in ampliore ciuitate impensæ deesse  
queant. Ex annuo enim quæstu nautico fa-  
cile aliquid in hos vsus seponeretur. Ac-  
cederent liberalitates extraordinariæ, mer-  
catorum, & aliorum qui hæc studia amant,  
peculiari fisco inferendæ. Disciplina quo-  
que, vt parabilis esset, sæpe lingua vernacu-  
la institui posset. quod vtiliter hodie alicu-  
bi factitatum nouimus. Instrumenta quo-  
que omnis generis & machinæ impensis pu-  
blicis ad manum esse debent, ne vel pauper-  
culis adiumenta denegari videantur. Jam,  
quæ volet esse Maritima Ciuitas, quæ non  
inge-



ingenia aliquot idonea peculiaribus inuita-  
mentis ad culturam horum studiorum tradu-  
cat? Hos postea peritissimis naucleris com-  
mendari, & experimenta maris, in minori-  
bus primo & propioribus, mox in maiori-  
bus & longioribus itineribus, capere, fas est.

An aliunde in Ciuitatem Maritimam mul-  
tudo hominum nauticorum conducenda  
sit, dubitatum est. Periculosum hoc esse,  
ostendit *Isocrates in Panathenaico*, ubi ait: po-  
tentiam maris augeri ἐκ τῶν τεχνῶν, τῶν περὶ  
τὰς ναῦς καὶ τῶν ἐλαύνειν αὐτὰς διωαμῶν, ex ar-  
tibus nauticis & hominibus qui remos agere pos-  
sunt: & hos esse plerumq; homines, quibus nulla do-  
mi bona res, omnis de alieno victitandi spes; qui si  
in Ciuitatem confluant, mores & fata eius ne mu-  
tentur, periculum esse. Vbi notandum, non de  
mathematicis artibus & artificibus, & ma-  
chinatoribus eximiis, sed de nautica turba  
sermonem esse. Nam rariores illi & maio-  
res artifices, quin aliunde pelliciantur, nihil  
vetat. At ut ciues ipsi nautica obire munia  
discant, vel Lacedæmoniorum exemplo in-  
telligi potest, quàm sit necessarium: qui  
cum domi rei nauali non dedissent operam,  
aliunde nautarum omne genus, magno suo  
cum incommodo & periculo arcessere coge-  
bantur. Atheniensibus autem domi nasce-  
batur hæc peritia. quos Ciuitas Maritima  
imitari debet, efficiendo, ut sæpe ciues nau-  
gent. Verissime enim *Xenophon*; ἀνάγκη γὰρ ἀν-  
δρωπῶν πολλὰς καὶ πολλὰς κώπας λαβεῖν καὶ αὐτὸν θέναι  
καὶ τὸ οὐκέτι, καὶ ἐνὶ μάτῳ μαθεῖν τὰ ἐν τῇ ναυικῇ 404.

κῆ, δι' ἐμπειρίαν ᾗ τ' ὁποίων καὶ Ἀφ' μελέτῳ.  
*Necesse est utiq; hominem, qui sæpe nauiget, remiunt  
 in manus accipere, & ipsum & famulum ipsius,  
 atq; adeo condiscere vocabula rei nautica partim  
 experientia nauigiorum, partim meditatione. Et  
 de meditatione subiicit: ἐμελέτησαν ᾗ οἱ μὲν  
 ὁποίων κυβερνῶντες, οἱ ᾗ ὁλκάδας. οἱ δ' ἐπεύθεν  
 ὅππῃ τελέρη κατέστησαν, οἱ ᾗ πολλοὶ ἐλαύνειν ὄχθους  
 ὡς οἶόν τε εἰσάγοντες εἰς ναῦς, ἅτε ἐκ παντὶ τῷ βίῳ  
 περὶ μεμελετηκότες. Meditatio autem fiebat, dum  
 alij nauem gubernabant, alij onerariam regebant;  
 alij hinc ad triremes transibant: quidam statim ut  
 naues sunt ingressi, remigabant, per omnem scilicet  
 vitam meditationibus talibus preparati. Dum  
 autem variis ex causis sæpe nauigatur, (vnde  
 vel ad celebre tribunal, vel ad nobilem mer-  
 catum suscipi itinera maritima, ratio erat)  
 fieri nequit, quin ciues, quasi ignorantes, &  
 aliud agendo, nautica quadam scientia, quod  
 Xenophon ait, imbuantur.*

Sed & præmiis huc inuitandi sunt. vbi  
 iterum exemplum Atheniensium singulare  
 est: qui honoribus & muneribus ciuilibus  
 plebem ad studia nautica excitauit, popula-  
 reque maximam partem imperium institue-  
 runt; ne, qui potentia in Ciuitate Mariti-  
 ma effectores essent, commodis & honori-  
 bus carere viderentur. ὅππῃ δὲ ἡμῶν ἐστὶν ὁ ἐλαύν-  
 ων τὰς ναῦς, καὶ τὸν δυνάμειν περὶ τὰς τῇ πόλει.  
 καὶ οἱ κυβερνήται καὶ οἱ κελύφαί, καὶ οἱ πεντηκόνταρ-  
 χοί, καὶ οἱ πτωχεύται, καὶ οἱ ναυπηγοί, ὅποιοι εἰσιν οἱ  
 τὸν δυνάμειν περιλήφοντες τῇ πόλει πολὺ μᾶλλον ἢ οἱ  
 πολῖται καὶ οἱ θηναῖοι καὶ οἱ ἄλλοι. quia plebs est,

Xenophon.  
 de Athen.  
 pop. pr.

quo

quæ naues agit, & potentiam Ciuitati conciliat;  
 tum gubernatores, hortatores, Pentecontarchi,  
 proreta, nauium fabricatores. hi sunt, inquam,  
 qui potentiam Ciuitati conciliant magis, quam  
 ciues alij, & nobiles; & fœneratores. sicut Xeno-  
 phon explicat. qui & reprehensum ab alijs vid. Ub-  
 bon. Em. de  
 rep. Ashem.  
 hoc institutum pro conditione & ex  
 popularis Ciuitatis defendit laudatque. pos-  
 set fortè etiam ex hypothesi Ciuitatis Mariti-  
 mæ defendi.

Pertinent huc etiam alia præmia, quæ ci-  
 uibus incitandæ industriæ, vt ad alia studia,  
 ita ad rem nauticam, varie excogitantur de-  
 cernunturque.

## CAP. V.

*Ciuitatis Maritimæ consilia &  
 instituta circa rem Pesca-  
 riam. Distinctio nauigatio-  
 nis & vsus naualis Piscatus,  
 modus acquirendi, ad autem  
 Ciuitatis referendus.  
 Controuersia de piscatu in-  
 ter Ciuitates maritimas. Le-  
 ges Ciuitatis Maritimæ, qui-  
 bus regitur piscatus, vel quo-  
 ad artem, vel quoad ius, vel  
 quoad mercimonium.*

Maria

**M**aria & flumina Deus dotauit piscibus. Igitur Ciuitas Maritima non negligere debet has opes: sed potius prouidere, ne vnquam desint, qui huic rei operam dent; tum aliis modis, tum nauibus & nāuigationibus.

Solent enim *Nauigationis* illa noscitari genera; *Piscatoria, Mercatoria, Militaris, Curiosa.* Quæ & misceri aliquando videmus.

*Et Piscatum* quidem ad modos acquirendi ex venatione peti solitos, *Philosophus* refert, occasionem & consilium & ingenium subministrante loco & situ eorum, ὅσοι λίμνας καὶ ἑλη, καὶ ποταμούς καὶ θάλατταν ποικίλῳ περιεχούσι, qui lacus, paludes, fluuios aut mare accolunt. Quod de generibus hominum hic dicitur, recte ad totam Ciuitatem Maritimam refertur. Quæ, natura demonstrante, hoc victus & copię parandæ instrumentum non omittit. Quin etiã, pro conditione loci & temporis ἀντάρκεια Civitatis, siue rerum necessariarum sufficientia, magnam partem hinc instruitur. Et sane mirum est, etiamsi de illis nil dicamus, quibus siccati pisces pro pane sunt, quot myriades hominum Deus passim alar præcipue piscibus & marinis animalibus & salsamentis. Vt fortasse non bene *Plato*, de venatione agens, maritimam venationem siue piscationem dissuaserit, Legislatorem ita loquentem ad iuuenes inducens: ὦ φίλοι, εἴθ' ὑμᾶς μήτε πρὸ ὑπηρεσίας μήτ' ἔρωσ τε πρὸ θάλατταν θήρεας πολεμάειν, μηδὲ ἀγκιστρίαις μηδ' ὅλως τῶν ἐνυδρίων ζῶων, μήτε ἐξηζορῶσι μήτε εὐδασι κύετοις δόρον θήεν.

lib. 7. de ll.  
p. 641.

ἢ οὐκ ἔστιν ἄλγος ὑμῖν. Ne capiat vos, ô amici, vlla  
 cupido venationis maritimæ aut hamatilis pesca-  
 tus; neq; omnino, vt velitis aquatica animantia,  
 vel interdum, vel noctu, sagena otiosam capturam  
 exercendo, venari. Nisi quis putet, ad mores  
 eum respexisse talium hominum, ipsarum-  
 que, quibus vita vitur, discrimina artium,  
 quo sensu Cicero non probat illas artes, ce-  
 l. 1. off. 42.  
 tatorum, piscatorum, comparatione scilicet  
 instituta honestiorum & utiliorum artium.  
 Imo verò Plato sibimet ipse potest esse inter-  
 pres, quando ex omnibus venationis gene-  
 ribus eam probat vnice honestissimamque  
 decernit, quæ equis, canibus, robore cor-  
 poris perficitur. Vt ab hac mente minus  
 probanda videatur, quæ minus laboriosa ac  
 exercita est; & ad otium propius accedit.  
 Sicut fere Philostratus piscatores suos ἀμύχας- Icon. lib. 1.  
 ὤψας circa thynnorum capturam delicias iis. ἀλίσ-  
 inducit. p. 752.

Halecum captura abundantissima, circa  
 Rugiam insulam olim celebris, postea apud  
 Scanienſes increbuit, hinc ad Noruegos, ab  
 his ad Scotiæ Angliæque oras migravit. Vbi  
 frequentissima in hunc diem exercetur, &  
 Europæ quodam modo sufficit, ex quo ar-  
 tem muria hunc piscem condiendi circa an-  
 num Christi 1416. Gulielmus Buckeldius  
 Belga inuenit, atque, vt durare & longe late-  
 que asportari posset, effecit. De periodo  
 huius piscatus notabilis est Camdeni anno-  
 tatio: Haleces Britanniam nostram non sine Diui- in Britan-  
 no consilio, numerosis examinibus quorannis cir- nia p. 642.

*summatim.* Circa solstitium aestiui ex alto litora Scaniae petunt, quo tempore quum pinguiores sunt, statius diuenduntur. Inde Anglica litora adeunt, & ab Augusto medio ad Nouembrem optima & vberima eorum est captura à Scarborough vsq; ad Tamesis ostium. postea aliqua vehementi procella in Britannicum mare deferuntur, & in eo ad Christi vsq; natalitia se piscantibus offerunt. hinc Hiberniam vtrinq; pernatantes in septentrionalem Oceanum circumnavigata Britannia se transferunt, & ad Finium quasi subsistunt. Hæc copia effecit, vt Belgis facile concederetur il-

*Mar. Claus.* lis in locis piscatus, sicut Seldenus amplius  
*lib. 2. c. 21.* ostendit. vnde Dominii Anglorum Marini  
*adde Loc-* argumentum speciose extruit idem Seldenus.  
*cen. de jure* Alii mallent, vi conuentionis quàm titulo  
*maris. l. 1.* Imperii hunc piscatum niti. Controuersia  
*c. 9. §. 4.* inde magnæ, & nuperæ, nec incruentæ. De  
quarum compositione pax inter Britannos  
Belgasque inita docere potest.

Quid contentionis circa piscationem Islandicam & Noruegicam, Anglis & Danis intercesserit, legas licet apud Seldenum in *Mari clauso*, & præsertim *Jos. Isac. Pontanum*, in *Discussionibus Historicis*. Quibus addi potest

*orb. marit.* *Camdeni Historia Elizabetha* in annis 1600. ac sub-  
*l. 2. c. 18.* sequentibus: & *Morisotus* contra Seldenum. Elegantes ibi quæstiones de Imperio maris probando ex petita & concessa facultate piscandi: an continuatio huius rei & exercitium vtrinque non omissum, seruitutis mari impositæ nomine à petentibus allegari possit: an omissa diutius propter incertum regni concedis

*dentis statum petitio, necessitatem petendi extinxisse, & facultatem piscandi præscripsisse, credenda sit: an facultas illa diu continuata, & post interruptiones, ad prædictum modum instaurata, juris patrimonialis nomine possit laudari. & quæ sunt huius generis alia.*

Legibus piscatum ordinabit Ciuitas Maritima, quantum ad artem piscandi attinet, & instrumenta, & tempora, & modos. Neque enim obtentu juris vel naturæ vel gentium huius rei libertatem infinitam statuere, fas est. ordinabit, vt cœpimus dicere, summa potestas, vt ceteras ciuium actiones, ita piscatum, vt rationibus reipublicæ conuenit; & id jure suo se facere non dubitabit. Vere nimirum, quantum res patitur, locutus est *Oppianus* ad Imperatorem Romanum :

οὐκ ἔστιν ὅτι ἐπὶ σκήπτρῳσι θαλάσσης  
εἰλέσται, καὶ φύλα ποσειδάωνος ἐναύλων.

lib. 3. ἀλ.

δι. 4. & 5.

*Tuis enim sub sceptris voluitur & mare, & quicquid est incolarum siue domesticorum Neptuni. Quare satis explicite egerunt Cl. Loccenius in Jure Maritimo, & doctissimus Jo. Strauch. Si modo duæ cautiones efficiant, ne contra externos, aut contra ciues nimis omnia adstringantur. Id enim ne fiat, videmus, plerasque summas potestates temperamentum alicuius licentiæ reperisse, ac humane non minus quàm vtiliter vsurpasse. Altera cautio prouidebit, ne laxata piscandi disciplina, foris contemptus, domi confusio, litium paulo post mater, subnascatur. Et quando quidem hac de re cogitatio suscipitur, valde profuerit*

lib. 1. c. 9.

dissert. de

Imp. mar.

c. 8. n. 4.

et seqq.

S

cogno-

cognouisse, quæ *Poëta* modo laudatus, & in hoc genere incomparabilis *Oppianus*, præsertim *libro nominato*, non explicauit minus quàm suasisit: tum etiam iuuerit, exempla talium legum inspexisse, non indiligenter ex diuersis Ciuitatibus collecta *Gryphiandro*, & aliis.

Sicut autem, vt dictum est, de omnibus rebus ad piscatum pertinentibus, Ciuitas præcipere potest: ita ipsum jus piscandi his illisque locis, circa hoc aut illud genus piscium, hoc illoue instrumentorum genere, non ciuibus modo, sed vbi sine iniuria horum fieri potest, externis quoque gratificari, elocare, vendere, sub vectigali concedere, aut etiam non concedere, non nequit. quod & de fœderibus hac de re ineundis vltro intelligitur. vbi, ex tot in vtramque partem prosperi improspereue successus exemplis, satis apparet, quid factu optimum consultissimumque haberi debeat.

Vt & circa *mercimonia* piscium, exportandosque aut importandos pisces. Sanitatis ratio in his habenda: ne veneant e.g. falsamenta, quæ corrupta, aut pisces pridem mortui, vnde graues & contagiosi morbi generari queunt. Quare forum piscarium diligentissime & seuerissime ordinandum est. Jam, si abundat Ciuitas piscibus, qui exportari commodè nequeunt, nil prohibet lege statuere, vt certis diebus carniū esu ciues abstineant. Ratione, vt dixi, magistra; non superstitione. quæ in alteram partem duxit

Græ-



Græcos, ut ex Stagno Neptuni apud Ægias pisces eximere vererentur, ne piscator in piscem mutaretur, referente *Pausania*, qui de *in Laconia* Mercurii fonte, cui Hama nomen, similia *ciis p. 203.* memorat : *ὅτι ἡ ἰχθύς σὺν αἰγῶν ἐξ αὐτῆς in Achaia* (πηγῆς) ἀνάθημα εἶναι ἔδει νομιζομένης. *piscis p. 441.* exinde non educunt, eo quod Deo sacros credant. Pretia quoque piscium, ut aliorum cibariorum, finiri, probabilis plerumque est consilii. etiam tempora venditionis. non enim omnes pisces omnibus temporibus, vel valetudinis, vel fœturæ & propagationis habita ratione, venum ire ratio est. Atque huc referuntur medicamenta è piscibus, (de quibus *Plin. hist. nat. lib. 32.*) & varia instrumenta, adiumenta-que. Non autem piscatus modo ipse sæpe mercimonii celebritate urbem aut Ciuitatem in profectu mercaturæ potest attollere, sicut de halecum, asellorum, & aliorum generum mercatu hodie constat; & *Tyrum* olim natiuæ purpuræ piscatu immensum celebratam esse legimus: Sed piscatorum quoque stationes & casulæ admonuerunt non raro fatali augurio homines de maximis & summam postea nobilitatem adeptis urbibus, portubus, munimentis extruendis; quod de *Malmogia*, in *Scania*, & ut aliqui tradunt, de *Hafnia* in *Sialandia*, de *Ostenda* piscatorum in litore *Flandrico* quondam sede, de *Dunkerke*, & aliis, manifestum est.

## CAP. VI.

*De Nauigatione mercatoria,  
sue mercatura maritima.  
De Consulatu Maris. De  
Magnis societatibus mercatoriis  
in ciuitate maritima.  
De Hansa Teutonica.*

**M**ercaturæ consideratio alibi suum habet locum: hic non aliter, quam vt maritima est, spectatur. Et inter ea quidem, quibus publicæ curæ & consilia inuigilare debent, *exportanda & importanda* numerantur. Quid efferat ergo, quid inferat Mercatura maritima, ante omnia probe decernendum est: ne efferat e.g. quibus domi indigemus; ne inferat, quibus felicius caremus. Tum de hominibus mercaturæ maritimæ destinatis destinandisue per ordines ciuium ac genera operis laborisque dispiciendum est. Denique, disciplina, ordine, legibus vel maxime hæc res vincienda & ordinanda est.

Sicuti autem priora alibi fusius tradita repetere non attinet; ita postremum in *Consulatu Maris* accurate perscriptum explicatumque reperitur: additis *legibus inclytæ Reipublicæ Venetæ* ad hanc rem pertinentibus. Quamquam autem antiquioribus ista hærent radici-

dicibus; constitutionum tamen nauticarum, sæculis à Christo nato, vñdecimo, duodécimo, tertiodécimo, celebris in Italia, Gallia, Hispania, prouentus fuit, sicut indidem discas: Quo referas licet consuetudines marinas probabiles; quibus absque esset, non procederet compositi moris disciplina, in genere hominum licenter agere cupiente. Sicut alias videmus, in opificiis quibusdam fieri.

De collegiis & societatibus mercatoriis naualibus longam historiam texere, non est huius loci. Duæ sunt hoc sæculo valde celebratæ apud Belgas, *Societas Indiæ Orientalis*, & *Societas Indiæ Occidentalis*, *Orientalis illa*, inter dura & aspera rerum, quasi necessitate admonente, societas plurium laboribus & impensis priuatis, vt ærario parceretur, inuauit. Inuitante successu, propior cura rei adhiberi cœpit. cum enim singuli æmulatione accensi pretia rerum apud Indos intenderent; &, propter dissociatas aut infirmas collegiorum vires, hostibus aliquando prædæ essent; Respublica ex pluribus vnã societatem fecit, certisque curatoribus ex diuersis ciuitatibus in vnum coituris, quotiens res postulare, rem administrandam tradidit. *Ex hoc hist. lib. II. tempore, inquit Grotius, velut nouo bello per orientem exorto, Societas Indicana magna pars reipublicæ capit haberi, cum non modo pars prædæ ad ærarium perueniret, sed priuato ciuium sumtu hostis publicus per rapinas & impendia exhauriretur.* Vnde intelligitur, præter mercaturam,

*hist. lib. 130.* etiam ad armorum consilia, huius Societatis  
*p. 1087. &c.* rationes pertinuisse. Addi debet *Thuanus*.

Creuit subinde mercatorum & nautarum, sed & pecuniarum numerus; neque jam ad-  
 emto Hispaniæ commercio, India Orienta-  
 lis suffectura videbatur. Igitur Americam  
 respicere cœpit nautica mercatorum indu-  
 stria, vnde sal & succinum; & pretiosa ligna,  
 medicamenta, itemque metalla asportaren-  
 tur. Verum inessis ab Hispano litorum præ-  
 cipuis, priuatæ opes publica auctoritate mu-  
 niendæ erant. Hinc deliberatum, & dispu-  
 tatum de Societate Indiæ Occidentalis insti-  
 tuenda: sicuti *Grotius* describit amplius. Di-

*hist. lib. 1.6.* lata negotii perfectio in annum sæculi XXI.  
*p. 505. &c.* Quamvis enim in nouo Belgio ab anno 1614.  
*Jo. de Laët.* loca quædam frequentarentur & tenerentur:  
*Nou. orb.* postea tamen Diploma Ordinum Fœderato-  
*lib. 3. c. 9.* rum Societati huic amplissima formula con-  
 cessum, haud parum mercatorios successus  
 deductis coloniis promouit. Diploma variis  
 linguis publicatum est. Operæ pretium  
 fuerit notare in progressu fata prægrandium  
 cœptorum. Non enim ex æquo hætenus  
 vtræque societas floruit: imo, quomodo al-  
 teri subueniretur, aut non subueniretur, non  
 parvæ consultationis & molitionis negotium  
 fuit. Sed de illa re alibi.

Nunc, qui florentem Galliarum statum  
 non modicis incrementis attolli animaduer-  
 tunt, huius quoque generis consilia agitari,  
 & *Gallicanam Societatem* commercio Indiæ O-  
 rien-

rientalis destinata non industria minore quàm sollertia parari, obseruent licet. Quae de re eximii prorsus Viri extat dissertatio: subiectis conditionibus, Regia auctoritate firmatis.

De *Hansa Teutonica*, siue *Ciuitatibus Hanseaticis*, plerumque agunt, & *Lexica Juris Publici*, quod vocant, & ipsi *Scriptores systematum*. Imprimis *Jo. Angelius à Werdenbagen*, vasti operis partibus posterioribus, quarta, quinta, sexta. Singulare id esse exemplum *Societatum Mercatoriarum*, praesertim *Naualium* (id enim ab initio & postea actum est) negari nequit. Sed *Notitia* tanti corporis atque adeo *historia*, magnos hiatus patitur in hunc diem. neque in hoc transcurso licet moras trahere, aut ad ea aliquid notare, quae summam *Chytraeus in chronico Saxonia*, & ex eo potissimum *Thuanus in digressione de Hansa* consigna-  
lib. 23. pr.  
lib. 51. p. 783  
& seqq.

De initio praesertim, & primo profectu, obscura est satis memoria; mereturque notari quod *Chytraeus* dicit: de quatuor emporiorum initis, ut de ipsius etiam *Hansicae societatis certa origine*, quo anno *Christi coeperit* (assignant quidem vulgo 1200. sed documenta non afferunt) & quomodo emporia singula occuparit; saepe multumq; ex aliquot praecipuarum urbium *Syndicis*, *Secretariis*, *Consulibus*, & aliis sciscitatus sum, qui non modo de emporiorum origine certi nil docebant, verum etiam, quo anno ipsorum ciuitates in *Hansa societatem primum receptae* essent, pleriq; non indicabant.

Ad hunc notitiæ plenioris defectum licet aliquo modo pertinere negari nequeat, prorsus tamen referri non debet, quod *Recessu Augustano* 1548. §. 48. præcipitur Circulis, *ut inquirant de conditione Ciuitatum Hanseaticarum, quenam & ubi essent, qui vocarentur, an & quomodo Imperio aut aliis Statibus subjicerentur, cum similibus circumstantiis.* Quia enim vnus nominis obtentu, non vnus conditionis ciuitates ad alia, quàm postulabatur, vti affectabant; discrimen illud in literas referendum fuit, & haud dubie relatum est: sicut distinctius jam loquentes *Recessus Ratisbonensis* 1557. §. 53. & *Augustanus* 1566. §. 50. indicare videntur.

Vt mirum forte sit, aliquos de conditione & statu Ciuitatum Hanseaticarum, securius, si non negligentius, loqui. Licuerit homini peregrino forte existimare, Ciuitates Hanseaticas, esse Ciuitates Imperiales & Immediatas; illud autem capere non possumus, quomodo in *Observationibus Wehneri* asseratur; in *Recessu Augustano* 1548. §. 47. dici, daß die See- und Ansee-Städte weder dem Reich noch andern Chur-Fürsten / Fürsten oder Herren unterworffen seyn wollen. Licet enim, non de iure quod sit, sed de iure quod prætendatur, hîc sermo sit; res tamen ipsa clarissime ostendit, agi non de Ciuitatibus Hanseaticis indefinite & communiter, sed de *illis tantum* in eo corpore, *quæ nec Imperij nec Statuum alicujus jurisdictionem agnoscere velint.* de illis enim ad erogationem communis denarii inuitandis  
actum

*actum decretumq; erat. ceteræ autem, quæ Imperio mediate vel immediate parebant, quid deberent, ratione suæ conditionis, in publicis indictionibus, non poterant ignorare. Sed cum in exequendis, quæ decreta erant, Commissarij ultra decreti formulam, communiter ad omnes omnino Ciuitates Hansæ destinati viderentur; quædam Ciuitates Hanseaticæ, casum illum in compendium suum versuræ, Principum suorum edicta de collecta Imperiali, atq; adeo non subcollationem modo, sed collationis omnem ordinarium modum subterfugere instituerunt. Quibus molitionibus vt iretur obuiam, decretum est, inquiri & in literas referri debere, quæ ciuitates Hanseaticæ, extra Imperij Jurisdictionem, quæ Imperio immediate vel mediate subiectæ essent. Tria enim genera Ciuitatum Hanseaticarum in illo Reccessu disertis verbis enumerantur; & prouidetur, ne vel Imperium vel quilibet Statuum sui in ciuitates illas Juris detrimentum sentiat. Quare Wehnerus recte de cetero subiicit: Ciuitates Hanseaticas esse partim Imperiales ac liberæ, (paucas scilicet) partim mediate Imperio subiectas, partim etiam plane extra Imperium sitas. Cumque in posterum de collectis Turcicis cum toto corpore Ciuitatum Hanseaticarum ageretur, cautio illa diserte interposita est, ne quid decederet de ordinaria subcollectatione à Principibus Statibusue in subiectis sibi Ciuitatibus fieri solita: Mediatis eiusmodi Ciuitatibus scilicet, propter insignem opulentiam, etiam ordinariæ subcollectationis portioni, aliquid cum & in cor-*

pore societatis adiecturis. vt habetur in *Recessu Augustano* 1566. §. 52. Quomodo interpretetur illos textus *Magnificus vir Reinkingius*, videas licet *lib. 1. class. 4. c. 20. §. 61. & seqq.* & quæ ex *Klockio Linnaeus* annotat *Addition. tom. 1. ad lib. 7. l. 1. n. 79. p. 141.* in primis vero, quæ disputat *Knipschildius de Ciuitatib. lib. 1. c. 4. n. 38. & c.* vbi de mixtis ciuitatibus citra omnem necessitatem videtur pronuntiare. quod in colloquio de hac re ostendi poterit.

In enumeratione Ciuitatum Hanseaticarum, quàm varie consignentur, quæ suspectam reddunt notitiam enumerantium, totiens & tot modis discordem; non est tam brevis annotationis exhibere. Si in sumam stare debet, quod plerique de potentia & numero intra vnius sæculi spatium tantopere  
*lib. 2. p. 26.* exaucto jactitant, quomodo *Regkmanni Chronicum Lubecense* anno 1370. non plures quàm 37. numerat? Notanter enim ait Historicus, *se demonstreturum, was vor Städte gewesen/ die zu der Zeit in der Hanse gewesen.* Etiam si velis opinari, plures intelligi per illa verba, *und alle die Städte so in Preussen liegen/ & und andere Städte in Eyßland gelegen & c.* ne sic quidem, vel ratione loci situlue, vel ratione *dingrouias* corporis, vel singularum ciuitatum nomine poterit res expediri. cur enim (ne de aliis dicam) Brunsviga non numeratur? quæ si anno 1374. exclusa est collegio (quod ex  
*lib. 9. c. 7.* *Krantzj Wandalia* scimus) vix dubitabile est, quin anno 1370. in collegio fuerit. sed hoc ex minimis est, quæ annotari hic possunt.

Non



Non dimittenda est *Alberti Crantzij* auctoritas, qui memorabili descriptione *communio-*  
*nem Hansæ* ait esse *participationem privilegiorum,*  
*quæ in quatuor emporiis* (vt tum erant) in *Flan-*  
*dria Bruggis, in Anglia Londoniis, in Noruagia*  
*Bergis, in Russia Nouguardiæ* permissa sunt olim  
 mercatoribus, ac retro principibus & terrarum  
 gubernatoribus, vniuersis eius communionis parti-  
 cipibus. Hæc si satis considerentur, facile ap-  
 parebit, cur etiam Principes aliqui nonnul-  
 lis suis ciuitatibus permiserint, vt jungeren-  
 tur Hansico fœderi. Neque statim hinc *jus*  
*fœderis proprium,* si aliæ probationes desint  
 (nulli enim Ciuitati vel minimam opinio-  
 nem juris detractam cupimus) recte inferri  
 videtur.

Quid autem ex ipso fœdere tacite vel aper-  
 te permissio consequatur, e. g. *an jus proprij*  
*præsidij, ærarium & libera eius dispositio, libera*  
*condendi statuta potestas,* & similia, non confu-  
 sa & obscura, sed liquida explanataque tra-  
 ctatione opus habent. quam nostram non  
 facimus. Exemplissima enim materie, pau-  
 cula attingere in tam præcipiti festinatione  
 suffecerit.

## CAP. VII.

*Nauigatio Militaris. Classis*  
*& classicus apparatus. in*  
*eo notanda. prælia nautalia.*  
*victo-*

*Victoriarum navalium fructus. Navigatio Curiosa.*

**V**T Ciuitas Mediterranea, terrestri defensione, ita Maritima, nauali militia opus habet. Nam ad propulsandam vim semper intendendum est: inferendæ enim minus fauoris adest: nisi quod interdum defensionis pars est offendere. Huius rei necessitatem ostenderent tot direptiones & inuasiones hostiles ac piraticæ, impune in eas terras factæ, quæ nauali armatura carebant: nisi indicanda verbo magis essent, quæ supersunt, quàm declaranda exemplis.

Mercatoriæ quoque navigationi, coniungi aliquando militarem, ex ante dictis potuit intelligi. De cetero, Ciuitas Maritima habebit, pro modo virium opumque, *Classem* vel *classes*. Præcellunt hic hodie exempla Britanorum, Hispanorum, Gallorum, Venetorum, Belgarum, quæ imitantur Dani & Sueci. Minor, quàm pro cetera potentia, naualis militia vis Turcico Tyranno: & fortasse Fortuna hic viam vel monstraueat vel patefecerat Christianis ad victoriam, si coniunctis viribus consiliisque niti placeret. Jucundum esset comparare, quibus rebus conueniret aut differret Vetus ac Noua Militia Naualis. *Classis* autem nequaquam hic de vna & altera naue

*ad 1. Æn.* (sicut accipi interdum posse *Seruius* & *Albericus Gentilis* notant) sed de idoneo numero hostibus resistere & obuiam ire parato capitur.

In

In *Apparatu* eius variæ formæ, & præsertim optima bellicas ædificandi ratio, armamenta, rudentes, vela, tormenta, suum habent singula consilium & artificium. De incendiariis & igniuomis instruendis, peculiaris itidem disciplina est. De stationibus etiam in pace, & excubiis perpetuis, curaque & curâtoribus classium, idem dixeris. Ad bellum milites, duces, nautæ, mechanici, fabri, tormentorum libratores, omne ex dispositione & ordine, robur accipiunt. Atque huc ærarii militaris nautici rationes etiam congruere debent.

In *Expeditione* classica, notitia marium & portuum, ad accuratæ peritiæ normam exquiritur. In prælio, primum est venti suis partibus conciliandi beneficium: tum accurata ratiocinatione pugnæ vel subterfugiendæ vel committendæ, & mobiline potius impetu recursuque, an stabiliore certamine res gerenda sit. imprimis, quàm longe aut prope, quàm tutum aut periculosum receptum habeat classis. Obsidionum quoque naualium vel faciendarum vel soluendarum præcepta & artes sunt.

*Victoriarum* naualium ingentes sæpe fructus fuerunt. Sæpe ciuitas salua fuit in muris ligneis. sæpe naues auro onustæ impensas belli & securitatis præsidia supplere. Sæpe corona naualis vnico patriæ ornamento fuit. Sed hæc ex historia peti debent; cuius summas texit *Morifotus in orbe maritimo*; vt nihilo minus tamen desideremus vehementer

menter, *Historiam Naualem nouissimam, Thomæ Riuij, Antiquæ & Mediæ* pari diligentia addendam.

In *Nauigatione Curiosa*, ne valde curiosi simus, expletus huius scriptiunculæ modus imperat. Neque decuerit huc afferre, quæ ad lusoria instituta, & voluptatum potius inania, pertinent, quam ad *inquisitionem rerum naturæ, & inexploratorum cognitionem*. Homo non sit oportet, qui non capiatur spectandis Diuinæ sapientiæ & prouidentię specimenibus, in sideribus, animalibus, plantis, mineralibus, hominum longius propiusue ab humanitatis cultu remotorum aut eodem inuitatorum institutis, moribus, fatis; nauigatu demum perspectis. Sed alterius ista sunt operæ. Ciuitas Nostra Maritima, omnes sui actus quæstusque rationes ad diuini humanique juris reuerentiam exigere, summam & legem Felicitatis arbitratur.

Haftenus Digressio.

### CAP. III.

De

### *Partibus Ciuitatis.*

<sup>4</sup> **P**OST Digressionem, in viam redeundum ad partes Ciuitatis. est. Et actum est quidem *supra* de lemmate præscripto, cum de *Ciuitatis natura & constitutione* tractaretur.

Sedes huius argumenti iis, qui Philosophiam Aristotelicam sequuntur, est *Pol. VII, 8.*

quæ constituuntur. Vbi partes Ciuitati necessariae constituuntur, 1. in *Alimentis*, & sufficientia huc pertinente,

nente, de quo *Bornitius*, *Gryphiander*, & alij.

Res primo aspectu facilis, quæ enim terra, inquires, non alit suos? sed usu & negotiis compertum est, aliquando multa hominum millia fame obiisse, qui mediocri cura seruari poterant. Patetque hæc prouidentia amplissime. Et dictum est aliquid in *dissertatione de Annona Augusta*.

2. *Artes & Opificia* merito proximum occupant locum, quibus scilicet humana vita & Ciuitas, excellentissima societatis species, carere nequeunt. Sed de his *Bornitius* & *Gryphiander* in *Oeconomicis* abunde.

(Dictum de erratis apud nationes & Ciuitates, in hoc genere.)

3. De *armis & militibus* supra actum. 1. Vbi de jure belli: 2. Vbi de potentia est tractatio suscepta. Neque opus est hic multa addere. Diligens hic fuit *Lipsius lib. 5. Pol.* Addantur *Syntagma Gabrielis Naudæi de studio militari*, & *Machiauellii libri de arte Militari*.

4. *Pecunia* supra *lib. 4. c. 7.* considerabatur, ut ad potentiam facit: hic spectanda est, ut ad ordinarias & extraordinarias erogationes pertinet. Politici hunc locum inscribunt de *Ærario*: & interdum alteram partem addunt, de *re nummaria*. quam alias nonnulli ad ærarium referunt. vid. *Bodinus lib. VI. Pol. c. 2. & 3.*

5. *Sacerdoria*, de quibus supra, cum de *Jure summarum potestatum circa sacra* ageretur, aliquid dictum est, & subinde dicetur.

6. De

6. De *Judicio* supra actum, ubi inter jura Maiestatis jus judicarium explicaretur: & subinde aliquid annotabitur.

## CAP. IV.

De

*Alimentis.*

1.  
in alimen-  
tis.

**H**Oc vocabulo complectemur, quidquid est, quod ad victum pertinet & vitæ sustentationem. *Besoldus* hunc locum inscripsit *Vitæ & mortis considerationem Politicam*, tribus libellis; 1. de *Vitæ sustentatione*. 2. de *Cura Sanitatis*. 3. de *Sepultura agens*.

Tractatio hæc istis membris potest includi: 1. *Quæ Alimenta*; 2. *quomodo parari*; 3. *conseruari*; 4. *dispensari*, ex re ciuitatis sit? 5. *Quæ amplius ad vitæ curam pertineant*? 6. *Quæ mortis consideratio huius loci sit*?

1. *Alimentorum maxime necessaria sunt cibus & potus*.

*Ciborum* magna varietas; Panis tamen primus vsus; adeoque *Frumentorum*. Glandibus victitasse quosdam populos, ante *frugum* inuentionem, siue fabula, siue pars historiae est. *Ægyptum* quoque, frugum parentem, carere posse frugibus, *Plinius* existimauit, ciborum ex herbis abundantia contentam. Sed *Frumenta*, vt dixi, præcellunt: varii ea generis, pro varietate nationum regionumque. Accedunt olera, legumina, piorum, pomorum, cerasorum fructuumque omne genus. Tum carnes quadrupedum, *auium*,

auium, piscium. Addi debent condimenta : in quibus maxime necessarium *Sal* : minus necessaria aromata, & saccharum, varii generis.

*Potum* partim *aqua* præbet, partim *vinum*, partim *cerevisia* ; tum apud nonnullas gentes confecta ex aqua & melle, ex aqua & aromatibus aut saccharo potio : etiam *vinum*, quod cum vulgo *adustum* *Bornitius* vocat, ex frumento confert.

Politici circa cibum & potum cura est : 1. vt parabilis copia vtriusque sit pro modo ciuitatis. Et si natura locusque fauent, 2. vt, quod abundat, cum aliis rebus mercibusque commutetur, aliorumque populorum necessitatibus subueniat, opibusque quærendis accommodetur. His tanquam magnetibus attrahi pecuniam externam, non male dixit *Boræus*, vbi ostendit, quantum *Francia* frumenti dimittat in Hispaniam & Portugalliam ; vini, in Flandriam, Angliam, & ad maris Balthici incolas ; *Salis* itidem ad vicinos &c. *Polonia* quoque frumento & melle exportandis plurimum iuuatur. *Dania* ex hæcæum captura & pecoribus, *Norwegia* ex asellis arefactis, magnus prouentus est. 3. Si natura parcius consuluit, vt industria suppleatur. vid. exemplum *Batavia* apud *Joseph. Scaliger. in Sylua, Carm. 52.* cuius initium :

*Ignorata Tuæ referam miracula terra &c.*

II. *Parandis alimentis* inuigilabit Politicus his fere modis, quos *natura loci, solers ingenij inuentio, fortuna temporis*, suggerit. *Agricultura studium* in primis est ; ne, vbi domestica copia res

T

geri

geri posset, externæ opis indigeat ciuitas, quod de Italia conqueritur Tiberius ap. Tac. 3. A. 54. 6.

De *Agricultura* pleraque diligenter congestit Gryphiander in *Oeconom. Legal. lib. 1. c. 17. & Bornit. tract. 1. c. 11. & seqq.*

Pertinet etiam huc vniuersa *res Hortensis*. de qua vid. *Bornit. l. c.*

*Etyvinearum cura*. Quæ omnia Gryphiander in cap. de *Agricultura* exequitur.

*Pecuaria & Pascuaria* proximum in parandis alimentis locum occupat, quam eodem cap. Gryphiander attingit : & *Bornitius tract. 1. cap. 19.*

*Venatio* etiam huc facit. De qua vid. *Gryphiander Oecon. Legal. c. 18. & Bornit. tractat. 1. c. 20. & 23.*

III. *Conseruandis alimentis* inseruiunt *Horrea & Cella*. Romanorum dispositio.

IV. *Dispensandis alimentis* inseruiunt 1. *Dispositiones Furis*, de facultate ferendi, plantandi, venandi, piscandi &c. 2. *leges contra luxuriam*. 3. *beneficentia in pauperes*. 4. *leges fori cibarij*, de pretiis rerum ad victum spectantium. 5. *mores ad parcimoniam & frugalitatem facti*. Q. de *Mendicis* huc pertinet ap. *Besold. Confid. Vit. & Mort. c. 3.*

V. *Ad vitæ curam* amplius pertinet, *amictus, supellex* :

(De quibus agunt partim *Juri, Philosophi, Philologi*.  
Dictum de discrimine.)

*Medicina*, vid. *Besold. Confid. Vit. & Mort. lib. 2.*

VI. *Morris consideratio*, qualis huc pertineat,



neat, itidem ostendit *Besold. de Vit. & Mort. lib. 3.*

Ad hunc locum de Alimentis, omnino adatur *Gryphiandri lib. 2. Oecon. Legal. c. 5.*

## CAP. V.

De

*Opificiis & Artibus.*

**I**N hunc locum refertur 1. *enumeratio*, ex usu plurium pauciorumue gentium. 2. *estimatio*, in opificiis & artibus, ratione necessitatis, utilitatis, dignitatis, tum in thesi ad omnem rem publicam, tum in hypothesis ad hanc & illam. 3. *Historia sive exemplum*.

*Regulae prudentiae sunt* 1. *ne deficient.* 2. *ne superfluant.* 3. *ut bene disposita sint ad inuicem.* 4. *ut bene composita legibus, Collegiis, moribus siue consuetudinibus.* 5. *ut artes ludicae absint.*

Videndus *Bornitius de sufficientia, tractatu 2. per tot. Garzon. in Piazza Vniuersale. Addend. Boter. Polit. Illustr. l. 8. c. 2.*

In Imperii nostri legibus vniuersalibus, *der Policen-Ordnung* multa etiam occurrunt, circa opificiorum ordinationem.

## CAP. VI.

De

*Armis & Militibus.*

**A**Rma hanc subeunt considerationem 1. *ex officinis, & fabricis.* 2. *ex variis generibus.* 3. *in armis & usu.* 4. *ex custodia.* 5. *ex ornatu.* vid. *Boter. de militibus, Polit. Illustr. lib. 9. c. 3. & 4.*

T 2

Mili-

Militis fors spectatur, 1. vt legendus. 2. vt alendus. 3. vt armandus. 4. vt instituendus. 5. vt regendus est. De quibus omnibus jam fontes indicati, vt dictum est cap. 3. h. l.

## CAP. VII.

De

*Pecunia, Ærario, re nummaria.*

4. **P**ECUNIA 1. vt conficienda. 2. vt colligenda. 3. vt dispensanda, huc pertinet.

in pecunia,  
ærario &c.

In conficienda pecunia spectatur res Monetaria, das ganze Münz-wesen. Vbi 1. de metallo. 2. de varietate pecunie maioris & minoris. 3. de intrinseca bonitate. 4. de forma & pretio legali. 5. de Officiis monetariis. 6. de Legislatione varia circa nummos & monetam. e. g. in Constitutionibus Imperij Nostri, Münz-Ordnung; itemque in particularibus Statutis: in Goldast's Catholico Rei Nummaria. vid. omnino Gryphiander Oecon. Legal. lib. 1. c. 6.

In colligenda pecunia, 1. domi, tributa & exactiones varia, de quibus supra. 2. foris, mercatura. 3. de pecunia mutuo sumenda. 4. de pecunia fœnori collocanda. 5. de rationibus pecuniariis diligenter tractandis. Præter Scriptores suis locis nominatos, huc refer Boteri Pol. Illustr. Librum 7. Besoldum de Ærario, & Gryphiandr. Oecon. Legal. l. 1. c. 24. de mercatura. c. 25. de nauigatione. c. 26. de permutatione & cambio. c. 27. de fœneratione & vsuris &c. lib. 2. c. 2. de administratione pecunie. c. 3. de rationibus, &c.

In

In dispensanda pecunia spectatur 1. *modus sue quantitas erogationum.* 2. *caussa erogationum.* 3. *consilia peculiaria erogationum.* de quibus Scriptores ante laudati, & sub aliis titulis positi.

## CAP. IIX.

De

*Sacerdotiis.*

Sacerdotum, qui sacra curant, spectatur  
 1. *numerus.* 2. *gradus & ordo.* 3. *locus in rep.* 4. *leges circa hanc rem.* 5. In Sacerdotiis.

I. Numerus is esse debet, qui sufficiat Ciuitati ad negotia religionis probe curanda; non autem, qui abundante multitudine, ignauiam alat otiosorum hominum, eosque ciuitati graues reddat. Non enim melius habet religio inter numerosos greges monachorum & cœnobitarum: sed contemtibilior redditur. Agnoscit hoc quodammodo Bodinus lib. 4. de Rep. c. 3. sub fin. Nam quæ Boterus pro multitudine disserit de Origin. Vrb. lib. 2. c. 3. arcanis accensenda sunt, non simpliciter laudandis. Magis ad rem faciunt, quæ suadet Politia Illust. lib. 2. c. 14. si sano sensu accipiantur.

In primis ad instituendos in religione, & bonis moribus formandos ciues, omnia debent hic referri.

II. Gradus inter Sacerdotes & Clericos esse, respectu maioris minorisque dignitatis, & ad ordinem facit, quo nulla pars Ciuitatis carere potest; & exemplo veteris Ecclesiæ non caret. Quanquam de primordiis Ecclesiæ, non sine

studio partium, acriter disputatum est. Nota sunt scripta contraria *Dionysii Petavij*, & *Salmasii*, de *Presbyteris & Episcopis*. *Blondelli* eiusdem argumenti operosus liber extat. *Anglicanae Disputationes circa hanc rem*. Addatur *Epistola Samuelis Bocharti*, ad *Sacellanum* quendam *Anglum*.

III. Quantum attinet ad *locum in Rep.* debent Sacerdotes partem Ciuitatis, non aliam ciuitatem in ciuitate constituere; adeoque agnoscere imperium Principis, aut eorum qui par Principibus jus habent: excluso Dominatu Pontificis, & licentia priuilegiis abutendi. Collegit multa *Besoldus de maiestate in genere: sectione 2. c. 2. de potestate seculari in personas & bona Ecclesiastica*. Gallia regnum libertatis. Opus nobile *Petri Puteani, Libertates Ecclesiae Gallicanae*.

IV. *Leges de omni re Ecclesiastica à Principibus & Imperatoribus constitutæ*, occurrunt magno numero. Pauca in exemplum nominanda. *Capitularia Caroli M. à Luca Holstenio edita*. In primis *Capitularia Caroli & Ludovici, in Codice LL. antiquarum Lindenbrogi*. Vbi & in *aliarum gentium Legibus* multa huc pertinentia. In *Constitutionibus* item à *Goldasto* editis, praesertim 3. tom.

## CAP. IX.

De

## Judiciis.

6. IN his spectatur, vt 1. *bene constituantur*. 2. *bene in iudiciis*. 3. *ne exerceantur*.

In

In constituendis spectatur 1. numerus tribunalium. 2. numerus collegarum seu judicum. 3. Assessores & consiliarij judicum. 4. Notarij & Scribæ. 5. locus dicasteriorum & tribunalium.

In exercendis judiciis considerantur 1. leges secundum quas judicatur. 2. ordo tribunalium ad se inuicem, respectu appellationis. 3. pœna judicibus male judicantibus imminentes. 4. processus & formula judicij. quo pertinet etiam temporis limitibus præsinjendi mentio. 5. Reuisiones & examina.

Præter ea, quæ supra dicta, Historia rei judicariæ apud varias gentes constituta huc pertinet: & monita eximia sunt Boteri de Polit. Illustr. lib. I. c. 16. & 17.

## LIBER VII.

## Tanquam Appendix.

## CAPUT I.

De

*Arcanis Rerump.*

**H**ic locus habet illas partes: 1. quæ ita appellentur, & quomodo definiantur.

Multi enim abutuntur hoc vocabulo, & regulas ordinarias consiliaque solennia ita appellant. Hac occasione Q. quomodo ex ordinariis arcanum fieri possit?

2. Distinctio arcanorum ap. Tacit. de qua egimus ad cap. 6. lib. I. Annal.

3. Enumeratio Arcanorum Regionum.

4. Enumeratio Arcanorum Tyrannicorum.

T 4

5. ENI

5. *Enumeratio Arcanorum Herilium*, quatenus Dominatus à Tyrannide distinguitur.

6. *Enumeratio Arcanorum Aristocraticorum.*

7. *Enumeratio Arcanorum Oligarchicorum.*

8. *Enumeratio Arcanorum Popularium.*

9. *Enumeratio Arcanorum Ochlocraticorum.*

10. *Enumeratio Arcanorum mixti Status*, pro diuersitate mixturæ.

II. Q. An *simulacra Politica*, & quomodo differant ab *arcanis Politicis*?

12. *Arnoldi Clapmarij opus de Arcanis*: & de eo iudicium.

13. *Crisis huius philosophiæ*, in *Besoldi discursu de Arcanis Rerump.* demonstrata.

14. *Grauium virorum circa vsum huius vocabuli mos & ratio.*

## CAP. II.

De

### *Ratione Status.*

1. De origine huius appellationis.

2. Abusu eius tum in { *confusione cum Arcanis;*  
*confusione cum ordinariis regulis &*  
*consiliis politicis;*  
*exempla Antony Palazzi.*

3. Nomina alia. *Prudentia mixta*, ap. *Lips.*  
*lib. 4. Pol. c. 13. & 14.*

(Dictum de illa tractatione.)

*Prudentia extraordinaria*, ap. *Gabriel. Naudæum*  
in

in *Bibliographia Politica*. Συνοπτικαί πολιτικαί  
ap. Polybium. vid. *praf. Casauboni*.

4. Scriptores huius argumenti, præter dictos, Itali *Bonaventura*, *Scipio Chiaromonti*, *Sepralius*.

(Dictum de singulis.)

5. Quæ obseruanda circa hanc philosophiam, ostensum in libro *Hippolitchi à Lapide in Prolegomenis*, quæ percurrebantur, 6. sectionibus constantia: Tum de exemplis, quæ in ipsius operis parte secunda ponuntur, disquisitum.

## CAP. III.

De

*Historia Politica Rerump. siue  
de descriptionibus  
Rerump.*

**O**Mnis historia præcipue ad institutionem Ciuilis prudentiæ referenda est. In primis descriptiones singularum rerump. magno disciplinæ momento huc pertinent.

II. Non vna huius generis ratio. In præcipuis istæ: 1. *per nudam descriptionem*. 2. *descriptio politice explicata & illustrata*. 3.  *censura rerump. & κρισις*. 4. *secundum & tertium genus miscetur*. Atque hæc vel peculiari opere scribuntur, vel historicis operibus inseruntur.

In Veteribus habemus *Aristotelis libr. 2. Polit. vere Criticum*: vbi celebriores Resp. ad rationem ciuilis philosophiæ examinat. Opus enim maius, descriptiones Rerumpub. com-

T 5. plexum

plexum 15 S. Cap. (*Diogen. Laert. in Vita Aristotelis*) interiit. *Xenophon* duobus suauissimis opusculis descripsit *Remp. Lacedamoniorum, & Atheniensium*. *Heraclidis Pontici de Rebusp.* pauca supersunt fragmenta. *Historia* autem *pragmatica* plurimas inseruerunt. *Graci & Latini* descriptiones *Rerump. vel nude* (e.g. ap. *Tac. 2. A. 60.*) *vel explicatus.*

In *Junioribus* quidam *Veteres Resp.* explicarunt; quidam *Nouas.*

*Veterum Rerump. Scriptores* e.g. habemus *Vibonem Emmium*, qui *Gracas Resp.* descripsit. Addi debent *Meursii Attica, & Laconica. Nicol. Cragij Resp. Spartana.* Molitus est quædam huius generis, successu impari, *Keckermannus, & Arniseus.* *Hebraeorum Remp.* descripserunt *Bertramus, Sigonius, Cuneus.* *Persarum Regium Principatum*, ad exemplum exquisitæ scriptio-  
nis, *Brissoni.* *Remp. Romanam* *Wolfgang Lazi*us &c.

*Nouas Resp.* describere, *Boterus, Caspar Ens, Philippus Honorius, Gothsfrius in Archontologia Cosmica*, quibus cottidie aliqua accedunt. Exquisitiora sunt: *Contareni Resp. Veneta. Smithi Anglia* &c.

*Historiis* inſeuerunt nobiles descriptiones *Rerump. variarum* tum alii, tum præcipue *Thuanus.*

(De cuius digressionibus huius generis dictum.)

Etiā fictis argumentis hic locus fuerit, *Thoma Mori Utopia, Baconi Atlantis* &c.




*Bibliotheca Politica.*

**O**Mnino laudabilis est hoc loco *Gabriel. Naudæi Bibliographia Politica* à doctissimo *Conringio* nuper denuo edita; vna cum *Grotiana Epistola*, & *Coleri de Studio Politico*. Addatur *eiusdem Conringij præfatio ad Padiam Politicam Scioppj*.

Sed *Bibliothecam Politicam* ordinaturus rationem habebit I. *Librorum Isagogicorum*, de qualibus jam dictum. II. *Librorum Dogmaticorum*, qui vel præcepta scribunt, idque tum *Epitomicæ*, tum plenius *Systematicæ*; vel singulas materias exegetice ac diexodice tractant. III. *Librorum Historicorum*; quorum varia distinctio alibi copiose traditur. IV. *Librorum*, qui acta continent publica, varii generis locique. V. *Librorum certi temporis, personæ, generis, gesta politica epicrifi commentantium*. VI. *Librorum Dissertationes politicas varij generis continentium*. VII. *Librorum controuersias de jure aliquo publico continentium, præsertim domesticas: aut jus aliquod publicum demonstrantium explicantiumq.* VIII. *Librorum*, qui priuata jura & instituta, quatenus ad remp. spectant, varie commentantur. IX. *Librorum*, consilia judicibus suggerentium. X. *Librorum*, consilia in publicis negotiis faciendis omitrendisue suppeditantium. XI. *Librorum, Secreta politica continentium*. XII. *Librorum*, eloquentiam civilem iuuantium. XIII. *Librorum miscellaneorum*.


F I N I S.



JO. HENRICI BOECLERI  
DISSERTATIONES  
POLITICÆ

*Ad*

SELECTA VETERUM  
HISTORICORUM  
LOCA.



C. B. D.

DISSERTATIONES  
POLITICÆ

JO. HENR. BOECLERI.

PROOEMIUM.

SIVE

DISSERTATIO I.

*De scientia & studio politiciæ.*

**D**E origine, auctoribus, disciplina & ratione ciuili prudentiæ doctrinæque, prima initia repetere, & deinde per seriem deducere historiam volentibus, par-

tim ex argumentis rerum, partim ex monumentis Scriptorum instituenda est tractatio.

Ac primum quidem de ejus gentis Politica agendum est, quæ omnium gentium, disciplinarum, artium mater, gens sancta, Deoque peculiariter dilecta, sub notis Hebræorum Judæorumque nominibus celebratur. Deinde subtexenda sunt aliorum populorum in hoc genere studia.

Primam ergo originem ciuili disciplinæ, ad primos mundi ciues, & primam ciuitatem referri debere, ratio ostendit. Adamus primus hominum parens, vt familiarum, ita so-

cietat-

cietatis cuiusdam ciuilis, quæ ex familiis constat, Auctor, legibus, exemplo, auctoritate talem viuendi modum inter suos haud dubie formauit, qualem naturæ hominis ciuili, adeoque animalibus πολιτικῶς viuentibus conuenire, recta ratio monstrauit. Sapientia enim in cognoscendo, & prudentia in agendo singulari & supra captum posterioris æui instructum fuisse, satis constat. itaque omnium fere artium inuenta ad hunc auctorem referuntur. *Suidas in voc. Adam.*

Viguit iste mos deinceps, vt principes familiarum, & primi mundi patres, regiminis cuiusdam ciuilis inter suos arbitri imperantium loco essent, quorum propria est ciuilis scientia: quique ob id πολιτικοὶ reuera sunt dicendi. Horum auctoritas postquam sperni ciuilibusque modestiæ vinculum solui cœpit, prima illa respublica generis humani, horrendo & fatali supplicio diluuii, euersa est: relictæ tamen paruula quasi ciuitate, & πολιτείας humanæ quodam compendio simul atque seminario.

Primæ autem huius ætatis historia politica, vt sic dicam, non est sigillatim perscripta: vnde coniecturis & sententiis doctorum variis locus datus. (vid. *Daneum, de antiquitatib. „ primi mundi.*) Quæ diximus, per ea, quæ Scriptura S. tradit, satis illustrari possunt. Neque dubitamus, incidere in hoc æuum plenam „ ἀνακύκλωσιν siue circulum ambitumque vitæ „ politicæ; tum quatenus boni regiminis specimina fructusque; tum quatenus vitiosæ πολιτείας opera & fata spectantur. Se-

Secunda mundi ætas Noachum ostentat, ciuili disciplinæ maximum auctorem; legibus, moribus, institutis: atque diuidendi orbis, id est, condendarum passim ciuilium societatum, formula promulgata. Hinc jam periodus imperiorum, regnorumque, segregatis in varias mundi partes gentibus, veluti sollenniore exordio, & diffusiore auctu procedit. Hinc Assyriorum, Ægyptiorum, aliaque regna memorantur: ex quorum forma institutisque studii politici & ciuili disciplinæ non obscura ducuntur argumenta. (*Reinecc. monarch. prim.*)

Sicut autem jam ante diluuium Cainica secta à piorum societate discesserat, diuersaq; vitæ genera prodiderat; quorum alterum Dei voluntati, consiliis, legibus; alterum humanæ sollertiæ, cupiditati, inuentioni parebat: ita deinceps etiam in posteritate Semi & Heberi sanctior quædam Politica, vt sic dicam, conseruata est, quæ sc. ipsum Deum habuit magistrum, præceptorem, moderatorem.

Huc pertinent illustrissima Patriarcharum nomina: Abrahamus, Isaacus, Iacobus, Iosephus; in quorum singulis quantum fuerit politicæ prudentiæ, ciuilibusque disciplinæ, præter ea, quæ sacris paginis traduntur, *Iosephi, Philonis, & Scriptorum Ecclesiasticorum* observationibus declaratum est.

Litteris autem proditum operis Politici exemplum, ante Legem Moïsis non extat. Hic est ille, cuius prudentiam, vitam, legislationem *voμoθεσίαν* politicam, præter *Ioseph. & Philon.*

*Ion. Clem. Alexandrinus, Eusebius, alii que prolixè demonstrarunt.*

Sequuntur Iudices, Reges, Prophetæ, Optimates, qui in gente sancta puriorem Politicam, diuinis reuelationibus, oraculis, concionibus, sententiis, legibus, studiis, sustinuerunt atque excoluerunt: donec appropinquantibus finiendi sceptri Judaici temporibus, humanarum traditionum mole & *superflua diligentia* (περιεργία) *grauitas ciuilis tractationis* (τὸ πολιτικῆς περὶ γυμνασίας) obscurari minuique cœpit.

Hinc summi atque vnici Prophetæ Jesu Christi doctrina sonuit, quæ Scripturis Nouo Testamento comprehensis totam doctrinam ciuilem repurgauit, atque fundamentis idoneis denuo constabiliuit.

Est enim omnino tota doctrina ciuilis, quatenus ad vitam socialem bene beateque degendam refertur, accurate in Scr. vtriusque Test. & copiose tradita. id quod adeo verum & obseruatu dignum est, vt Ecclesiastici Scriptores nonnulli monstrent, Ethnicos auctores, quidquid in philosophia, præsertim practica, boni habent, ex S. litteris transcripsisse. Quod ita tamen capiendum est, ne interim illud negetur: Rectæ rationi & intelligentiæ humanæ inscripta esse βίαι πολιτικῆς siue ciuilis vitæ decreta & leges.

Modus porro tradendi, propagandi, conseruandi doctrinam ciuilem, varius sane & multiplex fuit: Simplicissimus & antiquissimus; quando rationis bene institutæ dicta-



to (cui apud Sanctos Heroas aliquando acce-  
debat diuini oraculi inspiratio) in operibus  
potius politicis, quam regulis & legibus;  
agendoque potius, quam docendo Politica  
exercebatur.

Proxima Legislatores occupatio fuit.  
Leges enim ferre, siue legibus remp. conde-  
re, opus est *maxime ciuile* (πολιτικώτατον,) at-  
que in se pleraque alia continet. Hic Mosis  
νομοθεσία principatum ducit: quæ hoc nomi-  
ne laudatur explicaturque, vt ante cœpimus  
innuere, apud *Eusebium Preparatione Euangeli-  
ca octaua. Joseph. contra Appionem, Philonem*  
passim. Apud profanos populos Minos, *Plutarch.*  
Solon, Lycurgus, Zaleucus, Charondas Lla- *in vit. &*  
tores Πολιτικώτατοι celebrantur. Qui cum *Diog. Laërt.*  
legem Mosis diuinitus datam forte accepis-  
sent, ipsi quoque diuinitatis speciem suis legi-  
bus accommodauere, sicut autumat *Clem. Alex-  
andr. Stromate I.* de quo commento pagano-  
rum memorabilis extat digressio *Strabonis*  
*XVI. γεωγρ.*

Et quoniam itidem *praua imitatione* (καρ-  
γελία) quadam gentis sanctæ sacerdotium  
cum regno & ciuili functione junxerunt plu-  
rimæ gentes: vt operibus politicis legibus-  
que & imperio aliquid sanctitatis concilia- *vid. Bris-*  
rent: itaque hoc loco non omittendum est, *son. de regn.*  
Politica doctrinæ auctoritatem atque magi- *Perf. de Ma-*  
sterium aliquando penes Sacerdotes fuisse. *gi. Jul. Caf.*  
Sic (vt de Hebr. & S. Scripturæ exemplis ta- *de B. Gall.*  
ceamus) Assyriorum & Persarum Magi, *VL. 13. Phil.*  
Celtarum Druides, præter sacram functio- *Cluuer. in*  
nem, *Germ. an-  
tiq.*

nem, ciuiliū rerum consulti siue Politici fuerunt.

Alii Oratorum officio tituloque politicæ disciplinæ professionem apud antiquas gentes accommodarunt. Qua de re locus est valde eximius *Ciceronis I. de Inuent. 2.*

Vñ autem sunt Gentiles (cum iis vera orationum disciplinarumque, quibus humanitas vitæ continetur, ob ignorationem S. litterarum non innotuisset) istis coniecturis siue hypothesibus: Primis & rudibus forte sæculis, ob indigentiam rerum, & metum iniuriæ, agrestes populos in ciuilem cætum formamque coiuisse; ingenioque præsertim alicuius hominis *ad regendum apto natoq;* (ἡγεμονικῶ) statum accepisse. Sicut, præter *Ciceronis* & aliorum loca, vel *Polybii* digressio *lib. 6.* ostendit. Itemque (vt cum *Tacito* nunc loquamur *ex III. A. 26.*) *vetustissimos mortalium nulla adhuc mala libidine, sine probro, scelere, eoque sine pœna aut coercitionibus egisse; neque præmiis opus fuisse, cum honesta suo pte ingenio peterentur; & ubi nihil contra morem cuperent, nihil per metum vetari debuisse: adeoque nec legibus, nec imperio, aut vlla politica arte opus fuisse, cum Politica naturalis, vt sic loquar, cœnium fuerit animis insita.* Quæ partim à veritate remota sunt, partim non nisi ad vmbra[m] quandam veri aut comparisonem referri queunt.

Hoc interim satis apparuit etiam Gentilibus; Politicæ disciplinæ auctores, quocunque nomine fuerint, Heroico ingenio officisque vsos esse, vnde non alius sollennior  
titu-

titulus, in honoribus Heroicis, quam institutio ciuitatum, descriptio legum &c.

Sed veniendum est propius ad monumenta Politicæ disciplinæ, non tam opere actumque demonstrata, quam litteris perscripta. Hic neminem mirari velim, si antiquissimos Poëtas in censum primorum auctorum Politicorum retulero. Non intelligo nunc Dauidem aliquem (nam de S. monumentis ante dictum est) sed profanos poëtas. quorum fabulæ de diis deabusque quid sunt aliud, quam historiæ regnorum, & exempla politica rerum bene vel secus in ciuili societate gestarum? Sic in Osiride totam πολιτείας siue reip. formandæ regendæque *descriptionem, tractationem περὶ γυμνασίαν* inesse, vel *Syneſi Fabula Ægyptia, siue libri de Prouidentia*, demonstrant. Quo accedit character scribendi pragmaticus & politicus, siue ad institutionem ciuilis disciplinæ comparatus. E.g. Homero, ad quem præcipue hic respicimus, quid πολιτικώτερον? Vide *Horatii* iudicium de Homero poësi *Epistol. II, 2.* Mos in Epico & Tragico inprimis carmine mansit. (Ouid. *Metamorph.*)

Antiquiores enim & hi modi fuerunt tradendi Politicen: per carmina, per parabolas, sententias, prouerbia, symbola, typos; sicut tum ex S. tum ex profanis libris constat.

Tempore Socratis nondum fuere, qui exquisitius & ad formam exculti studii Politica meditarentur; plerisque physica & mathematica tractantibus, atque de ratione offi-

ciorum vitæ parum cogitantibus. Socrates ergo primus *ὁ ἐν βίῃ* differuit: hominesque ad studia ciuilia tractanda assidue excitauit, sicut *Laërtius in vita Socratis* testatur.

Et quanquam scripta non reliquerit, imaginem tamen philosophiæ eius habemus in *Platonis* operibus politicis: inter quæ eminent *Libri XII. de ll. & Libri X. de Rep.* Sunt illa opera suauius quidem & reconditæ eruditionis sapientiæque, sed in quibus politica genere disputandi non admodum politico, adeoque practica *more contemplationis & speculatiue tractationis* *θεωρητικώτερον*, quam vsus vitæ postulat, tractantur. Platonem ergo nemini in Politicis ducem commendare possumus, nisi qui imbutus jam prudentiæ mysteriis sciat tam censorem quam lectorem agere.

Perfecti ergo operis Politici gloria relicta est *Aristoteli*: cuius admirabili ingenio Deus studia Tertiæ Monarchiæ, quam vocant, siue summi Græcorum imperii, ornauit instruxitque. Hic plenum perfectumque opus molitus, Ciuilis doctrinæ partem generalem, in Ethicis præsertim Nicomachicis, profluenti faciliq; eloquentia pertractauit. Politica autem proprie sic dicta (*τὸ πολιτικὴς* generaliter sumptæ partem specialem alteram) incredibili grauitate, breuitate, arte conscripsit:

(Dictum hac occasione est 1. de numero librorum operis Politici. 2. de charactere dictionis & scripturæ. 3. de perfectione *τὸ φιλοσοφίως* in hoc opere. 4. de commentatoribus.)

adiecit

adiecit etiam Oeconomica, ē partibus ciuilibus doctrinæ specialibus alteram.

Aristotelis propositum cum totius Scholæ Peripateticæ auctoritate excepit *Theophrastus*: qui diuina quadam suauitate multa elegantissima opera politica, etiam systematica, scripsit: sicut catalogus *Laërtio* annotatus demonstrat. (adde *Joh. Meursii Theophrastum*.)

Post *Theophrastum*, *Demetrii Phalerei* duo libri *de politica* *ὑπὲρ πολιτικῆς*: itemque *Antisthenis* opus *ὑπὲρ νόμου ἢ ὑπὲρ πολιτείας*, de lege siue de republica, celebrantur. *Laërtius* in vtriusque vita.

*Stoica schola*, inde à magistris, Zenone & Cleanthe, philosophiam practicam, sub titulo & locis officiorum vitæ, *ἡ κατ' ἡμετέραν*, satis quidem subtiliter & elate tractauit: sed interdum minus accommodatè ad remp. in argumentis politicis versatur; aut disputationibus de summo hominum fine immoratur; aut quæstiones de virtutibus concise persequitur. Multa tamen hinc salubria petas; Et sicut comprehensio argumenti politici, methodus, dispositio, connexio, propriè Aristoteli debetur: ita grauitas sententiarum, pondus & species collectionis, non parum Stoicorum granditate loquendi *μεγαληγορία* iuuatur.

*Academici* quoque in philos. pract. *ἡθικά-πρῶτοι* quam *πολιτικῶ-πρῶτοι*, locis Ethicis magis dediti, quam tractationibus politicis, quas pressè sic vocamus, comperiuntur. (vid. *Cic. Acad. quæst.*)

*Pythagorica Schola* mathematicis potius & physicis occupabatur, sicut discere licet ex *Gell. Noct. Attic. 1, 5. Ouid. metamorph. XV, 2.* Ciuilia tamen, sub imaginibus, symbolis, figuris, ænigmatibus tradiderunt.

Migrauit autem apud Græcos professio Politices in Scholas Sophistarum (ita, vocabulo in bonam partem accepto, eloquentiæ doctores vocabantur) & Rhetorum. Hinc *Ῥητορικὴ καὶ πολιτικὴ* cathedra politica Athenis celebris erat. Videndus omnino *Cresollus in theatro Rhetorum 1, 3.* Certe ex quo eloquentia cœpit florere, studia Politices, sicut apud Græcos, ita post apud Latinos, cum eloquentia, indiuiso studii nexu copulabantur.

Creuerunt porro, sicut alibi notamus, cum augmento imperii: decreuerunt, cum respublica siue imperium minui inciperet. Quid, quod enecta super alias gentes imperii potestate, victori populo, studiorum gloria vindicata est, victarum autem gentium nomina præumbrante vnus fama delituerunt? Sic Græcorum studia vnice celebrantur, cum eorum Principatus emerget.

Inde cum Imperii maiestate ad Romanos translata est studiorum gloria: qui Græcis eam laudem veluti eripuerunt. In politicis *Cicero* duo potissimum opera scripsit: vnum ad imitationem Platonis, *Libros sc. de Republica*; alterum ad imitationem Stoicorum, *Libros sc. de Officiis*. Hunc enim librum vere politicum esse, in quo Ethica dogmata ad exempla nego-

nego-

negotiaque politica accommodantur, alibi *v. præfat. nostr. in*  
ostendimus. *Officia Ambros.*

De cetero viri politici maluerunt ad scribendum, historias, orationes, theses ac hypotheses politicas, tractationes materiarum singularium &c. quam præcepta, & formam disciplinæ artisque eligere.

Scholæ politicæ, cum studiis eloquentiæ, sub eiusdem disciplinæ auspicio, pari passu ambulabant: exempla Græcorum, & consuetudo docendi discendique cum ipso Athenæi (auditorii) nomine Romæ valebant. Qua de re aliquid attigimus in *dissert. de eloq. Politici.*

Post conuulsum plane imperium Romanum, horum studiorum decus & vigor, qui hætenus subinde minuebatur, decessit. Hinc silentium & pausa omnis accuratioris litteraturæ, usque ad tempora Scholasticorum doctorum, qui ex Philosophia practica disputationes quasdam de iustitia & jure sectati, itemque de supremo hominis fine, etiam circa virtutum officia, satis spinose interdum & perplexe, cetera negligebant.

Cum instaurari cœpissent studia, plerique magnorum virorum commentariis in Aristotelem & Platonem scribendis occupabantur; aut dissertationes componebant de singularibus argumentis politicis. donec post Bodini, Andreae Fricii, Gregorij Tholosani &c. Systemata ingens cupido & certamen Politica scribendi systematicè sæculum inuasit, & usque ad pauseam ac ineptias in hunc diem

diem increuit. dum qualicunque methodi siue ordinis nouitate (quæ tamen sæpius scribentis ingenio, quam discientium vsui congruit) abique doctrina aut solidioris propositi sapientiâ, non pauci valde sibi animaduertuntur placere.

Ex qua diuersitate temporum, & comparisonem cum melioribus sæculis, apparere potest: plerosque studiû politici modum hodie metiri præceptionibus potissimum & libris Systematicis; contra morem & mentem veterum: qui tractationibus politicis jam ad certa argumenta accommodatis & in rem præsentem traductis; itemque historiæ (quæ verissima studiû Politici palæstra est) præcipue operam dabant, præceptis non nisi vsum *ὑπομνημάτων*, vt commentariorum fungerentur ritu, siue locorum & librorum memorialium, assignabant.

Sed de his aliàs. Neque enim nunc constituimus agere de iis, quæ ad studium Politices pertinent, & quomodo tractari debeat. Factum à nobis est, & fiet, si Deo visum fuerit, alibi. Nota sunt etiam eruditorum consilia & labores: *Colexi Epistola, de studio Politico; Clapmarij nobile triennium*; ceteraque scripta ab Editoribus Amstelodamensibus in vnum volumen conducta, sub titulo, *Consiliorum & Consultationum de Studiis &c.* In transitu commendamus Studiofis Politices exemplum Augusti, de quo *Dionis historia*: τὰ πολιτικὰ ἔργα ἐδιδάσκοντο ἰσχυρῶς. politica, & que ad impetrandam pertinent, docebatur solide & valide. Nul-  
lum



lum enim maius certiusque hodie profectus politici impedimentum, quam superficialia illa tractatio horum studiorum, qua fit, vt præceptis & regulis quibusdam, locisque exemplorum communibus, oretenus instructi, plerique solidis artibus politicis animum non accommodent. Vide, si lubet, *dissert. nostr. de Polik. Lips.*

Quantum ad propositum harum dissertationum attinet, non est nobis constitutum, agere actum, & nihil aliud quam conducere & repetere aliorum labores. Verum, nec de noua aliqua forma methodo que multum erimus solliciti. Solidioris disciplinæ specimen præcipuus nobis laboris terminus: ad quem ita contendemus, vt per amplitudinem Politices vniuersæ, delectis argumentis nobilioribus, primum quæstio juris, ex diuinis humanisque litteris confirmetur; deinde tractationis siue *ὑποχειρήσεως ἢ προέξεως πολιτικῆς* ratio & artificium in exemplorum exquisitorum explicatione demonstretur: qua occasione intelligetur, quomodo possint ac debeant ista ad varios ciuilis vitæ vsus apta oratione conformari. Inter quæ, & ad hunc usum, laudabimus atque ad notitiam nostram vocabimus Scriptorum antiquorum & recentium præcipuos: in quibus *Tacito* & *Li- nio* hunc honorem habebimus, vt tum in iis, quæ communis philosophiæ politicæ sunt; tum alterum, præcipue in rebus ad monarchiam spectantibus; alterum, in liberarum & mixtarum formarum *πολιτείας* in occasio-  
nem

nem nostri propositi adhibeamus. Cuius disciplinæ ratio, in re præsentī, quod Deus faxit! apparebit.

## DISSERTATIO II.

*De Discrimine Honestorum &  
turpium, utilium item  
& noxiorum.*

*Ad loc. Tac. IV. A. 33.*

4. *Annal.*  
33.

**I**N hoc tota institutionis & intelligentiæ politicæ ratio summatim continetur. Officium enim hominis ciuile est, vt intelligat & eligat, quæ honesta sunt & utilia; scilicet vt scopus vitæ civilis seu felicitas per honestas & utiles actiones obtineatur. Huc respexit *Tacitus*, cum de studio Politico nobilem locum ita claudit: *Pauci prudentia, honesta ab deterioribus, utilia ab noxiis discernunt; plures aliorum euentis docentur.* Hæc nobis huius dissertationis materia esto.

Hic locus continet 1. *impedimenta prudentiæ politicæ* (quæ est in discretionē honestorum & turpium, utilium & noxiorum.) 2. *instrumenta & præsidia.*

## Impedimentorum

1. Primum est *naturæ humanæ imbecillitas*. Licet enim discretio honestorum & turpium ingenita hominibus esse videatur, tamen illud lumen non pertingit ad omnia, & facile obscuratur, sicut seq. docebunt. *Seneca IV. de benef. 17.* ait: *Maximum hoc habemus naturæ meritum, quod virtus in omnium animos lumen suum per-*

permittit; etiam qui non sequuntur eam, vident. Sed Epistola 120. explicat & restringit, cum disputat, quomodo ad nos prima boni honestiq; notitia pervenerit. Hoc nos, inquit, natura docere non potuit: semina nobis scientiæ dedit, scientiam non dedit. Etiam Cicero de ll. I, 10. & II. disputat quidem: *jus natura constitutum esse; justos natura nos esse factos; non esse quenquam gentis ullius, qui ducem naturam nactus ad virtutem pervenire non possit.* Sed fatetur naturam depravari, sicut mox dicetur. Christiani ex historia corruptionis humanæ sciunt amplius, quanta sit non minus intellectus humani in judicando imbecillitas, quam voluntatis in eligendo depravatio. Etiam in ciuilibus. præsertim quoad casus speciales, & exempla particularia. Quo fit, cum d'ibitur, honestum ne factum aliquid sit, an turpe, *ut sæpe animi in contrarias sententias distraherentur.* verbis Cic. ex I. offic. 3.

Vide omnino Cl. Hornei. lib. 2. Eth. cap. 2.

2. Accedit Depravatio naturæ. non enim intus modo contumacia appetitus obluetur intellectu, eumque rapit ad lubidinem suam: sed præsto sunt etiam prava educatio, consuetudo, exempla; è quibus nata improbitas nihil patitur in discernendo honesto à turpitudine, liquidum, sincerum, perfectum. Eximia hic sunt loca Ciceronis de ll. I, 10. Depravatio consuetudinum, opinionum vanitas, imbecillitatem animorum torquet & flectit, quocumq; cœpit. Et cap. 12. tantam esse, ait, corruptelam malæ consuetudinis, ut ab ea tanquam igniculi extinguantur natura dati, exorianturq; & confirmantur

2.

mentur

mentur vitia contraria. Quod si, quo modo est natura, sic iudicio homines, humani (ut ait poeta) nihil à se alienum putarent, coleretur jus aque ab omnibus &c. Et Tusc. quæst. III, 1. Natura parvulos nobis dedit igniculos, quos celeriter malis moribus opinionibusq; deprauati sic restinguimus, ut nusquam natura lumen appareat. Sunt enim ingenii nostris semina innata virtutum: quæ siadolescere liceret, ipsa nos ad beatam vitam natura perduceret. nunc autem, simulatq; editi in lucem, & suscepti sumus, in omni continuo prauitate, & in summa opinionum peruersitate versamur: ut pæne cum lacte nutricis errorem suxisse videamur. cum vero parentibus redditi, demum magistris traditi sumus, tum ita variis imbuimur erroribus, ut vanitati veritas, & opinioni confirmata natura ipsa cedat. Sic apud Persas, Medos, Indos, Æthiopas, incesta matrimonia honesta & licita habebantur; quæ tamen inhonesta & illicita esse naturalis pudor clamat. Si quæris causam, prauam educationem & consuetudinem tibi assignabit Dio Chrysostomus orat. 20. Idem de nonnullarum gentium latrociniis iudicandum est. vid. Justin. XLIII, 5. & adde notam; itemque Bodinus de Rep. lib. III. cap. 7. Ad prauam educationem refer etiam varios Scriptores, qui honestatis speciem rebus parum honestis induunt. Non dicam de Machiauello, & nonnullis eorum, qui de ratione status animosius quam par est philosophantur: quotusquisque ex iis, qui sanctiorem Politices institutionem profitentur, non immiscet ea artibus politicis, quæ flagitiorum & nequitiarum

tiarum nomine signari debebant. Accedunt figuræ poëtarum, oratorum, denique omnium eorum, qui hypothefi fuæ fcriptionis inferuientes, à feria philofophia, licet non animo, ftilo tamen aut artificio difcedunt. Neque fruftra Cicero loco antè laudato erroris *Tufc. quæft. III, 2.* circa difcrimina honeft. & turp. etiam poëtas auctores facit: *hi, inquit, cum magnam speciem doctrinæ fapientiaq; præ fe tulerunt, audiuntur, leguntur, edifcuntur, & inhaerefcunt penitus in mentibus.* Sed de poëtis quidem cauto legendis tractandifque *Plutarchus* peculiari libello *πῶς δεῖ τὸν νέον ποιημάτων ἀκρίβειν, quomodo iuveni audienda fint poemata,* explanauit. De cetero exempli gratia, fi quis legat illos Rhetorum ac poëtarum locos, qui apicem laudis, qui ex honefto petitur, ponunt in fama & gloria populari, in audacia militari, in potentia & imperio: nifi doctrina & iudicio feliciter vtatur, hauriet aliquid de fenfu prauæ opinionis. Et quanquam hæc ineruditis folidaque difciplina nondum firmatis fere accidant; mirari tamen licet, etiam magnos viros, admiratione nimia fcriptorum, & amore fententiarum, in fequiorea abreptos. Cato, *Appian. B. C. l. 2.* cum legiffet Phædonem Platonis, ad vim fuæ vitæ adferendam animatus eft. quanquam ille tum ex Stoicorum arroganti audacique philofophiâ libidinem moriendi hauferrat. Maius dabo exemplum. Lipfius lectione Senecæ præfertim, Stoicæ philofophiæ fententias, plus quam Chriftiana religio patitur, amauit, extulit, imitatus eft. Qua de re agit erudi-

eruditus libellus de *Idolo Hallensi*. auctor, qui nomen suum celauit, est *Petrus Denaisius Assessor olim Camera Spirensis*.

Ad hunc locum volumus referri, omnes illos errores in discernendis honestis & turpibus, vtilibus & noxiis, qui vel securitate arripiendi obuia, vel persuasione auctoritatis (id est, cum non tam ratio quæritur, quam auctoritas personæ spectatur) hominibus obrepunt.

3. Quanquam & in ipsis rebus est aliquid, quod cum honestum non sit, speciem tamen honesti mentitur. Illa (3.) *Falsa species*, & similitudo vitorum virtutes imitantium, discrimina honestorum & turpium euertit. *Seneca epist. 120. Mala interdum speciem honesti obtulerunt, & optimum ex contrario nituit: Sunt enim, ut scis, virtutibus vitia consinia & perditus quoq; ac turpibus recti similitudo inest: Sic mentitur prodigus liberalem &c.*

*Fallit enim vitium specie virtutis & umbra, Cum sit triste habitu, vultuq; & veste seuerum. Juvenal. Sat. XIV, 109. Quem locum expressit Prudentius in Psychom. vbi de vitio loquens, inquit;*

*Fit virtus specie, vultuq; & veste seuera. Exemplum Augustinus dabit de C. D. lib. 5. cap. 12. 13. 15. vbi ostendit, quomodo Romanis ambitio & cupido gloriæ specie laudis imposuerit.*

4. *Mutatur & variatur ipsa honesti natura:* Hæc natura variabilis non tantum locum habet in eo genere honesti, quod mediis rebus constat, & de quo per integrum locum com-

munem

munem ostendit *Corn. Nepos (præfat.) non eadem omnibus esse honesta atq; turpia*: Sed etiam in vera ratione officii. Hinc *Cicero 3. offic. 4. Sæpe tempore fit, ut, quod plerumq; turpe haberi soleat, inueniatur non esse turpe*. Ponit exemplum homicidii per se illiciti, sed cum tyrannus familiaris occisus est, laudandi. Et *cap. 25. Sic multa, quæ honesta natura videntur esse, temporibus fiunt non honesta. facere promissa, stare conuentis, reddere deposita, commutata vtilitate, fiunt non honesta*. In ratione vtilitatis hoc eo magis euenire solet, quia futura magis in incerto sunt: honestas statim & in præsens se prodit: vtilitatis perfectio in posterum speratur. Et commutata vnicâ sæpe circumstantiarum, quas vocant, consultum esse desinit, siue omittit rationem vtilitatis, quod alio habitu, aut conditione paululum alia, profuisse visum est: Huc pertinet illud *Othonis apud Tacitum 1. Hist. 83. Sæpe honestas rerum caussas, ni iudicium adhibeas, perniciosi exitus consequuntur*. Exempla ad vtrumque membrum, falsæ speciei scilicet, & mutabilis naturæ negotiorum. *Cicero de Catone ad Attic. lib. II. ep. 1. Cato, optimo animo vtens & summa fide, nocet interdum Reip. dicit enim tanquam in Platonis πολιτεία, non tanquam in Romæ face, sententiam*. Ponit deinde exempla. Præsertim imitatio exemplorum sæpe ancipitem similitudinis & vtilitatis coniecturam habet. Brutus & Cassius in occidendo Cæsare Julio secuti sunt exemplum & propositum Junii illius Bruti, qui Tarquinii eiectionis populo R.

libertatem peperit. Sed quam in hac imitatione aberrauerint, erudita dissertatione ostendit Vir Illustr. *Christoph. Forstnerus in not. ad Tac. l. A. 1.* Pompeius initio belli civilis, aduentante in Italiam Cæsare, imprudenter reliquit Romam: *Reprehendit ergo Cicero, quod Themistoclis consilium, non Periclis imitatus esset,* & *περὶ γυμνάτων τῶν τοις ὁμοίων ὄντων, ὅτε ἐκείνους,* cum rerum status huius temporis (Periclis) non illi (Themistoclis) esset similis. *Plutarch. in Pomp. adde Cic. ad Attic. VII, 11.* Tiberii consilium & dissimulationem (de quibus *Tac. l. A. 47.*) imitatus est parum feliciter Philippus II. Hispan. Rex in negotio Belgico. *Strada Dec. l. lib. 6. &c.* Poncetius Gallis suadet imitationem imperii Turcici, absurde apud *Thuan. 57.* Sic hodie multis in ore sunt Belgarum & Heluetiorum exempla: quotiens tumultus populorum in Principes exoriuntur. Sed hi non aduertunt, plane singularia esse illa exempla, neque facilia imitatu, etiamsi de jure non dubitaretur. Auctor vindiciarum contra Tyrannos, qui se appellauit *Steph. Junium Brutum* (est autem *Hub. Languetus*, quamuis *Hug. Grotius. in Apologetico aduers. Riuetum* alium existimet) exemplis Biblicis, multum dissimilibus, tanquam similibus utitur. Ex aliis quoque historiis casus ponit, casui illi, & negotio regni Gallici, ad quod totus ille liber spectat, multum dissimiles. de qua realias. Exempla igitur recte intellecta, & probe inspecta, tum accurate comparata, idonea sunt, quæ argumentum utilitatis præbeant.

Veni-



Venimus ad 5. impedimentum, quo discrimen honest. & turp. vtil. & nox. interturbatur. Id est *Error aliquis præconcep- tus; aut propositum vitiosum, principij & fundamenti loco, ut sic dicam, constitutum.* Julius Cæsar, cum semel statuisset omnia ad dominationem referre, multa fecit laude digna, nisi propositi vitio contaminarentur. Hoc est, quod *Plutarchus* acute dixit de reconciliatione Pompeii & Crassiper Cæsarem facta: *περὶ γὰρ καλὸν μὲν ἄλλως, καὶ πολιτικὸν, αἰτία δὲ Φαύλη.* *Honestum quidem alias & politicum factum, sed consilio improbe susceptum.* Plenus est principatus Tiberii talium exemplorum, quæ honestatis magnificam speciem præferunt: inspecta ad artes tyrannicas relata deprehenduntur. Hoc sensu etiam *Tacitus* noster dixit, virtutes non minus noxias esse, quam vitia, quotiens finguntur & simulantur prauos ad fines. *Industria ac vigilantia*, inquit, *haud minus noxia* (scil. quam vitia, de quibus præcesserat) *quotiens parando regno finguntur.* 4. A. 1, 5.

De falsis hypothesebus, & sententiis, grande est exemplum in Pontificiis autoribus rerum & scriptoribus. E.g. quia statuunt Principes Pontifici subiici, & Clerum esse supra Principes, nunquam aliquid sani aut sinceri de maiestate & potestate imperiorum produnt. Item quia pro Hæreticis damnant, quicumque diuersum in religione sentiunt; hæreticos porro igne ferroque extirpandos iudicant; denique ne fidem quidem hæreticis seruandam clamitant: omne iudicium politi-

cum de discr. honest. & turp. ut & nox. corrumpi peruertique necesse est. neque enim ciuilis aliqua tranquillitas, neque vitæ socialis humanitas, neque adeo præcipuus finis honestarum & vtilium actionum relinquuntur. Extat *Judicium Antonij Posseuini de scriptis Bodini*. In eo reprehendit (1.) quod in methodo historica, Lutherum, Caluinum, Melanchthonem, ceterosque nominet honorifice *Historicos*; item Peucerum, Carionem & alios vsurpet ad faciendam fidem, qui & hæretici fuerint, & turpissime in historiis lapsi sint. (2.) quod in catalogo histor. tanquam manu ad libros quosque hæreticos, atque pestilentes Magdeburg. centurias tractandos lectorem ducat. (3.) quod Pontifices & Sacerdotes sub imperio magistratuum dicat contineri. (4.) quod Platonis & Xenophonis probet institutum, qui magistratib. reip. causa mentiri permittunt. (5.) quod neget Pontifices habere imperium, vocationem, prætensionem, viatorem aut lictorem. (6.) quod Pontifices grauissimis censoribus egere statuatur. (7.) quod in libris de Rep. dixerit, hæreticos ferendos; (8.) Remp. Ecclesiasticam (i.e. Principatum Papæ) non commendauerit tanquam exemplar nobiliss. reip. & similia multa.

Sic qui semel animo aut affectu tenendum decreuerunt; Imperium Rom. German. inde à temporibus aureæ Bullæ esse adhuc vere & proprie Monarchicum, omnemque maiestatem residere in persona Imperatoris, longe aliter

aliter judicabunt de rebus ad jus & statum publicum spectantibus; quam ii, quibus ve-  
rior sententia arridet.

6. Impedimentum est capitalis ille error, quo honestum ab utilitate seiungitur. Platonis & Aristotelis constans sententia fuit, nihil utile habendum, nisi quod honestum esset: quod confirmat Cicero pleraq; parte lib. 3. offic. non quod honestatis ratio ab utilitatis ratione plane non differat: sed quod opponi sibi inuicem aut disiungi non debeant, quæ fine & serie quapiam naturali humani actus coniunctissima sunt. Recte Socrates (sunt verba Tullij lib. 1. de ll. 12.) execrari eum solebat, qui primus utilitatem à natura seiunxisset. id enim querebatur esse caput exitiorum omnium. Hic alii dicunt: nihil esse iniustum aut inhonestum, quod utile. alii: quoties pugnant ista, fas esse, ut vincat utilitas. alii moderatius: utilitati non quidem plane cedere, sed seruire interdum debere honestatem. Vide omnino Hug. Grot. prolegom. in libros de Jure Bell. Atque vtinam gentilium intra scholas ista substitissent. Sed inter Christianos quoque venenum blandi eius erroris peperit Machiaulli Politicam: quam plurimi sequuntur opere, qui ore detestantur. Sed de hac re alibi, cum de ratione status agemus.

Aduersus ista studii Politici impedimenta, siue errores, præsto sunt remedia, siue instrumenta prasidiaq;, quibus discrimen honest. & turp. util. & nox. in solidioris disciplinæ formulam vindicatur.

## Instrum entorum

quædam suppeditat locus Taciti præmissus:  
quædam addi debent,

In Tacito 1. occurrit *naturalis prudentia* siue *Judicium Practicum*, quod ingenio Practico sc. proprium est, *Cominaus sine libr. 3. Memorabile omnino donum Dei est, ingenio dextro dotari quempiam & perspicaci.* De tali ingenio diximus in *commentar. Nepot. & alibi.* Vis eius cernitur in judicando rectissime de præsentibus, in callide coniiciendo de futuris, in perite eligendis maxime accommodatis. Pertinet huc grande illud: *temporibus seruire, & iis sapienter uti.* *Corn. Nep. in Epam. c. 2.* *Necesse est enim sæpe temporibus potius parere, quam moribus.* *Cic. Philipp. II. c. 11.*

2. Historia, pragmatica scilicet & cum iudicio scripta. de qua alibi: adde *Lips. 1. polit. 9.*

His adiicimus 3. *Philosophiam siue doctrinam & eruditionem.* Huc proprie enim spectat dictum Platonis Ciceroni quoque laudatum ad *Q. Fr. lib. 1. ep. 1. cap. 1.* Tum deniq; fore beatas respublicas, si aut docti ac sapientes homines eas regere cœpissent, aut ij, qui regerent, omne suum studium in doctrina ac sapientia collocassent. Doctrinam intellige solidam, cordatam, generosam, de cuius rationibus alibi ad *Tac. IV. Hist. 5.* de studiis *Heluidij.* In doctrina huc spectante seorsum requiritur accurata cognitio eius, quod *ἡ δαίμων* Græci vocant, siue publicæ felicitatis, bonique ac finis ciuilis, quæ notitia respectu ceteri studii politici est vere *moderatrix & princeps.* *δὲ χρηστονική.* *Lege*

omni-

omnino quæ de studiorum in vita ciuili & imperio vtilitate disputat *Comineus lib. V. cap. 18. edit. Barth.*

4. Theologiam, quæ partim è Scriptura S. partim è scriptis Theologorum, iudicium plenius perfectiusque informabit; tum voluntatem inflammabit potentius ad virtutem & probitatem; sine qua ciuilis vita infelix. Rursum vide *Comineum lib. 5. Adde Il Politico Cristiano del M. Virgilio Maluezzi.* Nomina- tim hic etiam commendamus *Basilij Magni orationem ad iuuenes, quomodo scripta gentilium cum fructu legere debeant.* Et *Augustini opus de Ciu. Dei.* ob rationes in dissertatione ipsa ex- positas.

### DISSERTATIO III.

*De jure & ordine imperandi  
parendique: adeoque de Ma-  
iestate & obsequio ciuili.*

*Ad locum Taciti VI. A. 8.*

**V**Bi Terentius Senator ad Tiberium: *Tibi summum rerum iudicium Dñ dedere: nobis obsequij gloria relicta est.*

Inter ea, quæ natura, iubens discernere honesta à turpibus, vtilia ab noxiis, homini suppeditat, est vel maxime ille ordo impe- randi parendique. Estque hic ordo juris na- turalis, gentium & diuini. *Naturalis* (1.) ex appetitu ordinatæ societatis. (2.) ex appetitu

X 4 eorum,

eorum, sine quibus finis societatis obtineri nequit. (3.) ex analogia harmoniæ in non-rationalibus. *Gentium*; quia consensu earum hic ordo probatus & pro necessario ac utili habitus. Vnde & *Jus civile* illum ordinem suo statui accommodavit. *Divini*, 1. quatenus jus illud naturale & sociale, licet profluat ex principiis homini internis, Deo tamen, cuius ista lex in cordibus humanis est, merito tribuitur, ut auctori. 2. quatenus illa principia, de affectu & ordine sociali, lata lege, & historiâ sacrâ, declaravit promulgavitque.

*Vid. Lips. 2. polit. 1.* Sed de his Politici abunde, cum de Ciuitate & Rep. tractant: tum Theologi in loco de Magistratu Politico.

Seq. Explicatio loci præscripti. 1. paraphrastica juxta orationis seriem. 2. cum accommodatione ad nostrum propositum.

## I.

Summum rerum judicium siue  
Potestas ciuilis.

*Quæ & Maiestas* dicitur. Maiestas 1. priscis quidem sæpius pro dignitate, eminentia, reuerentia, magnitudine, auctoritate ponitur. Hinc maiestas oris vultusque, maiestas consulum, maiestas matronalis, maiestas imperiî R. (sic *Lips. 2. polit. cap. 16.* de maiestate tractauit.) 2. coniungitur potestas & dignitas, siue imperium & dignitas, quando e.g. de Lege maiestatis agitur. Ita *Cic. 2. de inuent. 17. & 18. Partit. orat. 30. pro Rabirio* & alibi. 3. Recentiores summam potestatem hoc vocabulo notant.

notant. Secundæ significationis complementum ex interiore philosophia dedimus *dissert. de Auss. Reg. cap. 2. §. 3.* Sit nobis nunc in tertia signif. maiestas, summa ciuilis potestas, cuius actus alterius juri non subsunt, ita vt alterius voluntatis humanæ arbitrio irriti possint reddi. *Grot. de jur. bell. 1, 3, 7. Grafwinckelius de jure maiestatis cap. 3. & 4.* Quanquam accuratius de hac materia philosophari cupientibus semper in potestate ipsa respicienda erit summa dignitas. Romanis Scriptoribus: *rerum summa, summum imperium, arbitrium rerum omnium, vis imperij, jus imperij.* quo etiam *summum rerum iudicium* in loco præscripto referri potest. Græcis: τὸ κύριον, ἢ πρῶτη ἀρχή, τὸ ἀντεχέσθον, ἢ τὸ ὅλων ἐξουσία &c. Hæc est potestas totius ciuitatis; sed subiectum proprium mutat pro diuersa Rerump. forma. Vide *Bodin. de Rep. 1, 8. Arnif. de I. M.*

Originem maiestatis reuera à Deo repetendam, licet hominum accedat opera, ex S. litteris certum est. Vtrumque Apostoli in N.T. expresserunt: Paulo *Rom. 13, 2.* summa potestas dicitur *Ἀρχὴ τῆς θεῆς ordinatio Dei*: Petro eadem *ἀνθρωπίνῃ κτίσει, humana ordinatio*, vocatur *Epist. 1, 2, 13.* Res est manifesta, de diuino auspicio & constitutione, humana vero opera & ministerio. Sed interpretatio diuersa disputandi locum dedit. Sicut enim nemo negare audet, summam potestatem à DEO esse (quod accurate probat *Theod. Grafwinck. de jur. maiest. cap. 1.* Et quomodo id Ethnici etiam agnouerint, monuimus *dissert.*

*vid. Gerbi  
Comment.  
in b. l.*

de Aufp. Reg. Tacitus noster; Deos dare summum rerum Iudicium Principibus.) ita eandem à populo esse, dici quidem posset, si citra quæstionem veræ originis, eo sensu, quem notauimus; tum citra hypotheses inde nimis animose deductas, id fieret. Steph. Jun. Brutus in Vindic. contra tyrannos (quæst. 3.) ita colligit suam de hoc argumento philosophiam: Omnes reges (e.g.) regiam dignitatem à populo accipere; adeoque populum vniuersum rege potiore & superiore esse: regem regni, imperatorem imperij supremum tantum ministrum & actorem esse, populum vero verè dominum existere. Sicut autem de quibusdam regibus & imperantibus verum est, ita de omnibus, ac de suprema potestate vniuersè affirmare, quod & prorsus à populo sit, & penes populum semper resideat, temerarium est. Exempla, quæ ille auctor adfert, partim non agunt de talibus regibus, quibus suprema potestas ciuilis & maiestas vere ac plene tradita est: partim ceremonias inaugurationis, acclamationis, gratulationis cum originaria creatione ac constitutione regum confundunt. Hinc nata occasio Cl. Grafwinckelio (de I. M.) disputandi: summa potestatis originem non recte ad populum referri (cap. 2.) & summam absolute potestatem supra populum esse; cap. 7. Ante Grafv. hoc egregie demonstra- uerat H. Grotius de I. B. lib. I, 3, 8. Adde Gulielm. Barclai. aduersus Monarchomachos III, 7.

Ex diuina origine Maiestas trahit aliquid diuini: sancta, inuiolabilis, DEI vicaria in terris, DEO vni secunda. sicut infra denuo mone-



monebitur: & alibi late tractatum à nobis est.

Distinguitur vulgo Maiestas in realem & personalem, quod illa sit imperii, hæc imperantis: quæ distinctio satis tolerari posset, nisi quædam annecterentur consuetudines, non ferenda. E. g. quod etiam in regno pleno & absoluto maiestas realis maneat populi; adeoque maiestas imperantis semper obstringatur maiestati imperii &c. Quæ scilicet congruunt sententiis, quas merito refutatas modo diximus. Itaque doctissimus *Grafwinck*, de *I. M. cap. 10. & 11.* distinctionem illam aliter explicat, ut desinat maiestas realis, ut primum in personam collata est maiestas: marcente autem reali maiestate, personalis vera maiestas nulla sit, sed imago eius, respectu administrationis & curationis. &c.

Repugnat maiestatis naturæ, quidquid est fiduciarium, precarium, curatorium. Tales sunt omnium magistratuum potestates, dictaturæ &c. utcumque specioso sui operis jurisque titulo præfulgeant.

Refertur autem summa illa potestas vnice ad Reip. salutem, neque quidquam priuati habet. Hæc est anima reip. & spiritus vitalis, & vis architectonica. Hinc auspicia pignoraque imperii fas est repeti. Ad hanc prouocat Resp. quoties metuit, ne quid resp. detrimenti capiat. (Explic. vetus illa formula, de qua *Sallust. Catil. 29. Cas. bell. Ciu. 1, 5*) Ita enim discretis verbis interpretatur illam formulam *Cicero pro Rabir. 7. operam darent Coss. ut imperium populi*

*puli Romani maiestasq, conseruaretur.* Maiestas sui est, & reip. tutela &c.

Ex maiestate oritur (siue potius, eius pars est) *Dominium eminens ciuitatis aut eius, cui ciuitas suum jus tradidit in res & personas singulorum, boni publici causa.* Sic in res singulorum maius est Dominium regis, ad bonum commune, quam dominorum singularium: sic reip. quisque ad vsus publicos magis obligatur, quam creditori. *Græc. de I.B. I, 1, 6.* Inteligitur enim quisque eo ipso, quod pars ciuitatis esse voluit, obligasse suam voluntatem, seque ac sua omnia, in vsus communis.

Hinc etiam, tanquam ex arcano maiestatis sinu, progignitur, quidquid est juris ac rationis in Ratione Status, quam vocant. de qua alibi.

Maiestas, res sancta & in terris summa verique diuina, in communi disquisitione facile audaciam curiosius rimantium absterret: sed cum in turbam degressa est, in speciali illa consideratione, quatenus in Regnis aut liberis Reip. formis viget, multa temeritate curiosæ disputationis tentatur: sicut infra patebit.

*Repet. verba Taciti.*

Manet ergo, vt Tacitus nobis sua denuo verba mutuetur, maiestas *summum rerum Iudicium Principi à Deo datum*: summum, jure diuino & humano; summum, quia summæ i. e. diuinæ potestatis imaginem & officium refert: summum in statuendo, prouidendo & discernendo; itemque in efficiendo, agendoque;

doque; vnde ap. *Sallust. (Catil. 29.) imperium atq; iudicium summum* coniungitur: summum denique potestate & dignitate, siue potius vi potestatis atque dignitatis singulariter permixta.

Deducerent nos jam verba Taciti ad Maiestatem Rom. Principis. Sed de ea rectius agemus infra, vbi Regnorum præcipuorum in mundo historiam politica *ἑκκεῖσι* prosequemur. Nunc de

## II.

## Obsequii gloria, siue de Ciuili obsequio.

*Obsequij* vox 1. *obligationem* suppeditat, qua cuius summæ potestati obligatur ad omnia, quæ finis ciuitatis, in fruendo jure & vtilitatibus communibus positus, requirit. Hanc obligationem niti jure diuino, & natura rationali atque sociali, prædiximus.

2. Obsequium ipsum est in *parendo & venerando*. *Parere* complectitur duo: (1.) ne resistatur aut obuiam veniatur summæ potestati. (2.) vt impleatur, agatur, omittatur, quod summa potestas jubet aut vetat. Vnum hic symbolum ciuium singulis: *mihi iussa capeffere fas est*. Quousque hæc pertingant, dicetur, cum de tyrannide & potestate regia agemus.

3. Obsequium reuerentiæ & venerationis ita explicat Tacitus, vt neget conuenire priuato & ciui, de placitis supremæ potestatis interpretando dubitare ac disputare. Pertinet huc,

huc, quod de disciplina militari Otho apud Nostrium dicit l. H. 83, 6. *Si, ubi jubeantur, quærere singulis liceat; pereunte obsequio, imperium intercidit.* Propius autem ad mentem sententiæ quam explicamus facit l. 3. C. de crim. sacrileg. *Disputare de Principali judicio non oportet: sacrilegij enim instar est, dubitare an is dignus sit, quem elegerit Imperator.* Capió sacrilegium politico potius quam juridico significatu; per colorem augendæ comparandæq; rei potius, quam proprio nomine signandi criminis. Confer text. parall. l. 5. C. de divers. rescript. & *pragm. sanct.* Hæc ratio sententiæ, qua religiones violari, sacra imperii, mysteria maiestatis attrectari dicuntur, sæpe vsurpatur in *criminibus maiestatis*, de quibus suo loco.

4. Ab hoc obsequendi officio nemo excipitur, nisi maiestas ipsa: quicunque in ciuitate viuit, neque summam eius potestatem accipit, licet administrationi eius speciose sit adhibitus, siue sacra siue ciuilia curet, obsequi ciuilibus vinculo sine summo scelere se non potest eximere. *Oppositio* Taciti hoc monstrat: & in oppositione *ordo*, in cuius serie omnia ab vno infra vnum descendunt, & ad vnum ascendunt. supra vnum nihil est. De quali flagitio Pontificis R. qui se suumque clerum eximere cupit, paulo post dicitur. *Vt & de iis, qui magistratibus quibusdam priuilegium non obsequendi constituere volunt.*

5. Imo in hoc obsequio *gloria* ciuilis viri versatur. Est quidem Gloria proprius maiestatis non obsequii character. vnde cum  
qua-

quadam figura politica gloria obsequij vnice relinqui ciuibus dicitur. 1. Eo genere gloria, quo laudantur, quæ in officio explendo recte fiunt. Est enim ciuis qua talis hæc virtus, vt legibus ciuitatis se attemperet, quarum summa & compendium maiestas est. Diximus alibi de *Ciuilitate*. 2. Eo genere gloria, quod promptitudinem, artem, excellentiam obsequii notat. Specimen in ipsa oratione Terentii Senatoris, vbi subtile illud paullo post nostram sententiam sequitur: *abditos Principis sensus & si quid occultius parat, exquirere, illicitum, anceps: nec ideo assequare*. Dixi etiam aliquid de arte obsequendi *annot. II. ad cap. 2. lib. I. A. Tac.*

## DISSERTATIO IV.

*De Juribus Maiestatis in genere,**De Potestate Legislatoria.*

**P**Ræfanda quædam de Juribus Maiestatis. Querela Bodini super breuitate & obscuritate veterum in hoc argumento. *lib. I. de Rep. cap. 10. non longe à principio.*

Querela & observatio Grotij de recentioribus (de I. B. I, 3, 5.) quod nostro saculo viri eruditi, quisq; ex vsu magis rerum presentium, quam ex vero illud argumentum exequuti, rem per se haud expeditam multo impeditiorem reddiderint.

Idem

Idem *Grotius* §. 6. *cap. prædicti*, bene & ad mentem veterum, reique ipsius naturam, colligit jura potestatis civilis.

Ad quæ referri possunt jura illa, quæ alii pæne in infinitum multiplicant: atque in maiora & minora distinguunt. Apud *Tacitum* nostrum summatim tanguntur l. A. 2, 2. ubi narratur, quomodo Augustus *insurrexerit paulatim, munia Senatus, magistratum, legum in se traxerit*; i.e. jura imperii & maiestatis sibi vindicarit. De quo loco alibi. It. 13. A. 49.

## I.

## Caput maiestatis, siue

*potestas Legum.*

Ad illustrissimam *Taciti digressionem de Legibus* III. A. 26. & 27.

1. Ratio ordinis ostensa.
2. Dissertatio distributa in *Explicationem Digressionis prædictæ*; & *Annotationem* quæstionum ac observationum huc pertinentium.

*Explicatio Digressionis Taciti.*

1. *Occasio Digressionis.*
2. Forma & tractatio est Historica: Traditur enim Legum tum aliarum, tum Romanarum historia; ab origine, progressu, incrementis sæpe immodicis.
3. Continentur tamen in hac historia quædam, ad naturam legum & finem, ad discrimina legum &c. pertinentia.

*Occasio habetur*

3. A. 25, 3.

Histo-

*Historia ipsa*

I. Exquirat *originem* LL. & juris. Quam Tacitus hoc l. ex falsa hypothefi repetit: quafi homines quodam tempore sua sponte fine probro, fine scelere, fine legibus vixerint: pudore & modestiâ mores gubernantibus. Contradicit expresse Aristoteles, cuius *lib. 10. Eth. Nicom. cap. ult.* hæc est doctrina: *ut homines boni sint & honeste viuant, legibus opus esse. naturam enim hominum ita comparatam esse, ut pudori non obsequatur sed metui, neq; abstineat à malo propter turpitudinem, sed ob sc. pplicia & pœnam.* Vnde alii gentilium Scriptorum longe diuersi à Taciti sententiâ notam vetustissimæ barbariei, & vitæ non tam honestæ quàm inhumanæ, inopiam & inscitiam legum ponunt. Sic Sallust. Aborigines describit *Catil. 6. genus hominum agreste, sine legibus, sine imperio; liberum atq; solutum.* itemquæ *Gerulos & Libyas in Jugurth. c. 18. Hi neq; moribus, neq; lege aut Imperio cuiusquam regebantur.* Et Bebrycios *Valerius Flaccus:*

Non fœdera legum

*Vlla colunt, placidas aut iura tenentia mentes.*

Hypothesis Taciti & similia loca originem trahunt i. ex ignoratione primæuæ & antiquissimæ historiæ. 2. ex confusione legum scriptarum & non scriptarum. 3. partim referri debent ad comparationem seculorum & gentium in moribus. Sic *Justinus lib. 2. de Scythis: Iustitia gentis ingenis culta non legibus.* Quo pertinent etiam loca Taciti nostri de *Germanis cap. 19. & Sallust. de priscis Romanis:*

Y

Catil.

*Catil. 9. ius bonumq; apud eos non legibus magis quam natura valebat. Et Liuij lib. 21. Fides & jusiurandum, propulso legum & pœnarum metu, ciuitatem regebant. Quanta loca homines honestatis amantes, & qui peccare oderunt virtutis amore, non inopiam aut ignorantiam legum notant.*

In origine legum tradenda etiam illud non plane verum est, quod leges propter abusum aut tædium dominationis institutas censet *Tacitus*. Eadem enim 1. est origo & ratio legum & imperiorum: iustitiæ fruendæ causa vtrumque comparatum est. 2. viuæ lex, an scripta imperet, nihil interest ad naturam legis. Interim verum est 1. plerasque antiquas gentes primo Regibus paruisse, quod confirmat & *Cicer. III. de leg. c. 2.* 2. sub multis Regibus arbitria Regum pro legibus fuisse: Quo significatu scilicet *Iustinus* etiam dicit: *Populus nullis legibus tenebatur. lib. 1. adde 7, 3.* Quanquam hæc locutio interdum etiam ad plenum arbitrium Regis spectat, neque omnem legem latam negat. 3. Factum esse, ut quædam ciuitates leges, quam Reges (aliam & legibus definitam Reipub. formam) malent, sicut alicubi loquitur *Seneca*.

Vera origo legum est ab ipso Deo arcessenda; qui legem inscripsit hominum mentibus, eamque denuo postea promulgauit, cuius summa in decalogo. Hinc omnia jura, omnes leges manarunt. Ipsi certe gentilium legislatores originem suarum legum à Deo repetunt (vid. *Platon. in Min. Strab. lib. 16. Joseph.*



cap. 2. contra Appionem: Eusebium præparat. Evangelica & alios.) Naturam item, hoc est, legem Dei in humanis mentibus, faciunt matrem ac parentem legum; quod vel Cic. 1. de leg. declarare potest. (vid. Ludou. Vinem ad August. de C. D. 19. c. 21.) & Aristoteles memorabili sententia Deum & naturam & leges coniungit: 3. polit. cap. 12. qui mentem iubet imperare (in ciuitate) videtur hoc iubere, vt Deus & leges imperent. Josephus (II. contra Appion.) quantum ad leges scriptas attinet, in tantum hic legis Mosaicæ prærogatiuam extollit, vt apud antiquissimos Ethnicorum scriptores, qualis est Homerus, ne nomen quidem νόμος hoc est legis existare notet, quod tamen ultra scopum trahi non debet.

Perpetua igitur ad hos fontes ἐπιστροφή siue regressio est, qua e. g. jus ciuile ad jus naturale, hoc ipsum ad jus & legem Dei reducitur.

Ethnicis memorias antiquiores ignorantibus, historia legislatorum & legum citerius ponitur. Hinc Tacitus cum cæteris nominat Minoem, Lycurgum, Solonem, antiquissimos & præstantissimos legislatores. Minos fingeat, se nouem annos in aëtro Iouis discipulum fuisse, atque inde didicisse artem ferendarum legum, (de qua re in disert. de Auspicio Regio) hunc postea in ferendis legibus imitatus est Lycurgus, sicut notat Aristoteles 2. polit. cap. 8. vbi Cretensium & Spartanorum Rempub. comparat. Vide eiusdem libri cap. 7. vbi Lycurgi legislatio examinatur. Adde Plutarch.

*arch. Lycurg. Xenoph. de Repub. Lacedæmoniorum. Strab. lib. 8. & 10. Justin. lib. 2. & 3. Solonis* *vouo fectian* *cum elogio nominat hoster: qua-*  
*sitiones & plures leges perscripsit. Pertinet huc*  
*illud Arist. II. polit. cap. 8. prisca illa pleraq; minus*  
*sunt exquisita quam recentiora. vid. Plutarch. So-*  
*lon. Diogen. Laert. in vitis. Justinus lib. 2. cap. 7.*  
*Herodotus lib. 1. & 2. Gruterus ad Liviū III, 1.*  
 Ante Solonem Draco leges tulerat, de quo  
*Gellius lib. XI. cap. 18.*

De Romanis legibus ista tradit: 1. de legi-  
 bus regum. 2. de legibus duodecim tabula-  
 rum. 3. de legibus ambitiose & per vim latis.  
 4. de restitutione & reformatione juris le-  
 gumque.

De legibus Regum conferendus est Pom-  
 ponius l. 2. D. de origine juris. Initio ciuitatis  
*nostra* *populus sine lege certa, sine jure certo, pri-*  
*mam agere instituit, omniaq; manu à Regibus gu-*  
*bernabantur. Sequitur postea de legibus Ro-*  
*mulī & sequentium Regum jure civili Papiria-*  
*no collectis: Hinc discimus Regum magnam*  
*fuisse potestatem. Quod de Romulo qui-*  
*dem etiam affirmat Tacitus, sed Seruium Tul-*  
*lium ait sanctorem fuisse legum, quibus etiam Re-*  
*ges obtemperarent. Atque hinc limitatam fuisse*  
*potestatem Regum, colligit Jacobus Gotho-*  
*fredus in Vlpian. suo pag. 38. & 39. Quanquam*  
*exemplum earum luculentum vix exstare*  
*existimat Clapmar. arc. lib. 1. c. 12. vide omnino*  
*Grotium de I. B. lib. 1. c. 3. n. 20. Mansisse autem*  
*quasdam leges Regias etiam post XII. tabul.*  
*constitutas, discas ex Livio VI.*

De legibus XII. tabul. tradit 1. occasionem clarius expressam *Liuius III. 3.* vbi Tribuni ad patres: finem tandem certaminum facerent; " Si plebeie leges displicerent, at illi communiter legumlatores, & ex plebe & ex patribus, " qui utrisque vtilia ferrent, quæque æquandæ " libertatis essent, sinerent creari. 2. Legumlatores decemuiros. 3. Exemplum legum, scilicet Solonis, aliarumque Græcarum civitatum instituta constituerunt jus Romanum. Vnde multa à Græcis possunt peti ad jus Romanum explicandum (laudata opera *Sam. Periti*, qui de legibus Atticis commentarium edidit.) 4. Numerum tabularum. 5. Perfectionem. Sic *Liuius lib. 3. cap. 34.* fontem omnis publici priuatique juris vocat. item corpus omnis Rom. juris. Sed de his prolixè *Anton. Augustinus de LL. & SC.* itemque *Jacobus Gothofredus*, qui in fragm. XII. tabularum historiam quoque ex *Diod. Siculo, Liuius, Halicarnasseo, Pomponio*, & aliis repetit. Notandum, leges à *Cic.* descriptas in *libb. de ll.* non esse ipsas *ll. XII. tabul.* quoad verba.

Deprauatio & corruptio *νομοθεσίας* Rom. (cuius hic fines notantur & proposita) à temporibus præsertim Gracchanis incipit, & per seculum & amplius extenditur. Historia sæpe tractata repetatur ex *Floro lib. 3. cap. 13. & sequentibus*, vbi authores quoque cæteri *Cameris* industria annotati sunt. Correctio & restitutio primo per Pompeium, de quo præsertim *Dio lib. 53.* Adde *Sueton. August. c. 34. & sequentibus.*

Annotatio quæstionum & obser-  
vationum huc pertinen-  
tium.

Definitiones & distinctiones juris & legum huc adferri non est nostri instituti. Faciunt illud partim Juri, partim Philosophi, & inter prædictos etiam *Antonius Augustinus prior. cap. tractat. de LL. Grot. spar. flor. ad jus Justin. Cicero & alii.* Neque etiam legislatorii officii dignitatem hic prædicabimus. Ostendit satis *Aristoteles X. Ethic.* esse hanc scientiam & prudentiam verè πολιτικὴν & viro politico propriam. Longe enim aliud est leges ferre, quam leges interpretari &c. Vnde ad jura Maiestatis vel maxime pertinet leges ferre, quatenus vel ad communem honestatem, sine qua civilis felicitas non obtinetur, adeoque ad discrimen honestorum & turpium pertinent; vel quatenus seorsum ad utilitatem civitatis ac formæ referuntur: illasque leges partim mutare, interpretari, abrogare, supplere, augere. Ipsa autem maiestas (hoc enim comprehenditur jure ferendarum legum) legibus soluta est.

In loco Taciti Reges Romani, itemque Senatus & Populus tulerunt leges: interdum quidem rogantibus magistratibus, sed consensu populi. Quæ autem dissensione ordinum, in gratiam unius & præiudicium alterius ordinis latæ sunt, ambitiosæ violentæque leges, i. e. ne hoc nomine quidem dignæ, si accurate loquamur, haberi debent,  
Sed

Sed de hac re infra patebit, cum de forma Reip. Rom. qualis ab initio, deinceps per insequentia tempora fuit, agetur. Videatur interim *Cl. Conring. disp. de LL. thes. 6. & Arniseus de Jure Maiestatis cap. 3. pag. 192. & Graswinck. de Jur. Maj. cap. 6.*

Maiestas leges fert: tum diuinam, naturalem & positiuam repetendo, commendando; tum gentium placita suæ reip. accommodando; tum ciuiles leges ad salutem & compositionem ciuitatis statum ex arbitrio constituendo.

Fert autem leges omnibus, qui jure ciuitatis vtuntur, siue qui ciues & subditi sunt, siue perpetui, siue temporarii.

Non autem sibi ipsi. Est enim summa potestas, siue maiestas, supra leges. Hoc sensu: Legi diuinæ, quatenus vel lex naturæ est, vel diuina positiua, humano generi lata (nam vni populo lata non obligat proprie cæteros) non potest maiestas superuehi. Hæc enim potestas legislatoria ad jura maiestatis DEO debita, quibus humana omnis maiestas subicitur, pertinet. Vide interim, quatenus maiestas libertatem naturalem circumscribere, & vetare quod jure naturæ licebat (licet nil possit præcipere, quod natura prohibet) queat ap. *Grot. l.B. 2,2,5.* cuius etiam hæc regula est 2,3,6. jura humana multa constituere possunt præter naturam; contra naturam nihil. Legibus gentium, quatenus jus gentium cum jure naturæ coincidit, & naturæ dictatum vniforme in gentibus est,

itidem nemo potest maiestatem soluere, quatenus autem pro arbitrato gentium sæpe paucarum institutis continetur, non obligatur iis legibus maiestas, nisi pacto quodam se obligauerit. Ciuilibus autem legibus summa potestas plane non obligatur. Sic *Arnisæus de I.M. cap. 31. §. 6.* probat: *Maiestatem nullis omnino posituius legibus subiici.* *Jac. Gorchosr. in Vlpiano suo* prolixè explicat *l. 3. ff. de ll.* simulque totam hanc materiam pertractat. adde *Grafwinckel. de I. M. cap. 6.* qui *Valent. Forsterum* etiam refutat, statuentem, *illam l. 31. abrogatam esse.* Ad obiectionem, quæ ex Tacito loco petitur, de *ll.* quibus etiam Reges Rom. tenebantur, respondet *Grafv.* Et dicitur in materia *de Regno*, item *de Rep. Rom.*

Sicut autem soluta est maiestas legibus (nolumus enim in voce arguari) ita soluere alios potest. *L. 31. ff. de LL. Augusta licet legibus soluta non sit, Principes tamen eadem illi priuilegia tribuunt, quæ ipsi habent* sc. non ipsam absolutam potestatem, quæ communicari nequit in monarchia; non item licentiam quoduis faciendi; sed legibus posituius ut soluta esset. Apud *Tacit. 2. A. 34. Vrgulaniam supra ll. amicitia Augustæ extulerat.* De facto, non de jure. item, concessu Principis, vide exempla alia apud *Clapmar. Arcan. 1, 12.*

Hac in re aliquando arte politica vsi sunt Principes, cuius exemplum ap. *Tacit. 2. A. 51. Item h. lib. 3. cap. 29.*

Quæstio hic tractata: Vnde hæc potestas  
Legi-

Legibus superior Maieſtati competat: ex ſe, an ex priuilegio, per populum conſeſſo?

Diſtinctio inter officium Principis virtutemque & Potestatem eiſdem. Notabilis locus Taciti 3. A. 69, 3. hac occasione explicatus, & de Schematibus Politicis ſtyli Principis in hac re.

Quær, An ex præſumta maieſtatis voluntate miniſtro liceat contra leges agere? Vide *Grot. de I.B.1.3. §.4. & 5. Tac.1. A.38,1. Gramond. lib.13. p.567. & ſeq. Camden. part.3. Eliſab. p.534. Strad. decad. 2. lib.9. p.m.686. Exemplum Epaminondæ ap. Nepotem. Locus Cæſaris lib.3. bell. ciu. cap.51.*

De conditione legum & virtute Legislatoria ex Digreſſione Taciti pauca nunc ſubnectemus.

I. Leges honeſta iubere & praua vetare tanquam proprio officio debent. Vetant tamen etiam interdum ea, quæ ex ſe praua non ſunt, ſed quatenus fini ciuitatis non congruunt. cape de poſitiuiſ & ciuilibus. Lex naturæ enim perpetua eſt. Recte *Auguſtinus 19. de C. D. non enim iura dicenda ſunt vel putanda iniqua hominum conſtituta: cum illud etiam ipſi (gentiles) ius eſſe dicant, quod de juſtitia fonte manauerat. falſumq; eſſe, quod à quibuſdam non recte ſentientibus dici ſolet. id eſſe ius, quod ei, qui plus poteſt, vtile eſt.* Annotat tamen *Lud. Viues*: haud dubie maxima ex parte tale eſſe ius, quo hodie in ciuitatibus vtamur. Scilicet aliud eſt juſtum ſimpliciter; aliud, juſtum ali-

cui. in rebus, quæ mutationem & variationem sua natura recipiunt.

II. Leges ergo vitiosæ sunt, quæ cum fine ciuitatis pugnant. E.g. ambitioſe aut per vim latæ, itemque præter morem honestatis & formulæ ciuilis. Tac. *h.l. cap. 27.*

III. Utilitas autem ciuitatis capienda est cum temperamento, de quo ap. *Liui. 34, 3. Nulla lex satis commoda omnibus est. id modo queritur, si maiori parti & in summam prodest.*

IV. Leges hic partim simplices, partim exquisitæ laudantur. Simples volumus juxta illud *Senecæ ep. 94. Lex jubeat non dispuret. nihil ineptius, quam lex cum prologo.* Relinquitur tamen & hic libertas legislatori ex temporis, rerum, personarumque circumstantiis metienda. Interim explanata esse debet, & ad intelligendum verbis, sensibus, modo promulgationis expedita. Malus itaque legislator Caligula apud *Sueton. cap. 41.*

V. Etiam numerus legum augetur ex modo & ratione causarum emergentium. Et feruntur aliquando leges *in maleficos ex delicto.* Cato ap. *Liui. 34, 4. Sicut ante morbos necesse cognitos esse, quam remedia eorum: sic cupiditates prius natæ sunt, quam leges, quæ iis modum facerent.* Confer. Tac. 3. A. 69, 2.

VI. Quia tamen omnia legibus definiri & determinari nequeunt (vnde etiam Prudentum responsa, & ipsius Maiestatis perpetua decisio supplere possunt, quod deest) non sunt nimis multiplicandæ leges. Qui  
mor-



morbus Romanæ *νομοθεσίας* notatur hîc à Tac. 3. A. 25, 2. & 3. & cap. 27. corruptissima reip: indicium ponitur. Liuius quoque lib. 3, 34. conqueritur de immenso aliarum super alias aceruarum legum cumulo. Adde Lips. 2. polit. II. & Barclaii dissertationem Argenid. lib. 3.

VII. Leges denique moderationem quandam τὴν *μετρίαν* recipiunt, ne fiat, quod hic de Pompeio dicitur, quod *remedius grauior fuerit, quam delicta erant*. Item alterum exemplum hic extat de L. Papia. Draconis quoque II. olim hoc nomine reprehensæ. Etiam quæ aliquandiu justæ bonæque fuere, ex conditione temporum recipiunt mutationem, imo requirunt. Vnde maiestas interdum *solvit nexus legum*, vt Noster loquitur.

VIII. Idque consilio virorum prudentium, quod Tiberius etiam hic decore obseruauit. cap. 28.

Appendicis loco mentio facta *Priuilegiorum*. ad quæ respicit Tacitus in digressionem suam cap. 28. *Famq, non modo in commune, sed in singulos homines latae quæstiones*. Est enim priuilegium, quod in priuos homines fertur, vel irrogando damnum, vel largiendo commodum aut jus aliquod. Qua de re vid. Arnif. de I. M. lib. 2. cap. 3. §. 16. & Anton. Augustin. in XII. tab. pag. 159. & seq. Interdum confunditur *Priuilegium* cum *Judicio populi* & *Lege noua*. quæ diligenter distinguit Jacob. Gothofred. in not. ad XII. tab. fragm. tab. X. Addenda sunt omnino quæ disputantur ap. Quintil. declam. 254. Ad  
inter-

interpretationem Priuilegiorum pertinenti  
quæ tradit *Grotius* I. B. 2, 16, 12. Sed hæc obiter.

## DISSERTATIO V.

*De Jure Belli & Pacis*

*ad locum Taciti XIII.*

*Annal. 49, 2.*

**V**Bi obrectatores *Thraseæ*: *Cur, si Remp. egere libertate Senatoria crederet, tam leuia consuetaretur? quin de bello aut pace, de vectigalibus & legibus, quibusq; aliis Romana continentur, suaderet dissuaderetue?*

Ac de legibus quidem actum est. Nunc de bello & pace. Ita enim coniungi solent. alia quidem significatione ap. *Ciceronem*, vnde *H. Grotius* titulum suo operi mutuatus est, de *Jure Belli & Pacis*, sicut ex initio prolegom. patet. ibi enim significat id quod in bello suscipiendo, gerendo, suspendendo, finiendo juri consentaneum aut aduersum est. Hic potestas belli pacisque exprimitur. Dicitur alias *jus armorum*. Dicemus

## I.

De Jure ipso, siue de Potestate  
Belli & Pacis.

Ea potestas, videndum est 1. cui competat, 2. quid in se comprehendat.

Competere autem nemini potest nisi *Majestati*: cui & diuino jure datus est gladius; & naturali, gentium, ciuilique jure competi-

tit defensio ciuitatis, iniuriæ depulsio, &c. In sacris ergo, in Theocratico quidem regimine, cum Deus jura maiestatis quodammodo immediate ex sua manu dispensaret, Dei jussu arbitrioque bella gerebantur potissimum. Sed cum Theocratici regiminis pertæsi Regem optarent Israëlita, id præsertim addunt: *Da nobis Regem ad vindicandum nos*, sicut vocem Hebr. *וַעֲשֵׂנוּ* reddiderunt Tremellius & Junius *Sam. i. 8, 5. & 6*: Nimirum ita explicat suam mentem, ipse populus *v. 20. vt vindicet nos rex noster, & procedens ante nos gerat bella nostra*. Vt vindicta domi in iudiciis, & foris, ab hoste, intelligatur. Fuit itaque jus belli penes Regem, quamuis cum temperamento, vt bellum suscepturus (intellige bellum maiestatis, vt vocabant) Synedrium consuleret, vide *Schickardum de Jure Regio Hebr. theorem. 17*. Apud Dionem Imperator Rom. *πολέμων ἢ εἰρῆνης κύριος* & dicitur, *Dominus bellorum & pacis*. Et Panegyrista describit maiestatem eandem Principis R. cuius ditione *nutuq; maria, terræ, pax, bella regerentur*. In *Tacito* inter eas res est, quibus *Romana continentur*. Alias quoque, vbi de veris Regibus sermo est, *jure Regio continentur*. Hinc *Tacitus 2. A. 73*. inter impedimenta bellici operis successusque ponit, quod *Germanicus non fuit solus arbiter rerum jure & nomine Regio*. sicut contra *Alexandri* bellantis auctoritas ap. *Liu. 9, 18*. ita signatur: *Reges non liberi solum impedimentis omnibus, sed Domini rerum temporumq; trahunt consiliis cuncta, non sequuntur*. Sed hoc ad

admi-

Plin. Pa.  
neg. 4.

administrationem belli pertinet. Apud Optimates & populum semper ibi est jus belli, ubi maiestas. Quanquam in illis Rebus, multa subinde vel per communicationem, vel per temperamentum, vel per simulacrum (quod nec in regnis inusitatum) gerantur. Distingui ergo debet jus belli, ab eiusdem administratione. sic longe minus difficultatum erit in diiudicandis exemplis & historiis.

Quod de bello dictum est, etiam ad pacem pertinet, cuius causa bellum geritur; & in quam desinit. Pacem sancit Maiestas, cuiuscunque tandem consilio, aut quacunque formula paciscendi vsa.

Videndum nunc, quid comprehendatur *Jure Belli*. Præcipue quidem omnia, quæ ad arma inferenda & administranda pertinent, siue quæ ad armatam tutelam reip. referuntur. qualia sunt, exercitum conscribere, dilectum habere, arma comparare, in hostem mouere, prædas agere, configere, stipendia constituere, pœnas & præmia militum moderari. Talia quædam recensentur l.3. ff. ad L. Jul. Mai. & ap. Isidorum Orig. lib.5. cap.7. Sed ista quidem clara sunt. De armis seorsum obseruanda sunt, quæ habet *Arniseus de I. M. lib.2. cap.5. §.4.* Arma ferre, ex permisso vel præcepto maiestatis habent priuati. Hinc *Pugio* insigne imperii Tac.3. H.68. propter iudicia sc. & bella. ad q. l. v. quæ notamus huc pertinentia. Etiam *Hasta* siue *sceptrum*. de quo alibi. Insignis locus de jure gestandi gladii

gladii (quod proprætoribus Cæsaris permiffum, proconf. proprætoribus ceteris præfectisque ademptum erat), eft apud *Dionem lib. 53. pag. 578.* Permittebatur autem τὸ μαχαίροφορεῖν (fiue *gestatio armorum*) vel vt inſigne poſteſtatis delegatæ, magiſtratus, honoris; vel vt inſtrumentum deſenſionis offenſionisque ex præcepto & arbitrio maiſtatis uſurpandæ. *Illud* genus, velut radios à maiſtatis ſplendore coruſcantes, ſed nihil niſi ipſum maiſtatis jus obſequioſè ſignificantes, notat: *Hoc* adminiſtrationem militiæ reſpicit, & mandata militaria. quibus tamen interdum aliqua imago honoris per artem politicam accedit. Huc pertinet, quod armorum cuſtodiam & armamentaria, itemque fabricas armorum Principes ſuis juribus vindicant. vid. *Arnif. l. M. 2, 5, 3.* Etiam jus cuſtodie militaris ſoli Principi, ſiue iis qui loco Principis ſunt, in aliis formis Reip. proprium, huc ſpectat. *Tac. l. A. 7, 5.* hæc eſt vis & ſpecies dominationis. Vnde nemini permiffum, aliquid eius rei attrectare, nobilem locum vide *6. A. 3.* Permiſſum tamen interdum miniſtris maioribus jus armatæ cuſtodie, ſed precarium. Vnde ap. Principem nemini præſidium conſeſſum. Notabilis locus *Gramondi de Cardinalis Richeliſ armato præſidio.* Atque hic concurrunt multa arcana: præſertim circa officia & miniſteria armorum. Nefas etiam fuit, in palatium Imp. gladium inferre, niſi permiſſu ac voluntate eius. Vide *Bulengerum de Imper. Rom. 2, 6.* Pertinet huc præcipue *l. VI. Cod.*

*Cod. ut armorum usus infcio Principe interdictus sit.* Ad recognitionem huius juris (ut loquuntur) victis arma adimebantur. *Tac. 4. H. 64, 3.*

Jus muniendi etiam huc pertinet. de quo locus *Tacit. 5. H. 12, 3.* Hinc etiam municipia, sub ditione Romana, nec muros reficere, nec aliquid eis coniungere aut superponere poterant. Quæritur quidem: an non cuique liceat sua prædia ædesque munire? Prolixè id tractat *Limneus I. P. IV, 8. à §. 215. per seqq.* Castella, arces, à Principibus ipsis, ut comedes seruitutis interdum extructa: interdum subditis permiffa. Disputant ea de re *Barclai. 3. Argenid. & Machiauellus in Principe suo cap. 20.* Adde *Bodin. 5. de Rep. 5.*

Retuleris huc etiam jus torneamentorum; quod in manu maiestatis. Vetera exempla ap. *Curt. 5, 2. & Nepot. Agesil. 3.* de recentioribus vide *Limn. I. P. VI, 5.*

Pacis jure comprehenduntur etiam federa (quæ alii ad bellum referunt, quia sc. belli pacisque jus quasi in vnum coalescit) induciæ, &c. Hæc ad maiestatem itidem pertinent. Hinc anxia diligentia examinantur instrumenta Plenipotentiariorum, an verà plenaque potestas comiffa tractatoribus. &c.

## II.

### De administratione huius juris belli pacisque.

Hic occurrit I. *Deliberatio prauia.* In consultationem enim vel maxime talia deducuntur,

cuntur, quod ex loco Taciti præscripto apparet: Et *Aristotele, in Rhetor.*

2. *Regula administrationis*, est in jure & utilitate publicâ, quærenda. Hinc de bello legitime suscipiendo, gerendo, finiendo, toti commentarii, præsertim *Grotianus*. Intelligitur jus cum temperamento æquitatis, quam diuinæ humanæque litteræ suppeditant: Utilitatem publicam, veram, non apparentem; eamque cum honestate publica coniunctam.

3. *Formula executionis*. Quæ variat pro diversis. Rebus publ. modo laxior, modo adstrictior: modo cum communicatione juris, modo citra præiudicium summæ potestatis. Dictaturæ militares. Impedimenta ducum, nimis astrictorum legibus ex *Liv. 9, 18*.

Hæc inter se confusa, & præsertim cum ipso jure, multum perplexitatis in hanc materiam intulerunt.

Q. de bellis & armis subditorum in alium locum reservatur.

Interim id monemus. Administrationem huius juris militaris, per membra demonstrata, in commentariis militaribus, in legibus militaribus, in Systematibus Politicis abunde reperiri.

## DISSERTATIO VI.

### *De Federibus & Pactionibus.*

**H**anc materiam integro opere tractavit *Imaginem*  
*Wahremundus de Ehrenberg, & Leichter* *federis vi-*  
*de ap. Tac.*  
*12, A. 47.*

terus von Bündnissen. E ceteris diligentius hic versati sunt *Bodinus de Rep. V, 6. & H. Grot. I. B. 2, 15.*

Fedus & pax sæpe vocabulo permutantur. v. diuisiones Bodini.

Sponsiones, quid à federe differant, & in quantum obligent: item

Quotuplicia federa, quæque eorum discrimina, accurate Grotius tractat.

Cautiones circa federa exemplis & rationibus *Bodinus* demonstrat.

Religionem & fidem federum idem notabiliter commendat, ne de aliis nunc dicamus.

Quæstionem: An federa cum his, qui alieni sint à vera religione, inire liceat? tractat *Grotius 2, 15, 8. & seqq.* itemque cum ipso Turca. vide auctores nobis laudatos ad 2. *Hist. Tac. cap. 11. p. 106.* Adde *Gerhard. loc. de magistrat. polit. cap. 6. sect. 4.* Fuit illa quæstio nuperis temporibus agitata inter Gallos & Hispanos, sicut ex Armacani Marte Gallico & vindiciis ei oppositis liquet. Adde *Act. Publ. Lundorp. tom. 1. lib. 10. cap. 8.* vbi de Palatini & Confederatorum consiliis, quasi Turcam in auxilium excire agitauerint, disputatur.

De federibus passagiorum 1. an sint præcepta? 2. an sint consulta? quæritur. vide *Grot. 2, 15, 12. & Anti-Turc. Reusneri.*

Pontificii odiose tractant hanc materiam, & ex ratione status Papalis. vnde Pontificibus ipsis Federum sanctissima nomina ludus & occasio fallendi plerumque fuere.

De



De induciis (quarum primus auctor ap. paganos Lycaon fertur) iterum *Græc. I. B. 3, 21.* Induciarum tamen titulo, pax constituta aliquando. Vt inter Henr. VII. Angl. & Jacob. Scot. Reges apud *Bacon. Tacito 3. H. 81. belli commercii* comprehenduntur.

Observationes in federibus quædam e. g. *vid. AÆ.* sunt propositæ. 1. Amicitia eius, cum quo *Publ. Lunn-* fedus initur, quousque possit consensione *dorp. rom. I.* animorum coalescere, resp. nationis, reli- *lib. I. cap. 15.* gionis, morum, regiminis siue *judicium* πολιτείας, alia- *cuiusdam* rum amicitiarum &c. 2. Amicitia confe- *Anonymi* derationis, qua sit ratione status firmata, siue *de confe-* quo Utilitatis vinculo cohæreat. vix est enim, *deratione* ut aliquid à federato speres, ubi eius utilitas *Unionis* cesset, & tua tantum res agitur. Quo no- *Germanica* mine Veneti male audiunt; imo ipsi gloriantur *cum Belgia.* hoc proposito. 3. Secretiora & concurrentia proposita confederati perspicaci oculo providere oportet, an si obtineat ea, tibi nocere possint, & quatenus. 4. Temporis ratiocinatio requiritur circumspecta. Tempus enim mutat utilitates humanas, & transponit. hinc cauendum, ne dicas; non putâram. Mature speculari, quæ te fortuna maneat, ex federati tui successu, incremento, mutata voluntate. Fidendum hic (sano sensu) amico, sed tanquam osuro. 5. Executio federis quam ex pacto formulam accipiat, multum interest. Nihil firmum spera, ubi, qui pares jure sunt, partim imperant, partim parent; aut ubi in exequendis suis propositis altera pars nimis astricta est, cogiturque alteram

respicere. Firmiora sunt federa, vbi federati in communem aliquem scopum, sed suo quisque arbitrio auspicioque contendunt.

6. Loco plurium obseruationum potest esse Fedus huius sæculi initio, nomine Vnionis initum aduersus Pontificios & Ligistas. Infelix fuit illud fedus, & successu caruit, fœdeque dissiluit ille contextus. Causæ præcipuæ I. Æmulatio & diffidentia Confederatorum, eaque 1. partim ex diuersis regulis status, quibus singuli Status in Imper. Germanico minime iisdem vtuntur: 2. partim ex certamine & momentis præcedentiæ vel manifestæ vel occultæ: 3. partim ex causâ religionis, quæ animorum contestationem non parum impedit. II. Ciuitatum & Principum dissociabile votum. quo factum est, vt Ciuitates inuitæ accederent partibus, earumque citò pertasæ essent. III. Administratio consiliorum corrupta, partim affectatione Directionis, ex vna parte; partim dispersione Correspondentium siue Vnitorum, ex altera parte. Legantur, quæ de Consilio Vnionis siue Senatorio confessu habentur *Act. Publ. Lundorp. I, I, I.* IV. Pecuniæ administratio, nec æqualiter, nec diligenter satis prouisa; tum non constanter & facile expedita. V. Executio, neque in summa rerum, neque in ministeriis variis, personis, quales requirebantur, nixa. Quod tamen, vt fieret, non imprudenter Belgici Status monuerant. VI. Proposita forte concurrentia nimis vasta, & modum ac limites federis supergressa. de  
qui-

quibus Deus nouit. Concurrisse autem quædam talia, ne homines quidem, gnari historiæ & actorum, ignorant. VII. Securitas, Elatio, Præfidentia. VIII. Adeoque Diuini præsidii, quo solo vinculo tenentur federa, absentia. IX. Vnde nata Dissociatio Vnionis, non effectum modo omnem Vnioni ademptura, sed pœname eiusdem cumulatim allatura.

De Pacis pactiõibus egimus *annor. 5. ad cap. 10. lib. 1. A. Tac.* vbi *imago Pacis* siue pax Misenensis examinatur. & *ad 2. H. 37. &c.* vbi *Impedimenta pacis* considerantur. De Amnestia quoque Pacis fulcro peculiari dissertatione ap. *Vellei.*

Observationes nonnullas practicas infra trademus, vbi de Pace Religionis, quam vocant, agetur.

## DISSERTATIO VII.

### *De Vectigalibus.*

*ad Digressionem Taciti XIII.*

*Annal. 50. & 51.*

**D**irecte publica, quæ circa actiones versantur, in jure maiestatis, hætenus attingimus: nunc quæ circa *Res* versantur, occurrunt. In quibus primo *Vectigalia*, quæ inter ea, quibus Romana continentur, *Tacitus* memorat 13. *A. 49. I. A. 11, 7. 4. A. 6, 5.*

Juris huius *origo* facile se prodit, in illo *Taciti*, cum vectigalia nominantur *fructus*

quibus resp. sustinetur, & sine quibus imperium dissolui necesse est: Quæ autem ad ciuitatis finem faciunt & conseruationem, siue sine quibus finis ille obtineri nequit, ea potest maiestas suo jure imperare, cum quilibet hac lege in ciuitatem venisse, & in ea viuere præsumendus sit, vt in se vel muneris vel oneris nomine recipiat, quæ ad ciuitatis finem faciunt. Hinc in S. etiam litteris inter debita maiestati referuntur tributa & vectigalia, præsertim vide *Selden. de I.N. & G. VI, 17. & 18. Matt. 22, 21. Rom. 13, 6. & 7.* Alii originem huius juris ex dominio eminenti arcessunt, vide *Arnif. de I.M. 3, 2.*

Licet alias varie distinguantur nomina vectigalium, tributorum, collectarum, exactionum, &c. hic omnia comprehendimus, quæ ex bonis subditorum exiguntur, quæ pænæ nomine auferuntur, quæ pro viis publicis, pontibus, portibus, itemque quæ ad vsus publicos, munerum præstationes, angariæque postulatur. Applicentur huc verba *Tac. 13. A. 50, 1. & 2. It. 51, 1.*

Quantum huius juris (vt in talibus cum hodiernis politicis loquamur) est in verbis *Taciti cap. 50. 3.* Metiuntur id ex necessitate publica (vide *Arnif. de jure maiest. 3, 2.*) quam tamen nimis abrupte videntur definire. Huius loci sunt illæ quæstiones:

I. An inuitis subditis, aut omnino iis, quibus imponuntur, onera vectigalium imponi possint? Negat de subditis nimis indistincte *Comineus* ab *Arnifæo* in hac materia lau-

laudatus, & alibi à nobis. Respiciendum enim hic ad jura ciuium cuiusque loci, & ad formam regiminis definitam magis aut liberam. De Gallia disputat *Comineus* eo ferè sensu, quo *Cl. Sessellius* in libro de *Repub. Gallica*. Historia sane Gallica multas grauesq; de hac re consultationes habet: sed Reges nunquam passi sunt clauam de manu extorqueri. Etiam non subditis pro transitu, quamuis inuitis, imponi posse, dubio caret. Vide *Grotium lib. 2. cap. 2. §. 14. & 2, 3, 14.* Adde apud *Camden.* lites hac de re inter Anglos & Gallos anno 1600. inter Danos & Anglos Anno 1598. 1600. 1602. Vbi Angli conquerebantur, liberam in Moscouiam per Septentrionalem Oceanum nauigationem atque piscationem ad litora atque Insulas eiusdem negari, atque vectigalia multiplicia in freto Oresundo, idque tantum pro transitu, exigì. Legatur tota historia in varias quæstiones diuisa, vbi etiam de mari libero. Qua de re noti sunt libri contrarios titulos præferentes *Grotij & Seldeni.*

II. An liceat colligere ærarium siue thesaurum, in vsus Reipub. & vt subsidium regno paretur, sicut loquitur *Tacitus XII. annal. 7.* Hic *Arnif.* iterum videtur nimis abscessisse agere. Propositum eius & aliorum, qui hanc quæstionem in angustias redigunt, scilicet vt cohibeantur Principes intra terminos æquitatis: nec solito iis more concessos limites transgrediantur.

Determinatio *quanti* difficilis nec semper in aperto poni potest, quippe arcanis imperiij

innexa & coniuncta. Peregrinis imponi posse & subditis, satis constat. Etiam Clericis, quod Pontificii negant. vide *Arnif. de subi. & exempt. Cleric. cap. præsertim 4. & Tholosan. polit. lib. 3. cap. 7.* Hinc ipsi Principes Pontificii, quoties pene lubet, suo jure utuntur, specie quidem concessionis Papalis atque voluntariæ collationis, sed reuera suo jure usuri & absque illo titulo.

*Administratio huius juris* totam de ærario materiam complectitur, de qua satis multa scripserunt Obrechtus, (qui scripserat vastum opus de ærario multis authorum citationibus plenum; Sed quia id in Principum gratiam edidit, omisit illas, ac nude rem proposuit. Postea Latherus nil præter ea, quæ Obrechtus scripserat, protulit, nisi quod plura exempla ac authorum loca adiecit.) Herm. Latherus, & ingentia nuper edita volumina. Vide imprimis eruditam tractationem *Bodini de Rep. lib. 6. cap. 2.* De ærario *Lipsius 4. polit. cap. 2.* De tributis *Besoldus Politic. Mai. lib. 2. cap. 4.* *Gregorij* autem *Tholosani* totus liber 3. huc pertinet. *Taciti* digressio suppeditat formulam administrationis. 1. in proportionem reddituum eiusmodi ac Reipub. siue utilitatis publicæ, *cap. 50. §. 3.* 2. Erogationum distinctione in necessitates ac largitiones. (Confer *1. annal. cap. 7.*) in quibus multum Politicæ rationis. 3. Societates vectigalium exactionesque publica auctoritate & Maiestatis arbitrio ordinari debent, itemque latis legibus & constitutionibus promulgari, iudiciisque muniri. 4. Compen-

pendia & illicitos quæstus publicanorum aliorumque ministrorum & exactorum recidi par est: Quo etiam pertinent calumniæ fiscales, Plinio reprehensæ (vide *Dissert. nostram ad Plinij Paneg. de calumn. fiscal.*) aliisque. 5. Moderanda quæ exiguntur pro usu rerum præsentium & æquitate. 6. Immunitates certis personis ex ratione speciali indulgentur, ut hic militibus. Qua de re alibi. 7. immunitates tamen non improvide indulgeri fas est, neque citra omnem exceptionem. 8. Neque difficultas rei obscura esse potest ex iis, quæ habentur *cap. 51, 3.* 9. Unde etiam providentia & consilia factu utilia potius quam dictu speciosa commendantur in hoc argumento, *cap. 50, 2.*

## DISSERTATIO VIII.

## Digressio

*De jure monetæ, mensurarum &c.*

**A**D publica, circa quæ Maiestas per se versatur, partim actiones, partim res pertinere, dictum est. In rebus vectigalia nominavimus. Huc pertinet etiam jus monetæ, siue circa rem nummariam; quanquam ad legislationem etiam referri possit, quod quodammodo agnovit *Arnif. de jure Maiest. lib. 2. cap. 7. §. 2.* ubi hanc materiam fuse tractat: Præsertim vero *Bodinus lib. 10.* Certe

ad jus Maiestatis propriè dictum nihil aliud pertinet, quam ἡ νομοθεσία & νομοκρατία, siue constitutio de re nummariâ & monetis: Cetera non sunt juris Maiestatici, sed consilii politici & tractationis ciuilis. Obiter hic commendatur Jac. Lampadij dissert. de nat. numm. Hornei. Ethic. lib. 2. cap. 13, 28. seqq. Joachimus Camer. ad V. Ethic. Arist. 5. & eiusdem Philosophi interpretes ad 1. polit. 6. præsertim Salmasius de vsuris cap. 15.

Sic etiam jus mensuræ, ponderum, vlnarum, itemque nundinarum, linguæ dandæ (quæ inter regalia & jura Maiestatis minora numerari solent) nihil sunt aliud, quam pars legislationis circa res, quarum cura Reipub. αὐτοκρατία sustentatur. Cætera regalia, vt loquuntur, minora, fluunt ex jure domini eminentis. Quod dominium nescio quo pacto refertur à nonnullis ad minora regalia, cum reuera splendor Maiestatis in eo maximus sit, ipsamque interiorem vim & quasi essentiam Maiestatis respiciat. Explicationem huius juris summariam habes apud Arnif. de jure Maiest. lib. 3. cap. 1. Sed particularium quæstionum explicatio latissime fusa, ex Jctis, politicis (quorum etiam magnam partem nominat) peti debet, præsertim etiam ex Grotio de jure belli.

Quæstio circa distinctionem dominiorum sæpe intricat magis materiam hanc, quam explicat. Tollentur multæ difficultates, si dominium eminens recte fuerit definitum, nimirum quod sit potestas Maiestatis in ciues & res ciuium



uium, boni communis causa; nam hoc semper addendum est. Atque hinc repeti potest jus venationis, jus fodinarum metallicarum & jus viarum publicarum, fluminum, portuum, quatenus ea, quæ ex sua natura communia erant, arbitrio Principis vindicantur. Quanquam duo priora quidem rursus ad leg. potestatem referri possint: sequentia vectigalibus contineri videantur, sicut diximus; Sicut jus in bona quæ indignis auferuntur, quod etiam iudicia respicit. Neque enim recte argumentantur, qui dicunt: Hoc inter bona publica est; E. Caput Maiestatis peculiare constituit. Sic nec illa ratio incaute accipienda est, cum dicitur, multa in Repub. propter summam necessitatem & maximam dignitatem Maiestati reseruata, nouum constituere caput Maiestatis. - Talia enim partim jure domini eminentis, partim potestate leges ferendi circa publica comprehenduntur. Sic Nobilitas, Academia, Priuilegia, Beneficia, Honores, &c. rectissime legibus accensentur; vt non opus sit, in infinitum multiplicare jura Maiestatis. Progredimur ad verè talia, vbi sequuntur ea, quæ Maiestas per alios expedit.

## DISSERTATIO IX.

*De Magistratibus & Comitibus.**Ad locum Taciti I. Annal.  
cap. 15. & 81.*

**J**US Magistratuum constituendorum alii à jure Comitiorum diuersum faciunt; Alii pro vno eodemque habent. Vide *Arnif. de I. M. lib. 2. cap. 4.* Quidam etiam extremam pro uocationem coniungunt, jureque Magistratuum contineri statuunt. Alii distinctum id caput ponunt.

Qui comitia separant à Magistratibus, præsertim accipiunt de conuentu consilii de Rep. capiendi ergo constituto. Sed veteres omnia illa, quæ prædiximus, capita ad facultatem *βουλευτικὴν* siue consultatricem ita referebant, vt consultatio ad modum potius juris administrandi, quam ad juris constitutionem pertineret. Atque sic comitiorum vis fere ad munia Senatus congrueret. Ita deliberatur de legibus ferendis, de vectigalibus imponendis, de bello, federibus, pace &c. Modus autem & formula deliberandi est in manu Maiestatis, siue illa velit comitiis vt, siue alia ratione.

Quia autem potestas Comitiorum & vis, consistit non tantum in deliberando, sed etiam in statuendo, quidquid è Republica videtur,

detur,

tur, itaque in Democratia coincidit fere cum ipso jure Maiestatis vniuerse sumto. In aliis formis itidem ad Maiestatem exercendam in iuribus prædictis pertinet, sed modum potius, quam jus respicit. &c.

Romani scriptores plerumque de *creatione magistratuum* capiunt, quod vel *Taciti* loca præscripta ostendunt.

Igitur jus maiestatis est, creare Magistratus maiores & minores, creatis potestatem dare exercendæ jurisdictionis, rerumque publicarum administrandarum, formula vel astrictiore, vel liberiore, cum vel sine prouocatione, ita vt semper tamen creantis mandantisque non tantum sit originaliter, sed etiam maneat subiectiue omnis magistratum potestas.

Maiestatis est hoc jus, siue conferimus Magistratum officia cum legibus, & hos quasi executores legum consideramus; siue belli pacisque, sacrorum & profanorum administrationem respicimus. cuius Potestas Principi permissa, siue per se velit, siue per alios agere. Fluit sc. ex ipsa vi Imperii, summique in omnia arbitrii. Modus quidem creandi magistratus est varius; sed potestas ipsa nunquam priuatiue aliis committere creationem magistratum præsumenda est, nisi velit se ipsam deminuere, sicut in mutationib. Rerump. usu fieri videmus.

Extrema prouocatio etiam in *capite Iudiciorum* tractari potest. qua de re infra. Nunc ad l. *Taciti* l. A. 15. & 81.

E quo

E quo intelligimus 1. quæ ad naturam & vim comitiorum in creandis magistratibus pertinent. 2. quæ ad schemata artificiosa siue artes politicas huius argumenti spectant.

## MEMBR. I.

## De Natura &amp; vi Comitiorum.

Hic primo discimus Comititia ad Magistratum creationem pertinere: confer 1.A.14,4. & 1.A.15,2. & 1.A.81,1. &c.

2. Præsertim maiorum. De prætoribus & consulibus hîc sermo. Non exclusis minoribus: sed in illis splendidior est maiestatis occupatio.

3. Jus Comitiorum siue creandorum magistratum esse jus maiestatis. *Jus populi* hîc dicitur, resp. ad Democratiam pristinam. *Libertatis* quoque *imaginem* huc referre debemus i.e. speciem vanam maiestatis & jurium eius in populo, quod ex oppositione *servitij* patet.

4. Adeoque notatur, *penes quem fuerit hoc jus*, sc. ab initio penes populum, cum Democratia polleret; deinde ad Principem translatum esse, cum ipsis juribus magistratum. 1. A. 2, 2.

5. Modus tamen vsurpandi juris sub Principibus diuersus, adhibita Senatus, itemque populi opera, sed ut vis ipsa penes Principem esset.

6. Quales magistratus deligendi, sc. qui *genere, vita, moribus, & meritis probati*. Mos recogni-

cognitionis, examinisque candidatorum. 1. A. 81, 2. & 3. Mos Galliarum improbatus, apud quos emuntur Magistratus.

7. Vitia comitiorum. *ambitus in prensando, & largiendo.* 1. A. 15, 2. & 81, 3. Hinc quæstio : An satius sit, iudicio Principis deligi magistratus, aut suffragiis multorum? Vide *Dion.* 52. p. 546.

8. Igitur Maiestas diligenter & severe in hoc negotio versari debet. Tiberius *cirram* suam hic pollicetur.

## MEMBR. II.

De Schematibus artificiosis, siue Artibus Politicis, circa Comitia & Magistratuum creationem.

Horum quædam pertinent ad propositum, hoc jus ad se trahendi : quædam ad consilium exercendi huius juris.

1. Vindicarunt sibi hoc jus Cæsares, ex ratione status Monarchici instituendi. primum *Julius*, de quo *Sueton.* 41. deinde *Augustus*, de quo *Idem Aug.* 40. ex consilio Mæcenatis ap. *Dion.* 52. qui suaserat Magistratus in posterum à Principe constitui debere, eorumque potestatem minuendam, siue potius in ipsum Principem transferendam esse. Hic Tiberius idem propositum persequitur.

2. Versati sunt in hoc opere, paulatim, callide, occulte ac dissimulanter : ex ratione novi status.

3. Color & prætextus, è confusione & turba ambituque comitiorum. l. Tac. (sicut alias etiam

etiam in judiciis I. A. 75, 1.) itemque ex vitis, & avaritia magistratuum. I. A. 2, 4.

1. In exercendo jure itidem dissimulanter versati sunt sub imagine antiqui moris statufque: tum quoad electionem magistratuum (notentur hîc *studia tribuum cum arbitrio Principis* comparata) tum quoad potestatem mandatam: umbra dignitatis manebat, vi adempta, è consilio Mœcenat. ap. *Dion.* 52, p. 547. *conf. loc. Dion.* 53, p. 585.

2. Hæc dissimulatio, varietate & novis coloribus dissimulata & implicita à Tiberio, de quo *sine* I. *Annal.* *παλιλογία*, ambigua verba, inania, simulacra.

3. Adhibebantur etiam speciosæ orationes, de quib. I. A. 81, 1. Dictum hac occasione de stilo aulico in materia magistratuum: & de *Cassiodori Variis*.

4. Mandati magistratus, verbo, non re. I. A. 80.

Scopus harum artium politicarum est vel *probabilis*, & ad Auctoritatem prudentiamque imperandi referendus; vel *Tyrannicus*. Exemplo Tiberii res ostensa. Adde *Clapmar.* 6, 7.

Dictum aliquid obiter de *Magistratuum numero*. 2. De priuata eorum sorte, & obsequio maiestati debito, ad quam passivè se habent. adde *Bodin.* 3, 4. 3. De distinctione eorum quæ lege, & quæ jure magistratus competere dicuntur. 4. De maioribus & minoribus, adeoque de multis magistratuum inter ipsos imperiis & officiis. vid. *Bodin. Polit.* 3, 6. sequitur

DISSER-

## DISSERTATIO X.

*De Jurisdictione & Judiciis.**Ad loc. Taciti XII. Annal. 60.  
per tot.*

**O**Rdo & connexio. potuisset etiam, ante ea, quæ Maiestas per alios expedit, de judiciis agi. Sed post magistratus itidem aptus locus. Certe juris dicendi causa, inter alia, Magistratus constituuntur. Dictum hac occasione de quaestione: An Judex sit Magistratus? Quam negat etiam *Jacob. Gutherius de off. dom. Aug. l. 12.* Sane, sicut non idem sunt Judex & Magistratus; ita multi Judices Magistratus dici possunt: & Magistratus multi juris dicendi causa creantur. Hinc ap. *Liu. 3, 55.* consul, judex; itemque prætor, judex appellatur. Aristoteles quoque à judicandi potestate dicendos Magistratus quosdam notat *4. polit. 15. Cic. 1. de ll. Omnes magistratus auspiciū judiciūq; habent.* vid. *Bodin. lib. 3. cap. 3.*

Judiciorum nomine hic publica privataq; judicia, ordinaria & extraordinaria complectimur, denique totam jurisdictionem atque potestatem administrandæ justitiæ. Comprehendit tria: 1. facti cognitionem. 2. Jurisdictionem specialiter sic dictam, quando de facto cognito jus statuitur i. e. definitur jus, seu qualitas justitiæ vel iniustitiæ facti. 3. Imperium i. e. executionem eius, quod statueris.

Aa

Ver-

Verfatur jurisdictio circa res omnes, in quibus jus constitutum est: Criminales pariter ac civiles, distinguendis controuersis, aut puniendis maleficiis, huc enim omnia spectant. Vide, omnino neruose disputantem *Jacob. Lampad. de constitut. Imp. Rom. Germ. cap. 15.* ubi etiam de discrimine meri mixtique imperii.

Est autem jurisdictio suprema, i. e. omnis alterius jurisdictionis fons & origo, Maiestati propria. Inde Maiestatis est, cognoscere, statuere, exequi, vel per se, vel per alios, Magistratus scilicet & iudices: ita, vt, cum Maiestas mandat jurisdictionem, non ipsum jus & possessionem jurisdictionis à se abdicet, sed tantum administrationem & exercitium eius alteri conferat: Et is, cum mandata est jurisdictio, dicitur quidem habere jurisdictionem, non suo tamen jure, sed alieno beneficio, dicitur jurisdictione uti, sed aliena &c. Maiestas ipsa non modo æqualem, sed superiorem jurisdictionem retinet, nec tantum per præuentionem cum his conuenit, verum lites cœptas auocat, concessam jurisdictionem reuocat &c. Non satis ergo distinguit subiectum proximum à communi, in quod per participationem influit jurisdictio, *Bodinus*, cum l. *Polit. 10.* negat, jurisdictionem maiestatis propriam esse. addit rationem, quia omnibus ferè magistratibus æque ac Principi congruit. Idem de magistratibus creandis statuit. Videatur omnino illa disputatio, cuius fundamenta tamen paulo post auctor ipse, conuellit.

Certe



Certe sicut constituendi juris potestas, ita etiam reddendi, Maiestatis est. arctissima enim inter *νομοθετικῆς* & *δικαστικῆς* facultatem consensio. Sed ad l. Taciti,

### In quo

I. Historia jurisdictionis Romanæ: Illustranda amplius, per ea, quæ habet summam *Rosinus antiq. lib. 9. Polletus hist. for. Rom. Guthe-rius de offic. dom. Aug. Bulenger. de Imperat. Rom. 3, 11. de imperio Rom. 5, 23. & seqq.*

Summa: Olim Reges jus dicebant. unde *Liv. 1, 41. Seruium jura redditurum, obiturumq, alia Regis munia.* Loco regum præfectus urbis Jus reddebat. *Tac. 6. A. 11, 1.* In Libera Rep. consules. *ibid.* (Huc refer Tribunos milit. cos. præt. & Decemuiros consulares) inde prætores, de quorum origine *Pomponius.* adde his *Tac. 12. A. 68, 2.* Sequuntur leges & conuentiones de iudiciis. vid. *Rosin. lib. 8, 21. Anton. Augustin. de LL. & SC. p. 315.* Cæsares cum ceteris juribus hoc in se traxere. h. l. *v. l. 1. A. 75, 1. 2. A. 35. Suet. Jul. 43. Aug. 33. Tib. 33. & c.* Relicta tamen imagine, modo Senatui, modo equitibus. h. l.

II. Addendum aliquid est de prudentia & virtute Judiciaria. Ac de officio quidem Judicis elegans extat libellus *Philonis Judæi,* & inter recentiores, *Puteani.* ne de Politicis Scriptoribus & Systematibus eorum nunc dicam.

In cognoscendo; Industria, labor, patientia commendatur. Est enim laboriosum maximè juris dicendi munus. vitandus ta-

men contemptus ex nimia patientia, quom in-  
currit Claudius ap. *Sueton.* 15.

In statuendo siue decernendo, æquitas at-  
que iustitiæ clementiæque mixtura obtinet,  
de qua *Tac.* 3. *A.* 50, 4. *Agric.* 19, 4. *Germ.* 12, 2.  
Explicatus hac occasione duplex locus *Sueton.*  
*in Claud.* 14. (collatus cum *Symmachi* loco X.  
ep. 52. Facit plerumque ratio & fortuna caus-  
farum, vt in controuersis alter æquitate, al-  
ter jure nitatur. Et ep. 63. Alia est conditio  
magistratuum, quorum corruptæ videntur  
esse sententiæ si sint legibus mitiores: alia  
Dominorum Principum potestas, quos decet  
acrimoniam seueri juris inflectere. ad q. l.  
*Furetus* memorabilia quædam annotauit) &  
cap. 15. de discrimine cognitionis & ordinarii  
juris. ad q. l. *Gutherius de offic. dom.* Aug. 1, 2.  
*Hadrianus Turnebus* ordinarii juris esse ex-  
istimat, quæ per Judices à Præatore datos juris  
ordine deciduntur, quod verum est: Cogni-  
tionis autem, quæ extra juris ordinem ad  
Cæs. deferuntur, aut ab ipso Magistratu cog-  
noscuntur, qualia fere sunt, ait, quæ ad  
Rempub. spectant, aut ad exemplum tra-  
huntur: quod non probo. Nec enim cogni-  
tiones ad remp. aut exemplum pertinent sem-  
per: etenim vt cognitio vel ratio Judicis da-  
ti est facti: sic cognitio Magistratus juris est,  
quæ ad omnes quæstiones juris extenditur,  
quæ sunt innumeræ. plura enim sunt neg-  
otia, quam vocabula. Locus est parallelus  
in *Plin.* ep. 3, 9.

In exequendo constantia & grauitas, ne  
fiat,

fiat, quod in Claudio *Sueton.* 29. refertur. suspensio tamen executionis est in manu maiestatis. de qua re vid. *Arnif. I. M. cap. 3. §. 6. & seq.*

In his omnibus, Maturatio.  
de qua alibi.

Ceteræ quæstiones passim apud Politicos obuiæ. Exempli loco in hoc argumento commendari meretur etiam *Areopagiticum Judicium*, *Meursio* descriptum. Addendi etiam commentatores *Exod. 18. v. 14. & seqq.*

De Judiciis Germanicis extat nobilis Taciti annotatio, *Germ. 12.* Adde *Cl. Conringii disp. de Judiciis Germaniæ.*

## DISSERTATIO XI.

### *De Legatis.*

*Ad loc. Tac. I. A. 42, 3.*

**M**Aiestas aliqua expedit per Legatos. Hinc jus legationis mittendæ & audiendæ ad Maiestatem pertinet. Legationum jus quatenus huc spectat, consistit in legatione mandanda, instruenda, itemque recipienda, & audienda. Modus interim eligendi, destinandique legatos, interdum Senatui, aut Magistratibus permittitur, sed in his non est jus ipsum legationis, tanquam in subiecto proprio. Hinc est, ut legati proprie non sint, nisi qui mittuntur à maiestatem habentibus, ad habentes maiestatem. Nam legati provinciales, municipales, colonici, aut quic-

quid præterea significatione vocis varia continetur, non sunt huius loci. *Grot. de I.B.* 2, 18. 2. ubi etiam toto capite de leg. jure tractat. *Arnif. I.M.* 2, 5, 16.

Ad maiestatem referri, dictum est: de belli enim pacisque negotiis ad maiestatem spectantibus, & in eius arbitrio positis, mandata nisi à maiestate exire non possunt: sed nec valide aliquid agi potest in talibus, nisi arbitrio maiestatis. Vnde, sponsiones non obligare maiestatem, alibi dictum est. Ergo quidam connectunt hoc jus cum jure belli & pacis. Apparebit res amplius, ex legatorum sanctimonia, siue jure legationibus competente, eiusque juris effectibus.

### Locus Taciti.

Tacitus noster vocat *jus hostium, sacra legationis, fas gentium*. Vbi notandum

1. De qua legatione agatur. Sermo quidem hîc est de legatis à Principe ad seditiosos missis: adeoque non de legatione proprie ac vere sic dicta. Nam sicut subditi non mittunt legatos proprie ad Principem (legationis jus cui non est comparatum, sed externo ap. *Liv.* 6, 17.) ita nec Princeps ad subditos dicitur legatos mittere, nisi populariter & laxè loquendo. Apud *Dion.* 45. *Cicero* dissuadet, legatos ad Antonium mittendos, ratione videlicet pragmatica, quam notauimus ad *Vellei.* 2, 7, 2. Adde *Cic. Philipp.* 12.

2. Argumenti vis tamen illa est: Si legatus externis etiam est venerabilis, quanto magis

magis Principis legatio ad ciues & milites venerabilis debet esse, & inuiolabilis.

3. Legationis autem iura, i.e. quibus legati muniti ornatique sunt, vocat *jus hostium*, *sacra legationis*, *fas gentium*. In quibus appellationibus & distinctio est notabilis, & connexio siue cognatio memorabilis: quatenus vel amplitudo, vel sanctitas, vel dignitas huius juris in vnam vim coalescit.

4. Jus & fas vocat, vt, diuino humanoque jure munitos intelligamus legatos.

5. Argumento est, quod etiam inter hostes seruetur. Scil., boni Scriptores juris amplitudinem sanctitatemque, adeoque inuictam obligationem hoc tanquam solenni argumento probare solent. Tale est in *Tacito* 1. A. 22, 3. *ne hostes quidem sepulturam inuident. Jus hostium.*

6. *Fas gentium*. Nam jus gentium voluntarium induxit jus legationum. vid. *Grat. I.B.* 2, 18. 1.

7. Vbi diligenter tamen notandum, hinc argumenta interdum duci ad *jus natura*, cui jus gentium hac in parte quidem aliquid superaddidit, sed tamen rationi naturali valde cognatum innexumque; & ad *jus diuinum*, quatenus etiam alias *jura gentium* *Diis adscribuntur auctoribus*, vt fas Deum dicatur, quod gentibus consensu placuit. Scilicet regressio huius argumenti ea est, quam dixi; à jure gentium, ad jus naturæ, quod jam est jus & lex Dei.

8. *Sacra legationis* ergo nihil aliud sunt, quam

quam *sanctissima legationum jura*; sicut *sacra regni* 2. A. 65, 3. *Sanctitas* est primo in ipso jure, *ἱερόν τι νόμον* &c. *Sanctitas* augetur secundo, quia de gentium jure sermo est. *Sanctitas* demonstratur tertio ex origine. *sacra* enim legationis oriuntur ex sacris regni; ex *Majestate*, quæ *sanctissima* est. Refert legatus maiestatem mittentis, illiusque splendore illustratus, obscurari nec potest, nec debet. Legatio inscripta est caractere maiestatis, cuius *sanctam* apud omnes reuerentiam custodiri, postulat natura, jus hominum, Deus. Ipsa (quarto) legationis occupatio, & omne propositum, *sanctitatem* habent, sicut tetigimus obiter in dissert. de Ausp. Reg. cap. 2. §. 14.

9. Est autem hæc appellatio simul valde accommodata, ad exprimendum non tantum ea, quæ proprie juri legationum tribuuntur: sed etiam, quæ in consilio actus, in artibus mysteriisque politicis circa hanc materiam continentur.

Tractarunt hoc argumentum *Albericus Gentilis, de Legationibus*: *Carolus Paschalius, Kirchnerus, & Fridericus de Marselaër*, quorum comparatio utilis esse potest iis, qui argumenti amplitudinem, tractationis perfectionem, variarum *ὑποθέσεων* observationem & annotationem æstimant.

Simul influit in hoc argumentum, quicquid fere ad ceteros ministros *Majestatis* & *curatores negotiorum* pertinet.

## DISSERTATIO XII.

*De Jure Maiestatis circa  
sacra.**Ad loc. Tac. 2. A. 85, 4.*

**Q**ui de Rep. scripserunt, omnes, sacrorum arbitrium inter præcipuas partes numerant supremæ potestatis, inquit *Hugo Grotius Apologerici cap. 2.*

Potest commodissime distribui hoc jus 1. in ea, quæ ad cultum pertinent. 2. quæ ad personas sacris destinatas. 3. quæ ad bona.

In iis quæ ad cultum & religionem pertinent, custodia primæ tabulæ à Theologis nostris commendata & explicata huc pertinet.

Huius loci sunt illæ quæstiones: I. *An omnino summæ potestatis imperium non ad profana tantum sed etiam ad sacra extendatur?* Affirmativam prolixè tractat *Grotius in commentario posthumo de Imperio summarum potestatum circa sacra cap. 1.* à naturæ vniuersalitate. à finis vniuersalitate. à testimonio S. lit. à consensu Christianorum veterum. à respectu ad beatitudinem æternam & felicitatem temporalem, vide *Cl. Conring. disputat. de Maiest. Ciu. auctorit. & off. circa sacra th. 13. & 14.* Statuunt quidem aliqui Fidem Christianam, in quantum aliquid superaddit religioni naturali, ad felicitatem huius vitæ obtinendam parum pertinere; eo quod tale bonum cultoribus eius non sit promissum, imo potius ærumnæ

& damna denunciata. Sed clara sunt dicta 1. Tim. 4, 8. *Pietas ad omnia utilis est, & habet promissionem huius & futurae vitae.* Matth. 6, 33: *Quærite primum regnum Dei & iustitiam &c. & ista (temporalia sc.) omnia adjicientur vobis.* Ab hac doctrina simplicitate non nisi cum magno periculo discesseris. Nam quod de æternis præmiis dicitur, non exclusivè resp. omnium temporalium accipi debet: sed comparative. Ærumnæ etiam sunt ex iis, quæ accidunt cultoribus, veræ religionis furore diaboli, conspiratione imperiorum, ob fines non spiritualiter tantum sed temporaliter etiam salutare. Adde *Lamp. Remp. Rom. Germ.* cap. 1. §. 19.

II. Quia difficile est quodammodo, Maiestati certos limites figere in cultu numinis moderando, per singula eundum. Quæritur ergo amplius: *An Maiestas Ciuilis ipsa fidei præcepta instituere, an tantum conseruare possit?* Affirmatur posterius: si tamen simul intelligatur, materiam legislationis ciuilis etiam ista præcepta fidei fieri, quatenus non minus ac lex naturæ à maiestate ciuili repeti, subditis commendari, præmiis & pœnis cura aut neglectio eorum inculcari potest.

III. *An Maiestas aliquid imperare possit diuino juri repugnans; aut si quid tale imperet, ad quod obligetur subditus?* Ad prius Resp. neg. In posteriori, subditus vere talis, ne magistratibus quidem exceptis (nisi formula Reipub. aliquid reseruauerit iis, aut reliquerit in talibus) obligatur non quidem ad agendum, sed  
ne



ne vi resistat. vid. *Grot. de Imp. S. P. circa sacra cap. 3.*

IV. Quia Maiestas Ciuilis prohibere debet, falsa & blasphema dogmata spargi, adeoque animorum seductores coercere, quaeritur: An tolerari diuersa religio in Repub. possit? Vbi nominatim de Judæis, Turcis, Anabaptistis.

V. An quisquam ad Religionem, etiam rectam, vi cogi possit? connexa est quaestio: An cuique libertas sentiendi quæ velit in religione concedenda? vid. *Burchard. Cancellarium quendam Coloniensem, tractatu de Autonomia.*

VI. An & quomodo male sentientes in religione puniri possint ac debeant à maiestate? quo etiam pertinet quaestio de hæreticis capitali supplicio afficiendis. vid. *Iust. Meieri quest. capital.*

De quibus omnibus præsertim videndus est *Gerhardus; Theologorum Orthodoxorum magnum quondam lumen, in loc. de Magistratu Politico.* vbi etiam quædam Lipsiana dogmata (4. *polit.* 2,3,4.) refutat.

VII. An externi cultus conseruatio tantum, an etiam institutio pertineat ad Maiestatem? Affirmatur posterius, si omnia fiant decenter, & ordine.

VIII. An cum Imperio & vi Imperii etiam functionem Ecclesiasticam sibi Potestas ciuilis possit sumere, adeoque aliquis simul Rex & Minister Ecclesiæ siue Pastor esse possit? Neg. De ceteris postea ex antithesi patebit.

In

In iis, quæ ad personas pertinent, quæritur  
 1. An ad maiestatem pertineat Ministrorum  
 constitutio? de quo, cum quæstionibus con-  
 nexis, præter laudatum anteq̃ *Gerhardum*, vide  
*Grot. comment. cap. 10.*

2. An Maiestas civilis habeat imperium in  
 personas Ecclesiasticas? obligativum sc. &  
 coactivum.

3. An Maiestas possit celebrare & conuo-  
 care concilia, illaque moderari? De quibus,  
 ut & similibus aliis vid. *Arnif. I.M. lib.2. cap.6.*

Idem etiam *Arnifæus* quæstiones tertii ge-  
 neris; de jure maiestatis in bona Ecclesiastica  
 & Ecclesiasticorum, diligenter tractavit, *libro*  
*de subiectione & Exemptione Clericorum.* Adde  
*Tholosan. 3. polit.*

Ex his omnibus quæritur: quomodo jus  
 Maiestatis possit subsistere circa sacra, salvo  
 jure & auctoritate Ministerii Ecclesiastici, &  
 an ejus quoque aliqua sit Jurisdictio, quibus  
 denique terminis inclusum illud officium  
 sit?

Pontificiorum doctrina in hoc genere in-  
 iuria est in jus Maiestatis circa sacra. oppu-  
 gnatur enim hoc jus, intus & extrâ. Sed Pon-  
 tificiorum dogmata hæc fere sunt: 1. *Maiesta-*  
*tem nullam habere in rebus Ecclesiasticis potestatem,*  
*quam ut sit defensor Ecclesiæ & executor sententia*  
*illius.* 2. *Ad magistratum non pertinere curam*  
*veræ religionis, nisi ad præscriptum ministrorum ec-*  
*clesiæ.* 3. *Potestatem maiestatis sese non extende-*  
*re ad omnes partes officij ministrorum Ecclesiæ.* 4.  
*Magistratum non habere potestatem vocandi Pasto-*

res

res seu ministros Ecclesiae. 5. Ad Magistratum non pertinere iudicium de Religione & controuersis fidei & causis Ecclesiasticis. 6. Magistratus circa res Ecclesiasticas non habere potestatem cum imperio coniunctam & coactionem in pastores. 7. Magistratus non esse, curam gerere, ne ministri Ecclesiae disciplina Ecclesiastica abutantur, & alicui iniuriam faciant. 8. Magistratus non habere potestatem ferendi leges Ecclesiasticas. 9. Contra, Ecclesiasticos habere potestatem leges proprie sic dictas ferendi. 10. Pontificem habere absolutam potestatem & Monarchiam in omnibus rebus Ecclesiasticis. 11. Magistratum in rebus Ecclesiasticis proprie & absolute loquendo subiectum esse ministris Ecclesiae. 12. Ministros Ecclesiae contra ne aliquo modo quidem pendere à Magistratu in rebus Ecclesiasticis. 13. Addunt quaedam de superiore loco personarum Ecclesiasticarum, præ Magistratu civili. quæ illo quidem Pontificio sensu in iniuriam maiestatis tendunt.

Aduersus istas Pontificias hypothesas disputauit libello singulari de Episcopatu Constantini M. Nicolaus Vedelius, Geneva primum, deinde Franeckera Professor Caluinianus. Sed expertus est,

Etiam Caluinum & Bezam cum discipulis in hac materia πειρίζειν. Prodierunt enim tum Guil. Apollonij tractatus, de Jure Maiestatis circa sacra, oppositus Vedelio, & Triglandij libellus de potestate civili & Ecclesiastica, ubi itidem Vedelium impugnat.

Occasione grauiorum casuum, & quaestionum, ne in ipsa quidem Ecclesia orthodoxa de

defuerunt aliquando contentiones in hoc argumento.

Legantur, præter supra memorata, *Meisneri tr. de Regim. Ecclesiast. Reinking. Dan. Oct. I. P. cap. 24.* ubi multos citat. idem facit *Besoldus Polit. I. 3. de Ecclesiastico maiestatis jure. Lampad. cap. 3. & cap. II. 12. Graßwinckel. Jure Maiest. cap. 5. Goldastus* quoque multa ad huius argumenti historiam conferre potest: ut & *M. Antonius de Dominis*, si quis doctus & peritus lector accedat.

Præsidium non leue ad superandam argumenti difficultatem erit: si quis 1. ante omnia ex Theologo Orthodoxo (supra Gerhardum nominaui) vtramque doctrinam de Magistratu Politico & Ecclesiastico diligenter cognouerit. est enim altera in alterius subsidium hic adhibenda, frustra que peritum te in hac credes, nisi illam probe perspexeris. 2. Praxis & historia huius negotii conferenda est cum doctrina. 3. Diligenter discernendum, quid ad jus Maiestatis ipsum, & quid ad modum exercendi juris pertineat. 4. Cautio & prudentia, Christianæ Reip. & Ecclesiæ decori & tranquillitati maxime conueniens, adhibenda. 5. Pontificiæ in hoc argumento tyrannidis historia, proposita, flagitia semper in oculis habenda. Late *Arnisaus I. M. 2, 6.*

### Locus Taciti

ostendit 1. Maiestatem ciuilem apud Gentiles etiam sibi vindicasse curam religionis, fecisse decreta &c.

2. Pere-

3. Peregrinas religiones Romanos non tulisse. ex instituto & consilio, quod Mœcenas Augusto demonstravit apud *Dion.* 52.

3. Coërcitionem partim apertam adhibitam, sc. exilium.

4. Partim occultam, & sub schemate militiæ. Explicatum id arcanum.

Dictum & de illo Taciti loco, cum *de morib. Germ.* 7. potestatem maximam antiquis Germanorum sacerdotibus videtur tribuere, de qua re vid. *Cl. Conring. diss. de Judiciis Reip. Germ.* 1b. 9.

Specimen regularum quarundam & observationum, de Juribus Majestatis, & eorum explicatione atque applicatione.

1. Studioso Politices triple. hic faciendum est veluti locorum communium genus: primum earum rerum, quæ maiestatis jura & vim tollunt; secundum, quæ jura maiestatis partiuntur; tertium, quæ jura eadem interpretantur.

2. Ad primum genus pertinent illæ quæstiones: An maiestatis jura tollantur per fedus inæquale; item, per tributum alteri pendendum; item, per feudi obligationem. &c. de quibus *H. Grotius* l. B. 1, 3, 21. & *seqq.* *Bodinus* *Polit.* 1, 9. Item per Juramenta Regum ab initio regni præstari solita. vid. *Theod. Grasvink. de Jure Mai. capp.* 12. & 13.

Ad secundum genus pertinet quæstio, an diuisa imperii jura recte colligantur ex eo, quod

quod reges acta quædam sua, nisi à cœtu aliquo probantur, rata esse nolint? de qua *Grot.* J.B. 1, 3, 18. Item: ex federe, e.g. *Hollandico* aut *Heluetio*. vid. *Grotium Apolog. cap. 1.*

4. In eodem Grotio operæ pretium est cognoscere, difficilem esse diiudicationem exemplorum, quando partita dicenda sit maiestas, quando non. J.B. 1, 3, 20.

5. In tertio genere quasdam regulas exempli gratia ponemus: quarum quædam pertinent ad jus habendi; quædam ad modum exercendi; quædam ad rationem concludendi, & exinde argumentandi.

6. Ante omnia constare debet ex legibus moribusque populi cuiusque aut ciuitatis, cui jura maiestatis vere data sint. De quo si constat, non licet argumentari: Hic ordo aliquis habet potestatem aliquam legislatariam. E. summæ potestatis jus imminutum, aut eatenus abdicatum est. Censetur enim talis potestas cumulatiue, non priuatiue data. Jus enim ferendarum legum, siue generalium siue specialium, summa potestas communicare alteri potest, à se abdicare non potest, sc. vt summa potestas maneat. Deinde, re exigente, rescindi aut corrigi à summa potestate tales leges possunt. Non enim possunt esse in vna Repub. duo legislatores æque summi. Ita *Grotius* disputat de *Imp. S. P. circa sacra cap. 8. p. 193.*

7. Ita in aliis juribus maiestatis maiestas agit totum per se; aut partim per se, partim per alios. Sed hoc ad ordinem & modum, non ad ius pertinet.

8. Ita

8. Ita appellatio interdum sublata est ipsius imperantis lege; scil. ne ab hoc aut illo magistratu ad summam Potestatem appelletur: Sed non statim inde infertur, omnem viam implorandæ cognitionis eius, qui summum imperium habet, sublatam esse.

9. Ita cum Imperatores profitentur, se deuinciri & teneri legibus suis, & nolle rescripta à se contra leges valere, non jus abdicant, sed voluntatem declarant.

10. Notanter dixi, legibus suis. In hac tota enim materia principium omnis actionis Imperatiuæ, & origo fundamentumque maiestatis, recte constituendum est: & postea ex maiestate ita vel aliter in rep. constituta de juribus & actibus eius iudicandum.

11. Nam administratio talium jurium sæpe diuersam obijcit speciem, neque statim ad subiectum proprium nos deducit. Vnde ex schemate tali & formula aut ordine non colligitur semper recte de jure, & principio illius ordinis, sed contra ex jure & formula fundamentali de illis exterioribus iudicium ferri debet.

12. Sic ad modum vtendi juribus maiestatis plurimum pertinet, non tantum consilio, sed & ministerio aliorum vti debere summam potestatem, itemque dare operam, vt volentibus imperetur, cognoscendi gradus seruentur, & quæ sunt eius generis alia: Sed hæc prudentiæ præcepta sunt, & ad ordinem prudentibus dilectum æstimatumque pertinent.

13. Non tamē inferas inde. E. nunquam

quam licet maiestati extra suum ordinem agere: E. si extra suum ordinem agit, iniuste facit. Multo autem minus. E. actus non est ratus.

14. Ex vocabulis non semper esse de juri-  
bus maiestatis judicandum, bene monuit *Grot.*  
*de I.B.* 1,3,10. illa enim in re dispari possunt si-  
milis esse.

15. Ceterum à maiestate ad jura maiesta-  
tis, & vicissim, perpetua est Politicorum ar-  
gumentatio. De cuius tamen usu & cautio-  
nibus in materia de formis Rerump. plura  
traduntur.

### DISSERTATIO XIII.

## *De Iudiciis Maiestatis*

*sive*

## *De Lege & Crimine Maiestatis*

*Ad Loc. Taciti I. A. 72. 73. 74.  
cum parallelis.*

**P**ostquam intelligitur quid sit Maiestas, fa-  
cile etiam est definire, quid sit vel Lex Ma-  
iestatis, vel crimen Maiestatis.

Lex Maiestatis originem suam repetit ex  
jure Diuino, naturali & positivo: tum ex hu-  
mano, gentium, ciuilique.

Jure Romano quæ leges de Maiestate latae  
sint, vide *Sigon. de Iudiciis lib. 2. cap. 29.* ex quo  
sua descripsit *Rosinus antiq. Rom. 8, 23.* Adde sub  
suis



luis quamque titulis in *Antonij Augustini tractatu de LL. & SC.* & quæ Jurisconsultis veteribus collecta supersunt fragmenta ad L. Jul. Maiestatis.

Erimus hic breuiiores, quia omnino hanc materiam peculiari opusculo prosequemur.

In loco Taciti 1. occurrit distinctio, quatenus Lex Maiestatis præcipua & vera maiestatis crimina contineat : & quatenus ampliata est.

2. Species directi, ut sic dicam, criminis maiestatis, quod vere aduersus populum Romæ & eius securitatem committitur, tres hic enumerantur, quæ ad perduellionis crimina proprie pertinent. nam illud, *male gesta Rep.* includit, etiam partes Reip. violatas, & quidem maligno impioque proposito. Alias ap. *Liu. 8, 33. legas, temeritatem & inscitiam Ducum* (sc. cum scelestum consilium abesset) *nunquam vindicaram esse.*

3. Secuta est ampliatio Augusti, ad famosos libellos, adeoque ad dicta.

4. Verum ampliationis duplex occurrit species: quarum prior ex ratione quadam status oritur, & profundis imperandi consiliis artibusque tribui debet; altera ex proposito & ratione tyrannica æstimanda est.

5. Illius prioris exempla sunt, in Augusti lege Julia & Impp. Arcadii & Honorii *l. quisquis C. ad L. Jul. Maj.* in quam extat eruditus *Jacobi Gothofredi comment.*

6. Posterioris Auctor ponitur Tiberius: cuius in illa ampliatione siue extensione no-

tantur 1. prætextus. *cap.* 72, 5, 6. 2. artificium dissimulandi, & sub specie recedentis ab hoc cognitionis genere, progrediendi. *c.* 73, 3. & 4. confer. 2. *A.* 50, 2. & 3. *A.* 22, 4. 3. captata occasio feueritatis siue potius scuitiæ, *cap.* 74, 5. 4. Verum propositum, quâ ad vim dominationis tyrannicæ intendendam, quâ ad scuitiam explendam. 72, 3. 74, 2. & 3. *A.* 22, 4. 5. Itaque materies odii ac tyrannidis adeoque sica maiestatis in clarissimos viros intubuit. *c.* 74, 2. vnde Plinii nobile dictum, de simili proposito Domitiani. 6. Præuariatio & corruptio omnis iudicii, tum in fingendis & agglutinandis criminibus maiestatis. argumento est locus 3. *A.* 37, 1. 3, 38, 1. 4, 31, 16. tum in auferenda defensione, exteritis patronis & reis. 3. *A.* 67, 4. 7. Instrumentum, Delationes & Delatores. 74, 1. & 4. *A.* 30, 5. dictum alibi, in *Annot. ad Histor. Tacit.* 8. præsidia alia ex consecratione Principum petita, *Plin. Paneg.* 11. Dicauit cælo Tiberius Augustum, sed vt maiestatis crimen induceret. vestigia hic *cap.* 73, 1. 74, 5. & in præcedentibus. Pertinet huc locus *Dionis* 57. de crimine ἀσεβείας siue impietatis. Simul apparet, quam parum fidei subsit verbis. *cap.* 73, 3. color etiam ab exemplo Augusti quæsitus. *cap.* 72, 5.

7. Continuatio ampliacionis tyrannicæ partim ex *Suetonij Nerone* 32. & *Domitian.* 12. partim ex *Tacit. h.l. c.* 73, 1. vbi de Titi cura in restringenda ampliacione tyrannica,

&

& Domitiani proposito, qui immensum ampliare studuit, accipiendus est.

Notari autem præsertim debet, totam jurisdictionem in causis maiestatis, tum cognoscendis, definiendisque, tum exequendis siue puniendis criminibus, aduersus Maiestatem commissis, non tam tractari ex formula Juris, quam ex politica ratione status; quæ ita intelligi debet e.g. in fauorem Maiestatis & securitatis publicæ, probatur interdum summaria cognitio, negatur reo aduocatus, jubetur reus ex vinculis causam dicere: probatio conficitur in partem vehementiorem, citra respectum æquioris interpretationis, status coniecturæ animosius & rigidius, quam in aliis criminibus tractatur, status definitiuus itidem ampliatur, nouæ leges Maiestatis, siue noua L. capita in certa crimina feruntur, vt ex iis definitio fiat, etiam causa indicta supplicium irrogatur, aut clam peragitur, pœna in posteros extenditur, item in amicos, aliaque extra ordinem in exaggerandis peculiarem in modum pœnis suscipiuntur. De qualibus rebus quædam etiam Arniseo tractata, *de I. M. lib. 3. cap. 6. §. 3. & seq.* In quibus omnibus regnant artes politicæ, colores politici, arcana dominationis, magistrorum & ministrorum adulationis interpretationamenta, quæque sunt eius generis alia. Etiam stilo nonnulli licentius vtuntur, quam par est in materia tanti momenti facere. E. g. cum disputatur, an crimen maiestatis à non subdito, à Principe in Princi-

pem committi possit? An securitate vniuersali promissa reis, etiam crimen maiestatis intelligendum sit, si non expresse positum est? Quo nomine impudenter Florentinos decipit Papa Clem. VII. sicut non immerito conuenitur *Bodinus de Rep. V. 6.* An in Electorem aut Principem imperii nostri possit crimen maiestatis committi (vbi itidem vocabulis luditur) infra patebit.

Sed hæc & talia exemplis melius iudicantur & cognoscuntur. Quo consilio quondam Vir doctissimus *Scipio Gentilis* in librum de coniurationibus & conspiracyonibus celeberrima quædam conduxit. Ad Philosophiam huius loci instruendam multum faciet laudatus ante tractatus *Jacob. Gorch. ad L. Quisquis. C. ad L. Jul. Mai.* valde πολιμνός, quod in hoc argumento requiritur.

In Tacito nostro causæ præcipuæ sunt, causa Libonis 2. A. 27. & seq. Clementis cap. 39. & 40. Pisonis 3. A. 8. & in seqq. Sili 4. A. 18. & seqq. Vibii Sereni 4. A. 28. & seqq. Cremutii Cordi 4. A. 34. & 35. Titii Sabini 4. A. 68. & seqq. in causa Seiani, amicorum eius 5. A. 6. & seq. M. Terentii 6. A. 8. Agrippinæ 14. A. 3. & seqq. Pisonis & aliorum 15. A. 48. & seqq. Cassii & Silani 16. A. 7. & 8. & c. Thraseæ & Sorani 16. A. 21. & seqq.

In Curtio celeberrima, & accurate tractata est causa Philotæ lib. 6. cap. 7. ad fin. (cum qua confer historiam Bironis Paris Franciæ, anno huius seculi 2. apud *Thuan.* 128. per tot.) &

Par-

Parmenionis *lib.* 7, 2. cum qua confer casum March. An cræi Conchini apud Gramond. 2.

Causa etiam Mariæ Scotæ multa huc pertinentia habet, descripta diligenter Camdeno. adde Thuan. &c.

Notauimus olim quædam, quæ nunc non repetimus, per quæ sc. materiæ huius partim philosophia, partim praxis, ad informandum iudicium politicum accommodatur.

#### DISSERTATIO XIV.

### *De Formis Rerump. sc. accidentalibus.*

*Ad loc. Taciti 4. A. 33, 1.*

**C**onnexionem ordinis monstrabit bene Bodinus 2, 1.

Agitur primum de numero formarum vsitatissimarum: 2. De mixtura. 3. de Præstantia.

In numero definiendo propositum Taciti probe notandum est. non enim ex professo numerum inquit, sed quæ vsitatissimæ Imperii formæ apud plerasque gentes reperiantur. Vbi de tribus recte ita pronuntiat, ut alias non neget, sed indicet, sicut post patebit. E veteribus præter Aristotelem, Platonem, Polybium, Plutarchus reliquit libellum *Ἐὶ μοναρχίας ἢ δημοκρατίας ἢ ὀλιγαρχίας.* Dio Chrysostomus *orat.* 3. de regno, tres illas species vocat εἶδη φανερώμενα, ad mentem Taciti nostri. Adde Arnif. 2. de Rep. 1. sect. 5.

2. Mixtionem nimis abrupte negat *Bodinus lib.2. cap.1.* vbi de numero Rerump. disputat. Licet enim Maiestas vnum quiddam sit ac per se indivisum. fieri tamen potest, vt diuidatur siue per partes subiectiuas, siue per partes potentiales, vt scholastici vocant. vide *Grot. de Jure Belli 1, 3, 17. Lampad. de constit. Imp. Rom. Germ. cap.1. §. 60. & 61.* vide prolixè disputantem *Arnif. polit. lib.2. cap.6. sect.1.*

Notanda hic omnino quædam cautionis loco. 1. Tacitum non negare omnem mixtionem, neque de ea vniuersè loqui, sed de certa specie mixtionis. 2. Bodinum, & alios, *difficultatem mixtionis, & incommoda, quæ metui possunt*, non rectè adhibere ad rem negandam. nihil enim in Politicis omni incommodo vacat. 3. Nimis speculatiue, vt sic dicam, in materia practica versari, qui argumenta, vel contra mixtionem, vel pro mixtione plane volunt exigere ad regulas Physicorum de mixtione. quæ in comparatione quodammodo interdum possunt locum habere, non in probatione, rei toto genere diuersæ. 4. Vt in omnibus formis, ita in mixtis, non esse judicandum, vocabulis, aut externa rerum specie. vid. *Grot. de I.B. 1, 3, 10.* 5. Frustra negare quosdam, quod rectè cum Aristotele & eius Interpretibus statuit *Bodinus 2, 2, Reipub. statum ab imperandi ratione, siue Reipub. statum ab administratione plurimum differre*, ita vt in Regali etiam statu gubernatio non regalis videri possit. 6. Distinguenda diligenter

genter esse, quæ disputandi causa, aut philosophandi animo ponuntur, ab iis, quæ iudicio Politico definiuntur. Exemplo *Contrarii*, quem multi refutare conantur, ostensum.

3. Præstantiæ argumentum πολυβρύχην est. E veteribus tractatum *Herodoto lib. 3. Dionii Cassio lib. 52. Dionii Chrysostomo, Plutarcho, aliisque*. Et plerique quidem Principatum siue Regnum prætulerunt; multis tamen non eximebatur, optimam esse Reipub. formam, quæ ex tribus illis speciebus mixta constaret, de qua sententia, præter *Herodotum*, habes integram Disputationem *Polybii lib. 6.* Huius meminit etiam *Tacitus*, iudicio vere pragmatico.

1. Eos qui prætulerunt hanc mixturam, Philosophiæ quam vitæ aptiora dixisse. 2. Difficulus ita instrui posse, ut ille finis obtineatur, qui hic quaeritur, τὸ εὐκλενὲς τῇ συγκειμένῃ ἐκ τριῶν εἰδῶν ἐκάστης πολιτείας σμικρογώνῃς, ut compositæ ex tribus formæ, unaquæque forma, quod habet præstans, conferat ac contribuat, sicut loquitur *Auctor libri de Repub. apud Photium in Biblioth. tit. 37.* 3. Durationem & constantem statum Reipub. à tali forma vix sperari posse; quia, ubi in rebus practicis nimia quaeritur ἀκρίβεια, opus durable non exit: ipsaque compositio talis semina in se contentionis de statu continet. 4. Quod iudicium Taciti in hunc diem adeo comprobavit experientia, ut non possit dari exemplum notabile, Reipub. vere ex tribus formis constitutæ. Nam, quod *Contrarius Venetam*,

*Bertius* Confœderati Belgii Rempub. ita describunt, comparationis potius qualiscunque Philosophandi gratia institutæ, quam veræ sententiæ adstruendæ gratia factum intelligi debet.

Generaliter hic notandum: 1. Perfectum in re quavis intelligi debere, non nuda contemplatione, sed inspecto, quid materia ferat aut recuset. Exemplo Platoniciæ philosophiæ illustratum. 2. Considerationem commodorum & incommodorum in singulis formis non nisi ex comparatione ad inuicem intelligi. vid. *Bodin. 6. polit. 4.* 3. Comparationem autem institui non posse, nisi habito respectu ad gentes, nationes, mores. Unde hoc recte inter præcipuas doctrinas politicas retulit *Bodinus, de conformando ciuitatum statu pro regionum ac populorum varietate, quibusq; disciplinis populorum mores dissimilesq; natura percipiantur. lib. 5. de Rep. cap. 1.* multa etiam in *Method. Histor.* huc pertinentia tradidit. 4. Diligenter spectandum, vbi scriptores tempori aut causæ seruiunt. 5. Item, vbi Oratores & Poëtæ figuris indulgent. 6. Nunquam autem ab argumento præstantiæ ad mutationem concludendum.



## DISSERTATIO XV.

*De Regno.**Ad locum Taciti I. H. 16, 7.*

**N**Eque enim hic, ut in ceteris gentibus, quæ regnantur, certa dominorum domus, & ceteri serui: sed imperaturus es hominibus, qui nec totam servitutem, nec totam libertatem pati possunt.

Ponuntur hic primo species regnorum. De quibus Aristotelis sententia à Bodino varie examinatur, & exagitur *lib. 2. de Rep. c. 2. & 3. & 4.* rursus prolixè defenditur ab Arnif. *Relect. Polit. lib. 2. cap. 2. sect. 15.* Simplicissime Aristotelis Philosophiam repetiit Augustinus Niphus, *tract. de Regn. & tyrann. lib. 2. cap. 2.* NB. Diligenter obleruandum, quid Aristoteles ex sua mente, & quid ex aliorum mente dicat: item, quid *ἡγεμονία καὶ βασιλεία* per modum disputandi & inquirendi, quid item definiendi gratia dicat.

Tacitus hic ponit duas potissimum species, quæ forte etiam solæ sunt, si proprie sit loquendum, scilicet *Dominatum*, & *Monarchiam Regalem*. nam quidquid supra dominatum ascendit, aut dominatu abutitur, ad tyrannidem pertinet. quidquid à regno deficit, in alias Reipub. formas migrat, vel in mixtas scil. vel in Aristocraticas aut Democraticas, in quibus interdum simulacra Regni deprehenduntur.

Verba

Verba *Grotij Jur. B. 1, 3, 20.* inter regnum plenum, *παμβασιλείαν*, & regnum Lacinicum (quod non est regnum re ipsa sed vocabulo tantum) aliquot species esse interiectas, caute sunt accipienda. In Lemmatibus enim capitis de mixta quadam forma videtur agere (confer §. 19.) Exempla autem, quæ ponit, videntur quodammodo diuersa esse, de quibus suo loco. Interim accurate loquendo Regna mixta potius retuleris ad formas mixtas, quam ad simplices, adeoque species mixtarum, formarum potius dixeris, quam species Regni. Id videtur in animo habuisse Bodinus, hæcenus non reprehendendus. Quanquam in vocabulis, etiam liberius vsurpandis, faciles in Politicis esse debemus.

II. Descriptio ex mente Taciti hæc est: *Dominatus* est ea Regni species, vbi vnus aliquis, cum pleno jure successionis in familia, summum imperium obtinet, & ex vsu suo suæque domus liberrime administrat, atque ad hunc finem personis rebusque subditorum, ceu instrumentis, arbitrato suo moderandis vtitur.

*Regnum* siue *Principatus* (ita enim maluerunt appellare Cæsares) est, vbi vnus imperat, sed cum quadam libertatis vmbra, siue cum temperamento moris legisque, nec tanquam in seruos ad suam vtilitatem, sed tanquam in liberos ad commune bonum, in quo præsertim inest simulacrum libertatis.

III. Differentia ex his ipsis patet, partim ex forma, partim ex scopo desumenda.

IV. Successionis clara sunt vestigia in illis: Certa dominorum domus, & ceteri serui. Vni addicta domui siue familiæ Respub. intelligitur. non quod in regnis Electiuis non possit esse plane dominatus, sed i. quia raro ibi datur (Electio enim juxta libertatem est *b.l.* 1. *Hist.* 16, 2.) 2. quia succedendi ratio in se quodammodo est *ἀετιώμενος*, siue heritior, & plerumque in illis populis, ubi est dominatus, obtinet.

Hac occasione disputari posset de Electione, & Successione. Sed instituti ratio non patitur retexere aliis dicta. Obiter notamus:

1. Disputationum hypotheses non esse importune ad exempla accommodandas, quod interdum fit, partim inepte, partim periculose. Nam Ratio & Utilitas Reip. est suprema in Politicis philosophandi Regula.

2. Repetenda itaque forte fuerint, quæ ad hanc orationem Galbæ nuper publice annotauimus.

3. Vbi simul illud obseruetur. interdum vocabula hæc politicis vsibus seruire artibusque. hîc e. g. Galba tanquam de Electione disserit, cum reuera successionis negotium ageretur. Quando enim vnus ex suo arbitrio potest successorem Reipub. dare, siue id fiat per adoptionis modum, qui æquipollet successioni stirpis, siue per modum legis, Electio non habet locum, si velimus accurate agere. Itaque alibi notauimus aliqua, ad figuras politi-

politicas Plinii in Panegyrico. adde *Annotat. 8. ad cap. 7. lib. 1. Annal. Tac.*

4. Successionum materia est pars nobilissima juris publici, late diffusa, & multis variationibus inuoluta. Esse de ea certas regulas, in quouis regno, publicæ tranquillitatis interest. Illis legibus, nulla aliarum gentium iura, aut quæ videntur naturæ dictatis propius congruere, opponi possunt. Certus enim Reipub. status summa ratio est, aduersus quam non valet subtilitas disputandi.

E. g. Lege Salica in Galliis prohibetur feminarum successio. E. I. frustra ibi disputa ueris de habilitate, ut loquuntur, feminarum ad imperium: Quæ utut certa sit, cum de jure loquimur, (quidquid enim in contrarium adfertur, ad quæstionem consilii pertinet) tamen hîc vrgeri non potest, quia Resp. suam voluntatem sacrata perpetuaque lege sancit, declarauitque. Ex diuerso, ubi feminarum successio in usu est, ab exteris inepte, à ciuib. scelerate disputatur, aduersus hunc morem.

5. Successionum rationem, & quæstiones supra ea moueri solitas, cum primis diligenter annotauit *Grot. I. B. 2, 7. Arnif. relect. polit. 2. c. 2.* Sed plurimum historia hic præstat & notitia moris legisque, quibus vnaquæque Resp. utitur, tum controuersia celebriores super causa successionis agitata.

V. Pro ingenio populorum diuersitas regiminis orta & usurpata videtur, quod *Tacitus* clare innuit. Hac occasione obiter mone-

mus:

mus: 1. Quantum ad disputationes de origine regnorum attinet, Ethnicorum Philosophiam non nisi coniecturis niti; quæ adeo sunt variæ, vt nonnunquam contraria illis placuisse sciamus. 2. Hypotheses illas non tam historiam spectare quam philosophiam, inquirendo sc. in id, quod rationi & naturæ maxime videretur consentaneum. Qui modus ἡ ὑπόθεσις ex Platonis schola haustus, passim etiam in Aristotele obseruatur. 3. Itaque subest aliquid interdum veritatis. e.g. de Regnis Heroicis, de Regibus aureæ ætatis, de Regno iustitiæ fruendæ causâ constituto, &c. Esse enim ordinem imperandi & parendi, atque etiam regnum juris Diuini naturalis, & finem spectate naturæ sociali maxime accommodatum, id est, juris societatem, eumque ad finem obtinendum requirere modum optimum, tum in constituendis imperiis, tum administrandis; fuisse etiam, sæculis melioribus & vetustioribus, multas apud gentes regna & reges ad hanc formam, rationi præcipue congruentem, (in quantum humana infirmitas patitur) verissimum est. 4. His ex notitia Scr. S. addimus: Reges (etiam posituo jure Diuino) à Deo institui vt regnent, & informari quomodo regnent. Ceterum qualia fuerint imperia e.g. ante Nimrodum, coniecturæ res est, non scientiæ. Verisimile est inter pios, moderatissimi imperii, & quasi patrii formam fuisse, neque diffusam ample potestatem imperandi; sed auctoritate Principum & Patriarcharum pleraque tractata:

Juri-

Juribus & vera potestate imperii penes Deum constituta, in forma regiminis Theocratici: si enim postea id durauit vsque ad Reges (vt jura maiestatis accurate loquendo penes solum residerent Deum) nulla ratio patitur aliud opinari de temporibus antiquioribus, vbi itidem reuelationes & conuersatio Dei cum Patriarchis obtinebant. In cœtibus autem Cainitarum, quique deinceps à sanctiore Semj posteritate consuetudinem suam diiunxerant, ex arbitrio & libidine imperantium pleraque videntur pependisse.

VI. Quas apud gentes hæc vel illa species regni obtineat, suo loco infra dicetur.

VII. Continetur etiam in verbis Taciti illa quæstio, Dominatus an Regnum præstet? Quam Tacitus putat definiendam ex ingenio parentium, quod supra etiam diximus, cum de comparatione formarum inter se facta esset mentio.

VIII. Quantum ad dignitatem attinet, ipsa vox seruitutis & seruorum habet in se aliquid vile, & durum. Etiam illud negari nequit, Dominatum viciniorem esse tyrannidi, & facile in eam degenerare, eoque nomine caute habendum, quod Claudius in animo habuit, cum Meherdatem instruit. 12. A. 11, 2.

IX. Non tamen inde recte infertur, omnem Dominatum esse tyrannidem, sicut recte disputat *Bodinus lib. 2. cap. 2.* Recte etiam *Grotius monet, l. B. 1, 3, 8. non esse vniuersaliter verum, omne*

omne regimen eius causa comparatum esse, qui regitur.

X. Virtus imperandi includitur in verbis Taciti. De quo argumento inter veteres *Xenophon* in *Cyro* suo, quem non immerito ad imaginem perfecti imperii scriptum existimant: *Plutarchus* passim: *Synesius* de *Prouidentia*, & de *Regno*: *Dio Chrysostomus* orat. de *regno*: Poëtæ, Panegyristæ. Sed præsertim historicis, in ipso opere virtutem regiam demonstrantibus, opera danda.

Dictum obiter aliquid de loco *Taciti Germania* 44, 3. & seq.

## DISSERTATIO XVI.

### *De Tyrannide.*

*Ad loc. Tacit. 4.H.8,3. & 4.H.74,4.*

**D**E vnico capite huius argumenti potissimum agendum est, quid in tyrannum & aduersus tyrannidem liceat, vel non liceat. Huc enim Taciti nos loca vocant. Et tractata diligenter aliis non consultum est repetere.

Obiter monemus i. in constituenda tyrannidis definitione plurimos aberrare, vel dum *Aristotelis* mentem nimis laxè verbis interpretantur, & locis non satis inter se collatis: vel dum quicquid ad vnâ speciem Regni eiusque descriptionem, quam sibi faciunt, non congruit, statim tyrannicum esse autumant. sicut de *Dominatu* ante dictum est.

2. Omnino autem in tyrannide describenda, iniuria & propositum iniuriæ constans, quod nimirum pugnet cum jure Reip. aut ciuium, ratione regiminis, requiritur. Itaque nemo tyrannidem æstimare potest, nisi qui jura cuiusque status ex parte imperantium & parentium accurate cognouerit. Vnde patet, non recte tyrannum dici statim, qui ex legibus posituius non imperat. His enim quidam Principes soluti sunt, ex formula status & regni.

3. In imponendo tyranni titulo caute verſandum est. Quo nomine laudari meretur *Arniseus*, qui *Relect. Polit. l. 2. c. 3. sect. 6.* diligenter collegit illas cautiones & obseruationes.

4. Vnde simul illud patebit, non statim tyrannice fieri; quod est tyrannicum.

5. Proposita, facta, mores, arcana, artes Tyrannorum, vel Titulo vel Exercitio, vel in Pilustratismo, vel in Phalarismo occupatorum, *Tacitus* absque comparatione diligenter expressit. Sed ea peculiari dissertatione collecta & disposita, vt & artes Regias, proponemus.

Nunc ad quæstionem: quid in tyrannum Reip. ac ciuibus liceat, vel non liceat?

Vere & prudenter *Bodin. 2. Polit. 5. Tyranni vox ignota, plerosq; impulsit in errorem, & in perniciem Principum multorum armauit.* Itaque ex vtraque parte in hac tota distinctione diligenter sunt expendenda facta, & conditio ac jura personæ, quæ tyrannus dicitur: & conditio ac jura ciuitatis ciuiumque, de quorum potestate in tyrannum quæritur.

*Albericus Gentilis de vi ciuium in Reg. semper*



per iniusta, statum quæstionis ita format: De variis Principum generibus, & de variis generibus ciuium, non est hic nobis curiosius distinguendum, vbi indistincte querimus, si iusta esse vis ciuium possit vnquam in Principem: & nulla ciuium, nulla Principum habita distinctione, vim omnem ciuium semper iniustam esse in Principem defendimus. Incaute, & nescio qua affectatione compendii & securitatis ita loquitur. Qui enim omnem distinctionem tam asseuerate abdicauerat, mox, & in ipso principio corrigit dictum, cum adiicit: Monemus tamen, atq; excipimus illa duo: nec esse de eo Principe quæstionem, qui magistratus magis, quam Princeps est: etsi Princeps, etsi etiam Rex, non magistratus appelletur. Sed neq; de illo Principe loquimur, qui iudicem aliquem habet, aut custodem. At alterum quod monemus, hoc est, esse sane quæstionem istam de legitimo Principe, non de tyranno. verum de eo tamen legitimo, qui Principatum gerat tyrannicè i.e. remp. lèdat. (Dictum hac occasione aliquid de consuetudine philosophandi, quæ in aliis quoque Alb. Gentilis scriptis obseruatur.)

Arniseus, cui multum in hoc argumento debet Reip. tractatu peculiari de auctoritate Principum in populum semper inuiolabili cap. 1. statum ita format: vtrum subditi regem legitimum, si degeneret & improbe præsit Reip. licita legitimaue potestate, pro iure suo iudicare, & à solio pellere possint? hoc est, vtrum subditis fas sit, vllò in casu arma induere contra iustum Principem?

Ex quibus apparet, quod diximus, vtro-

bique diligenter distinguendum esse: & de tyranno, & de ciuibus siue subditis.

Et de Principe quidem, qui potius est Magistratus, facilis est quæstio.

De Principe, qui ex parte maiestatem habet, ex parte ea penes alios remanente, non omnia quidem adeo sunt liquida, sed expediri tamen queunt 1. ex legibus Reip. fundamentalibus, quæ plerumque in tali Reip. statu accurate rem definiunt. 2. tum quatenus inuadit partem non suam. Ita enim fit quodammodo inuasor imperii alieni. confer *Grot. J.B. 1, 4, 13.* Videantur, quæ disputat *Ampliss. Carpozuius de Lege Reg. Germ. cap. 14. siue ultimo: an resistendum Cesari, si contra Capitulationem agat? sect. 5. & 6. Consilium D. Lutheri, de quo etiam Bodinus p. 342. Aruma. I. P. volum. 4. discurs. 18.*

Cumque qualitas Principis ex formula delati Regni æstimanda sit, dubium non est, vbi Regnum ita defertur, vt committi possit, itemque vbi defertur sub lege, qua subditis in certis casibus resistendi potestas expresse reseruatur; Principi vim facienti, aut in legem illam peccanti, vim opponi posse, aut iudicii seueritatem intentari. vid. *Grot. J. B. 1, 4, 12. & 14.*

De Inuasore etiam res est facilior, siue tyrannum titulo velis appellare. Quamquam *Bodinus de Rep. 2, 5.* rigidius tractat illam quæstionem, an inuasor, si consecuta fuerit approbatio imperii per suffragia ciuium, tamen occidi possit? itemque an præscriptio non nisi  
centum

centum annorum locum habeat in tali casu. Qua de re quædam diximus *annot. 2. ad cap. 10. lib. 1. A. Tac.* adde omnino *Grot. J. B. 2, 4, 8. & J. B. 1, 4, 15. & seq.* vbi quæstio de inuasoribus neruosa breuitate explicatur. *Brutus* violentius philosophatur in *Vindic. contra tyr. quæst. 3.*

De Principe igitur iusto sermo est, i. e. re tali, non vocabulo, & de cuius Maiestate dubitari non potest.

Ex altera parte 1. non quæritur de Peregrinis. (vid. *Bodin. 2, 5. & Arnif. tract. dicto c. 1. §. 2.*) Sed de ciuibus & subditis, qui possunt crimen maiestatis incurrere, resistendo Principi.

2. De ciuibus subditisque vere & mere talibus; non de iis, qui participant jura maiestatis. vnde *Jacobus Magnæ Britannie Rex* distinctione vtrunque adhibita inscripsit tractatum; *Jus libera monarchie, siue de mutuis Regis liberi & populi nascendi conditione illi subditi officiis.*

3. Videndum est etiam, an subditi vniuersi plus juris hic habeant, quam singuli? quod in terminis conuenienter sumtis negandum est.

4. An Magistratus & officarii, quos vulgo vocant, tanquam personæ publicæ plus juris habeant in Principem, quam ceteri priuati? N. Respectu Regis propriè dicti omnes sunt priuati. Hinc *Plinius Paneg. § 8.* consules Rom. non oratorie sed politice vocat *priuatos.*

Tertium caput huius quæstionis consistit in causa resistendi, ex facto Principis. Vbi quidam distinguunt vitia morum à tyrannide.

de. Quanquam vulgaris consuetudo, quidquid in Principibus arguit, tyrannidem vocat. Vera vox Bodin. 2, 5. *ô quanta sit tyrannorum futura multitudo, si tyrannos subditis occidere liceat! quam multi innocentes ac optimi Principes suorum conspiratione perituri! nam qui tributis & vectigalibus plus aequo ciues urget, tyrannum vulgus appellat &c.*

Huc pertinent illa facta Principis, e. g. si regnum, quod non habet alienabiliter, alienare conetur: si manifeste totius populi se hostem ferat &c. de quibus *Grot. 1, 4, 10. & 11. It. si religionem falsam introducat, subditosque ad eam cogere velit. qua de re Theologi.* Esse enim exempla & casus, ubi excusari possunt, qui tyrannidi restiterunt, non est absicisse negandum.

Quartum caput in modo resistendi explicando versatur. Nam quin subditi tyrannidi possint opponere preces, supplicationes, admonitiones, nihil obstat. Fuga etiam interdum satis locum habet, sed ea huc non pertinet. De resistendo enim agitur. Ita que nec illud proprie huc spectat, cum quaeritur, de non-parendo, quando Rex jubet, quæ Deus & natura vetant. Vis & arma vero an locum habeant, & quando, quaeritur. Vbi scutum, quod fauorabile præ cæteris armorum genus est, in extremis casibus aliqui permittunt; gladium negant. vid. *Grot. J. B. 1, 4, 7.*

His ita consideratis, ad quaestionem propositam respondent Negando, qui vera religione

gione sunt instructi, & vera Philosophia eruditi, tum ingenio ciuili præditi.

Multum enim in hac quæstione prodest, cognoscere proposita & habitum animorum apud Disputantes. Nam qui Regium jus legitimum impugnant, subditis autem jus non legitimum vindicant, non sunt vnus generis.

1. enim quidam adulantur & seruiunt ea in re Pontificis Romani prodigiøsæ dominationi, cuius ista sunt huc pertinentia dictamina: Pontifex potest subditos aduersus Reges legitimos armare, potest eos vinculo & iuramento fidelitatis soluere: subditis licet primò principem hæreticum (ita vocant, quicumque diuersum in religione sentit) pro tyranno habere; deinde ei non obedire, imò (horresco referens) si videat priuatus quisque, Principem nocere religioni Catholicæ, licere ei, vt consilium capiat occidendi Principis, re tamen cum viris prudentibus communicata. Talia propugnarunt, *Bellarminus*, *Cardinalis Perronius*, & *Jesuitæ* passim. videntur præsertim, quæ nuperis annis disputata sunt ab *Academicis Parisiensibus Sorbonicis contra Jesuitas*. Contra hos, præter Theologorum scripta, præsertim strinxit calamum *Jacobus Magnæ Brit. Rex*, cuius aliquot opera in hanc rem exstant; & *Guil. Barclaius* aduersus *Monarchomachos*. Adde disput. memorab. hac de re apud *Gramond.* anno huius sæculi X, & XXV.

2. Quidam odio regni potius quam tyrannidis, ingenio scilicet contumaci & factioso

præditi, talibus scriptis tranquillitatem regnorum conuellant. Nescio an huc *Buchananum* referam, ob editum *Dialog, de jure Regni Scot.* certe malignitatem animi alias quoque prodidit. Si tamen velit quis humanius judicare, & ad sequentem classem eum referre, nolo refragari.

3. Sunt enim inuenti, qui *partim* pulcritudine philosophiæ, quam imbiherunt de optima regni specie, *partim* ad terrendos hac veluti Gorgone tyrannos, *partim* ad seruanda priuilegia, causæ suæ nimis seruiuerunt. In quibus omnibus propositis speciosus libertatis titulus & illecebra subest. Huc retulerit aliquis *Hotomanni Franco-Galliam*, & si qui sunt non multum dissimiles.

4. Nonnullos calor disputandi aduersus fautores & adulatores tyrannorum longius euexit, quod de auctore *Anti-Machiaueli, Geniiletro* sc. non absurde credideris.

5. Quibusdam religionem incipientem & adolescentem inter homines diuersa sentientes talibus schematibus munire consilium & jus fuit. Hugonotis in Gallia id sæpe tribuitur. Merito tamen viris grauibus religio fuerit, religionem cum præiudicio juris regii, quod & ipsum pars est religionis (siue, de quo recte sentire, pars est religionis) tueri. Veritas enim adiumenta non nisi ex veritate petit.

6. Multi securitate quadam scribendi, siue potius describendi, auctoritatem Scriptorum, in

in quos inciderunt pro ratione amplexi, aliorum errores suos fecere,

Quid de *Junio Bruto* dicemus, auctore *Vindiciarum aduersus tyrannos*? in quo (siue is est *Languetus* (de quo non dubito) siue is, quem *Grotius* autumat in discussione *Apologetici Riuetiani*) videntur concurrere ea, quæ 3. 4. 5. loco sunt posita: si humanissime iudicandum sit. Scriptum tamen ipsum non sine ratione sæpius seditiosis annumeratur, neque dubitandum est, in animo id præcipue habuisse *Arnifæum*, cum tractatum suum dicit *oppositum seditiosis quorundam scriptis, qui omnem Principum maiestatem subiiciant censura Ephorum & Populi*.

Ponemus hypotheses eius præcipuas, quibus alienis aut falsis Gigantomachiam suam superstruit. Primo quidem speciosè incedit disputando de iis, in quibus Rex præcipit Deo vetita, aut vetat Deo iussa; in quibus non obediendum esse, nemo negat. 1. *πρῶτον* *ψευδῶς* & hypothesis primaria eius est, Populum esse Rege superiorem, quia omnes Reges à populo constituentur. Hoc ad nauseam vsque inculcat, refutatum *Grotius J. B. 1. 3. 8.* 2. Obligationem Regis & populi esse vbique æqualiter mutuam, *Grot. 1. 3. 9.* 3. Magistratus & officarios esse Regni consortes, participes, regum ephoros, populum repræsentare, adeoque illo respectu regibus superiores. 4. Reges omnes facit ministros populi, executores & administratores. 5. Subditos ad obedientiam, non ad seruitutem te-

Huc per-  
tinet illa  
libertas ta-  
cta & refor-  
mata, quæ  
nonnullis  
dicitur.

3. Inter titulos illos *Arcanorum* vocabulum celebre est. De quibus extat *Clapmarj* libellus. De natura arcanorum ac discrimine satis egimus ad *I. A. Tac. 6.*

4. Plerumque artes Regiæ & Tyrannicæ habent aliquid commune, ita ut differentiam usus demum & circumstantiæ ostendant. Dictum hac occasione de *Aristotel. V. polit. cap. 10. & 11.*

5. Omnis æstimatio Artium Monarchicarum (ita enim generali voce appellabimus) exigenda est ad status cuiusque rationem, scopum & finem.

6. Itaque Tiberij quoque scopus fuit Dominatio infinita, siue sine fine, quam appellat *Tacitus 4. H. 8, 6.* sed ut haberet schema & simulacrum libertatis, & optimi Principatus.

7. Secundum consilium, & consequentiæ quodam genere, priori illi destinatum, est: nihil penitus moderatque habere, dummodo finis ille obtineretur, nihil illicitum, nihil turpe credere, quod eo pertineret, si modo colore aliquo in publicum aut prætextu posset præscribi.

8. Ex quo apparet hic concurrere artes tyrannicas ex vna parte propositi Tiberiani, & natura principis, & flagranti desiderio obtinendi scopi: & artes Regias ex altera parte propositi, quæ ad imaginem & schema Principatus pertinet. Conferatur locus *Taciti 6. A. 51, 5.*

9. Dummodo meminerimus vnam eandemque artem ex schemate publico, quod sibi induit, Regiam videri, & esse, si hypothe-  
sis



sis detrahatur : & simul reuera Tyrannicam, si ex hypothefi Tyrannica æftimetur.

Faciemus membra huius breuiarii ex præcipuis Reipubl. partibus. Illud per fe erit manifestum, quæ nouo Principatui, quæ adulto, quæ personæ, quæ domui, quæ dominationi, quæ imperio propiora; quæ item dignitati aut securitati destinata sint. Eamus cum eo in curiam; reuertamur cum eo domum; inde quid ad populum, ad Prouincias destinauerit molitusque sit, noscitabimus.

## I.

1. Quid Tiberio in curia & ad curiam propositum fuerit, ex consilio Sallustii Crispi explicari potest 1. A. 6. illius enim consilii regula in maximis Tiberio ac præcipuis fuit.

2. Sed quia tutiora sunt & efficaciora consilia status, cum ignorantur, simulauit aliud, quam in animo erat: & cum omnia Senatus arbitrio subtrahere, suo autem vindicare statuisset, quasi augere vellet Senatus Maiestatem & potestatem, præ se tulit. Huc pertinent, quod per Coss. ab initio statim omnia incepit, tanquam vetere Rep. 1. A. 7, 3.

3. Quod Aristocratiam suauit & commendauit, 1. A. II, 4.

4. Quod per Accisnum plane recusauit imperium, 1. A. II. & seq. de quibus locis in annotationis nostris agitur.

5. Quod non permisit in acta sua jurari tanquam incertus nec securus adhuc potentia, 1. A. 71, 2.

6. Certamina Senatorum non interrupt, sed

sed libere dissentientes cum silentio audiuit,  
eaque simulacra libertatis Senatui præbuit.

1. A. 77, 2. 2. A. 35, 4.

7. Negotia ad Senatum disceptanda remi-  
sit. 1. A. 79. 3. A. 60. It. 2. A. 30, 6.

8. Passus est secum & cum suis legibus  
agi, domumque à Repub. distinxit. 2. A. 34, 5.  
2. A. 51, 3. 3. A. 24, 8. 4. A. 7, 1.

9. Aduersus suam sententiam passus est  
quædam decerni. 2. A. 39, 6.

10. Ad Senatum quædam maiora etiam  
reiecit. 1. A. 25, 5. 2. A. 66, 1. 3. A. 10, 5.

11. Sententiarum libertatem noluit im-  
pedire exemplo suæ & suorum sententiæ.  
3. A. 22, 6.

12. Precibus à Senatu petit pro liberis pri-  
uilegia. 3. A. 29. & honores. 3. A. 56, 5.

13. Queritur, quod Senatus cuncta cura-  
rum reiiciat ad Principem. 3. A. 35, 1.

14. Imo plane rogat, ut consules seu quis  
alius regimen rerum susciperet. 4. A. 9, 2.

In his omnibus securitatem suam fundare  
voluit; ut his imaginibus allicefactus Sena-  
tus, sub schemate antiquæ dignitatis, tan-  
quam sub veste decora, seruitutem suam par-  
tim ignoraret, partim ferret patientius.

Interim, ne his artibus vis Principatus re-  
solueretur, miscuit artes directe Monarchi-  
cas.

15. Maxima quæque sibi vindicando ac  
apud se retinendo. Huc spectat, quod in caus-  
sa Hortali inclinationem Senatus incita-  
men-

mentum habuit promptius aduersandi. 2.A. 38, 1.

16. Quod suæ potestatis eminentiam ex occasione grauitè inculcavit. 3.A. 33, 3.

17. Quod in caussa ad Senatum remissa omnia sibi integra postulauit. 5.A. 5, 1.

18. Quod libertatem egrediendi in dicenda sententia grauitè perstrinxit. 2.A. 33, 5.

19. Quod arcana imperii statim & aliud agendo vindicauit. 2.A. 36, 2.

Hinc subtilia & vera Taciti iudicia. 2.A. 37, 1. 3.A. 60, 1.

## II.

## Circa Leges.

1. Hic præcipua Tiberio Lex fuit, legum vim soluere, ac in se trahere, id vt securius & speciosius faceret.

2. Patrocinium & curam legum in multis suscepit: prouidit in iudiciis vt valerent. 1.A. 75, 1.

3. Ciuillissima sententia professus est, minui jura, quoties gliscat potestas, nec vtendum imperio, vbi legibus agi possit. 3.A. 69, 3.

4. Passus est secum legibus agi, de quo cap. præced. 8.

5. Sed miscuit vim dominationis. itaque lætatus est, quod Senatus inter filios suos & leges disceptaret, & lex victa esset. 2.A. 51, 3.

6. Alibi filios suos legibus solui rogauit. 3.A. 29, 1.

7. Etiam aliquos amicitia Augustæ supra leges efferri sinit. 2.A. 34, 3. 3.A. 15, 1. 3.A. 17, 2.

8. De-

8. Denique lege maiestatis, & delationibus tanquam vna litura ceteras leges deleuit. de qua re supra.

## III

## Circa Domum suam.

1. Quanquam autem, vt modo dictum est, libenter pateretur, suos super auctoritatem legum extolli, quatenus is honos in ipsum redire, & ad splendorem firmitatemq; regnatricis domus pertinere videbatur; tamen, ne suæ maiestati aut potestati præiudicium inde crearetur, prouidens statuit: arcana domus ad arcana dominationis referri & exigere, iuraque cognitionis cedere iuribus imperii.

2. Hinc est, quod arcanum dominationis, de non ingredienda, absque permissu Principis, Ægypto, à Germanico tentandum non fuisse, præ se tulit. 2.A. 59.3. & 4.

3. Neque supra suum fastigium extolli aut sibi æquari passus est Liuiam. 1. A. 14, 1. & 2. 5.A. 2, 1. & c. 3. A. 64, 2. aut Agrippinam. 3, 4, 3. 1.A. 69, 3. aut liberos eius. 4.A. 17, 2.

4. Germanici potentiam interruptit & imminuit. 2.A. 26. 2.A. 42. æmulos ei dedit. 2.A. 43, 6. & amolitus est eum periculisque obiecit. 2.A. 51, 1. Quanquam, quæ ad Agrippinam & Germanicum pertinent, mere tyrannica sunt, sed sub colore politico vsurpata.

5. Seiano matrimonium Liuiæ petenti negavit. 4.A. 40.

6. Agrippinæ votum de matrimonio, quo  
puta-

putabat mukum e Republ. peti, interuerit  
4. A. 53.

## IV.

Circa Viros Eminentes, aut præclare  
meritos, & magistratus, admi-  
nistrosque.

1. Hic neminem eo usque attolli passus est,  
ut ipsi obligatus crederetur.

2. Talem jactantiam in Silio ferre non po-  
tuit. 4. A. 18, 2.

3. Quanquam in exemplo Getulici infle-  
xit hanc suam monarchicam hypothesin cal-  
lide, & tempori prudenter cessit. 6. A. 30.

4. Eminentium virorum ingenia noscere  
studuit, ut eos diligentius observaret. 1. A.  
13, 1. &c.

5. Hinc emissarii, omnia eorum dicta fa-  
ctaue scrutantes. Qua de re supra, cum de  
delatoribus ageretur.

6. Opes, virtutes, claritatem suspectavit,  
depressitque & imminuit tales quantum po-  
tuit.

7. Et quanquam omnia magistratuum  
munia occupauerat, tamen suam consulibus,  
suam prætoribus speciem reliquit, minorum  
quoque magistratuum potestatem exerceri  
passus est. 4. A. 6, 4. neque infringi jus consu-  
lis fuit. 4. A. 19, 2. consulatum quasi attolle-  
re videbatur, dum filium suum munia con-  
sulatus, absens ipse, solum implere voluit.  
3. A. 31, 2. licet reuera Drusi auctoritas inde  
augebatur.

8. Inuidiosa quæque, castigationes, oburgationes magistratibus per speciem augendæ potestatis reliquit. 6.A.13,2. & 3. etiam suos damnandi officio subtraxit. 3.A.22,6.

9. In partem fauorabilium venire passus est, si laboriosa erant, & per modum ministerii, sicut 3.A.28,6. aliquando imaginem præbuit, quasi venissent in communionem, aut venire deberent, licet interim satis arcerentur, vt in largiendis præmiis & honoribus. 3.A.21,3. 3.A.35,1.

10. Quia omnes viros illustres admittere ad Rempub. periculosum suo, & nouo, Principatui duxit, 1. mediocres potius quam excellentes ad curas publicas vocauit. 2. itemque obsequiosos & Principatui amicos. 2.A.52,6. 6.A.39,3. 3. eminentes autem sicut non admittebantur statim. 1.A.80,4. ita titulo tenus ac specie admissi videbantur, reuera exclusi, dum retinebantur in vrbe. 1.A.80,5. 3.A.47,2. 4. idque ne agi videretur, penuriam idoneorum ad officia virorum questus est Princeps. 6.A.27,3. 5. atque exorta negotia ardua dissimulabat. 4.A.74,1.

11. Interim adiutores magnarum rerum, quibus carere magna nequeunt imperia, mirâ arte lecti. qualis Sallustius Crispus, 3.A.30. & Seianus, 4.A.1. iique publice honoribus ornati, postquam de fide eorum non est amplius dubitatum. 3.A.72,3. 4.A.2.

12. In puniendis magnis viris imagine cognitionis lusit. 3.A.17,6. etiam dilatione cognitionis. 6.A.23,2. clandestinis quoque

pœnis in secreta palatii parte locus fuit. 2.A. 40, 6. Etiam signa mortis missa, & demonstrata potius quam illata mors. 6.A.40,3.

## V.

## Erga Populum.

Ad populum phaleras. Populi jura cum in se traxisset Tiberius, subinde tamen hominibus os subleuit, & vel sefellit plerosque aut placavit. Ita Comitiorum juribus sibi vindicatis, imaginem tamen comitiorum sine re permisit, varioque vultu adornavit. 1.A.15. 1.A.81.

2. Inanes populi rumores super his & aliis negotiis neglexit, dicens in ciuitate libera liberas linguas esse oportere. 2.A.50,2. (Confer *Sueton. Tiber.*28.) ratus vulgus, feruidum verbis, nec vltra ausurum. 3.A.10,4. 3.A.44,4.

3. Variis imaginibus munificentiae & clementiae à sensu eius, quod agebatur, auertit populum; de qua re mox.

## VI.

## Erga Milites.

In militibus munimentum Principatus, praesertim in praetorianis. quos nouis iuramentis à se obstrictos semper circa se habuit. 1.A.7,5.

2. Eorum curam & beneuolentiam à nemine passus est captari. 6.A.3,2.

3. Exercitus per prouincias ab initio principatus tumultuantes, mirâ arte & temperamento

mento compositas sefellit, adultoque Principatu reuocauit, quæ ante concesserat. 1. A. 78, 3. 4.

4. Atque vt securior esset, maximis exercitibus filios præfecit. 2. A. 44, 1. qui hac ratione & ipsi ad fastigium Maiestatis admouebantur paulatim.

## VII.

## Erga Externos.

Jam primum firmum illi destinatumque, astu res externas moliri, arma procul habere. 6. A. 32, 1. 2. A. 65. & 67.

Ex hoc principio fluunt ista, quod Arche-laum pridem sibi inuisum structa fraude circumuenit. 2. A. 42. quod Maroboduum illexit, cuius meminit *Tacitus* 2. A. 63, 4. explicat *Velleius* 2. 129. 4. quod specie pacis firmandæ discordiarum semina exteris iniecit per Drusum. 2. A. 62, 1. 2. A. 46, 7. quod Artabano æmulum dedit. 6. A. 32, 5.

## VIII.

Arcana præsidia & instrumenta talium consiliorum, quæ & ipsa sunt artificia dominationis.

Tale est inuentum ἀποθεώσις, & consecratio Augusti. 1. A. 2, 1. & diuini honores exacti vindicatiue. 1. A. 73, 2. & 3. 2. A. 50, 2. Augusti diuinitas successoris munimentum scilicet fuit.

2. Hinc iudicia & lex Maiestatis immensum ampliata, de qua re supra.

D d 2. 3. Vtram-



3. Vtramque autem paginam constituit simulatio & dissimulatio, quam per membra quædam notabimus;

### In occultanda animi sententia.

Cum minime Regium duceret, sensus Principis profanis obtutibus patere, ambigua & implexa oratione usus est, qua sibi semper integram interpretationem, reservauit. 3. A. 51, 2. & eos, qui penetrasent aliquando in animum eius, auersando exterruit. 4. A. 17, 3. Atque hanc simulationem non nisi cum vita dimisit. 6. A. 50, 1. Quare duo assecutus est: Vt nullo se præiudicio illigaret, expresse aut præcise agendo. 3. A. 56, 3. & vt in aliorum mentes prorsus penetraret. 1. A. 7, 8.

### In formanda ad decoram speciem oratione.

Interim cum dignitatem curia, aut negotium auctoritatem postularet, speciosissimo ore & compositis in publicam magnificentiam verbis utebatur. Dici enim non potest, quantum faciat ad vim imperii dictio honorata, oratio fauorabilis, speciosa responsio. Exempla in responsis, orationibus, epistolis, habes. 1. A. 81, 3. 2. A. 26. & 36. & 43, 1. 3. A. 6. & 12. & 47, 2. & 53. & 69. 4. A. 37. & 40. 6. A. 29, 3.

### In virtutibus simulandis.

Virtutes artificiose & ad splendorem Maiestatis usumque regnandi dispensauit, e. g. Clementiam 2. A. 40, 7. 2. A. 42, 2. 3. A. 18, 2. 3. A. 69. 4. A. 31.

Libe-

Liberalitatem & munificentiam. 1. A. 75, 2.  
 2. A. 37. & 38. 2. A. 47. & 48. & 50. 2. A. 86.  
 & 87. 4. A. 64, 2. 6. A. 17. 6. A. 45, 2. ut popu-  
 lus tempestive latioribus factis recrearetur.  
 Iustitiam erga externos etiam præ se tulit. cum  
 enim plerumque fraudibus uti destinasset,  
 gloriose flexit, & prodicionem in Arminium  
 oblatam respuit. 2. A. 88, 1. & 2. Domi autem  
 cum tristiora exempla edidisset, ministros fa-  
 cinorum atrocium, veluti piaculares victi-  
 mas, votis & affectibus populi, populariter  
 scilicet immolavit. 3. A. 37, 1. 6. A. 26. & 30.  
 Speciem modestiæ & magnanimitatis vide  
 4. A. 8. 4. A. 13, 1. 5. A. 2, 1.

### In auctoritate & fama tuendis ostentandisque.

Talia sunt inuenta: Adulationes reprimere  
 & tolerare. 2. A. 87, 3. 3. A. 47, 5. 3. A. 59, 2.  
 3. A. 65, 3. 3. A. 71. 6. A. 2. & 3. tristitia occulta-  
 re. 1. A. 24, 1.

Maiestatem ex longinquo militibus osten-  
 tare. 1. A. 47. & absentia apud ciues integra-  
 re. 4. A. 4. 4. A. 57, 2.

Caput rerum non omittere, arcemque im-  
 perii insidere. 1. A. 47, 1. fortuita quæque in  
 gloriam trahere. 2. A. 84, 2.

Sacra imperii & pignora tam diuina quam  
 humana obtegere. 1. A. 76, 2. talia partim in  
*annotatis ad Tacitum* explicauimus copiose,  
 partim ex *Clapm. Arc.* peti debere indicaui-  
 mus.

## DISSERTATIO XVII.

*De Politica Aristocratica,  
sive de optimatum  
ingeniis.*

*Ad Taciti 4. A. 33, 2.*

**T***acitus* prudentiam Politici in Repub. Aristocratica hoc fine terminavit, ut qui *Senatus & optimatum ingenia maxime perdidicerant, callidos temporum & sapientes creditos* dicat.

Ad hunc locum annotabimus hac vice, siue potius explicabimus, quæ continentur illis verbis. Si prius monuerimus, disputationes generales de Aristocratia aliunde petendas esse. e. g. An & ubi Aristoteles ex professo de Aristocratia egerit? An recte definiuerit eam, & quomodo omnino definienda sit? An Oligarchiæ vocabulum recte Aristocratiæ aptetur? Quæ sint Aristocratiæ commoda & incommoda? Quæ sit Oligarchia specialiter ita dicta, & quot sint eius gradus? &c.

Hæc, ne multos nunc citemus, petenda sunt partim ex *Bodin. de Rep.* 2, 6. & 6, 5. partim ex *Arnif. Relect. Polit.* 2, 4. ubi etiam pro Aristotele & contra eum disputatur.

**In loco Taciti**

Notanda 1. communis *ὑποθέσις*, sermonem esse de prudentia politica speciali ex parte sumpta, cum e. g. qui in Repub. Aristocratica  
vivit,

viuit, non contentus generalibus regulis & notitiis politicis, seorsum diligenter & accurate, quæ ad Aristocratiam pertinent, comprehendit animo, iudicioque discernit. Idem de eo scilicet censendum est, qui in Democratia naturam vulgi probe cognouit, rerumque popularium peritus est, qualem *Linus* (3, 51.) *Idem* describit. idem de regno censendum est.

2. Atque talis prudentiæ propositum studiumque viro politico demum dignum esse iudicat: Hanc veram & vitæ accommodatam civilem sapientiam laudat.

3. Quippe genuinum prudentiæ politicæ characterem definiri calliditate, hoc est, solerti intelligentia temporum: scilicet sapiens politicus, sui seculi, suæ Reip. suorum temporum homo esse debet; Neque quæ illi & isti, sed præcipue, quæ suæ Reip. vsui sunt, siue quæ suæ Reipub. indoles ingenium, habitus, nosse debet.

4. Hæc calliditas siue profundior & solertior quædam sapientia dicitur: quia ingenio callido siue solerti sagacique, studioque & obseruatione singulari opus est, non tantum ad noscendam Reipub. formam, quæ sæpe aliud schema præfert, & diuersum à naturæ suæ rationibus, sed ad interiora momenta cuiusque formæ & status perscrutanda.

5. Accedit alia difficultas, à tempore. Vnde temporum callidos vocat tales politicos. Tempus enim siue cum manet forma Reipub. multa inducit & interius insinuat, noua, sin-

gularia, denique ad momenta status, quamquam in eadem forma manentis, pertinentia: Siue cum formæ aliquid accedit, vel temperamento, vel inclinatione, vel immutatione quacunque, temporis iste character & quasi partus est. Præcipuum Politici opus, tempore recte uti. Hinc *Theophrastus* quondam scripsit, πολιτικά πρὸς τὰς καιρὸς, opus *Politicorum ad tempora*, scilicet quæ essent in Rep. inclinationes rerum & momenta temporum, quibus esset moderandum, utcumq; res postularer, sicut explicat *Cicero de Finib. V.*

6. Continetur itaque hac descriptione proxima simul & potissima utilitas & virtus talis politicæ, siue viri vere Politici: ut possit suæ Reip. utilis esse ac vere accommodatus.

7. Sed non oportet perfunctoriam esse hanc sapientiam. Nam vox *perdiscendi* accuratum quid & perfectum notat, simulque suppeditat deliberationem de præsidiis, causis & instrumentis talis sapientiæ. quod membrum tamen in sequentia differemus. Nunc autem de materia præsentis huius prudentiæ dicemus;

### *Siue De ingeniis Optimatum.*

1. Coniungit *Senatum & Optimates*; quæ duo alias diligenter distingui oportet, in hac materia de Aristocratia, quod recte monet *Bodin* aliquoties. Neque enim statim optimates sunt, qui Senatus nomine indicantur: neque in statu optimatum semper idem sunt senatus & optimates. Sed in *Repub. Rom.*

eo tempore, quo Aristocratia valuit, siue prævaluit, non alii optimates, quam Patres siue Senatus: unde, etiam cum de mixtura sermo est, pars Aristocratica semper Senatorum & Patrum titulo indicari solet Romanis Scriptoribus.

2. Intelligit autem totam rem Aristocraticam, siue totam prudentiam Aristocratiae debitam ac destinatam.

3. Quod *ingeniorum* potissimum designatione & vocabulo definit, id erudite, nec minus philosophice factum, putare fas est. In forma enim Reip. tum constituenda (quando præsertim de inclinatione aut mutatione quadam agitur) tum moderanda, habitus ingenii multum potest, imo omnia regit.

4. Non enim ingenium hic de naturali facultate illa, sed de morali dispositione, certisque ingenii propositis, studiis, votis, regulis, ad certas actiones, aut finem practicum directis accipi debet.

5. Quasi quis specialius interpretando diceret: *ingenia Senatus & Optimatum* esse hoc loco *omnia illa proposita, studia, inclinationes, inuenta, regulas, artes, moresq;* quibus viri vere Aristocratici, ad Aristocratiae statum vel instituentum vel firmandum administrandumq;, habitum suarum actionum, suaq; politica, ut sic dicam, formant instruuntq;.

6. Considerabimus quædam potiora & in summam colligemus. Partiemur ita, ut quædam referamus ad *ingenium ipsius Aristocratia:*

D d 5

non-

nonnulla ad *ingenia optimatum*, siue qui Aristocratiam constituunt, eique præfunt.

7. In Aristocratia, quo maior habetur virtutis ratio, eo firmitior sperari potest status. Itaque quum ex optimis simpliciter vix vnquam constitui Resp. Aristocratica potest, tamen cum genere aut diuitiis coniungi debet requisitum integræ famæ, & vita sine labe acta.

8. Adeoque leges ferendæ, quibus virtus & honestas optimatum seuerè custodiatur. Huc enim proprie spectat lex illa Rom. ap. Cic. 3. *de ll. is ordo vitia careto. Ceteris specimen esto.* Et in formula censoribus præscripta: *probrum in Senatu ne relinquunt.*

9. Cumque omnia in hoc statu ad gravitatem & auctoritatem referenda sint, maximum opus & consilii summa in eo esse debet, vt legitimum interuallum inter populum & patres constituatur, & custodiatur.

10. Idque cum differentia quadam & diuersitate à regno. Licet enim maiestas Aristocratica Patrum eadem sit, quæ Regis in Regno, si vna & naturam ipsam spectes; tamen forma & schema, & facies diuersa est, & ad ciuilem æqualitatem propius accedit. Rex è sublimi venerandus conspicitur: Optimates è proximo, & quasi inter ciues præfulgent. Hinc omnis Regni species inuisa in optimatibus. quod exemplo Decemuiro- rum *Liuius* ostendit III, 36.

11. Licet autem fundamentalis ratio status Aristocratici sit, plebem à communicatione honorum & potestatis discludere, nunquam  
tamen

tamen procedit illud consilium, nisi populo tam voluntas imperandi, quam potestas adimatur. Quod fit per temperationem quandam Democraticam quam vocant, aut per simulacra Democratica, qualia vide ap. *Clapm. Arcan. II, 2. & seq.* Ita *Bodin. de Rep. VI, 4.* laudat Remp. Venetam; quod cum plebe communiceat minores aliquot magistratus & curationes, locupletiores autem è plebe affinitatibus conciliet Patriciis, & pecunias mutuo ab ipsis sumat.

12. Igitur, cum auctoritas Patrum & sanctitas in maius extollitur, & schematibus quibusdam exornatur, semper videndum ne quid nimis. i. e. ne populus sentiat aut credat, in contemptum suum aut iniuriam talia excogitari aut usurpari. Exempla habemus in causa *Auspiciorum & Matrimoniorum* ap. *Liu. lib. 4. & 6.* *Auspicia* quidem adeo propria patribus erant, ut, non solum quos populus creabat patrios magistratus, non aliter quam auspicato crearet; sed patres quoque ipsi suffragio populi auspicato interregem proderent, & priuatim auspicia haberent, quæ plebei ne in magistratibus quidem habebant; sicut vere prædicat Appius apud *Liu. 6, 41.* Sed in hac re inculcanda non temperatum est verbis ad contemptum plebis pertinentibus, sicut & in causa matrimoniorum accidit. Illustris locus est ap. *Liu. IV, 5.*

13. Dum de honoribus sermo est, non omitenda videtur ars illa, qua optimates vsi sunt in submouenda à magistratibus plebe, apud

*Liu.*



*Liu. 4, 55. & 57. verba Historici sunt: artem adhibitam ferunt à patriciis, quod turbam indignorum candidatorum intermiscendo dignis, radio sordium in quibusdam insignium, populum à publicis auertissent. Et postea: itaq; sicut priore anno per indignissimos ex plebeis candidatos omnium etiam dignorum tadium fecerunt: sic tum primoribus patrum splendore gratiaq; ad petendum præparatis omnia loca obtinere, ne cui plebeio aditus esset.*

14. Tota igitur ἀντιπρᾶγία Aristocratica aduersus plebem, quantum fieri potest, occulte potius, quam aperte exercenda; nec speciem certaminis, aut oppositionis, sed formam studii in Remp. & curæ pro populo habere debet.

15. Est autem illa Antipragia faciliior, exerceique rectius & plenius potest in Aristocratia vere & mere tali. At ubi mixtus est status populariter, res vehementer ardua.

16. Inter duo quippe ancipitia cedendo & indulgendo interdum placatur populus, sicut ap. *Liu. industria, equitas, altitudoq; animi* in populo laudatur 4, 6. dum contentus fuit, quod ratio habita esset plebeiorum in comitiis; omnesque patricios creauit: interdum vero indulgendo cedendoque ad plus petendum irritatur, sicut multoties accidit.

17. Adeo moderatio tuendæ libertatis, dum æquari velle simulando, ita se quisque extollit, ut deprimat alium, in difficili est; cavendoque ne metuant homines, metuendos vltro se efficiunt: & iniuriam à nobis repulsam, tanquam

aut

aut facere aut pati necesse sit, iniungimus aliis. Quod grauissimum de tali statu *Liuij* iudicium. 3,65. Confer 3,63.

18. Talia enim certamina in factiones degenerant, inter quas Aristocraticæ auctoritati nihil tutum & firmum est. Hinc non veretur *Sallustius* *orat.* 2. de Rep. ord. pronuntiare, in talibus certaminibus *semper nobilitatis opes diminutas, & jus populi amplificatum esse.* Quod de summa talium certaminum est verissimum. Quæ tamen vitari vix poterunt in Rep. Aristocratica populariter mixta. Hinc omnes patriciorum artes pæne coniunctæ ap. Romanos, neque tamen in tranquillo locari potuit Resp. quin statim prior tempestas consurgeret.

19. Sæpius tamen in talibus certaminibus moderatio Patrum laudari potest quam asperitas. sicut infra exemplum *Quintii* ostendit. Vnde ap. *Liuij* 3,67. bene dicitur: *Discordia ordinum est venenum urbis huius; patrum ac plebis certamina, dum nec patricijs imperij, nec populo libertatis modus est.* Rogatur ergo ab ipsis Optimatibus *Appius* ap. *Liuij* 2,57. *vt tantam consularem maiestatem esse vellet, quanta in concordia ciuitate esse posset. dum tribuni consulesq; ad se quisque omnia trahant, nihil relictum esse virium in medio, distractam laceratamque Remp. per magistratus: magis, quorum in manu sit, quam vt incolumis sit, quari.* Confer *Sallust.* *Jugurth.* 41.

20. Erat quidem solennis ars Patriciorum in concertationibus eiusmodi, tribunos distinguere, & aliquem ex collegio tribunorum  
suis

suis partibus conciliare, vt intercessione eius ceterorum collegarum aduersus Patres molitiones reprimerentur. Confer *Liu.* 2, 44. vbi Ap. Claudius: *viſtam tribunitiam poteſtatem dicit, in preſentia, re ipſa; exemplo in perpetuum: quando inuentum ſit, ſuis ipſam viribus diſſolui. Neq; enim vnquam deſuturum, qui gratiam partis bono publico velit quaſitam; & plures, ſi pluribus opus ſit, tribunos ad auxilium conſulum paratos fore; & vnum vel aduerſus omnes ſatis eſſe.* adde c. 56. & alia loca. Interim tamen id telum Ariſtocraticum, gliſcente certaminis pertinacia, ad extremum non valuit. Sicut diſcas licet ex *Liu.* 6, 35. & 36.

21. Præcipuum itaque firmamentum omnis Ariſtocratix eſt concordia ordinum, ſi mixtus ſit ſtatus; aut optimatum inter ſe, ſi pura ſit Ariſtocratia. Hinc leges ſeueriſſimæ & ſanctiſſimæ ferendæ ſunt, quibus inter optimates concordia illibata ſanciatur, aut, vbi labare cœpit, ſtatim & priuſquàm in neruum res erumpat, reconcinnetur. Non enim ſemper ſperari poteſt, niſi legibus ſanciatur, egregia illa moderatio, quam in patribus & magiſtratibus *Liuius* deſcribit *lib.* 6. *cap.* 6. collegæ Camilli fatentur, ſibi deſtinatum in animo eſſe, Camillo ſubmittere imperium, nec quidquam de maiestate ſua detractum credere, quod maiestati eius viri conceſſiſſent. Vereque tunc jaſtatum eſt à patribus: *Se bene ſperare & de bello & de pace, vniuerſaq; Rep. nec dictatore vnquam opus fore Reip. ſi tales viros in magiſtratu habeat, tam concordibus animis junctos: parere atq; imperare*  
*juxta*

*juxta paratos, laudemq; potius conferentes in medium, quam ex communi ad se trahentes.* Confer utile exemplum ap. *Liv.* 3, 70.

22. Huic concordiae vehementer inferuiet, si singulorum optimatum ambitioni itidem validus obex ponatur. In quam rem complures sunt artes: vt, cum magnis imperiis & magistratibus modus imponitur, ex collegarum æquato jure; cum honorum inania interdum eo magis multiplicantur, quo plus potestati detrahitur. Vnde obseruatio Aristocraticæ Politicæ: Quo plus speciei & honoris in vno aut altero fulget, eo minus juris siue virium subesse, & contra. Censura etiam optimatum actionibus destinanda est, an se teneant intra concessa legibus, quas semel impune egredi non liceat. Largitiones præsertim vitandæ.

23. Puniendi tamen sunt sæpius clanculum, neque supplicio capitali facile, si Politicos hic auscultamus. Quamquam hæc talia temporum & negotiorum conditioni aptari debent.

24. Disciplina curiæ seuerissime & compositissime fancienda. Altercationibus enim curiæ sæpe ad factiones venit.

25. Circa familias porro singularis cura versari debet, ne factionibus occasio patefiat ex jure illimitato & libero nobilium familiarum. Illustrat hoc exemplo Reip. Venetæ *Janus Langlaeus Semestr.* 7, 3. vbi disputat: Fratres duos in confessu Senatoria aut alia dignitate ornari non debere.

26. Inter præcipuas obseruationes est illa *Bodini VI, 4. Optimatum cœtibus magistratum aliquem perpetuum* (ex optimatibus scil.) *præesse oportere, veluti cardinem fixum, in quo ciuitas magistratibus perpetua varietate mutatis acquiescat.* Hinc pendet etiam

27. Vt summa quæque in Rep. & arcana imperii non in toto cœtu, sed inter paucos deliberentur, quod Venetis vsitatum. nam inter plures perturbatus exitus consiliorum. Addi tamen debet repagulum licentiæ & abusus.

28. An felicior & stabilior sit Aristocratia, quæ paucioribus optimatibus permixta est, quam quæ pluribus, disputari etiam solet. Prius *Bodino* placet 2, 6. contra quem disputat *Arniseus*. Fortasse tamen non manet disputatio in statu controuersię, & terminis præcise sumtis.

29. Summa omnis administrationis Aristocraticæ est; ne Principes siue Optimates inter se dissentiant; & ne plebi iniuria fieri videatur. Ex quibus rebus mutationes existunt.

Hactenus de iis, quæ ad ingenium Aristocratix referuntur, quædam annotauimus. Sequuntur, quæ ad ingenia optimatum pertinent.

I. Ingenia optimatum non vane (sicut *Bodinus* autumat, dum definitionem Reip. ex virtute sic fieri credit) *Cicero in oratione pro Sextio* prolixè, & reconditis sententiis ita describit, vt pro optimatibus habeat, qui Reip. student,

dent, eiusque dignitatem & securitatem, optimis consiliis, artibus, actionibus, iuuare & ornare sibi proponunt. Ita enim fecernuntur à vulgo, cui Resp. parum curæ, Verissimum itaque est, hunc præcipue characterem aristocraticum esse, Reip. se totum tradere, inque eius commodis & vñibus omnem suam operam dignitatemque constituere.

2. Et quia de moribus propositisque moralibus & artibus hic sermo est (quas nemo, nisi sophisticè, exclusit) seorsum virtutes Aristocraticæ sunt: Studium dignitatis, cura famæ accuratior, auctoritatis parandæ firmandæque diligentia, grauitas, magnitudo, animi constantia, fides & amor in Remp. moderatio, prudentia, honestæ artes & litteræ, eloquentia, &c.

3. Exempli causa quædam adducemus, potissimum ex *Liui*. Prodeat primum *Quintius*, cuius nobilis & huc proprie pertinens descriptio ap. *Liui*. 3, 69. explicata. confer præsertim *IV*, 11.

Camillus *V*, 21. 25. 27. 30. &c.

Seruilius & Ap. Claudius diuersi 2, 23.  
& 27.

Id. Appius 2, 56. & 57. 58.

Sempronius 4, 44.

Fabii 2, 47. & 3, 1.

Coriolanus 2, 34. & 35.

Æmilius 3, 1.

Adiiciendum nunc est aliquid de præfidiis & instrumentis prudentiæ Aristocraticæ, ad  
Ee quæ

quæ *Tacitus* nos vocat, dum *perdiscenda* ingenia optimatum monet.

1. Itaque Natura siue naturalis propensio inclinatioque huc pertinet, sicut de *Claudiis* fatetur *Suetonius in Tiber.* 2. ad quem locum, in dissert. nostra, aliqua annotata sunt.

2. Obseruatio diligens & experientia.

3. Studia & institutio. Dabimus summam: Pone hominem, ingenio ciuili & practico natum, adlescere ad latus virorum Politicorum, auctoritateque & vsu præstantium, horum dicta factaque obseruare; accedere studia, & ciuilis vitæ rudimenta: tum studia continuari in ipsa dignitate & occupatione ciuili, quæ nisi omnia coniungat, semper hebetior erit: habebis, quem quæris.

Sed de studiis nunc est quæstio, vbi commendamus 1. Philosophiam de Aristocratiâ & Oligarchiâ (quarum altera ex altera recte intelligitur) ex optimis quibusque Scriptoribus Politicis repetitam.

2. Præsertim lectionem Historicorum, qui Resp. Aristocraticas aut mixtas, denique quæcunque liberæ appellantur, descripserunt. E.g. Rom. Reip. historiam, ab expulsis Regibus vsque ad Principatum Cæsarium: in qua historia sine exemplo præcellit *Liuius*; inde *Dionysius Halicarnassæus*, *Sallustius* &c. Historia *Atheniensium*, *Lacedæmoniorum* &c. hodie *Genuensium*, *Rhagusiæ*, & inprimis *Venetorum*. &c.

3. In quolibet historicis singulari studio perdiscendæ sunt *Aristocraticæ orationes*, *Optimatum*

matium. Quales in Liuiο multæ sunt eximiæ ; de quibus non male possis dicere, quod de Pompeio Cic. ad Attic. I, 14. Tum Pompeius μάλ' ἀριστοκρατικός (valde aristocratice) locutus est ; Senatusq; auctoritatem sibi omnibus in rebus maximam videri semperq; visam esse respondit, & in multis verbis. Aliæ etiam nimis aristocraticæ videbuntur.

4. *Epistolas Ciceronis* ipsas, tum ad familiares, multas, tum ad Atticum plerasque, singulare huius studii præsidium pono ; adeo sunt multa & egregie perscripta de studiis Principum. Orationes quoque eius, præsertim, pro Sextio, pro Milone, itemque Philippicæ, plenæ sunt philosophia Aristocratica. Scriptores vitarum multa habent huc pertinentia. Item *Traëtatus de Senatoribus & Senatoriis artibus*. E.g. *Laurentij Grimalij de Optimo Senatore*. Adde *Barclai. Icon. Anim. & Charact. Vellei. cap. 4.*

## DISSERTATIO XVIII.

## *De Imperio populi siue Democratia.*

*Ad loc. Taciti superior. Collat. cum  
6. A. 42, 3. & seq.*

### Exemplum Seleuciæ.

**M**ixtus primo Seleuciæ status ex Aristocratia & Democratia.

2. Inde conuertitur status ex vsu Dominantis Artabani in Aristocratiam ; vbi Ra-



tio status & consilium Dominationis, quo etiam Lacedæmonii olim vsi, apud *Diodor. Sic. 13.* adde *Xenoph. hist. Græc. lib. 6. Arrian. lib. 1. Grot. I. B. 3, 15, 8.*

3. Democratia natura Regno maxime discrepat. Huic membro insitemus.

Definitur autem Democratia per libertatem: *Populi imperium juxta libertatem est.* De homonymia politica *Libertatis* videndus *Graswinckelius Libert. Venet. cap. 1.*

Circa hanc versatur *Prudentia Democratica*, quam Tacitus commendat loco supra laudato 4. A. 33. & *Virtus Democratica*, siue *Popularitas*.

Vtrique opponitur *Demagogica calliditas*, & *Tribunitia importunitas*.

## I.

## Prudentia Democratica

à *Liui* in exemplo *Icili* describitur III, 51. *popularium rerum peritia*; à *Tacito* (4. A. 33.) *notitia natura vulgi*, & quibus modis temperanter habeatur. ubi *virtus democratica* siue *popularitas* includitur. Rursus apud *Liui*. VI, 36. *Sextius, Licinius, Fabius artifices jam tot annorum vsu tractandi animos plebis*, memorantur.

## Natura vulgi

1. *Notitiam generalem* habet, non minus Principi ac optimatibus necessariam, quam Ciuibus Democraticis. Vnde *Lipsius* inter fundamenta Politicæ doctrinæ eam commendauit & proposuit IV. *Polit. 5.*

Hæc sicut abesse non debet, ita 2. *Specialis* quæ-

quædam notitia Prudentiæ Democraticæ tribuenda est; i.e. quatenus se habeat populus circa Reip. administrationem, in statu populari. Tales sunt notæ, quod

Libertatem omnis sui voti actusque finem proponit, in ea omne decus, omnem felicitatem constituit. Huc pertinet illud Cic. ex orat. de l. Agrar. contr. Rull. *Quid tam populare quam libertas? quam non solum ab hominibus, verum etiam à bestiis expei, atque omnibus rebus anteponi videmus.*

Timet libertatè, & in minimis maximis ei prospicit. Liu. 2, 2, *Libertatis tunc prima cura erat, ac nescio an nimis vndiq; eam minimis quoq; rebus muniendo modum excefferint.*

Hinc format sibi regulam sui status, & quasi juris Democratici summam: *Non esse in Rep. debere, vnde periculum libertati foret: id summa ope tuendum esse, neq; vllam rem, qua eo pertineat, contemnendam.* Liu. ibid.

Vult coli & summam rerum quacunque occasione sibi vindicat: & quosunque obstare suæ potentiaë auctoritatieque credidit, odit. Hinc suspensiones perpetuæ & sinistri rumores, calumnia, inuidia, odia, in eminentes illustresque viros. de qua re queritur Valerius apud Liu. 2, 7. *Hinc illud cap. 9. æquari summa infimis, nihil excelsum, nihil quod supra cetera emineat, in ciuitate fore.*

(Dictum hac occasione aliquid de Ostracismo.)

In mixta Rep. Optimates non socios, sed aduersarios credit. Quod ex tota *Liniana* historia clarum est.

In certaminibus honorum & potestatis semper plus ultra tendit. Ap. *Liv.* IV, 54. à quæstura communicata statim consulatum spectat.

In comitiis præsertim, dum regnum suum exercere vult, omnia non secundum leges, sed ex lubricine animi sui agit. Vide *Liv.* V, 5.

Bellum facile sumit, sed tædio onerum militarium mox languescit. Hinc perpetua Romæ contentio.

Neque in aliis magnis consiliis constantia vititur. Ex incertissimis sumit animos, aut ponit. *Liv.* VI, 23.

Amat Sycophantas & Demagogos & vehementia eorum consilia. Sæpius tamen eos prodit ac deserit, quod Memmius exprobrat apud *Sallust.* *Jugurth.* 31.

Popularis gubernandi ratio, siue,

τὸ δημοκρατικὴς πολιτεύεσθαι.

Hanc partem prudentiæ *Tacitus* ita describit: *quibus modis natura vulgi temperanter habeatur.* Indicans

1. Libertatis naturam, (quæ libertas populari regimini est proposita) esse in genere rerum mediocritate & moderatione gaudendum. Itaque Rebusp. & earum saluti parum est idonea, nisi quodammodo inter ochlocratiam licentiam, & subiectionem meram, loco constituatur medio.

2. Itaque Prudentiam Democraticam totam

tam in eo esse, vt naturam vulgi, quæ immoderata est, ac libertatis veræ indolem attemperet: ne à fine & scopo communi Rerump. quod est bonum publicum, & à fine peculiari Democratix, quæ est libertas, aberraret ac degeneret. Vtramque rem (& naturam libertatis moderatam, & naturam vulgi immoderatam) egregie expressit *Linus XXIV, 25. Hæc est natura multitudinis; aut seruit humiliter, aut superbe dominatur. Libertatem, quæ media est, nec spernere modice, nec habere sciunt.*

3. Igitur hæc duo tam pugnancia, temperamentum sc. libertatis, & intemperantiam popularis ingenii, in harmoniam Politicam, ad salutem Reip. & firmitatem Democratix contemperare, opus est perdifficile & arduum prudentiæ & virtutis, quam Democraticam vocamus.

4. Sed de Popularitate quidem, quæ propria huius loci virtus est, in *Commentario Nepotis* abunde tractauimus.

5. Illud obiter notamus, Prudentiam Democraticam in constituenda ab initio Democratia maxime cerni. Male enim instituunt ab initio Democratas, qui non ad Taciti illam regulam ita instituunt, vt vulgi natura legibus & institutis Reip. temperanter habeatur. Democratia enim mere talis, seu nimis Democratica, nec stabilis est, nec ad salutem publicam commode administrari potest.

6. Duo autem sunt temperamenta, vt sic dicam, in constituendis Democratiis: 1. *accu-*

*rarissima & sanctissima leges*, quibus populus cum summa potestate summæ potestatis modum accipit, i.e. cum Maiestas quidem & summa potestas est penes populum; sed populus tamen legibus fundamentalibus & sancte receptis adstringitur ad talem administrandi rationem, quæ licentiæ ochlocraticæ viam occludit, & τὸ μέτερον τῆ πολιτείας & siue civilem temperatamque æquabiliter Reip. gerendæ consuetudinem conseruat. 2. *Ipsius formula temperamentum*, i.e. cum Democratia temperatur Aristocratically, & ad quandam honestatem civilem. Atque hæc *Solonis, Lycurgi* & aliorum ex veteribus, qui Resp. condiderunt, sapientia fuit. à qua infelicitè alii recesserunt. *Liuius* quoque promiscuam hominum colluuiem Liberæ Reip. parum idoneam censet II, 1. Hodie etiam vix inuenitur Resp. Democratica, quæ tantum & absolute ex libidine populi pendeat: sed, qui Dominus rerum est populus, sibi met ipsi constituit Dominam, Legem; vt obtineat ex bonis temperatisque rationibus, id quod summa potestas in civili societate quærit ac intendit. Quod contra eos notandum est, qui audito nomine Democratia statim nescio quam confusionem & vilitatem animo præcipiunt. cum deberent ante omnia disciplinam eius Democratia inquirere.

## II.

*Demagogica Calliditas & Importunitas.*  
 Quæ quid differat, & in quantum abeat à  
 Pru-

Prudentiæ Democraticæ proposito atque temperamento, vel ipsa nomina declarant.

Sunt autem Demagogi *duces multitudinum*, qui *pericio* (aut ambitione & lubidine praua) *temp. vexare soliti erant.* describente Sallustio in *Catil.* 50. Horum mores artesque summam sunt: Libertatem laxius interpretari, & licentia metiri: Temperamenta vel ad honestatem ciuium, vel ad auctoritatem magistratum illustriumque virorum spectantia conuellere: Blandimentis legum, quasi ad tuendam aut augendam libertatem, populum inescare; & ad perpetua cum eminentibus viris certamina assuefacere: Omnia magistratum consilia & facta suspicionibus & sinistris interpretationibus onerare: Affectus plebis, spem metumque, inflare, superstitionibus, exhortationibus, figmentis; Democraticis præsidiiis, non Democratice, sed ochlocratice uti: Criminando optimates, aut opulentos, fauorem & gratiam vulgi captare: Pericula libertati imminencia fingere, seruitutem & regnum vaticinari: Eloquentia truci & feroci ubique uti: Conciones crebras habere. Quæ, & id genus alia, habes apud *Liu.* in oratione Quintii III, 68. *Tribuni vocis verborumque quantum völetis ingerent, & criminum in principes, & legum aliarum super alias, & concionum.* Naturâ ita hoc comparatum est, ut, qui apud multitudinem sua causa loquitur, gravior eo sit, cuius mens nihil præter publicum commodum videt. nisi forte assentatores publicos, plebicolos istos, qui vos nec in armis, nec in otio esse

Ee 5 finunt,

sinunt, vestra vos caussa incitare & stimulare putatis: Concitati, aut honori aut quasi illis estis: & quia in concordia ordinum nullos se usquam esse vident, mala rei se quam nullius, turbarum ac seditionum duces esse volunt. Adde bella tribunitia & artes apud *Liv.* II, 42, 54. 55. *lib.* III, 9, 19, 65. *lib.* IV, 43, 44, 48, 54. *lib.* 5, 2, 3. & seq. II. *lib.* VI, 5, 6, 27, 34, 35. & seq. *lib.* VII, 18, 21, 24. *lib.* VIII, 12. *lib.* IX, 33, 34. *lib.* X, 6, 7, 8. Et quæ Cicero, alique auctores de Tribunitiis furoribus conqueruntur.

Demagogis maxima suas artes exercendi occasio in mixto statu, qualis Romæ.

Vbi error, & morbus Reip. notandus; quod Tribunitiæ potestati non est modus, qui libertati & tranquillitati conveniebat, impositus.

### III.

Vtriusque autem & prudentiæ Democratiæ, & calliditatis Demagogicæ præsidia, arcana & σοφισματά, itemque simulacra, ex parte notavit *Clapmarius Arcan.* III, 23. *It.* VI, 10. & seq. Quanquam hæc talia vix est cognoscere, nisi in exemplis.

### IV.

Igitur hic commendandi sunt 1. plerique auctores antea in Politica Aristocratica commendati, ob causas antea explicatas, præsertim *Liuius*, *Halicarnassæus*, *Cicero*. 2. Singulariter Atheniensium res hic nominari debent; cum Græcis Oratoribus, inter quos *Demosthenes unus* omnem pæne rem Democraticam optime est complexus; sicut ex Histori-

rijs *Thucydides* eo nomine eximius habetur. Recentiores quoque addi historiæ debent: Helueticæ, &c.

Obiter

apud *Tacitum* expendi merentur Democratia Aristocratice temperatæ. *de morib. Germ. cap. II.* adde *Grot. Batav. antiq. cap. 2.*

Et regula status (*cap. 21, 2.*) *periculosiores esse inimicitias juxta libertatem.* Sc. qui vult Democratiam durabilem instituere, seuerissimis legibus inimiciis & litibus, etiam in judicio obicem & modum ponere debet.

#### DISSERTATIO XIX.

### *De Conuersionibus, Euerfionibus, & Mutationibus Rerump.*

*Ad loc. Tac. I. A. & 2. H. 38.*

**D**E hac materia ex professo tractarunt singularibus operibus *Tilemannus* & *Zieritius* *de conuersionibus Rerumpub.* Nos ad hæc *Taciti* loca & exemplum *Rom. Reip.* quædam annotabimus.

1. Loquitur *Tacitus* in vtroque loco de conuersionibus & mutationibus *Reip. Rom.* non de euerfione: Hæc enim alias distinguenda monuimus ad *Curr. l. 4. 14.* vbi in oratione *Darii* insignis de hac materia locus extat.

2. Mutationum in eadem *Repub.* frequentiam & vices, ac varietatem notat. In omnes enim quodammodo formas, & formarum vitia



vitia Respub. Romana se conuertit; è Monarchia in Tyrannidem: Abrogata Tyrannide, in libertatem: Aristocratia & Oligarchia, Democratia & Ochlocratia certatim eo contenderunt, ut rursus noua mutatione in Tyrannidem opus esset, donec illa Tyrannis in veram Monarchiam denique coaluit, magno argumento fragilitatis humanæ, quæ breues & mutabiles rerum vices habet.

3. Consequentia mutationum harum ad se inuicem indicatur, quam *Polybius* ἀνακύκλωσιν vocat, de qua in *annotatis nostris ad priora Taciti*.

4. Caussæ potissimum obseruandæ veniunt; Quarum supremam, fatum scilicet aut Dei voluntatem providentiamque, omittit Tacitus, pro ratione instituti sui, quod ad propiores & politicas causas quasdam referebatur. Agnoscit quidem causam causæ, cum de bellis ciuilibus loquitur, iram Dei: sed eam explicare supra Ethnicorum captum est. Est autem Dei occupatio, vt breuiter complectamur, in hac re talis:

Primo enim opibus & operibus humanis, non minus quam vitæ, quam corporibus modum posuit, omniaque post lapsum mortalitate & fragilitate damnauit: partim vt admonerentur hac rerum vicissitudine mortales, in quem statum peccando deuenerint, nec minus proprium malum esse naturæ corruptæ, mutabilitatem rerum atque inconstantiam; quam proprium bonum erat innocentie stabilitas rerum atque constantia: partim vt hoc pacto

pacto durationi prouideretur, quæ jam non nisi fragilitate ipsa conseruatur. Qua in re scilicet tum iustitia apparet, quæ hominum scelera perpetua & malæ gestæ Reipub. errata mutationibus eiusmodi punit: tum clementia, quæ emendatas ad hunc modum ciuitates denuo consistere facit, instaurat, tuetur: Sicut morbis humani corporis sanitatis obstacula sæpe numero expiantur. Sicut autem in hoc opere prouidentia arcana quædam & occulta est Dei occupatio, ad quam humana nequit peruenire intelligentia: Ita hominum obseruationi satis clare proposuit hanc fatalis consequentia seriem, ut omnes possint deprehendere, relinqui, causis libere agentibus suam libertatem, libereque & ex proprii ingenii stimulis, vel foris adoriri Rempub. qui extinctam cupiunt, vel domi peccando errandoque debilitare, qui ciuilem morem ac prudentiam, quibus stabilitur Respubl. violant: Deo tamen dirigente hæc omnia & ordinante ad euentus suæ iustitiæ, sapientiæ, clementiæ consentaneos. Ethnici (& utinam tantum Ethnici) necessitatem fatalem *φοβισμὸς* & cum præiudicio naturæ libere agentis declarant.

Concurrere etiam Angelorum opera in hac re, tum bonorum tum malorum, satis constat: quorum hi peccata hominum incitando statumque Reipub. deformando: illi Diabolicis conatibus resistendo insignem nauant operam: cuius tamen specialior intelligentia supra hominum captum est. Sicut nec de certo  
 nume-

numero aut omnino definita certis Angelis occupatione pronunciare, facile est.

Altris & sideribus hic tribuere aliquam vim, vanum est, ineptum, & naturæ rei, de qua agitur, parum accommodatum. Nota L. Tarutii Firmani temeritatem, qui Romæ facta cecinit, de quo *Cic. 2. de diuinat. 47. Pet. Fab. Semest. 19.* Simile exemplum Valentis apud *Zonaram* extat *Tom. 3. pag. 7.*

Platonis opinio singularis est de numeris & annorum interuallis. vide *lib. 8. de Repub.* ænigma Philosophantibus propositum; videtur niti hypothefi harmoniæ numerosæ, vniuersum hoc & omnia, quæ in eo sunt, conseruantis: quam variè alii explicant, imo inuoluunt implicantque. vide *Macrob. & inter Judæos Doctorem perplexorum à Buxtorfio editam.* Sunt alii numeri & periodi centesariæ, ducentenariæ, quinquagenariæ &c. quibus mutationes Rerump. nonnulli, à posteriori vt arbitrantur priorem aliquam causfam rationati, describunt. Huc alludit apud *Curt. Darius, 230. annos imperii Persici nominans; extantque observationes exemplorum in axiomatibus Richteri, & alibi.* Sed curiosior quam verior illa observatio est: certe ex causfali quadam determinatione ad illa tempora adstringi nequit. (collata hæc sententia cum opinione de annis Climactericis.)

Cum ergo ad ea, quæ proprie humana sunt, accedimus, prima nobis causfa occurrit, totius subiecti, quo Respub. definitur, mutabilitas, inconstantia, variabilitas.

Huma-

Humanæ enim actiones, mores, consilia Rempub. instituunt & administrant. His nihil est mobilius, incertius, inæqualius. Hinc interdum ne in institui quidem Rempub. videmus, ut durabilis esse queat aut æquabilis. quod de Rom. Reip. mixtura post eiectiones Reges verissimum est. Nec enim fieret, quod factum est, hoc est, ut modo Tribuni, modo Consules prævalerent, certe ab initio prouisum oportuit. Atque hic interdum fieri videmus, ut ipsa affectatione & proposito accuratissimæ constitutionis fragilitati via & causa struatur. Exemplo valetudinis humanæ, & iudicio *Taciti* 4. A. 33, 1. Succedit legum & ciuilem æquabilitatis neglectio. Nam legibus & ciuili æquabilitate constat & durat Resp. hic spiritus & anima est. 1. ex intentione Dei, harmonice Respub. ordinantis. 2. Ex naturæ socialis appetitu ad conformandam ciuitatem diuinæ legi voluntatique. 3. Ex fine societatis omnis ciuilem. Hinc quantum disceditur, tantum à duratione & stabilitate Reipub. disceditur.

Aduersus hoc fulcrum Rerumpub. varios arietes admolitur humana improbitas. Ambitionis præsertim magna vis est & perpetua. Hæc est aduersaria omnis harmoniæ quatenus æqualitate constat. Hinc priuatim ambitiosi ad conseruationem intolerabiles, publicè ambitiosi ad ciuilem coniunctionem immodici & graues. Periculum huius vitii in Rep. diligenter describit *Sallustius*; Tu hic causam inferiorem observa: ceteris vitiis facilius leges medicinam faciunt; hoc sola coercet pietas & virtus

virtus ciuilis animi singulari Dei munere concessa & à Deo erudita ; est enim altissimè humanis mentibus insitum & insatiabile. Ambitio pro varietate sui propositi operisque varia induit nomina : modo, cum altiora cupit, elatio est : modo, cum leges & regulas ciuilis moris grauate fert, inciuilitas : modo, cum obluetur legibus, contumacia : modo, cum auctoritatem & vires opesque struit, potentiae cupido vocatur, qui affectus praesertim Reip. est fatalis.

Hæc cupido potentiae primo modestum sumit habitum, & auxilio legum meritisque ac ciuilibus officiis ad maiora gradum struit. Vbi nacta est gradum ciuili societati adhuc tolerabilem & accommodatum, supra id, quod ciuile est, i.e. praesertim supra leges attolli cupit. Leges autem postquam semel impudenter transilierit, nullus modus aut finis superest.

Hæc ambitio & cupido potentiae peperit alterum illud malum Rebuspubl. mutandis fatale, discordiam ordinum & contentiones de Repub. Solet hoc maxime quidem in mixtis euenire Rebuspub. sed in plerisque interim locus est ei malo. In regnis ciuilitate temperatis perpetua exempla in Romana historia: *Liuij* praesertim *Decas prima* abundat assiduis exemplis factionum & factionum certaminum (nam hæc nomine discordiae complectimur) inter partes Aristocraticas & Democraticas.

Hæc certamina interdum in seditiosos tumultus euaferunt, quod praesertim tempore  
Graccho-

Gracchorum accidit, id est quod *Tacitus* intelligit per tentamenta ciuilium bellorum in Vrbe ac foro. Vox tentamenta gradum gliscentis discordiæ, & causam vltiorem certaminum notat, quæ bellis ciuilibus mox secuta sunt. *Vell. in descript. Gracch. sedis.* notanter id obseruat.

Sequuntur ipsa bella ciuilia, per quæ Respub. penitus agitari atque concuti cœpit; donec Tyrannides quædam inualuerunt, Cinnana, Mariana, Sullana. sic Respub. conuersa est, & amissa libertate à suo statu deturbata: Sed non statim in nouo confirmata & ordinata. Continuatio bellorum ciuilium diu impediuit nouæ formæ constitutionem.

Neque omittenda est inter causas, quibus Respub. mutatur, ipsius mutationis exemplum. Ferme enim hic fit, vt vna mutatio sit causa alterius, sicut Romæ Tyrannis causa fuit Oligarchiæ, hæc nouæ Tyrannidis &c.

Causas istas occasione locorum *Taciti* posuimus: quibus adde bellum externum, quo sæpe victa Respub. commutatur, conuertitur, ac plane euertitur; luxuriam & alia vitia morum. non potest enim status Reipub. fundari, nisi cum publice disciplina ciuitatis, & priuatim morum probitas obtinet, qua de re eximie differit *Cato* apud *Sallust. Cat. 52.*

Ipsam senium & spontaneus interitus Rerum public. aut mutatio nulla notabili causa existens, an recte à quibusdam statuatur, quæsitum obiter, & (accurate loquendo) negatum.

5. Occasiones mutationum Reipub. coherent caussis. e. g. Tacitus nominat 1. ipsam potentiam fortunæque magnitudinem. Vnde alibi explicatum *ἡγεμόνων* politicum: Nunquam maiori in periculo esse Remp. quam cum ad summum est euecta; Difficilius enim retinetur quam comparatur potentia & felicitas ex natura ingenii humani. 2. Otium & securitatem ab omni periculo. confer *Vell. princip. lib. 2.* & *Florum* locis alibi productis. *Liv. 30. 34. Tac. 15. A. 1, 3.* & per hoc vitiorum, quibus euertuntur & concutiuntur Respub. plura instrumenta & incitamenta, ambitionis præsertim, & certaminum de potentia, & luxuriæ ignaviæque.

#### 6. Judicium de mutationibus cuiuscemodi.

Triplex est: 1. *antequam fiunt.* 2. *dum fiunt.* 3. *postquam facta sunt.*

Antequam fiunt, *diuinitas illa Politica* locum habet, quam in Cicerone laudat *Cornelius Nepos Attic. 16.* & de qua in *charact. Vell. cap. 2.* aliquid diximus. Opus hic multâ Reip. peritiâ, sollertiâ, grauitate, diligentia, ne in alterutram partem aberretur; dum ex praua & periculosa Reip. dispositione iudicium de futuro colligitur.

Alii prodigiis signisque hic attendunt. quæ nec omnia spernenda, nec curiose obseruanda.

Dum fiunt, ipsa rerum confusio & perturbatio, iudicium affectibus variis, & multitudi-

itudine casuum distrahit, redditque hanc rem, quod ad specialia attinet, satis difficilem.

Post euentum, momenta rei in eo vertuntur 1. ne pro confecto habeatur negotium, quod nondum confectum est; siue ne absoluta credatur mutatio, cuius cardo adhuc vertitur. 2. ne quis decipiatur vocabulis & figuris politicis, quibus prioris status imago nouæ formæ imponitur. Sicut Augustus nomine Principis sub imperium plenissime monarchicum accepit Remp. Sunt & aliæ artes, quibus noui status species varie figuratur.

#### 7. Officium boni ciuis circa mutationes eiusmodi.

1. Prima hic regula est, mutationibus & conuersionibus causam non præbere.

2. Dum accidunt, qua licet, dehortari, & quatenus sine vi & turbis fieri potest, obsistere.

3. Si nulla obsistendi spes aut facultas, dare operam, ut quam minimo sonitu orbis ille in Rep. conuertatur, ut loquitur Cicero ad Ar-  
*tic. 2. ep. 9.*

4. Si jam facta est mutatio, quiescere & meminisse temporum, quibus natus sis. *Stare enim omnes debemus, tanquam in orbe aliquo Reip. qui cum versatur, eam deligere partem, ad quam nos illius utilitas salusq; conuerterit, inquit rursus Cicero orat. pro Planc. 38.*

5. Malis artibus, quas portendunt mutationes, gaudere, etiam bono fine, iis misceri,



aut in occasionem priuatam uti, ab officio ciuis longe alienum est. *Nam vi quidem regere patriam, aut parentes, quanquam & possis & delicta corrigas, tamen importunum est. Sallust. Jugurth. 3.*

6. Constantiâ bonæ mentis, modestia, pietate hic opus, ut Dei in talibus operibus tum iustitiam reueremur, tum correctionem patiamur, tum clementiam, præsertim cum in nouum statum iam conuersa Resp. & ex interitu seruata est, adoremus.

7. Illud enim inciuilis & turbulentæ fuerit contumaciæ, semper obtrectare præsentem statum, & vincula eius, jam publica & ciuili religione astricta, assiduis molitionibus tentare. quæ sæpe nouis & maioribus malis causam præbent. Sed de hac re alibi actum est.

8. Singulariter commendabilis est occupatio eorum, qui historiis & exemplis mutationum apud plerasque in terris gentes & ætates ob oculos positis, velut in theatro Proidentia diuinæ, contemplationibus in admirationem DEI cultumque, & profutura ciuili vitæ consilia, rapientibus indulgent. Dixeris hanc speculationem vere practicam, & scholam minime otiosam.

De naturalibus conuersionibus per consensum vltro factis, & ἀναίρεσις Rerump. videndi supra laudati auctores & Bodin. de Republ. IV, 1.

## DISSERTATIO XX.

*De Historia Politica Rerum-  
pub. & Regnorum.**Ad loc. Tacit. 2. A. 60.*

**V**Bi Germanicus in peregrinatione Ægyptiaca Thebarum Ægyptiarum notitiam ex antiquis monumentis repetit.

## I.

*In quibus consistat Historia Politica  
Rerump. & Regnorum.*

Historiam Politicam Regnorum & Rerump. vocamus accuratam (in quantum haberi potest) descriptionem vniuscuiusque Reip. cuius altera pars est *materialis*, vt sic dicam; altera *formalis*: illa opes publicas & breuiarium; hæc iura imperii & gubernationis formam statumque; & quasi quandam Politicam particularem, huic aut illi Reip. propriam, complectitur.

Exemplum sit nobis Resp. Romana. hæc qualis fuerit tempore Augusti & Tiberii, partim *breuiaria* declarant (argumentum eorum & specimen habes 1. A. 11.) partim descriptio Politica Taciti, qui in Principatu Tiberiano hanc particularem Politicam se in animo habuisse profitetur 4. A. 33,3.

Exemplum præscriptum instar *Breuiarii* est: quo opes Thebanæ continentur. De sta-

tu ipso regiminis, præter alias causas, & monumentorum defectum, vel propterea hic non requirendum erat, quia regnorum veterum Regumque gubernatio satis nota.

## II.

Quo loco & usu in Politico studio sit hæc cognitio.

Hoc proprium prudentiæ in gerenda Rep. occupatæ i.e. negotiosæ, non otiosæ, instrumentum est. Hanc notitiâ *Cicero* in artibus Senatoriis, ad Remp. gerendam sc. spectantibus, ponit. hanc prudentissimus quisque Politicorum, ut singularem & propriam scholam Principum, commendant. De hac Poloni intellexerunt, cum Henricum III. è Gallia accitum, libere, sed vere monerent, modum rationemque gubernandi non discursibus è Gallia allatis, sed ingenio & moribus Polonorum, metiendum esse.

## III.

Vnde & quomodo comparanda sit hæc cognitio.

1. Prima *Experientia* via & virtus est. Quam præsertim sunt compotes, qui in vnaquaque Repub. sunt versati diligenter, & ad interiora admissi, ingenium studiumque attulerunt, quale hic requiritur. Et hi sunt suæ Reipub. periti. ab his disce, qui voles; aut eorum exemplo, in tua Rep. si ad eam gerendam vocaris, magistro utere.

2. *Experientia* pars est *Peregrinatio*, si instituat eo more, qui in Germanico commendatur

datur loco præscripto. Hic olim finis peregrinantium. Egregia hæc ratio, si ingenium cordatum adsit peregrinanti. nam de cetero, nihilo meliores, nihilo prudentiores factos, maximos etiam peregrinatores, historia testatur: considera exemplum *Ponæti* apud *Thuan.*  
57. Melior *Langueti* experientia.

3. *Monumenta publica.* Antiquissima *columnæ* erant, de quibus h.l. Tacitus. His res opesque suas describebant antiquissimi mortalium. Apud *Joseph. antiq. Jud. l. 3.* columnæ Sethi memorantur. *Lactantius l. 1. de Falsa relig. c. 11.* ex Euheirero *columnam auream* fuisse refert in templo Jouis Triphylii, in qua Jupiter gesta sua perscripserat, ut monumenta essent posteris rerum suarum. &c.

Successerunt *commentarij publici* cuiusque Reip. quorum cura certis hominibus permissa: hæc scilicet rudimenta & specimina *Archivi*, cuius usus in Rebusp. antiquissimus. Ex his hausta maximam & pragmaticam habent auctoritatem.

Cum civilis sapientia litteris coli cœpit, peritissimus quisque philosophorum historias de Rebusp. conscripsit. *Aristotelis, Theophrasti, Xenophontis, Heraclidis Pontici, Nicolai Damasceni*, aliorumque curas in describendis politiis, passim laudari videas. Adeundus est etiam *Diogenes Laërtius & Photius*, ut exhibeant titulos eiusmodi operum.

Ex junioribus etiam huic instituto bonam contulerunt operam *Joh. Boterus in Politica Imperiorum, Regnorum, Rerump. Philippus Hono-*

rius in *Thefauro*, *Casspar Ens* in *relationibus*, & quos singularum *Rerump. Scriptores* edidere *Elzevirij*.

4. *Acta publica & controuersia ad statum pertinentes*; quales in *comitiis* aut *diffensione ordinum* agitantur, plurimum hanc notitiam instruunt. Itemque

### Legum & consuetudinum historia.

5. *Geographi*, qui *leges gentium & mores* praesertim annotant. Vnde *Aristoteles* 1. *Rhet.* lectionem *Geographorum* ad τὴν νομοθεσίαν, ad *legum ferendarum peritiam*, valde conducere affirmat. E *veteribus* valde diligens in hoc genere *Strabo*, cuius editionem, post *Cassauboni* curas, à *Luca Holstenio* nunc expectamus. Eius ut in aliis, ita hic secutus est diligentiam *Merula*.

### IV.

### Quomodo illustranda & alenda hæc cognitio.

Nulla re magis illustratur hoc studium, quam *comparatione eorum*, quæ in *Rebusp.* vel *summatim* vel *sigillatim* sunt *similia* aut *dissimilia*, sicut h. l. *Tacitus* *Theb. Ægypt.* vires opesque cum *Parthis & Romanis* confert. Sicut enim in *singulis hominibus* *comparatio vitarum* per est utilis, quod *Plutarchus* satis & iudicauit & demonstrauit: ita *Resp.* non melius quam ex *comparatione* intelliguntur.

Illa *comparatio* hoc simul præstabit, ut ex *plurimum Rerump. institutis* e. g. in vno argumē-

mento, de comitiis, de magistratibus, de ærario &c. perfecta demum cognitio acquiratur, quid in philosophiam politicam huius, loci cadat aut competat.

Huc pertinet etiam Examen Politicum. E.g. cum sciueris historiam Reip. eius statum, leges, vires, mores; iudicio practico opus est, vt ad rationes politicas omnia exigantur. In paucis enim descriptionibus, quæ extant, reperitur illa pars prudentiæ.

## V.

## Difficultas huius rei.

Reddunt hunc laborem arduum & difficilem 1. *Diuerſa Scriptorum Iudicia.* non enim de eadem Rep. eiusque statu eadem omnes iudicant: vel ignorantia Politicæ interioris, vel negligentia inuestigationis, vel credulitate eorum, quæ audiuerunt, aut quocunque modo aliunde acceperunt. 2. *Occultatio plurimarum rerum, ad statum opesq; Reip. pertinentium:* vbique ferme, ob varias rationes, recepta. Quo præsertim fit, vt illi, qui veram & accuratam suæ Reip. notitiam habent, descriptionibus eiusmodi abstineant; ne faciant, quod publice ingratum possit esse. 3. *Mutatio perpetua variarum rerum.* In imperiis semper aliquid immutatur, quæ ratio magnos viros mouet, vt sæpe parum credant consultum esse, publicari descriptiones Rerump. ne homines, talibus rerum vicibus & formis iudicandis impares, dum ad vnum omnia tempus exigunt, erroribus implicentur, nec sibi

nec Reip. profuturis. Illi certe vehementer errant, qui descriptiones statuum & imperiorum, ex descripta semel formula, & libris, quales supra nominauimus, semper repeti debere statuunt.

## VI.

## Institutum nostrum.

Regna & Resp. antiquas à primordio rerum, non quidem historia Politicâ explicabimus, sed designatione & repetitione tamen historica non inuiti sub conspectu ponemus: indicatis præsertim præcipuis auctoribus scriptoribusque.

Ex illis autem Regnis & Rebusp. quæ hodieque obtinent, nonnulla diligentius & politice considerabimus.

## De Regnis,

## Assyrio, Medico, Persico.

*Ad loc. Tac. 5. H. 8, 3.*

## Regnum Assyrium.

Ante diluuium fuisse dynastias quasdam & dominationes coniectura non absurdâ aliqui collegerunt, sed Historia nihil habet, quod ante Regnum Assyriorum ponat. nam quod in *Chronico Eusebii ex Africano & Manerhone* Arabum & Ægyptiorum regna collocantur, fabulosæ vetustati tribuendum est.

Initium Imperii Assyriorum in annum à Diluuiio præterpropter 153. coniicit *Petavius*, quem vide in *Doctrina temporum lib. IX. c. 13. & 14.* Durationem tribuit cum *Iustino* (cuius cal-

calculus verissimum esse etiam Cl. Salmasius pronuntiauerat) annorum 1300. *Reges* 37.

**Reges plerique ita numerantur.**

1. *Belus*, qui in Sacris Nembroth (*Iosephus* Nabrodes) nepos Chami, Babylonis conditor, *Gen.* 10, 10.

2. *Ninus*, *Niniues* conditor, qui in Sacris *Assur*, *Gen.* 10, 11. huius gesta *Diodorus lib.* 2. scribit, vt & insequentium.

3. *Semiramis* mulier

4. *Ninyas*

5. *Arius*

6. *Aralius*

7. *Xerxes*

8. *Armamithres*

9. *Belochus*

10. *Balæus*

11. *Sethos*

12. *Mamythus*

13. *Ascharius*

14. *Sphæros*

15. *Amenophis*

16. *Sparthæus*

17. *Ascatades*

18. *Amyntes*

19. *Belochus*

20. *Balatores*

21. *Lamprides*

22. *Sofares*

23. *Lampares*

24. *Panyas*

25. *Sofarmus*

26. *Mi-*



26. Mithræus
27. Teutamus
28. Teutræus
29. Thinæus
30. Dercylas
31. Eupales
32. Laothènes
33. Pirithiades
34. Ophracteus
35. Ephacheres
36. Acracames
37. Thonos Concoleros, qui & Sardanapalus.

Ex *Eusebio* ita *Petauius*. Aliter, & quidem numero 35. ponit *Reineccius* in *Syntagmate de familiis Monarcharum Chaldaeorum & Assyriorum*; historiamque ipsorum repetit.

Assyriorum hoc regnum continuatum existimat *Reineccius* à *Phulbelocho*, quem *Arbâcis* adiutorem & postea ipsius beneficio *Assyriæ* regem facit *Reineccius*. Sed *Petauius Doctrina Temp. IX, 35.* satis ostendit, hanc coniecturam temporibus non congruere, & *Phulbelochum* longe juniorem esse; existimatque *Assyriorum* imperium in *Sardanapalo* plane corruisse, magnoque post intervallo, *Medis* per ignaviam suæ fortunæ illudentibus, defecisse *Assyrios* & *Babylonios*; atque ita *Assyriorum* studio excitatum esse vetus imperium, *Niniuenque* instauratam, quam *Arbaces* solo æquauerat. Quis primus conditor fuerit, incertum esse; ut &, quinam & quot ante eos regnauerint, quos *S. S.* memorat.

morat; ii sunt Phul, 4. Reg. 15, 19. Teglati Phalasar, ib. v. 29. Salmanasar, cap. 17, 3. Sennacherib, eius filius, Tob. 1, 18. 4. Reg. 18, 13. Asarhaddon huius filius, cap. 19, 37. Coniicit deinde: paulo ante primam Olympiadem illos iniisse imperium, & ad annos LXX. præterpropter tenuisse, nimirum vsque ad Ezechiam, & ultra 15. eius annum: hinc à Medis superatos videri.

Idem statuit postea factum circa regnum Babylonicum: nimirum paulo post Babylonios, qui hæcenus vel Medis vel Assyriis paruisent, Nabonassar duce, libertatem & regnum peperisse, quorum obscura initia demum sub Nabopolassar & Nabuchodonosore in immensum prouecta sunt. Ponit ibi *Canonem mathematicum* Babyloniorum Regum, & fuse disputat hac de re *Doctr. Temp. IX. cap. 52. vsq. ad 62.*

Aliter statuunt *Reineccius sine prima monarchia* & alii. Series vulgata hæc est:

1. Merodachus Baladan
2. Benmerodachus
3. Nabuchodonosor primus
4. Nabuchodonosor II. siue Magnus
5. Euilmerodachus
6. Regassor
7. Labassardachus
8. Baltassar

De quibus in Sacris.

Sunt autem res Imperii Assyrii, Chaldaici & Babylonii, in alta nocte. *Scriptura* pauca habet: in profanis *Diodorus* paulo plura explanat, *ceteri* sparsim & obiter attingunt.

Regni

Regni formam obtinuisse, & quidem cum plenissima potestate imperasse Reges, nemo dubitare potest, qui, quantum historię superest, considerat. & quia ab initio Nimrodus, postea ceteri quoque armis belloque regimen quæsiuerunt auxeruntque, hinc quoque liberior potestas regum, quos gladius fecerat Dominos, intelligitur. Colligas etiam aliquid ex ingentibus titulis & nominibus dominantibus Regum.

Dispositio qualis in administrandò regno fuerit, è Persico regno deinceps collegeris. nam ex Assyriis, Chaldaicis, Babylonisque moribus pleraque repetita, & augendo ornandoque imperio adhibita, nullo modo dubitandum est.

Præstantia & celebritas Assyrii regni per notas quasdam designari potest. 1. *Hominum robur vigor*, ab initio Gigantibus comparatur: vnde vel Nimrodum ipsum fuisse Gigantem, vel Gigantes habuisse cœptorum socios, occasione sacri textus, consensu creditur. 2. *Dan. 2. & 7. capp.* comparatur hoc imperium *auro*, itemque *Leoni alis aquile prædito*. quæ manifestam habent significationem *opum viriumque*, & *successus efficacieg*. 3. *Opulentia* ex admirandis structuris ædificiisque, quibus nihil simile posteriora moliri sæcula potuerunt: tum ex apparatusum magnificentia satis intelligitur. 4. *Vires & multitudo hominum incredibilis*. Memorat enim *Diodorus ex Ctesia lib. 2.* Ninum vna expeditione in Bactrianos eduxisse decies septies centena pedum

tum, & ducenta ac decem equitum, decemque curruum falcatorum millia, cum paulo minus sexcentis. 5. *Rerum gestarum amplitudo* eo usque excessit, ut è summis Imperiis, quæ vulgo numerantur, hoc primum ponatur. 6. *Studiorum* quoque & doctrinarum profectu effloruit. Mathematicæ præsertim scientiæ cultæ sunt: Sicut testantur, quæ *Diodorus* de Chaldæis (professionis id nomen intelligit) tum de accuratissimis ædificiis annotat. Igitur ego quidem firmiter persuasus sum, mathemata ad maius fastigium usque in hunc diem non esse perducta, si summam loquendum sit, sed hanc propriam illius ævi gloriam fuisse. Practica, quæ vocant, studia, quin tum excelluerint etiam, soli dubitare possunt, qui res Assyriorum non introspiciunt. Sed, quia professionis litterariæ, neque tum neque aliàs apud alios, id nomen fuit, operibus, non vocabulis, æstimandam eam laudem meminerimus. 7. *Periit* hoc regnum, dum amisit, quæ Deus eximia dederat. i. e. *Luxu* (dum prodegit aurum in superbiam & voluptates) & *ignavia*: dum Leonis generosa magnanimitas, & alarum aquilæ velocitas vigorque, adeoque Præcipua tum auctoritatis, tum firmitatis præsidia extincta sunt. 8. Partem interitus existimo *abolitionem memoria* in plerisque rebus huius imperii.

(Dictum hac occasione de fatali rerum humanarum fragilitate, ex destinatione Dei.)

Medorum

## Medorum Regnum.

De Medorum origine (quæ ad Mædai filium Japhet à plerisque refertur) & nationibus Medicis satis diligenter & copiose disputat *Reineccius in secunda Monarchia*: seriemque Regum, & cetera adductis vndecunque auctorum locis pertractat. *Herodotus (lib. 1.)* quatuor regibus annos 150. tribuit: Deioc 53. Phraorti 22. Cyaxari 40. Astyagi 35. *Justinus lib. 1. cap. 6.* 350. annos Medis assignat: *Eusebius 259.* & Reges octo. *Petavius Doctrin. Temp. IX, 34.* ex *Diodoro & Ctesia* Medis Reges nouem, annos 317. attribuit, hoc modo:

1. Arbaces 28.
2. Mandaucæ 50.
3. Sofarmus 30.
4. Artycas 50.
5. Arbaces qui & Candiceas 22.
6. Arsæes qui & Deioces 40.
7. Artynes, qui & Phraortes 22.
8. Astibaras, qui & Cyaxares 40.
9. Apandas, qui & Astyages.

Ex Epocha igitur Cyri colligit, Arbacem Medorum regni primordia jecisse centum annis ante primam Olympiadem, post diluuium annis 1452.

A Nino subiugati olim Medi Assyriis sine ulla rebellionē seruiere vsque ad Sardanapalum. An autem Arbace duce liberati, deinceps sub libera forma vixerint, quod *Herodotus lib. 1.* refert; an sub Regibus, quod ceteri volunt, ambigitur. *Reineccius* ita conciliat.

liat, ut putet reges ante Deiocem (qui & Arfaces) astrictiori formula imperandi usus, plenum jus regium non habuisse; quod Deioces demum inuexerit stabiliueritque. Sed *Herodoti* narratio (*lib. I.*) valde est explanata & per circumstantias, quas vocant, tradita: ut quodammodo verisimile sit Præfectos & Satrapas aut regulos ante ciuitatibus Medicis *αὐτονομία* suâ utentibus præfuisse; donec sub vnus potestatem regiam Deioces omnia reduceret. Postea filius eius Phraotes finitimos & ceteram quoque Asiam perdomuit.

Facit huc; quod *Strabo* ait *XL. Geogr. Medis montanis in usu fuisse, regnum fortissimo deferre. Electio sc. regulorum notatur.*

Sicut autem Assyriorum regnum vi Leonis cœpit, i. e. bello armisque constitutum est: ita Deioces sapientia, astuque & meritis, ut eligeretur & ultro vocaretur ad regale solium, meruit. ferme ad formam Heroici regni, cui talem ortum *Aristoteles*, *Polybius*, aliique tribuunt. Sicut item illud Luxuria & Ignauia perdidit: ita hoc *seueritas & rigor*. Quod de Astyage satis ostendere vel *Justinus* potest 1, 4, 5. & 6. Populus oneribus & laboribus atterebatur; Rex crudelibus suppliciis in suos grassabatur &c. Amiserant jam ante imperium Scythisque victoribus parebant: sed recuperarunt.

Instituta & consuetudines Regni Medici, quatenus vel ad jus Regium, vel ad mores ciuiles spectant, *Herodotus* præsertim exponit.

Deioces enim Rex electus, iubet sibi i. de-

*num Regno dignam, οἰκία* scilicet *μεγάλα τε καὶ ἰσχυρά*, ædificia magna & firma, vel ornamentum regni vel arcem extrui. Simulque urbem adiungi splendore & magnitudine præcipuam, Ecbatana. Vide prolixè descripta illa ædificia ap. Herodotum.

2. Satellites & custodes corporis, quos vellet, Medis approbantibus, delegit.

3. Maiestatem Regiam auxit, vetitis ingredi ad regem, qui aliquid negotii volebant, perferre, per internuncios omnia agebantur, occultata Regis persona. Sed nec ridere aut expuere cuiquam coram Rege licebat.

4. Iustitiam seuere administravit, missasque ad se internuntiorum opera lites scriptas, decimas remisit.

5. Exploratores etiam *κατασκοπεύς καὶ κατήκοος* per vniuersum imperium disposuit: à quibus edoctus de iniustis actionibus hominum, fontes accitos, pro modo delicti, puniuit.

6. Militaris rei, præsertim in Tacticis & armatura, conditor præcipuus Cyaxares, Deiocis nepos, *Herodoto* memoratur.

7. Mores ceteri ex Persarum institutis intelliguntur. Pertinet huc illud *Strabonis* *XI. γένος*. Persica stola, & sagittandi rei que equestris studium, Regumque cultus, ornatus, & diuini honores regibus haberi soliti, à Medis ad Persas traducta sunt.

## Regnum Persarum.

De Persiæ Chorographia, populis, provinciis, earumque origine &c. fusc egit *Reinccius Synt.*

De Chronologia disputant eruditi, præsertim aduersus *Scaligerum Petauius Doctr. Temp. X, 12. & seqq. Petauius* initium Cyri (hic enim extincto Medorum imperio ad Persas rerum summam detulit) ponit A.M. 3425. post diluuium 1769. ab Assyriorum & Beli primordiis 1617. à Medorum initio 318. Olympiadis 55. ann. prim. ab V.C. 195. regnante Romæ Seruio Tullio, anno eius circiter 20. ante N.C. 559.

Alterum initium Cyri, siue regni Babylo-  
nici, facit annum regni 21. absolutum, & 22.  
inchoatum: Mundi 3446. V.C. 216. Olymp.  
60. ann. Tert.

Cap. 29. huius libri laterculum Regum  
Persarum ita ponit.

1. Cyrus 30. ann.
2. Cambyfes 7. m. 5.
3. Smerdis Magus m. 7.
4. Darius Hystaspis filius 36.
5. Xerxes 20.
6. Artaxerxes Longimanus 40.
7. Xerxes II. m. 2.
8. Sogdianus m. 7. d. 15.
9. Darius Nothus 16.
10. Artaxerxes Mnemon 40.
11. Artaxerxes Ochus 26.
12. Arses 4.



13. Darius Arsami filius 6.

Colliguntur anni 229. m. 9.

Auctores præcipui rerum Cyri, vnde pendent ceteræ, sunt *Herodotus*, *Ctesias*, *Berosus*. ex his alii sumserunt.

Quod ad leges & instituta attinet, *Xenophon* è Græcis; è Latinis *Curtius* præfertim posteritati consuluerunt. Adde *libellum de Institutis Persici*, quem ex variis collectum Scriptoribus *H. Stephanus* subiunxit *Herodoto* suo.

Neque opus est à nobis multa colligi: cum id abunde præstiterit *Barnabas Briffonius* in erudito tractatu *de Regio Persarum Principatu*.

Vbi, inter alia, etiam demonstratur, infinitam & liberam fuisse Regum Persarum potestatem.

Igitur in hoc regno magna pars legum & institutorum pertinebat ad amplificandam Maiestatem regiam: ad splendorem & pompam palatii: ad apparatus & instrumentum aulae: ad artificia & inuenta obsequii.

Certe in nullo imperio Regnoque Potestatis Regiæ Maiestas sollennius instructiusque vel ante vel post culta est. Quanquam enim occulta hinc mutuarentur multi, Splendor tamen & Veneratio Regii nominis proprie penes Persas fuit.

In virtutibus Persarum ad Remp. spectantibus elucet: Educatio liberorum & disciplina accuratissima: Studium rei militaris: candoris & veritatis cura; adeoque fides.

Vitia: Arrogantia & elatio, nimiaque virium confidentia; Crudelitas, ob quam Virso  
puta-

putatur comparari Regnum Pers. *Dan. 7, 5.* Luxuria & mollities, quæ præsertim ad extremum virtutem militarem extinxit; Consilii veri inopia, omnibus ad adulationem conuersis. Sed de his alii abunde.

### Regnum Ægyptium.

In Scripturis Terra Mitsraim vocatur Ægyptus. vnde origo eius ad Mitzraim filium Cham refertur: cum præsertim etiam Ps. 105. terra Cham dicatur Ægyptus. Putatur autem Osiris antiquissimus gentilium intelligi Mitsraim. Ante eum ap. Diodorum collocatur Saturnus, & Jupiter Ammon, i. e. vt nonnulli interpretantur, Noë, vniuersi adeoque etiam Ægypti Rex; & Cham siue Ham. vide *G. I. Voss. Theol. gentil. 1, 27.*

Epocha huius regni fabulose non ante diluuium modo, sed si Diodori, Africani, & aliorum sequendus calculus esset, ante principium mundi conditi collocatur. Quam rem pro fabulis plerique spernunt. vide *Reinec. in Regn. Ægypt. & Petau. Doctr. Temp. IX, 15.* Sed *Vossius de Lunaribus annis* accipit & conciliationem tentat. *Theol. Gent. 1, 28.* *Petauius* loco dicto & in *Chronologia* idem initium Regni Assyrii (de quo supra) & Ægyptii ponit. Anni durationis varie traduntur ab Osiride ad Psammetichen Regem. proposuit schemata quædam eius successionis *Petauius D. T. X, 17.* Historiæ & regni seriem vide ap. *Reineccium.*

E Veteribus *Diodorus lib. 1. & Herodotus in Euterpe* præcipui sunt.

Regio imperio gubernata est Ægyptus inter antiquissima & pulcherrima mundi regna.

Perfarum dominatus eam comprehendit, anno Cambyſis 5. Hinc, licet rebellassent, reciderunt sub Perfarum imperium: donec Alexander, Perſicæ potentia victor deſtructorque, Ægyptum quoque cepit ordinavitque ex vſu ſuo. Poſt obitum Alexandri, à Ptolomæo, qui ſe regem Ægypti appellavit, inſequentes inde Reges Ptolomæi (ita enim vocabantur, vt olim Pharaones) ad Romana tempora imperarunt. victa à Cæſare, & ab Auguſto in prouinciæ formam redacta, ſub Cæſarum deinceps imperio fuit vſque ad Mahometica tempora.

Situ opportuna, & fecunda, multisque rebus raris nobilis regio, de qua re *Geographi veteres & recentes.*

Legibus & inſtitutis publicis valde celebratur. Legibus certe ſuis diuturnitatem ſui ſtatus ſolebant attribuire. Leges autem erant, quibus etiam Reges obediebant. Fuitque ſalubriter temperata Regum diſciplina, quam vide apud *Diodorum*. Videtur tamen, vt in Monarchiis ſolet, ſubinde auctior poteſtas Regum facta. Ægyptus diuiſa erat in tres partes: quarum vna Sacerdotibus, altera Regi, tertia militibus tributa. Agricolarum, Paſtorum, Artiſcum diuiſa munia, & hinc veluti ex hereditario ſtudio magna peritia, & noua ſemper inuenta. Iudicia ſeuere & prudenter ordinata. Leges præclaræ: quarum ſpecimina *Diodorus* ponit valde luculenta.

Studia

Studia & artes, præsertim Mathematicæ Arithm. Geom. Astrologiæ, Architecturæ (hinc illæ Pyramides & cetera) Historiarum cognitio, quæ præsertim Regibus commendabatur. His omnibus Sacerdotes præerant.

Iidem Religionis studium, multa superstitione & ineptis inuentis, specie religionis multiplicatis, curabant. Hinc animalium cultus.

Medicina quoque percelebris fuit.

Igitur studiorum & artium causa eo peregrinationes susceperunt Græci. Certe, quidquid fere est artium, ab Ægyptiis ad Græcos peruenisse, passim ostendunt eruditi.

Opes vel ex loco Taciti 2. A. 60. colligas. adde præsertim *Diodorum*.

Genti quædam ingenii mobilitas & leuitas tribuitur. Atque hinc tot institutis inuentisque Regum & LLatorum opus fuisse autumant, vt in officio contineretur.

### Regnum Argiuorum.

Quod merito sequitur. Sunt enim Argini Ægyptii, sed Græcis permixti.

Initium huius regni ab Inachi Imperio *Petauius* ponit (*lib. IX. Doctr. Temp. 18.*) in annum mundi 2126: post Diluuium 471. Durationem ann. 675. Schematismum regum talem habet:

1. Inachus 50.

2. Phoroneus 60.

3. Apis 35.

4. Argus 70.

5. Criasus 54.

Gg 4

6. Phor-

- 6. Phorbas 35.
- 7. Triopas 46.
- 8. Crotopus 21.
- 9. Sthenelus 11.

Gelanor successit; quo pulso deinceps  
Inachidis Danaidæ successerunt:

- 10. Danaus 50.
- 11. Lynceus 41.
- 12. Abbas 23.
- 13. Prætus 17.
- 14. Acrisius 31.

Hinc regnum à Perseo Mycenæ translatum, cum Argis regnatum esset sicut præcessit.

Mycenæorum regnum tenuit annos 210.  
Ab Inacho ad illius finem ponit Petavius 756.  
annos: Reges ita ordinat:

- 1. Perseus 57.
- 2. Sthenelus 8.
- 3. Euristheus 43.
- 4. Atreus & Thyestes 5.
- 5. Agamemnon 17.
- 6. Ægisthus 7.
- 7. Orestes 70.
- 8. Tisamenus
- &
- Penthilus 3.

Adde Reineccium in regno Argiuorum & Mycenæo: qui & familias eorum qui regnarunt digerit. Mycenæorum regum ingentia fuerunt in utramque partem facinora, quæ pœnæ omnes Græcorum scenas repleuerunt: sicut Tragici Græci, & Latini sub nomine

*Sene-*

*Seneca* amplius explanant. Adde etiam, quæ de his habet *Vossius in Theol. Gentil.*

### Lydorum Regnum.

Hoc quoque inter vetustissima est; unde primum eius Regem Masne Halicarnasseus Jouis & Terræ filium facit. *Josephus* Lydos à Lud filio Sem conditos refert. *Herodotus* à Lydo Atysis filio nomen deducit. Qui ante Heraclidas imperarint Lydis, incertum est. Heraclidarum primus Argon ab Herodoto refertur. è quo hunc schematismum proponit *Petaurus de Doctr. Temp. X, 5.*

#### Heraclidæ

Annis 505. ab Argone ad Candaulem.

#### Mermnadæ:

Gyges 38.

Ardys 49.

Sadyattes 12.

Alyattes 57.

Cræsus 14.

Colliguntur anni à Gyge 170. ab Argone 675.

Plura vide apud *Reinescium de Regno Lydorum.*

Mores & instituta gentis non adeo explanate traduntur. *Herodotus* tamen lib. I. ait, eos vsos legibus, Græcorum fere similibus. Idem Inuentores nummi aurei & argentei prædicat: itemque cauponarum & rei infistoria. Illud turpe, quod omnes Lydorum filia corpore quæstum faciebant ad dotem colligendam.

Prima mutatio accidit stultitia Candaulis, qua factum est, ut ab Heraclidis ad aliam familiam transferretur. Auctor eius tyrannidis Gyges, cui Plato, & Cicero aliique mirabilem annulum tribuunt, quo usus fuerit in stupranda regina & tollendo rege. per quem annulum alii alia intelligunt, & symbolice potius, quam historice interpretantur. Aliter rem narrat *Herodotus*.

Euersum est Regnum in Cræso. Inter causas euerfionis *Herodot. (lib. I.)* scelus Gygis ponit atque Cræsum huius tritauī sui crimen luisse. Ceteræ causæ ex Historia colliguntur: 1. nimia opum & virium confidentia. (huc pertinet colloquium Solonis cum Cræso de vera beatitudine.) 2. Æmulatio fatalis cum Cyro Persici regni conditore. Infausta est æmulatio & ἀντιπαρομοίωσις omnis, cum quis se illis opponit, quibus fato destinantur magna imperia, siue quos Deus summis imperiis condendis adhibet. 3. Superstitio, de qua multa *Herodotus*. 4. Belli semel suscepti negligentior administratio. (Fuit alias hic Cræsus inter præcipua exempla humanæ felicitatis & infelicitatis: pacis quoque artibus, & candore amicitiaque insignis: quod apparet partim ex consiliis Cyro victori datis ap. *Herodot.* partim ex amore Græcarum ciuitatum, de quo *Iustinus* 1, 7, 10.

Cum rebellassent, Cræsi consilio, Cyrus eos ademptis armis cauponas & ludicras artes exercere iussit. *Iustin.* 1, 7, 12. vide plenius id consilium ap. *Herodot.* 1. pag. 72.

Resp.

## Resp. Hebræorum.

Huius quæ sunt χρονολογούμενα, & historica, abunde pertractata sunt partim Scripturis S. & earum interpretibus, itemque *Iosepho*: partim à *Reineccio*, & *Saliano* in *annalib. Ecclesiast.* *Scaligero* de *Emendat. Temp.* *Petavio* in *Doctr. Temp. libb. IX, X, XI, XII.*

Formam aliqui à conditoribus Hebræis & Abrahamo gentis Principe paternis imperiis definiunt: inde sub Judicibus Aristocratie gubernatam esse: hinc Regibus paruisse, quorum tempora *Dynastia* exceperint.

Alii *Aristocratiam* & *Regnum* agnoscunt.

Nonnulli nomen *Aristocratia* facilius tolerant quam veram descriptionem: existimantque, per omne illud tempus, quod Regnum præcessit, Theocraticum regimen fuisse, ita, ut iura maiestatis nemini essent permissa, sed in solidum reservata Deo, cuius arbitrio dispensarentur, peculiari quodam modo. Quæ sententia si recte accipiatur, forte nihil habet incommodi.

Scripsere de hoc Argumento, i.e. de Rep. Hebræorum, *Carolus Sigonius*, *Bonauentura Cornelius Bertramus* & *Petrus Cunaus*: addendum est *Jus Regium Hebræorum Schickardi*: & *Selden* scripta ad disciplinam & Leges Hebr. facientia. Annotauimus etiam aliqua nuper ad *V. Hist. Tac.*

De hac Rep. vere licet dicere, quod de Rom. *Liuius* hyperbolice extulit: *Non fuit in terris Resp. sanctior & bonis exemplis ditior. Leges*  
ad



ad Religionem, ad publica instituta, ad priuatos mores, ab ipso Deo sanctissime sapientissimeque accommodabantur. De qua re alibi. Exempla vtriusque fortunæ, & fati per omnem circulum reuoluti illustrissima.

Hinc sicut pleraque ad Ethnicos sunt translata, quamuis plerumque infelici aut impia imitatione: ita de Rerump. fatis non aliunde rectius iudicium & disciplina peti potest.

Hinc omnia imperii & obsequii siue munia siue mysteria repetenda.

Et optabile sane esset, pleniorē aliquam & perfectiorem Politicam ex huius præsertim gentis ac Reip. historia & institutis concinnari. Qui labor nec parui temporis, nec modici laboris, nec ingenii hebetioris fuerit.

Huic operi præscribendum antiquum illud: *Exeste profani.*

Reperti enim sunt, qui pessime interpretarentur τὰ πολιτικά Judæorum; sicut ex *Campanella operibus*, & *Machiauello*, aliisque licet animaduvertere. Quam temerarie nonnulli Jus illud regium Hebræorum, quod sibi fingunt ex 1. *Sam.* 8. interpretantur? De quo alibi.

Horribile exemplum euerfionis huius Reip. prorsus est singulare; quod hodieque Deus in variis totius orbis locis ob oculos versari vult omni populo. Illa dispersio enim Judæorum miserabilis quotidiana nobis disciplina esse debet. Aliæ gentes resurrexerunt, aut in aliquod corpus ciuile recollectæ sunt; Judæorum reliquæ dispersæ manent.

Regnum

Regnum & Respub.  
Atheniensium.

Initium huius Regni ponit Petavius A.M.  
2426. post Diluvium 770. post ortum Abr-  
hami 478. ante migrationem ex Ægypto an-  
nis fere 28. vide *Petau. Doctr. Temp. IX, 21.* Ro-  
ges & Prætores ita ordinat:

1. Cecrops 50.
2. Cranaus 9.
3. Amphictyon. 10.
4. Erichtonius 50.
5. Pandion 40.
6. Erectheus 50.
7. Cecrops 40.
8. Pandion 25.
9. Ægeus 54.
10. Theseus 30.
11. Menestheus 17.
12. Demophoon 33.
13. Oxyntes 12.
14. Aphidas 1.
15. Thymætes 36.
16. Melanthus 10.
17. Codrus 21.

Hactenus Reges. sequuntur Archontes  
perpetui.

1. Medon 20.
2. Acastus 36.
3. Archippus 19.
4. Therfippus 41.
5. Phorbas 31.
6. Megacles 30.

7. Diogne.

7. Diognetus 28.
8. Phereclus 19.
9. Aripbron 20.
10. Thespheus 27.
11. Agamestor 20.
12. Æschylus 23.
13. Alcmaeon 2.

Hactenus Archontes perpetui. seq.  
Archontes decennales:

1. Charops 10.
2. Æsimedes 10.
3. Clidicus 10.
4. Hippomenes 10.
5. Leocrates 10.
6. Aplandrus 10.
7. Eryxias 10.

Collig. anni regum à Cecrope ad Codrum  
488. A Cecrope ad Eryxias finem 874. Hinc  
annui Archontes facti. *Vellei.* 1, 8.

Pisistrati tyrannidem *Petavius* ponit in  
Olymp. LV. ann. primum, V. C. 194. Mundi  
3424. finem Pisistratidarum in an. M. 3474.  
Olymp. 67, 3. V. C. 244. vide *Chronolog.*  
eius.

Seriem Regiarum familiarum copiosissime  
exequitur *Reineccius*. Ceterum Athenienses  
Ægyptia proles sunt.

Politiam è veteribus breuiter & accurate  
est complexus *Strabo* IX. pag. 397. & 398. Re-  
ges ibi præfuisse: hinc popularem statum  
(sub Archontibus sc.) institutum: Interuenisse  
tyrannidem Pisistratidarum, & Oligarchias  
CCCC, & alteram XXX virorum: inde resti-  
tutam

tutam Democratiam; & licet Macedonibus aliquandiu parerent, conseruatam: etiam Romanos *ἀντονομίαν* illis indulgisse: à Mithridate tyrannos impositos, à Romanis deiectos esse, atque sic denuo ad libertatem reditum. Hæc *Strabo* vsque ad sua tempora. In maiorem redacta deinde seruitutem sub insequentibus Imperatoribus, præsertim Orientalibus, multisque casibus defuncta, Mahometici jugi calamitate tandem obruta est.

*De Rep. Atheniensium* egregia extat dissertatio *Xenophontis*; adde *Keckermanni disput.* & præsertim complura *Meursii* opera, qui sigillatim Res Atheniensium pene omnes illustrauit.

Inuenta, artificia, opificia, disciplinæ, studia, res gestæ, fusissime memorantur in historiis, adeo vt *Sallustius* existimauerit, *aliquanto minores esse quam fama feruntur. Catil. 8.*

Auctores plerosque notatos vide ad *Justin. 2, 6. & seqq. tum capitibus, tum libris.* & adde Oratores ac Panegyristas Græcos, *Demosthenem, Isocratem, Lyfiam, Aristidem* aliosque. *Thucydides* ex Historicis seorsum commendatus, it. *Corn. Nepos.*

## Regnum & Respub. Spartanorum.

Initium *Petavius* ponit in ann. M. 2882. ante primam Olymp. 326. Durationem 883. ad mortem Cleomenis, Lacedæmone ab Antigono Macedonia Rege occupata. *Doctrin. Temp. IX, 31.* Idem ex *Pausania* primam successi-  
sionem

tionem siue primam Dynastiam ponit à Lelege ad Tilamenum, sub quo Heraclidæ occuparunt Peloponnesum : Deinde sequuntur duæ Regum familiæ Eurysthenidarum siue Agidarum, ab Eurysthene ad Cleomenem siue Agesipolidem ; & Proclidarum siue Eurypontidarum, à Procle ad Epicilidam. Adde *Reineccium*.

Antiquissimi Spartæ Reges haud dubie maiorem habuerunt potestatem, sed legibus Lycurgi nomen Regium mansit, potestate sublata, institutoque illo regimine, quod aliqui ex 3. formis mixtum statuunt. vide *Græc. Batau. antiq. cap. 5.* vbi Remp. Laced. Batauicæ, & Reges Comitibus Batauis comparat. Sed accurate loquendo vel prorsus fuit Democratica, ex instituto Lycurgi, vel Aristocratrice temperata. huc spectat auctoritas Senatus XXVIII. virorum. vid. *Iustinus 3, 2. & 3.* vbi præcipui auctores notantur. *Aristot. 2. Polit. 4. 3. polit. 1. & 10.* *Xenophontis* extat peculiaris libellus de Rep. Laced. E recentioribus *Nicolaus Cragius* eruditum edidit opusculum de hac Rep. adde *Keckermanni disp. polit.* Instituta huius Reip. examinat toto capite lib. 2. *polit. Aristoteles.* Lex successionis ap. Spart. (de qua etiam *Nep. in Ages.*) legi Salicæ Francorum comparari solet. Studio rerum militarium & duritia vitæ inter Græcos præcelebant.

### Regnum Macedonicum.

Huius regni initium auctore Carano Heracli-

raclida *Perauius* ponit in annum M. 3170.  
 Imperante ap. Israëlitas Jeroboamo: A.C.N.  
 814. Durationem facit 646. cum Perse victo  
 à Roman. concidit imperium, *Doctr. Temp. IX*,  
 36. idem tamen in Catalogo Regum Maced.  
 colligit 737. à Carano ad Persem.

1. Caranus 28.
2. Cœnus 28.
3. Thurimas 45.
4. Perdiccas 48.
5. Argæus 32.
6. Philippus 35.
7. Europus 43.
8. Alcetas 28.
9. Amyntas 49.
10. Alex. 43.
11. Perdiccas 23.
12. Archelaus 14.
13. Oreltes 3.
14. Archelaus 4.
15. Amyntas 1.
16. Pausanias 1.
17. Amyntas 5.
18. Argæus 2.

Amyntas iterum 12.

19. Alex. 1.
20. Ptolomæus 4.
21. Perdiccas 6.
22. Philippus 24.
23. Alexander M. 12.
24. Aridæus 7.
25. Cassander 19.
26. Philippus Cass. f. 11.

Hh

27. Ag:

27. Antipater }  
                   & } Cass. f. 3.  
                   Alex. }
28. Demetrius Poliorcetes 6.  
 29. Pyrrhus m. 7.  
 30. Lyfimachus 6.  
 31. Arsinoë Lyf. vxor m. 7.  
 32. Ptolom. Lagi f. Ceraunus 1.  
 33. Meleager m. 2.  
 34. Antipater d. 45.  
 35. Sosthenes 2.  
 36. Antigonus Gonatas 36.  
 37. Demetrius Antigoni F. 10.  
 38. Antig. Doson. 12.  
 39. Phil. Demetrii f. 42.  
 40. Perseus 10.

Regium Macedoniae Imperium temperatum fuit maiore libertatis ymbra, quam apud ceteras gentes, teste *Curtio*: ex quo etiam pleraque de institutis & πολιτεία gentis peti debent. Hinc amor in Reges singularis: & ex eo Lex: ut ii, qui regi insidiati essent, cum propinquis omnibus necarentur. quæ quin iniusta sit, dubitari nequit. Comparatur cum lege Romana de familia seruorum necanda, cum illata Domino mors esset. ap. *Tac.* 14. A.

Aulica instituta multam sapiunt grauitatem, elegantiam, prudentiam, sicut vel ex solo *Curtio* discas.

Celebritas nominis Macedonici vsque ad summum imperium in alias gentes inualuit: cuius conditor Alexander M.

Dissolutum est Imperium, & Romana virtute

tute subactum iisdem pene de causis, quibus Persicum concidit. nam cum opibus vitia quoque à Persis ad Maced. translata erant. Ap. *Dan. 7, 6.* Pardo comparatur, quasi callidissima & rapidissima monarchia jalata etiam, ob eximiam rerum gerendarum velocitatem.

Vide *Justin. 7. & seq. libb.* ibique annotatos præcipuos Scriptores. *Reineccius* copiosissime egit.

*Idem*, qui cetera regna ad III. Monarchiam pertinentia, diligenter pertractat.

Regnum Ægyptium Lagidarum seu Ptolomæorum.

Regnum Cyrenaicum.

Regnum Syriacum Seleucidarum.

Regnum Bithynicum.

Regnum Ponticum.

Regnum Medicum, Atropatenes. (nam sub Macedonibus primum discrimen iniectum Mediæ maioris & minoris.)

Regnum Pergamense.

Regnum Parthicum Arsacidarum.

Regnum Bactrianum.

Regnum Armeniacum.

Regnum Judaicum, de quo supra.

Regnum Commagenes.

Regnum Numidicum.

Regnum Mauritanicum.

*Idem* cetera veteris Græciæ regna, *Thebæum, Arcadicum*, aliaque pertractat. Nos properamus ad



## Latina Regna.

Illæ numerantur Laurens, Lauinienſe, Albanum, Romanum.

Repetitur origo regnorum horum à *Troiano*, de quo peculiari tractatu *Reineccius*. Celebritas Troiani regni ex hac ipſa tam pulchra ſubole: & ex ſcriptorum facundia, qui bellum & excidium Troianum deſcripſerunt, inter quos præcell. *Homerus*, *Dictys Cretenſis*, *Virgilius*. De excidii Epocha ſuſe diſputat *Petauius Doctr. Temp. IX*, 29. Ponit an. M. 2800. Ante C.N. 1184. quo ipſo Anno *Æneas* ſoluit, & proximo anno in Sicilia hiemat, tertio Laurentum appellit, atque Lauinium condit.

Qui ante *Æneam* in Italia regnarint, varie traditur, ſicut diligenter collegit *Reineccius*. Pertinet huc liber de origine gentis Romana, qui *Mellalla* tribuitur. *Dionys. Halicarnaff. &c. Lin. Ouid. faſt. & metamorph.* Succeſſionem Regum qui in Latio regnarunt, *Petauius* hanc ponit:

1. Picus Saturni f. 37.
2. Faunus 44.
3. Latinus 46.
4. *Æneas* 4.
5. *Ascanius* 38.
6. *Sylvius Poſtumus* 30.
7. *Æneas Sylvius* 31.
8. Latinus 51.
9. Alba 39.
10. Capetus 26.
11. Capys 28.

12. Ca-

12. Capetus 13.
13. Tiberinus 8.
14. Agrippa 41.
15. Alladius 19.
16. Auentinus 37.
17. Procus 23.
18. Amulius 18.
19. Numitor 2.

Huius enim anno secundo Romulus  
Vrbem condidit.

Reineccius primam familiam. ponit  
Pici, seu Reges Laurentum :

1. Picum Priscum.
2. Faunum.
3. Daunum.
4. Telepsum Latinum.

Deinde familiam Æneæ, Syluiam, siue Re-  
ges Lauinienfes & Albanos ; eadem serie.

Hæc regna obscurata sunt magnitudine  
Romana, cui celebrandæ potius occupata  
fuit posteritas. Atque ita in ceteris quoque  
summis imperiis factum videmus. De Ro-  
manis autem rebus & imperio gentis incom-  
parabili deinceps aliquid dicetur.

### Regnum & Respub. Romana.

Rempub. Rom. ordiri solent ab Urbis  
conditu, quem alii ponunt in Ann. Mundi  
3230. ante Chr.N. 754. Olymp.VI. an.3. alii  
in sequentem. vide *Petau. Doct. Temp.* IX, 48.

## I.

Periodus prima huius Reip. est Regum VII. quorum laterculum per annos 244. digestum vide ap. *Petau.* Regni forma ab initio liberior, inde per leges *Seruij Tullij* temperatior fuit, sicut vel ex *Tac. 3. A. 26.* Qua de re alibi. adde *H. Grot. I. B. 1, 3, 20.*

## II.

Secunda Periodus est Reip. liberæ, ex Aristocratia & Democratia mixtæ, ita vt modo hæc, modo illa pars prævaleret, sicut ad 1. *A. Tac. 1.* disputauimus. Videtur quidem *Grotius I. B. 1, 3, 19.* *mere popularem statum* vocare. Sed mox §. insequenti mixturam concedit: A primis consulibus i.e. ab anno M. 3473. A. C. N. 509. Olymp. LXVII, 4. V. C. 245. vsque ad annos Julianos (qui incipiunt ab A. M. 3939. A. C. N. 45. Olymp. CLXXXIII, 4.) V. C. 709. sunt anni 464. Ad Triumphatum Octauij, Antonij, & Lepidi adice biennium: ad Annos Actiacos, quæ nobilissima epocha est, biennio illi adde 13. annos, ita ab V. C. año 245. i. e. à Rep. libera vsque ad Monarchiam Cæsarum, quæ post prælium Actiac. inchoatur anno V. C. 724. sunt 479. anni. Hæc periodus consulatibus numeratur, quorum Chronologiam etiam per Cæsarum tempora, qua licet, conseruant *Fisti consulares, & Cassiodorus*, in quos noti sunt *Caroli Sigonij, Onuphrij Panuinij, Cassiniani commentarij.* Seriem consulum vsque ad Justiniani Imp. III. Cos. i.e. A. C. 533. suæ Chronologiæ inseruit *Petauius*:  
omnes

omnes consules recenset etiam Chronologia  
*Hieronymi Vecchietti.*

In hanc Pèriodum conueniunt assidua factionum certamina, ex quibus tandem tumultus & bella ciuilia exorta sunt, quæ libertatem extinxerunt, sicut alias est prolixè declaratum.

A Julio & Augusto (nam de accurato initio noui status alibi disputatum est) Monarchia plenissima & absolutissima incipit, ac deinde per Cæsarum tempora porrigitur: habens tamen sua rursus interualla. Primi Cæsares (quorum exempla multi deinceps secuti sunt) imposuerunt imperio suo speciem aliquam pristini status, variasque temperamenti formas ostentarunt, per adornata simulacra politica :donec Diocletianus & deinceps alii, depositâ specie Principatus, formam regni exteriorè (nam ipsa jura regia ab initio plenissimè habuerant) assumsere. A Julio vsque ad Constantinum M. gentiles fuere Imp. Hic ad Christianam religionem conuersus multum immutauit faciem Rom. imperii, Constantinopoli præsertim tanquam noua & altera Roma ædificata, sedēque imperii ibi constituta. quæ res paulatim imminuit maiestatem Romæ veteris, donec interuenientibus Gothicis inuasionibus in Augustulo denique Imperium occidentale extinctum est Anno Chr. 475. Nam deinceps annis pæne 300. vacauit Imper. occid. vsque ad Caroli M. tempora. Licet enim

Hh 4 aliqui

aliqui nomen Imper. conarentur recipere, fluxa tamen & improspera conata fuerunt.

In oriente, sæculo VII. nondum adulto, Mahometica secta, Saracenorum humeris prouecta, Imperatorum Orientalium vim subinde labefactauit, & denique sæculo XV. medio, imperium Roman. in oriente plane extinxit.

Interim Carolus Magnus in occidente Italia recuperata, Romanorum Imperator factus, Imperium ad Germanos transtulit sæculo IX. incipiente. De qua translatione extant libri *Arnisei*, *Flacii*, *Fr. Junii*, qui aduersus Bellarminum de eadem re scribentem commentati sunt. Extant & aliqua in *Politicis Imperialibus Goldasti*, & apud *Scriptores Juris publici*.

Et hi quidem Germanici Impp. quin vere fuerint Monarchæ, dubium non est. Oppugnari autem monarchica Cæsarum potestas omniaque maiestatis jura cœperunt sæculo XI. partim à Pontifice Romano (auctor litis & tyrannidis affectatæ Hildebrandus siue Gregorius VII.) de qua re semper deinde usque in hunc diem disceptatum; scripta huc facientia in magnum opus collegit *Goldastus*, cui titulum fecit *Monarchia Rom. Imperij*: partim à Principibus astricta est liberior antea Cæsarum potestas. Non errant enim qui putant, Henrici IV. Imp. tempore initium Regiæ Legis, siue Cæsareæ Capitulationis, cœpisse, qua modus poneretur potestati Cæsarum. At sub Carolo IV. tribus fere ab hinc sæculis potestâ-

potestate Electorum aucta, præscripta est formula Regiminis Germanici, quæ nomina quidem illustria summi fastigii Cæsaribus reliquit; de cetero autem jura imperii pleraque cum Ordinibus in solidum communicavit. Ex hac formula deinceps Capitulationes Cæsareæ, tanquam antitypus ex typo, prodierunt. Illa ergo Aurea Bulla quin insecutis temporibus fundamentum esse debeat disputationis totius de Imperatorum potestate, dubitari nequit. Est enim Pragmatica sanctio, & Lex totius Imperii, non ab initio tantum communi consensu prolata, sed postea semper pro tali habita vsuque confirmata. Accedunt omnes inde Capitulationes Cæsareæ. Hinc Constitutiones & Recessus Imperii quatenus in illis aliquid de jure Imperii sancitur, aut Maiestas sub tali formula, qualis A.B. congruit, exercetur.

Cœpit autem controuersia de potestate Imperatoris gliscere denuo, superiore sæculo tempore Caroli V. & Reformationis religiosæ; & agitur in hunc diem. Pertinet huc singulari elogio historia *Sleidani*, & monumenta rerum German. in *Freherianis* tomis, itemque in *Politiciis Imperialib. Goldasti part. 12. & 13.* addantur *Limnaus*, *Reinkingius*, *Lampadius*, *Carpzov. de L. Regia Germanorum*, & alii Scriptores Juris publici.

Inter quos dissidia nata; quibusdam de vocabulis contendentibus; quibusdam Cæsari blandientibus, aut etiam nimis rigide obtreçantibus. (*Hortleberi dissertatio de L. Regia.*)


Contentiosa disputatio inter JC. *Vultei* defensores & *Gothofred. Antonium. Reinkingius* misere aduersus *Bodinum* disputat *lib. 1. class. 2. cap. 2. vt* & *Witzdorffius* aduersus *Limnaum*, qui peculiari tractatu respondit. Communis sententia *Reinkingio* aduersatur. *Lampadius* moderatissime & eruditissime in hac quaestione versatur. Modus disputandi in hac quaestione; Syllogismi principalis Maior ex Politicis desumenda (quam torquent aliqui & macerant, dum solidam Politices cognitionem non sunt assecuti.) Minor siue assumptio ex aurea Bulla, Capitulatione Cæsarea, ceterisque Imperii constitutionibus & pragmaticis sanctionibus, exercitioque siue praxi iurium maiestatis desumenda est.

Concurrunt in hanc quaestionem materia de iuribus maiestatis, & simulacris imperii: de iuramentis Regum, de temperatura, & mixtura statuum &c.

Sed de his aliisque alibi. Est enim hæc ex illis quaestionibus, quæ reuerentius & prudentius tractantur, ostendendo auctoritates, & rationum fontes; quam interponendo sententiam,

JOH. HENRICI BOECLERI  
LIBELLVS MEMORIALIS  
ETHICVS.







Q. F. F. Q. S.

## LIBELLVS MEMORIALIS ETHICVS.

**Q**Uæ præmitti solent, peti possunt  
ex Ger. Jo. Voss. libello de Philosophia  
cap. 18.

Addamus huc pauca. *Philosophiam practicam* siue *Actiuam* Aristoteles plerumque *Politices* nomine absoluit; vt *Ethica* ciuilis doctrinæ pars communior & generalior; *Oeconomica* & *Politica*, singulariter sic dicta, speciales partes intelligantur. Idem in omni philosophia practica *scopus*, *felicitas ciuilis*, non alia in *Ethicis*, alia in *Politicis*, sed eadem spectatur: quæ quid sit, & quomodo ad eam peruenire oporteat, in *Ethicis* vniuerse exponitur; in *Politicis*, per singulas ciuitatis partes, idem ostenditur; vt in *Oeconomicis*, quantum ad familiam attinet.

*Philosophiam moralem* vocant *Ethicam*: quæ etiam, *Ars vitæ*, *locus de expetendis & fugiendis*, *locus de electione & fuga*, veteribus dicitur. quamquam hæ appellationes non raro totam philosophiam practicam significant. *Locus de Officiis* eodem pertinet.

Omnia quæ in *Ethicis* docentur & discuntur, petita sunt, tanquam conclusiones ex *Principiis*, naturâ notis, id est, lege naturæ, seu  
recta

recta ratione. Quo pertinet quæstio de certitudine huius disciplinæ, diligenter tractata *Horneio Ethic. lib. 2. cap. 2.*

In S. quoque literis, quæ ad omnem philosophiam practicam per modum cohortationis aut characteris tradi possunt, abunde continentur.

In profanis litteris antiquissima Poëtarum fors est. *Pythagora, Socratis, Aristotelis* labores in hoc genere.

Stoici volunt in parte parænetica præcellere. neque denegatur ipsis magnificentia sententiarum, & vis cohortandi. de cetero peccant caillatione vocabulorum, arrogantia & affectatione perfectionis maioris, quam materia capit; erroribus quibusdam. Lapsus inter juniores *Lipsius* in hoc genere.

Studium Ethicum non absolvitur libellis & præceptis: sed observatione rerum singularium, in historia præsertim, & fabulis siue dramatibus. Vbi & de illo genere fabularum, quale *Argenis Barclaii* &c.

Quæstio de idoneo auditore Ethicæ, ab Aristotele mota, quo spectet, dictum. Alias enim verissimum illud veterum celeusma: *Philosophandum Juveni & Seni*; ne quid sanitatem mentis remoretur: quam præsertim philosophia practica promittit. *Cic. Tuscul. quæst. lib. 3. cap. 3. & 4. & 5.* Valeat ergo illud Poëtæ:

— petite hinc juvenesq; senesq;

Finem animo certum, miserisq; viaticis canis.

adde *Horat. lib. 1. ep. 1. & 2.*

## PARS PRIMA

## De Felicitate.

Summa autem huius studii philosophandi in eo est, vt felicitatem meditemur. Regula veteris philosophiæ est: *Quæ felicitatem faciunt, meditanda.* Quid est enim in vita tantopere querendum, quam cum omnia in philosophia, tum id, quod his libris quaritur, quid sit finis, quid extremum, quid vltimum, quo sint omnia bene viuendi recteque faciendi consilia referenda? quid sequatur natura, vt summum ex rebus expetendis? quid fagiatur, vt extremum malorum? Sunt hæc verba *lib. i. de fin. cap. 4.* Ciceronis principio eius operis, quo meditatur, quæ felicitatem faciunt.

Quarimus igitur, quid sit extremum, quid vltimum bonorum. quod omnium philosophorum sententia tale esse debet, vt ad id omnia referri oporteat, ipsum autem nusquam. Iterum Cicero. Bonorum omnium complexio, summum bonum, Finis, per excellentiam alias dicitur. *i. de fin. 9.*

An sit talis aliqua felicitas in hac vita mortali, prima dubitatio est. Vbi & Ethnici agnouerunt, Plato præsertim, absolutam omnibus *in Epin. mide.* numeris felicitatem expectari in hac vita non posse, sed post mortalitatem hanc sperandam. vnde iam Christiana disciplina excipit, & veriolem sententiam prosequitur. Intelligi ergo debet felicitas hæc intra hos limites: quantum mortalis vita capit. Sufficit enim talis status, in quo quam optime sit, quantum licet, i. e. in quo bonorum necessariorum quam plurimum, malorum quorumuis quam mini-

minimum adsit, ita ut vita suauiter, tranquille, permanenter degatur, in quantum loci, rerum, hominum conditio fert. Ciceronis locus insignis est: *Nomen beati longe lateq; patet. Nam ut quaestuosa mercatura, fructuosa aratio dicitur, non si altera semper omni damno, altera omnis temp:statis calamitate semper vacet; sed si multo maiore ex parte extrat in vtraq; felicitas: sic vita, non solum si vndiq; refert a bonis est, sed si multo maiore & grauiore ex parte bona propendent, beata recte dici potest.*

*Tuse. quæst. lib. 5. cap. 31.*  
*de vita beata cap. 1.*  
 Viuere itaque omnes beate volunt: sed ad prouidendum, quod sit, quod beatam vitam efficiat, caligant, inquit Seneca. cuius tota dissertatio legenda est. Multæ fuerunt ac diuersæ de felicitate assequenda sententiæ; non in vulgus tantum, sed etiam inter sapientes; nisi quod horum sententias ad concordiam redigere nonnulli, non frustra forte, contenderunt.

Diuersis velis statum felicitatis eundem intellexerunt veteres Philosophi, quando de tranquillitate animi, securitate animi, immunitate à pauore, bono pacatoq; animi statu, imperturbato & tranquillo animi statu, loquuntur.

Quibus autem rebus ad felicitatem istam perueniri possit, siue in quibus rebus posita sit illa felicitas (nam & ita loquuntur) diuortia sententiarum deprehendimus; pro diuerso animorum apud homines habitu, diuersisque, quæ inde sequuntur, studiis. Vnde Aristoteles diuersitatem illam sententiarum ad tria vitæ genera retulit: voluptarium, ciuile, & contemplatiuum. hoc sensu; ut qui ad volupta-

tem omnia referunt, in primo genere collocantur; in secundo, qui vel ad divitias, vel ad honores omnia referunt; in tertio subsistant, qui in contemplatione rerum sublimium & cognitione sapientiæ præcipuum felicitatis constituunt. Sed hæc ad sententias aberrantes pertinent. Possumus aliter procedere, ut complectamur veram.

Nimirum cum bona omnia *vel* sint animi, *vel* corporis, *vel* fortunæ; aliqui illa, aliqui ista, quidam hæc præcipue sibi sectanda duxerunt. Hinc quibus bona animi placent, *vel* cognitionem (ut in contemplatiuo genere *Aristorelu*) *vel* delectationem, quæ felicitatis comes est, *vel* virtutem pro summo bono amplexi sunt. Qui bona corporis respexerunt, voluptuarii illi sunt, ut Aristippus & Cyrenaici. Bona fortunæ sola vulgo appeti, non potest negari, sed inter philosophos nemo sine ceteris sibi proposuit. Plerique enim omnia illa tria genera bonorum ad felicitatem requisierunt; in quibus etiam Aristotelis nomen ponitur. pertinet huc *Martialis lib. 10. epig. 47.*  
*epigramma.*

In iudicio porro de felicitate ferendo vulgus vulgariter solet versari; & fere ea quisque admiratur, quæ in alio conspicit, & quibus ipse caret. Quem locum egregie tractat *Horatius*. Sicut ex diverso sapientes regulam *lib. 1. serm. sat. 1.* sibi ponunt; nil admirari. quod Stoicorum est. tranquillum scilicet statum animi ita circumloquuntur.

Horat. 1.  
Epist. 6.

Nil admirari, prope res est una, Numici,  
Solaq, quæ possit facere, & seruare beatum;  
inquit Horatius. Sicut alii hanc tranquillita-  
tem animi per otium & secretam priuatam-  
que vitam describunt. Huc enim pertinent  
illi loci apud Poëtas, *Horatium de laudibus vitæ  
rusticæ, Epod. carm. 2. Virgilium in 2. Georg.*

O fortunatos nimium, sua si bona norint,  
Agricolæ, &c.

Lips. cent. 1. addendus est Seneca in *Hyppolito* de laudibus  
Epist. mi- vitæ rusticæ.  
scel. ep. 8.

### Aberrantium Sententiarum

#### prima

#### De voluptate.

Fuisse homines, & adhuc esse, qui ita vi-  
vant, ut nihil potius, quàm voluptates appe-  
tant, res ipsa loquitur. Sed quod inter Philo-  
sophos *Epicurus* eius sententiæ auctor poni-  
tur; id jam olim passim à *Seneca*, qui in epi-  
stolis severissimas eius sententias refert, & ho-  
die à pluribus, novissimè à *Petro Gassendo in  
philosophia Epicurea*, abunde est refutatum.  
Cum enim finem in *Indolentia corporis & tran-  
quillitate animi* statuit, nihil aliud quàm cete-  
ri philosophi dicunt, vult, si explicatio eius  
audiatur. Hoc tamen verum est, eos, qui se-  
ctatores se *Epicuri* haberi voluerunt, siue  
*Epicureos* dictos, infamem sententiam de  
voluptate corporis protulisse.

Infimum porro genus hominum est, &  
bruti animi, quod hanc sententiam fouet.  
Voluptas enim pecorum bonum est : Vera  
autem,

autem, id est, humana felicitas debet esse bonum homini proprium. *Pecora natura prona atq; ventri obedientia finxit. Sed multi mortales dediti ventri atq; somno: indocti inculq; vitam sicut peregrinantes transiere, quibus profecto contra naturam, corpus voluptati, anima oneri fuit.* Quo caractere Sallustius hoc genus hominum notat. Poëtæ in sociis Ulyssis exemplum dederunt, de quibus Horatius, Ulysses diuersa secutum laudans, inquit:

*Catilin.  
cap. 1. & 2.*

*Sirenum voces, & Circes pocula nosti,*

*Epist. 1. 2.*

*Quæ si cum sociis stultus cupidusq; bibisset,*

*Sub domina meretrice fuisset turpis & excors.*

*Vixisset canis immundus, vel amica luto sus.*

Est præterea voluptas res fragilis, caduca, cito transiens. Felicitas autem constans & mansurum quid intelligitur.

Felicitas bonorum est: voluptas sæpius in malis reperitur; imò malos facit; cum vera felicitas hominem perficiat & consummatum reddat.

Sed non est consilium velut in locum communem congerere, quæ ad vituperandam voluptatem pertinent. Summatim videas licet ex oratione Architæ Tarentini apud Ciceronem in Catone Majore cap. 12.

Adeundus etiam Stobæus sermone 185.

Schema proverbiale huius sententiæ ab omnibus ponitur Sardanapalus. Vid. Diodor. Siculus lib. 2. Athenæus lib. 8. c. 4. lib. 12. cap. 12. Dio Chrysostom. orat. 4. de regno, Suidas in voce Sardanapal. Cic. 2. de fin. c. 32. Tuscul. quæst. lib. 5. cap. 35.



Aberrantium Sententiarum  
secunda  
De Diuitiis.

Magna est turba hunc errorem errantium  
& diuitias vnice sectantium.

Horat. lib.  
2. sermon.  
sat. 3.

—— omnis enim res,  
Virtus, fama, decus, diuina, humanaq; pulchris  
Diuitiis parent, quas qui constraxerit, ille  
Clarus erit, fortis, iustus, sapiens etiam, & rex  
Et quicquid volet.

Ita scilicet corrupti mores deprauatiq; sunt admi-  
ratione diuitiarum. Cic. 2. de offic. 20. Adde Stro-  
bei serm. 234.

1. polit. 6.  
1. de fin. 11.

Diuitiæ autem vel naturales sunt; vel arti-  
ficiales, apud Aristotelem. De utrisque Cice-  
ro: Ipsa natura diuitias, quibus contenta sit, & pa-  
rabiles & terminatas habet. inaniam autem cu-  
piditatum nec modus ullus, nec finis inueniri potest.

In neutris autem felicitas collocari potest.  
quamuis interim, comparandi causa, & ut  
ab infano amore habendi homines deterre-  
ant, Philotophi sæpe beatum dicunt, qui na-  
turalibus diuitiis contentus paruo viuere  
gaudet. quo sensu etiam Poëta:

Horat. lib. 1.  
Epistol. 10.

—— licet sub paupere tecto  
Reges, & regum, vitâ præcurrere amicos.

Addenda est Satyra 6. lib. 2. serm. Et Ana-  
charsidis Epistola apud Ciceronem Tuscul. 5. 32.

Nihil aliud interim sunt naturales diuitiæ,  
quam instrumentum vitæ agendæ compara-  
tum, non autem finis hominis, multo mi-  
nus

nus artificiales, quæ primo ad naturales referuntur, deinde ulterius,

Utræque corpori plus inserviunt, quàm animo.

In summis diuitiis miseria locum habet, quæ felicitatem excludit. Quod in fabulis Midas significat

— — — *diuesq; miserq;*

Sæpe non sine malis artibus parantur diuitiæ.

*Ouid. met.  
10. lib. 10  
fab. 3.*

Nec raro euanescent cito, ut fiat, quod Poëta dixit:

*Irus & est subite, qui modo Cræsus erat.*

Diuitiæ etiam corrumpunt animos non modo singulorum, sed plurimum toti reipublicæ nocent, cum nimium amantur. quam rem tum alias sæpe, tum duabus rationibus de rep. ordinanda ostendit Sallustius.

Licet tamen & bene uti diuitiis: neque sapiens, id est, felicitatis studiosus eas abiiciet, si obuenerint. De qua re memorabilis est dissertatio Seneca de vita beata cap. 21. 22. 23. Sunt enim Diuitiæ ex earum rerum genere, quibus bene & male licet uti. vid. Scobai *serm.* 229. & 231. sed & reliqua, quæ de diuitiis dici possunt, magna cura congeffit *serm.* 228. 230. 231. 232. 292. 237.

### Aberrantium Sententiarum tertia

#### De Honoribus.

Hujus quoque rei nimia cupiditate laborant humanæ mentes: vitio, quod primum innascitur, ultimum exiit.

Honoris vocabulo comprehendendi solet: Nobilitas; Dignitas ac ciuilis potentia; Fama & gloria hominis.

Sed in his rebus quæ posset consistere felicitas, cum partim alienæ sint; partim non in potestate hominis; imprimis autem caducæ, fragiles, subiectæ fortunæ; neque tam propter se, quam propter opinionem virtutis expetantur?

Nobilitate nimium fidentes & gloriantes passim derident Satyrici, *Juuenalis* imprimis, & Philosophi, inter quos *Seneca* sapissimè eos exagitat. Vide in vtramque partem apud *Stobæum* *serm.* 217. 218. 220. & lege insignem *Hieronymi Oserij commentarium de Nobilitate.*

Pericula & misérias magnarum dignitatum *Seneca* passim exequitur. Quo maiora dignitatis fastigia; eo plus periculi. Quem locum etiam Politici tractant. vid. *Lips. polit. lib. 2. cap. 15. & lib. 4. cap. 6.*

Utriusque, & potentia & famæ siue gloriæ, nominis immensa cupido in Alexandro, corripit omnem ejus magnitudinem. Vid. graue iudicium *Currj* 4, 7, 29. & 30. Ipse Alexander fassus est morbum animi sui *lib. 9. cap. 6. in oratione.* Commendari hic debent egregia opera *Jacobi Typotij de Fama, & Hieronymi Oserij de gloria.*

## Sententiarum aberrantium quarta

### De contemplatiua vita.

*Aristoteles* hic exemplum posuit de contemplatio-

platione Idea bonorum, in qua *Plato* felicitatem quæsiuerit. Sed cum sententia de Ideis Platonice parum sit ad liquidum deducta, ponatur potius eorum opinio, qui omnibus aliis negotiis abducti immori studiis optant; neque aliud expetendum magis credunt, quàm scientiam rerum sublimium & eximiarum. Quos arguit *Cicero*, cum dicit: *Sapientia studio à rebus gerendis abduci, contra officium est. virtutis enim laus omnis in actione consistit.* 1. offic. 6.  
c. 21. 26. 42.  
Etc.

Quare & Stoici hic à laudato tantopere otio sapientis quædam tempora excipiunt; de qua re ex professo *Seneca in fragm. de otio sapientis*: & *Epicurus*, licet neget, *Sapientem ad Remp. accessurum, aut Principatum gesturum*, addit tamen exceptionem, quam viderat necessariam, nisi quid interuenerit, id est, nisi idonea causa eum huc vocauerit. Non ingeret se, sed neque subducet omnino.

Cautiones tamen quædam hic adhibendæ; ut recte iudicetur de raro hoc genere hominum.

### Sententia de felicitate vera.

Vera denique sententia de Felicitate est, quod ea in perpetua actione virtutis consistat. Licet enim alii aliter efferrent Philosophi, idem tamen senserunt. Stoicis, secundum naturam viuere, nihil aliud est, quàm constanter & uno tenore facere, quæ virtus dicitur. Soli scilicet virtuti conueniunt illa, quibus summum bonum describi solet: quæ diligenter

attendit *Lipsius lib. 1. polit. c. 1. vbi non aliter de virtute agit.*

*Acad. quæst. 1. 6.* Omnis illa antiqua philosophia, inquit Cicero, sensit, in una virtute esse positam beatam vitam: nec tamen beatissimam, nisi adiungerentur & corporis & alia bona, ad virtutis usum idonea.

*Tuscul. 1.* Felix igitur est, qui virtutis perfectæ perfecto munere functus est, ut sententiam Aristotelis iterum effert Cicero.

45.

Comparatur autem hæc felicitas primum quidem auspicio divino, quod & *Aristoreles* agnovit; deinde industria humana, & crebro agendo, atque adeo consuetudine, cuius maxima vis est: estque bonum venerabile potius, quam laudabile.

Vita perfectæ, de qua Philosophus loquitur, peperit illam quæstionem de sententiæ Solonis veritate; secundum quem scilicet

*Ovid. metamorph. 2. fab. 2.*

— — — ultima semper

*Expectanda dies homini est: diciq; beatus*

*Ante obitum nemo supremæq; funera debet.*

describente historiam *Herodoto libro 1. & repente Cicerone Tuscul. 1. cap. 47.* Sicut autem Solon ad rerundendam insolentiam, & ostendendam rerum humanarum fragilitatem, recte ita dixit: ita dubitandum non est, quin etiam viuis possit beatus dici, sicut *Aristoteles* copiose ostendit.

## IN SECUNDA PARTE

### Philosophiæ moralis.

Agere solent de homine, ut est capax hujus felicitatis: explicantque partes animi & facultates;

tates: tractant de intellectu, voluntate, libero arbitrio, affectibus. Quæ quia in *Physicis* & *Anima* copiosius executus erat Philo-  
sophus, in philosophia morali paucis attingit: neque ultra quam opus est.

Ostendit ergo sic: quod pars alia animæ sit *ratione prædita*; alia *rationis expers*. *Rationis expers* subdividi potest, ut alia sit *omnino rationis expers*, quæ dicitur anima vegetans, à qua proficiscitur nutritio & augmentatio, homini non cum brutis modo sed etiam cum plantis communis: alia non quidem habens rationem, cum qua sæpe pugnat, sed idonea tamen rationi parere, atque adeo quodammodo de ratione participans, quæ dicitur appetitus sensuum. Sequestrata ergo parte prorsus rationis experte, cui nihil hic loci, remanent pars rationalis per essentiam; in qua sunt *Virtutes dianoëticae* sive intellectivæ; & pars rationalis per participationem, in qua sunt *virtutes morales*. Hæc summa totius tractationis Aristotelicæ, quam Horneius veluti commentario *lib. 1. Eth. 6. 13.* diffudit *Ethic, lib. 2. toto.*

Cicero ita repetit: *Est enim animus in partes Tuscul. 9. 21.* tributus duas: quarum altera est rationis princeps, altera expers. Cum igitur præcipitur, ut nobismet ipsis imperemus, hoc præcipitur, ut ratio coërceat temeritatem. adde totum, & sequens caput.

## TERTIA PARS

### De virtutibus.

Ante omnia hic inquirendum: quid Virtus sit; quam varie descripserunt. Cicero: Vir-

2. de in-  
vent. 53.

1. de ll. 8.

1. de ll. 16.

4. Tuscul.  
14.

in Brut.  
cap. 40.

2. Eth. 6.

lib. 1. ferm.  
sat. 16.

lib. 3. ep. 18.

4. Tuscul.  
13.

ius est animi habitus, natura modo, rationi consen-  
taneus. Alibi: Virtus est nihil aliud quam in se  
perfecta, & ad summum perducta natura. Rur-  
sus: est enim virtus perfecta ratio. Alibi: Vir-  
tus est affectio animi constans conueniensq;, lauda-  
biles efficiens eos, in quibus est, & ipsa per se, sua  
sponte, separat. et etiam utilitate, laudabilis. Ex  
ea proficiuntur honeste voluntates, sententiae,  
actiones, omnisq; recta ratio, quamquam ipsa vir-  
tus breuissime recta ratio dici potest. Alibi: Omnis  
virtus, ut vetus Academia dicit, est mediocritas.

Atque hæc est sententia Aristotelica, quæ  
virtutem definit habitum cum electione, consi-  
stentem in mediocritate, ad nos relata, ratione de-  
finitum, ut vir prudens definiuerit. Quamquam  
enim virtus ob præstantiam summum ali-  
quid sit, medium tamen aliquid ex conditio-  
ne naturæ recte dicitur. Horatius expressit  
illo celebri carmine:

Est modus in rebus; sunt certi deniq; fines,  
Quos ultra citraq; nequit consistere rectum.

Et alibi exemplis ostendit, quod

Virtus est medium vitiorum, & utrinq; reductum.

Medium est virtus, inter duo extrema, siue vi-  
tia: quorum ab uno longius, quam ab alio  
abest.

Illæ extrema, vitia sunt. Est enim virtutis  
contraria vitiositas, inquit Cicero. Sic enim ma-  
lo, quam malitiam appellare, quam Græci κακίαν  
appellant. Nam malitia certi cuiusdam vitij no-  
men est: vitiositas, omnium.

Impugnata est hæc *Aristotelis* sententia & olim & hodie. Videatur *Grotius in prolegom. ad Jus belli & Pacis*. Sed non leuia sunt, quæ pro *Aristotele* dici possunt.

### De principiis humanarum actionum.

Explicata virtutis natura *Aristoteles* agit de principiis humanarum actionum: ponitque quatuor; *Spontaneum, Electionem, Consultationem, Voluntatem*. Quia enim à virtute profectum non censetur, quod vel forte, vel non sponte, vel ab inuitis, & sine electione fit: opus est, paulò accuratius ista intelligere. Sicut & in malis actionibus plurimum differunt, quæ deliberato consilio, & quæ per imprudentiam fiunt.

SPONTANEUM solet duobus modis tractari: explicatione rei ipsius, siue naturæ spontanei; & declaratione oppositi, id est, inuiti.

Spontaneum est quod à scientibus fit, accedente appetitus sensitui inclinatione; etiam rationalis i. e. voluntatis; sed de illa seorsum postea agetur.

Scientia, quæ est principium actionum humanarum, *conscientia* proprie vocatur, quæ præcipiendo & suadendo, vetando & dissuadendo actionibus humanis interuenit, estque vel *recta*, vel *probabilis*, vel *erronea*. Addunt alii, *dubiam*, & *scrupulosam*: quatenus hæsitatio etiam interdum dicitur, iudicium intellectus.

De



De conscientia egerunt abunde *Theologi, Scholastici & Philosophi.* Paucis *Horneius lib.3. eth. c.4.*

*Lipsius lib.1. c.5.* præclare ostendit; in omni vita civili conscientia dictamen utramque paginam facere. Addatur *Scobai serm. 24.*

Sed *Spontanei* natura amplius intelligitur ex opposito; nempe ex *Inuito.*

*Inuitum* est duplex: *per violentiam, & per ignorantiam.*

*Inuitum per violentiam* est, cuius causa est plane externa, cum subiectum, quod videtur agere, nihil confert ad actionem proprie loquendo. Viderunt non antiqua tantum sæcula in persecutionibus Christianorum illam scuitiam, qua diducto per vim ore idolothyta infulciebant, eaque postea instrumentis quibusdam per gulam detrudebant tortores: sed hoc ipso sæculo in Silesia à sacrificulis manu militari armatis Aug. Conf. hominibus hostia ad eundem modum obtrusæ sunt, ut viderentur religionem mutasse.

Est autem *violentum* aliud *reuera tale*, quod jam descripsimus, aliud *apparet tale, nec est.*

Hinc disputatio de *actionibus mixtis*, quas aliqui vocant, quæ vera æstimatione sunt spontaneæ & voluntariæ. quod vere Aristoteles iudicat. Vsitatissimum exemplum est de mercibus, in tempestate, seruandæ navis causa eiectis. *Curtius* ita effert: *Gubernator, ubi naufragium timet, iactura, quicquid servari potest, redimit.* In bello partem provinciarum cedit victori, qui metuit, ne totum regnum  
amit-

amittat. Non libenter quidem huc descenditur, sed quia tamen ad vitandum maius malum hoc eligitur, spontanea est actio, non inuita. malum enim, quod obtutu maioris mali eligitur, exuit naturam mali morali æstimatione, & incipit naturam boni habere. Talis est deliberatio: *Libertas an pax placeat*, ap. *Tacitum* 4. H. 67. & *Grotium* I. B. 2, 24, 6.

Pertinent huc sententiæ vere philosophicæ apud *M. Senecam Rhetorem*: *Non est vis, ubi lib. IV. con-*  
*aliquid expedienda rei causa patiendum est, sed trom. 26.*  
*ratio.* Et: *Non est adiuuere vim, aliquid cum*  
*certa conditione promittere, si qua vis est, a te tibi*  
*adhibita est.*

Maximus huius philosophiæ usus est, ubi de vi actio est. ibi enim quæritur: *An in re vi sit.* vide exemplum nobile apud *M. Senecam*, *lib. IV. con-*  
*ubi etiam vis iniuriosa à salutaris distinguitur.* *strom. 28.*  
 Tum etiam, quando agitur de vi metuq, gestis: itemque de damno dato, ubi multum valet, τὸ ἐκβύλα ἢ ἀκούλα, i. e. *volentem aut inuitum fecisse*, ut notat *Libanius declamat. 27.*

Diximus de Inuito per violentiam vel vero, vel apparente.

Aliud est inuitum per ignorantiam: quod sit ob ignorantiam, ita tamen, ut eum, qui fecit, illius postea pœniteat, describente *Aristotele*. 3. *Eth. 1.*

Hic ergo de ignorantia fusc agunt *Theologi, Scholastici & Morales*, subtiliterque partiuntur, 1. quod ab ignorante quidem fit, sed non ob ignorantiam; 2. quod ob ignorantiam fit pœnitentiæ consequente factum; 3. quod ob ignorantiam fit pœnitentiæ non consequente factum. Aliam item dicunt

dicunt ignorantiam *vincibilem*, aliam *inuincibilem*.

Maximum habet usum hæc philosophia, ubi de æstimatione delictorum agitur: quæ *Aristoteli* sunt trium generum; *plena iniuria, infortunium, & media culpa*. Bene explicata hæc vide à *Grotio* l. B. 3, 11. 4. & 2, 21. 5. Add. *M. Senec. Excerpt. Controu.* 3, 6. *Liban. loc. commun. contra homicid.*

Jurisconsultorum distinctio est, in *ignorantiam juris & facti*. Ubi philosophicæ istæ distinctiones iterum tamen locum habent.

Ipsa autem nomina rem indicant. Est enim *ignorantia juris*, cum quis ignorat jus suum, siue finem suæ actionis; siue, quid in actione sit honestum, justum, utile, aut his contrarium.

*Ignorantia facti* est, cum ignoratur, quid contigerit: siue quando circumstantiæ ignorantur, in quibus cum præcipua actionis vis consistat, agens tamen prouidere non potuit. Illa *uniuersalis*, hæc *particularis* dicitur.

*Illæ* (ignorantia juris) cum plerumque sit affectata, actionem non reddit inuitam, nec excusat agentem, quod in jure naturali manifestum est. Videatur tamen limitatio *Grotij* l. B. 2, 20, 43. Nec in jure ciuili, quod omnes scire debent, res se aliter habet: nisi quod ignorantia aliqua sine culpa interdum esse potest (*Grot.* l. B. 2, 23, 13.) neque peræque semper nocet; quamquam *prodesse* vix dici possit, si accurate velimus loqui.

*Hæc* (ignorantia facti) actionem reddit inui-

inuitam & excusat, si caret dolo, non est culpa nostra acquisita, habet conjunctam pœnitentiam.

Quomodo jura ciuilia de utraque ignorantia juris & facti decernant, aurea est dissertatio *Cujacij observationum lib. 5. cap. 39.*

Ex principiis humanarum actionum secundum dicitur *ELECTIO* siue *Proairesis*, nempe earum rerum, quæ in nostra potestate sunt, ex consultatione profecta appetitio.

Unde jungendum videmus Tertium, *CONSULTATIONEM*, qua intellectus agit, ut electione, voluntas. Deliberatur autem item de rebus, quæ possunt aliter atque aliter euenire; magisque de mediis quàm de finibus.

Quartum principium actionum humanarum est *VOLUNTAS* siue *ipse actus volendi*. nam potentia volendi ad superiorem tractationem pertinet. Voluntas autem est finium.

*Velle* autem dicitur non tantum, *qui ipse quid facit*, sed etiam, *qui approbat, juber, consentit, laudat, participat, non impedit, recepat facientem*. In Scholis versus sunt de voluntaria actione :

*Jussio, consilium, consensus, palpo, recursus, Participans, mutus, non obstand, non manifestans.*

Egregie hanc philosophiam explicat *Grotius l. B. 2. 17. usq; ad 12. in materia damni dati. & 2. 21. 1. & seqq. in materia de pœnarum communicatione.*

Ex his ergo apparet, quæ magis, quæ minus

nus voluntaria sint. Maxime voluntaria sunt, quæ homo facit, nullo errore seductus, nulla animi perturbatione impulsus (quanquam & ista voluntaria esse constat) quod sæpius sibi proposuit, & diu animo volutauit, quod sæpius repetiit, magisque sibi in ea re placuit. Minus voluntaria esse, quæ diuerso modo se habent, per se intelligitur.

Disputari hic contra Platonem solet, qui statuerit (in *Protagora* & alibi) neminem volentem malum esse. quamquam alii commodius explicare nituntur.

### De connexione, & distributione seu numero virtutum.

Virtutes inter se connexas esse atque coherentes, omnis fere Veterum philosophia decernit. alii tamen aliter efferunt. Quidam nullam virtutem sine prudentia dicunt esse, adeoque cum ea aduenire omnes pronuntiant: alii in iustitia omnes virtutes inesse dicunt: alii in pietate. quæ sententia posterior *Eusebio* placuit. Est *Ciceronis* locus celebris de hac connexionem lib. 2. de natura Deorum cap. 61. Hac contuens animus, accedit ad cognitionem deorum, ex qua oritur pietas: cui conjuncta iustitia est, reliquæque virtutes, è quibus vita beata existit. Cui consentit *Hierocles*, quod omnium virtutum dux sit pietas.

Ad diuisionem virtutis quod attinet, prætermisissis iis, qui vnus virtutis diuersa tantum nomina statuebant, plerique quatuor virtutes (principes scilicet, quibus aliæ essent sub-

*Præparat.  
Euangel.  
lib. 2. cap. 2.*

*In aurea  
Pythagore-  
orum car-  
mina.*

subiectæ aut inclusæ) numerarunt: *Prudentiam, Fortitudinem, Iustitiam, Temperantiam*. Platonem ita sensisse non ex Diogene tantum Laërtio constat, sed & ex libris de republica. lib. 4. & 6. Neque Stoici aliter: Imo ipse Aristoteles hunc numerum laudat lib. 7. Politicor. cap. 1. Cicero in officiis retinuit quasi communem Philosophorum sententiam lib. 1. cap. 5. & sæpius. Sed & 2. de inuentione 53. Scriptor ad Herenn. lib. 3. cap. 2. Liber Sap. 8. v. 7. Neque Thomas & alii Scholastici omiserunt hanc sententiam variis explicationibus adornare.

Aristoteles tamen, quamquam non repudiaret hanc sententiam, non institit pressè; sed neque numerum virtutum definivit, sed hoc tantum dixit: singulis explicatis, numerum planum fore. Statimque incepit de Fortitudine agere.

Quoniam autem in illa distinctione Aristotelis, qua virtutes alias morales, alias intellectuales siue dianoëticas fecit; multum boni inest: non erit absurdum, ejus tractationem sequi, & inter morales virtutes primam ponere Fortitudinem.

### De Fortitudine.

Fortitudinem Cicero describit, quod sit *con-* 2. de in-  
siderata periculorum susceptio, & laborum per- uent. 34.  
pessio. Ubi addit: partes ejus sunt: magnificen-  
tia, fidentia, patientia, perseverantia. Aristoteli  
est mediocritas inter ignauiam (ita enim Latini  
vocant illam timiditatem) & audaciam consti-  
tura: qua versatur circa ardua (aggressu scilicet  
perpessuque) & terribilia i.e. in quibus metus

& fiducia locum habet, in quantum ea non exsuperant humanam constantiam; inprimis circa mortem bellicam.

Quo autem minus voluntarium aliquid est in hac virtute, eo minus fortitudini deputatur. Unde ii, qui præmii & honoris causa, aut metu ignominie fortiter se gerunt; aut sola assuetudine periculorum pericula contemnunt; aut affectu aliquo concitati nihil metunt; aut fiducia successuum priorum elati ferociunt; aut periculi magnitudinem non intelligunt, fortes accurate loquendo non habentur ab Aristotele.

Non tamen sola mors huc pertinet, quam eam præcipue Aristoteles nominet; sed dolor, ignominia, orbitas, paupertas, carcer, exilium, & similia, quæ aut futura metum, aut præsentia molestiam, eamque non levem creant, viro forti superanda obiciuntur.

Sed quæ in bello gesta sunt, splendidiora videntur, magisque in oculos incurrunt. *1. de off. 18.* Unde Cicero: *In laudibus, quæ magno animo & fortiter, excellenterq; gesta sunt, ea nescio quomodo quasi pleniore ore laudamus.* Hinc Rhetorum campus de Marathone, Salamine, Plateis, Leuctris, &c.

Inprimis autem honestas proposita esse viro forti debet. Unde nec justitia nec prudentia vacare potest vera fortitudo. Non justitia: Ea enim animi elatio quæ cernitur in periculis & laboribus, si justitia vacat, pugnatq; non pro salute communi, sed pro suis commodis, in vitio est. inquit Cic. Adde quæ sequuntur *1. offic. 19.*

Non

Non prudentia abesse debet; quia temeritas esset, non fortitudo, cui non subest ratio. Videatur *Seneca epist. 85.*

Est tamen modus hic notandus. Verissimum enim est illud *Liuij*: *nulla virtute supera-* *lib. 4. capi.*  
*32.*  
*ri humanarum virium modum.*

Hinc de *Celtis* veteribus Aristoteles quaestionem mouet, qui nec terræmotum, nec similia formidabant: & de iis dubitatur, qui spectra non metuunt, quod de *Democrito Abderita* *Lucianus in Philopseude* memorat. Et de *Athenodoro* *Plinius Epistol. lib. 7. ep. 27.* Est tamen hic non omnis fortitudini locus denegandus. Neque constantia animi meretur commendari in *Bruto*, cui malus genius apparuerit apud *Plutarchum in vita*. Solet hic & illa quaestio agitari, de *αὐτοχρησία*, siue de homicidio in se. Qui ethnicorum hoc probabant, certis tantum casibus suam sententiam accommodabant, sicut videre est ex *Quintiliani declam. 4.* & falsa hypothese nitebantur: quasi homo esset membrorum & vitæ suæ dominus. Alias nota est lex: *Homicida in se insepultus abjiciatur.* Apud *M. Senec. in Excerpt. controu. lib. 8. controu. 4.* Adde *Gregorium I. B. 2. 19. 5.*

Inter exempla Heroicæ fortitudinis *Alexander* apud *Curtium* suam virtutem his notis signat: *liberatione gentium servitute oppressarum* (3, 10, 5. add. 6, 3, 17.) quo nomine *Hercules* ab antiquis laudatur apud *Grotium*, *I. B. 2. 20. 40.* depulsione iniuriæ à ciuibus & sociis (4. l. 13.) honestate damnorum (quor cicatrices, tot-



*idem corporis decora* (4, 14, 6.) pacis proposito (6, 3, 5.) gloria mortis (3, 8, 21.) immortalitate gloriae (*lib. 9. cap. 6. n. 18. &c.*) Quamquam si accuratius examinanda ista sunt, saepe temeritas mixta videbitur virtuti, confessione ipsius Historici: *cum esset praesto ubiq; fortuna, temeritas quoq; in gloriam cesserat.* 3, 6, 18. In qua tamen quaestione, sicut non repudianda est quaedam exceptio de singularitate Heroicorum exemplorum: ita multa sine controverfia audacter facta Alexandri possunt memorari.

*lib. 21. cap. 4.* Hannibal quoque inter exempla Heroicae fortitudinis affertur: quem *Liuius* ita describit: *Plurimum audaciae* (sic in bonam partem) *ad pericula capeffenda, plurimum consilij inter ipsa pericula.* Sed exempla quidem passim ex historia repetenda, & *Valerio Maximo*, ubi totum caput de fortitudine.

Sententiae memorabiles de fortitudine, ab audacia distinguenda, occurrunt apud *Curtium lib. 5. cap. 9. n. 6. & 7.* *Fortium virorum est, magis mortem contemnere, quam odisse vitam. Virtus nihil inexpertum omittit. Itaq; ultimum omnium mors est, ad quam non pigre ire, satis est.* Et *lib. 9. c. 6. n. 14.* *nihil indignius est, quam consumi fortitudinem, ubi non possit ostendi.*

Extrema fortitudinis, siue vitia ei opposita, sunt, Audacia & Ignavia.

Audacia nihil metuit; ignavia nimis metuit.

Audacia graviter describitur apud *Curtium lib. 4. c. 14. n. 13, 18, 19.* Adde *Lips. 5. polit. c. 15.*

& nota: quod interdum sit audacia, quæ non videtur esse, vt supra patuit exemplo Alexandri; interdum videatur audacia quæ non est; Huc pertinet illud *Taciti* exemplum 1. A. 38. *presidium ab audacia mutuantis.* & Alexandri apud *Curt.* 10. 2. 30. Nota amplius: temerario- rum diuersa esse genera, dum quidam præmi- is periculorum in audaciam ruunt; quidam non tam præmiis periculorum, quam ipsis peri- culis lati deprehenduntur, ut est apud *Tac.* 2. *Hist.* 86.

Ignauos describit *Curtius*, qui pluris qualem- cunq; vitam honesta morte aestimant. 5, 8, 6. Add. *Sallust.* *Catilin.* c. 58.

Videndus *Stobæus* *serm.* 101. & 168, & 169. Et notandum, quod *Aristoteles* non sine causa huic virtuti primorem locum assignauit: quia in tutela virtutis bellicæ omnia cetera latent, sicut *Cicero* præclare ostendit in oratione pro *Muræna*.

Reuera enim in opere *Ethico*, quod vix pa- tiuntur vulgo sibi persuaderi, omnia ad rem- publicam *Aristoteles* retulit: adeoque eum ordinem seruauit virtutum, quem respublica postulat. Unde etiam

Fortitudinem consequitur

Temperantia.

Quam cum fortitudine eo, quo diximus, nexu jungit *Philosophus* 7. *Polit.* 15.

Quo vocabulo latius uti solet *Cicero*, sicut ex lib. 1. *off.* constat. Nos cum *Aristotele* ita hic sentiemus, ut continentiam tamen, quam

Kk ; ipse

ipse semiuirtutem existimat, in partem huius virtutis serio vocemus. Potest & *verecundia* huc acciri, optimo jure.

Temperantiam versari circa voluptates, quæ gustu & tactu, sed inprimis tactu (qui & in cibo potuque vel ex eius voto spectatur, qui collum gruis optabat) percipiuntur.

*Temperantia constat ex pratermittendis voluptatibus corporis*, inquit Cicero de *Natura Deor. lib. 3. c. 15.* Et 5. de *Fin. 23.* *Temperantia in pratermittendis voluptatibus cernitur.* Plenius 2. de *invent. 54.* *Temperantia est rationis in libidinem atq; in alios non rectos impetus animi firma & moderata dominatio.* Ejus partes sunt: *continentia, clementia, modestia.* Sed de clementia quidem & modestia alia est tractatio. *Continentiam* autem huc vocauimus, quam Cicero ibi describit: *Continentia est, per quam cupiditas consilij gubernatione regitur.* Quamquam hæc descriptio latius patere videtur. nos enim continentiam ex usu Latine loquentium in materia huius virtutis (*Temperantiæ*) ut designata est, accipimus. Adhuc plenius in *partitionibus orator. c. 22.* *Quæ verò moderandis cupiditatibus regendisq; animi moribus laudatur, eius est munus in agendo: cui temperantia nomen est.* *Temperantia autem in suas itidem res, & in communes, distributa est, duobusq; modis in rebus commodis discernitur: & ea, quæ absunt, non expetendo: & ab iis, quæ in potestate sunt, abstinendo.* Quæ omnia philosophiæ Aristotelicæ probe consonant.

Virtutem hanc cum *verecundia* conjungit  
idem

idem Cicero, quando adolescentibus eam commendat. *Maxime autem hæc ætas à libidinibus arcenda est, exercendaq; in labore, patientiaq; & animi & corporis; ut eorum & in bellicis & civilibus officiis vigeat industria. Atq; etiam cum relaxare animos, & dare se jucunditati volent, caveant intemperantiam, meminerint verecundia.*

Ubi notandum ex tribus remediis adversus intemperantiam, quæ & præsidia siue auxilia temperantiæ possunt vocari, unum hic laudari; nempe *occupationem liberalem & industriam*: alterum est, *exquisita sobrietas*; tertium, *ipsa resistendi & vincendi assuetudo.*

Distribui vulgo solet hæc virtus his partibus; *Abstinentia cibi; sobrietate potus* (quantum ad gustum) *tum castitate, & pudicitia*, quantum ad tactum. Sed *sobrietas* omnino etiam *abstinentiam* complectitur: quæ vox vel late usurpatur, sicut ipsa *temperantia*; vel angustius de eo qui alienis abstinet, nec avarus est, aut ex alieno ditari cupit. In priori genere loquendi notus est locus Horatij: *abstinuit venere & vino*; In posteriore, imprimis titulus Valerij Maximi lib. 4. c. 3. *de abstinentia & continentia.* Tacitus cum integritate coniungit in *Agricola cap. 9.* *Pudicitia* quoque non semper à castitate distinguitur. Pars pudicitia, seorsum accepta, est verecundia; siue apud nonnullos, idem cum pudicitia. Cernitur autem non in omni modo actione, sed in gestu, in vultu, in verbis; in quibus pudorem removerunt & Cynici veteres, & hodierni petulantia ac lascivia magistri. Meliore uten-

dum est doctore Cicerone, cuius grauiſſima eſt doctrina lib. 1. offic. cap. 35. De rubore vide diſputationem Seneca ep. 11.

¶ 11.

Idem Seneca Temperantiæ officia ita deſignat: Temperantia voluptatibus imperat: alias odit, atq; abigit; alias diſpenſat, & ad ſanum modum redigit, nec unquam ad illas propter ipſas venit. Scit optimum eſſe modum cupitorum; non quantum velis, ſed quantum debeas, ſumere.

Temperantiæ dignitas & vtilitas inde etiam illuſtratur, quando voluptatum turpitudinis & noxa oſtenditur, de qua re ſupra.

Conſeruatrix autem eſt Temperantia bonæ valetudinis, ingenii & prudentiæ; & in ciuitate boni ordinis, diſciplinæ, publicæ honeſtatis, fortitudinis &c.

¶ 12. Annal.  
27.

Sicut Intemperantia publice priuatimque noxia eſt. Animo per libidines corrupta nihil honeſtum ineſt; inquit Tacitus. hinc Principes contemptibiles fiunt, quod oſtendit Lipſius 4. Polit. c. 12. hinc ciuitas tota corruptioni obnoxia ad interitum tendit, ſicut Salluſtius paſſim inculcat. Romæ cenſura aduerſus libidines, & gulæ vitia inſtituta, de qua Lipſ. 4. Polit. 11. Hoc loco quidam etiam aduerſus magiſtros artis coquinariæ, varia gulæ incitamenta excogitantes, declamant.

Atque hoc vnum eſt vitium, quod temperantiæ opponitur. Alterum autem, cui nomen non inuenit, ſed finxit Ariſtoteles, ita deſcribitur à Cicerone in partitionibus: quod ſit immanitas quadam in aſpernandis omnibus etiam neceſſa-

*necessariis & honestis voluptatibus.* Sed vix occurrit. Unde Aristoteli controuersia mota.

Alexandri temperantiam, antequam degenerasset, describit *Curtius: modus immodicarum lib. 10. cap. voluptatum; veneris intra naturale desiderium vsus, nec vlla nisi ex permissio voluptas.* Et alibi *lib. 5. cap. 7. in voluptatibus permissis quoq; & vsitatis temperantiam laudat.* Sed iam, ut ibidem describitur, ad intemperantiam descenderat. Vide amplius id notantem *Historicum lib. 8. cap. 4. n. 24. 25.* Non inter postremas exitii causas Alexandro intemperantia fuit.

In sacris Heroica castitas Iosephi celebratur, quam commendat amplius *Philo de vita Iosephi.* Sed non est consilium locos communes scribere, quod ab aliis factum. *Stobei huc pertinent sermones 37. & 84. de Temperantia, 38. de intemperantia; 87, de gula; 74. luxuria; 122. de verecundia; add. 124. & 125.*

### De Liberalitate.

Summa philosophiæ Aristotelicæ est: *Liberalitatem esse virtutem, quæ modo & ratione utatur in dandis accipiendisq; pecuniis, præcipue tamen dandis; nec pecuniis tantum, sed quorumcunq; pretium numo metiri homines solent: dando scilicet, quibus, quantum, quomodo, oportet: non de alieno, sed de suo: honestatis causa.*

*Beneficentia* etiam vocatur hæc virtus: cuius ratio, secundum Ciceronem, est duplex: nam 2. *offic. 15.* aut opera benigne fit indigentibus, aut pecunia. Quæ duæ rationes in sequentibus etiam comparantur notabiliter.

Tractauit de hac virtute concisus sed notabiliter Cicero Idem 1. offic. 14. ubi præsertim etiam tres cautiones ponit. 1. *Ne obsit benignitas & iis ipsis, quibus benigne videbitur fieri, & ceteris.* 2. *Ne benignitas maior sit, quam facultas.* 3. *Ut beneficium non sine delectu tribuatur.* Qua occasione elegantissima instituitur disputatio de ordine & discrimine eorum, quibus bene faciendum est.

Longe autem copiosius, & ad exemplar accuratæ philosophiæ tractauit hoc argumentum Seneca integro opere VII. *librorum de Beneficiis.*

Atque huius loci est etiam nobilissima quæstio, de grato animo, siue, ut vulgo loquuntur, de gratitudine. Ubi primo occurrat grati animi laudatio. 2. *Ingrati reprehensio.* 3. *De poena ingratorum.* Et, *an sit aliqua actio aduersus ingratum?* Cuius disputationis duæ sunt partes: 1. *an legibus prodita sit aliqua actio aduersus ingratos?* Quod omnino negandum non est. Apud Macedonas enim erat actio aduersus ingratos. Et apud M. Senec. *Controu.* IV. 24. haud dubie ex lege quæ extabat: *Ingrati actio.* Addendus est Quintilianus *de clam.* 333. 2. *An debeat prodi actio aduersus ingratum, de qua re Seneca 3. de benef. 6. 7. &c. & Grotius I. B. 2, 20, 20.*

Sicut autem Cicero hanc virtutem fecit partem iustitiæ (dum ratiocinatores bonos vult esse beneficiorum, ubi, quando, quomodo collocari debeant; siue quantum sit cuique tribuendum) ita *humanitas & elegantia rem totam*

totam gubernant; omniumque beneficiorum non condimentum modo, sed complementum sunt.

Alexandri M. liberalitas laudata *Curtio* 10, 5, 28.

Vitia Liberalitati opposita, sunt *Prodigentia* & *Auaritia*.

*Prodigentia* seu profusio modum excedit in largiendo. *Perdere hic sciet, donare nesciet*, est apud *Tacitum*. Sunt autem prodigi alii 1. *vanitate ingenij* ad ostentationem proclivis. 2. alii *calliditate*. Quo etiam pertinent largitiones inescandis hominibus, quibus ambitiosi utuntur, ut ad honores & potentiam perueniant. Priuatim sibi nocet prodigus: publice, ciuitati. Nam si *ambitione exhauriunt aerarium Principes, per scelera supplere student*, sicut in mala causa bene pronunciauit *Tiberius* apud *Tacitum*. Dubiæ æstimationis factum vide apud *Curt.* 8, 12, 16. & 17. 1. H. 30.

*Auaritiam* & *auaros*, qui nec dant, quibus aut quomodo debent, & accipiunt, unde & quantum non debent accipere, multis nominibus Græcis notauit *Aristoteles*, *parcos* vocans, *tenaces*, *illiberales*, *sordidos*, *turpis lucri cupidos*, *paruas impensas magni æstimare solitos*, *deceprores*, *depilatores*. Priuatim quam sordida & ærumnosa sit auaritia, *Plautus* descripsit in *Aulularia*, sub persona *Euclionis*: publice noxam eius insigni declaratione ostendit *Sallustius* passim, tum in *orationibus de rep. ord.* 2. A. 38.

De



## De Magnificentia.

Magnificentiam tribus fere modis apud Veteres dici, comperimus. *Primo* enim amplitudinem notat: hinc *res ampla atq; magnifica* sæpe junguntur. *Deinde* idem notat, quod *magnitudo animi*: unde à Cicerone describitur: *1. de in-*  
*vent. c. 34.* quod sit rerum magnarum & excelsarum cum animi ampla quadam & splendida propositio-  
 agitatio atq; administratio. Facit ibi quidem partem Fortitudinis; sed eo sensu, quo Veteres sub fortitudine magnanimitatem comprehendunt. *Tertia* significatio ad Virtutem hanc Aristotelis pertinet: qua Magnificentia est, quæ sumtibus magnis & in magna re collocandis decorum servat.

Hic reprehendunt Aristotelem nonnulli, quod ex una virtute duas fecerit, liberalitatem scilicet & magnificentiam. sed ipse discrimen assignat: 1. quod liberalitas in mediocribus fere impensis; magnificentia in magnis, unde & nomen habet, spectetur. 2. quod liberalitas quodammodo etiam in accipiendo; magnificentia tantum in faciendis sumtibus versetur. 3. Quia omnis magnificus, liberalis; sed non inuicem omnis liberalis magnificus dici possit. 4. Quia liberalis in alios tantum; magnificus in se quoque & suos dici possit.

Scientiam ergo Magnifici eo fine terminat *Philosophus*, ut opera sint sumtibus digna; & sumptus operibus respondeat. Opera intellige necessaria, vtilia, diuturna, in primis publica

blica (quamquam priuata non excludantur) non ostentationis aut ambitionis gratia facta, sed honestatis amore & reipublicæ, veræque gloriæ. Unde viris, dignitate, potentia, opibus, pollentibus conuenit hæc virtus: id est, magnorum hominum est, non humilium.

Magnificentia illustria monumenta Historia Romana in Cæsaribus memorat. *Urbs ipsa Roma magnifico ornatu*, Augusti opus apud Tacitum 1. A. 9. Suetonius imprimis diligenter memorat in uniuscuiusque Principis vita opera publica. Quod & alii fecerunt postea. Constantini M. magnificentia in templis, & ornatu templorum: apud Scriptores historiae Ecclesiasticæ. Xenodochia, Nosocomia, Orphanotrophia huius generis sunt.

Alia ad deliniendam plebem tantum pertinent, ut spectacula, ludi, viscerationes, congiaria, donatiua, de quibus grauissima est tractatio Ciceronis 2. offic. cap. 16. & seqq.

Facilis autem lapsus à recta ratione sumptuum in luxum. Apud Tacitum legas: *Dites olim familie nobilium, aut claritudine insignes, studio magnificentia prolabebantur.* in luxum sc.

Est enim *luxus* vitium, quo sumptus in res indignas aut viles proiiciuntur; inanis voluptatis aut ineptæ ostentationis gratia. Sicut in histriones, gladiatores, aurigandi artifices, hodie in venationes, comestationes &c. plenæ sunt historiae Principum, non luxu modo, sed portentoso luxu.

In republica, quantum noceat, omnis qui exempla docent. Vide nobilem consultationem de luxu coercendo in *Taciti* 3. A. 52. usque ad 56. Quamquam id, politicæ potius considerationis est.

Alterum vitium, quod Magnificentiae opponitur, est, cum in res magnas sumptus nec abunde nec decore impenditur, aut lucrum ex rebus inhonestis aut indecoris captatur, ut; vectigal urinarium, chrysargyron, &c.

Pertinent huc sermones *Stoici*, de liberalitate: de prodigalitate 73. & 74. de parcis & illiberalibus 78. & 79. de avaritia 53, 54, 55. & 230.

### De Magnanimitate.

Hæc virtus, nunquam fere nisi obscurius aut confusius tractari solita, incomparabiliter ab *Aristotele* describitur. Ceteri partem fortitudinis faciunt: sed *Aristoteles* in omni virtute magno animo locum relinquit.

Quoniam autem propositæ erant virtutes, circa pecuniam recte versantes; Magnanimitati & Modestiae deinceps id officium tribuit *Philosophus*, ut *Honores* moderentur. Ad præcipuum scilicet respexit. Nam magni animi officia latius patent; inprimisque etiam despicientiam rerum externarum complectuntur. Unde *Stoici*, quando locum hunc tractant, suum illud, nihil admirari, tanto opere extollunt.

Unde *Magnanimus* cum reuera magnis rebus dignus sit, non est detrectator sui, sed se magnis

magnis dignum credit: in quibus honoris præcipua æstimatio est. Circa honorem ergo & probra inprimis cerni creditur animi magnitudo. Quamquam in omnium reliquarum virtutum materia præstare studet, qui magno animo est.

Honores scilicet eximios, ut præmium virtutis, à bonis bene delatos amat: spernit minutos, aut undecunque, aut quacunque ex causa delatos: longeque differt ab inanis gloriæ captatoribus. Solus enim magnanimus intelligit naturam & iter veræ gloriæ: à quo plurimi aberrant. Magnanimo is demum videtur amplissimus, qui sua virtute in altiorum locum pervenit, non qui ascendit per alterius incommodum & calamitatem. Verbis Ciceronis ex orat. pro Sex. Rosc. Amer. c.30.

Ignominiam autem, qua multi franguntur, non æstimat opinione hominum, sed, quam non meruit, spernit.

Sicut autem honorificum non credit laudari, nisi à laudato: ita calumniis parum movetur. [Huius loci sunt quæstiones de panegyricis.]

In periculis adeundis rationem dignitatis suæ habet: & cum Alexandro M. dicit apud Curtium: tandem par animo meo periculum video. 2,14,14.

In temperantiâ, permissis quoque & honestis voluptatibus abstinent, quotiens dignitatis & magnarum rerum cura ei graviora suadet.

In liberalitate, beneficium longe lubentius  
in

in alium confert, quàm ipse ab alio accipit: remunerari gaudet alios abunde; ut sibi potius debeant, quàm ipse aliis: ægre prensat aut rogat: opes honestate non lucro metitur.

In *justitia*, nihil tanti æstimat, ob quod velit ab ea discedere.

In *mansuetudine*, pulcherrimum victoriæ genus existimat, seipsum vicisse, iniurias contemnere, earum memoriam non retinere, neque vindictæ cupidum esse.

*Catil. 54.* Circa *veritatis studium*, Catonis mos ei pro regula est, qui, apud *Sallustium*, esse, quàm videri bonus malebat. Liberi oris, & qui *Ulyssæas* astutias cum *Achille Homérico* odio habeat. *Honestius* putat offendere, quam odisse, cum *Agri- cola Taciti*.

In *urbanitate*, cum *Pompeio verecundi oris* est: neque suæ grauitatis dememinit.

In *reliqua vita*, inprimis utramque fortunam ferre nouit:

*Horat.*  
*Carm. lib.*  
*2. od. 10.*

*Sperat infestis, metuit secundis*  
*Alteram sortem bene preparatum*  
*Pectus.*

creditque sibi præcipi, quod sequitur:

*add. Cic. 1.*  
*offic. 26.*

*Rebus angustis animosus atq;*  
*Fortis appare: sapienter idem*  
*Contrahes vento nimium secundo*  
*Turgida vela.*

*Magnanima* fuit *Syligambis* cum dixit: & *præterite fortune fastigium capio, & præsentis jugum pati possum.* Ad de *Pori magnanimitatem* apud *Curcium* 8, 14, 43.

Inter magnos magnam se præbet; reliquis

quis humanum & æquum; ne quem contemnere videatur.

De se non multum, nec sæpe loquitur; ne vel detrectator sui, vel laudator videatur. Sed nec de aliis multus illi sermo: quos nec laudare temere, nec vituperare sustinet. Minime autem omnia statim admiratur, aut adulatur.

Cautio illum & cunctatio in actionibus gubernant: magisque ei, exemplo *Suetonii Paulini*, *cauta consilia cum ratione, quam prospera ex casu placent*, apud *Tacitum 2. Hist. 25, 3.*

Incessus ei & sermo grauis. vid. *Lips. 2. Polit. 15.*

Omne decus huius virtutis ita in animo est, ut externa illa non mereantur æstimationem, nisi consilio animi interiore gubernentur. Si autem de vlla virtute dici potest, quod nulli perfecta contingat, de hac utique dici potest, virtutum rarissimâ.

Vitium, quod excedit, est *elatio siue inflatus animus*, de quo *Cicero 1. offic. 15. Fortis animus & magnus in homine non perfecto feruentior plerumq; est.* Et: *Sed illud odiosum est, quod in hac elatione & magnitudine animi facillime pertinacia & nimia cupiditas Principatus in nascitur.* & quæ sequuntur. *Fastus Alexandri* in affectata diuinitate huc pertinet. & quæ de *superbia regia* dicuntur. vid. *Lips. 4. polit. 6.*

Vitium, quod deficit, est *pusillus abiectusq; animus*. de quo exaudiendum est illud *Taciti 4. A. 38. contemptu fama contemni virtutes.*

Videndum tamen, ne *modestia Heroica* (quam ad magnitudinem animi merito retuleris)

leris) speciem huius vitii occupet. Theologis Humilitas dicitur.

### De Modestia.

Antiqui latius hac voce vsi sunt, sicut vel ex *Cicerone* constat. Hic autem notat eam virtutem, quæ circa modicos honores versatur; & à Magnanimitate differt, vt liberalitas à Magnificencia.

Quanquam autem Aristoteles eo fine metiatur has virtutes, quod, qui magna meretur, aut parua, ex se mereri putet, sibi que de se credat, tamen potius inde æstimanda sunt, quod *modestus* quidem, vtcumque magna meritis, de se magnifice tamen non sentiat, neque omnem honorem quem meretur exigat, sed humanæ imbecillitatis memor, non fidat opinione sua de meritis suis; neque ambiat honorem, etiam meritum, quin potius meruisse honorem reputet; magnanimus autem potius patrare magna concupiscat, quàm mereri se magna iudicet. Pertinetque huc locus

4, 1, 18. *Curtianus*: vos quidem magni virtute estote, qui primi intellexistis, quanto maius esset, regnum fastidire, quam accipere. dum Hephæstio scilicet miratur magnitudinem animi spernentis, quod alij per ignes ferrumque peterent.

15. A. 2. Est autem Modestia publice priuatimque & decora & utilis: vereque apud *Tacitum* dicitur: *modestie fama neque summis mortalium spernenda est, & à diis æstimatur*. Estque præcipue in animo: sed spectatur in toto corporis habitu, in oratione, gestuque, pro conditione ætatis, personæ &c.

Vtra-

Vtraque autem virtus tum recte intelligetur; si, quæ de Honore & Gloriâ philosophia tradit, recte cognita fuerint.

Vitium oppositum est, *Ambitio*, honoris affectatrix, supra quam decet & fas est: priuatim odiosa, publice noxia. Sicut præsertim *Sallustius* in causis corruptæ reip. hanc ponit *Catil.* 10. & *seq.* & *Seneca* passim persequitur ambitiosos.

Alterum vitium, quod in honorum contemptu cernitur, vel ad dissolutos homines pertinet, teste Cicerone, vel ambitionis genus est, quotiens simulatur honorum contemptus. Vera quoque modestia aliquando iniquam æstimationem subit, ut in illo *Horatii*:

— plerumq; modestus  
Occupat obscuri speciem.

lib. 1. ep. 18.

## De Mansuetudine.

Ira, familiare hominibus malum, modamine opus habet. Vnde quæ virtus ei moderatur *Mansuetudo* dicitur, seu *lenitas*; in Principibus *clementia*; in Scholis Theologicis *misericordia*. Quæ nec Philosophis antiquis ignota vox fuit: male repudiata à Stoicis, quos etiam *Grotius* arguit *I.B.* 2, 20, 21. Explicationem tamen eruditam promittunt nonnulli; ad conciliandos cum Peripateticis Stoicos.

Ipse Aristoteles non segniter hic impugnatur, cum definit *mansuetudinem*, quæ ob quas res, & aduersum quos, quemadmodum, quo tempore, & quamdiu decet, irascitur. ut enim ira est affectus



animi, negari nequit, quin optabilius sit, plane eliminare iram, nec virtutē bene congruentem, & minime necessariam. neque enim vel ad propulsandam iniuriam, neque ad puniendam delicta ira opus est. imo, quo longius abest ira, eo melius ista omnia conficiuntur. Sed nimirum, quia nec odisse malos, nec irasci improbis, non possunt viri boni, si communem moris humani habitum spectamus, concedendum Aristoteli est, ut populariter in tali argumento loquatur. Quæ etiam defensio ἀσέβειαν eius, seu vacuum ab omni ira animum, tueri quodammodo potest.

Vitium huic virtuti oppositum, iracundiam, diligenter, & ita exequitur Philosophus, ut iracundorum diuersa faciat genera, eaque Græcis vocabulis apte exprimat. 1. eorum, qui ad iram proni & irritabiles sunt. 2. eorum, qui præcipites prorsus in iram feruntur, quos cerebroso videmus dici. 3. eorum, qui amari sunt & retinentes irarum. 4. eorum, qui implacabiliter ad ultionem spectant, quos sæuos vocamus. Postremum genus omnium deterrimum: inde gradus vitiositatis retro numeraueris.

Alteri vitio, in defectu, ut idoneum nomen, ita fere exempla desunt. Si per iram hunc locum describimus. Sinē descriptio mutatur, omnino à Philosophi sententia disceditur.

Præclare de hoc toto argumento tractauit Seneca, opere de irâ; & de clementia; cuius fragmenta habemus.

Mise-

Misericordiæ Alexandri nobile exemplum ponit *Currius* 4, 10, 20. & *seqq.* & 5, 5, 8.

Iram eius sæpe notat *Historicus* 3, 12, 19. 4, 4, 17. 4, 6, 29. 8, 1, 43. &c. 10, 1, 39.

Memorabilis distinctio occurrit apud *Suetonium in Claudio* c. 38. *Ira atq; iracundia conscius sibi, vtrumq; excusauit edicto, distinxitq; : pollicitus, alteram quidem breuem & innoxiam, alteram non iniustam fore.* Adde *Ciceronis* explicationem *Tuscul.* 4, 12.

*Ciceronis* præceptio insignis est *1. offic.* 25. Et adde disputationem de irâ, *Tuscul.* 4, 19. vsq; ad 30.

### De Humanitate.

Sequuntur virtutes, quæ ab *Aristotele* dicuntur *Homileticæ*, i. e. ad conuictionem & consuetudinem cottidianam vitæ pertinentes. Quorum vna id spectat, vt sincere & citra simulationem omnia gerantur: duæ, jucundam & gratam reddere consuetudinem hominum inter se & familiarem vsum, student.

In posterioribus his vna est *Humanitas*, quæ à modo conuiuendi, *Facilitas*; à parte, *Affabilitas*; à persona & officio, *Ciuitas ac Popularitas*; ab elegantia & arte, *Comitas* dicitur.

Quam *Aristoteles* hoc fine terminat, vt neminem offendere velit vir humanus, sed potius placere omnibus & obsequi, in quantum honestatis ratio, & eorum, cum quibus versamur, utilitas postulat. Neque enim vir vere humanus probabit ea, quæ honeste probari non possunt: aut verebitur amice admonere homines de iis, quæ indecora aut

noxia videt futura iis, cum quibus agit. Inprimis autem, mores, ingenia, conditionem & fortunam hominum probe diiudicabit, ne plus minusue faciat aut dicat. Nec præsentis tantum, sed futuri quoque tempotis rationes probe subductas habebit.

Humanitatis elegantissima specimina in Alexandro proposuit *Curtius* 3,6,12. &c. 5,2,18. usq; ad fin. cap. 6,5,3. &c.

*Vitium*, quod excedit, in eo est, si quis in omnibus placere alteri studet: idque vel suo pte ingenio fecerit, vt *Micio* in *Adelphis* *Terentij* ejus rei imaginem præbet; vel lucris studio; quales sunt adulatores, vt *Gnato* in *Eunucho*, *Phormio* in *fabula cognomine* apud *Terentium*. *Character* talis hominis superest in *Theophrasto*. Pertinet huc aureus libellus *Plutarchi*, de *discrimine adulatoris & amici*.

Crebrum in aula malum: vnde *adulatio* ap. *Curt.* 8,5,6. dicitur *perpetuum malum regum*, quorum opes sapientis assentatio, quam hostis euerit.

Regnant illic artificia adulandi sub specie obsequiorum. Videatur *Cleonis oratio* apud *Curt.* 8,5,10. &c.

Ex altera parte morositas, difficultas, contumacia est, quando quis omnibus aduersari studet, neque curat, an & quem offendat. Talis *Demea Terentianus* in *Adelphis*. In aula *Clitus* hoc nomine peccauit apud *Curtium* 8,1,29. &c.

## De Veritate.

In consuetudine vitæ multum quoque laudatur *Veritas* siue *candor*, cum quis vt in vita, ita in oratione veritati studet, nihil fingens in gratiam aliorum, aut lucri causa; semper sibi constans, sua præsertim minime exaggerans.

De Epaminonda *Corn. Nepos*: adeò veritatis diligens, vt ne ioco quidem mentiretur. De Attico: Mendacium neq; dicebat, neq; pati poterat. & quæ sequuntur.

c. 8.

c. 15.

Repugnat enim huic virtuti mendacium, de quo multæ magnæque sunt disputationes Theologorum & Philosophorum. Non parum etiam in hac re sudavit *Grotius* l. B. 3, l.

Diuiditur autem mendacium in duas vitii species: *Arrogantiam*, & *Diffimulationem*.

*Arrogantia*, siue ostentatio, jactantia est, qua quis maiora, quàm sunt, videri vult sua: sicut in *Eunucho* *Terentij*, *Thraaso*, *Plauti*, *Miles gloriosus* ostendit.

*Diffimulatio* est, qua quis occultat & extenuat ea quæ ad sunt, vel vt gloriam inde consequatur (huc pertinent *Artes Accisimi*) vel vt fallat homines. Superest *character talis hominis Ethicus* apud *Theophrastum*.

## De Vrbanitate.

Quia in vita curarum & remissionum tempora distincta sunt, etiam laxamenti aliquam virtutem tribuit *Aristoteles*, quam vocauit *Vrbanitatem*, quæ dicendis & audiendis jocis honestis

nestis, ac liberalibus modum & rationem præfiniret.

**2. off. 29.** Cicero summam præclare designat: *Neg, ita generati à natura sumus, ut ad ludum & jocum facti esse videamur: sed ad severitatem potius, & quedam studia grauiora atq; maiora. Ludo autem & joco illi quidem licet: sed sicut somno, & quietibus ceteris, tum cum grauib; seriſq; satisfecerimus. Ipsumq; genus jocandi non profusum, nec immodestum, sed ingenuum & facetum esse debet.* addenda sunt, quæ sequuntur.

Est ergo scientia quædam jocandi; neque in obuiosa posita huius argumenti notitia. Adeatur *Ciceronis* egregia tractatio de ridiculo 2. de oratore 59. & seq. *Quintil. Instit. Orat.* 6,3. *Dan. Heinsius in dissertat. Terentio præmissa.*

Excedunt modum *Scurra*, risum captantes inepte & inhoneste; immodiceque in cachinnos effusi, totique ludicri.

**Tib. 21.** Sicut ex altera parte homines *rustici & inficeti* vocantur, qui nec joci ipsi villo modo, nec jocantes ferre possunt. De *Tiberio Suetonio*: *Augustum palam nec dissimulanter morum eius diritatem adeo improbasse, ut nonnunquam remissiores hilarioresq; sermones superueniente eo abrumperet.*

## De Justitia.

Justitiam esse aliquam generalem, aliquam specialem, plerique veterum agnouerunt; quamvis non eodem modo explicarent. *Aristoteles* Justitiam uniuersalem idem cum virtute

tute perfecta & plene sumta statuit: nisi quod ad alterum referri iustitiam dicat, cum virtus, ut est in homine aut viro bono, considerari possit.

Iustitia autem particularis est huius loci. de qua licet *Aristoteles* toto libro 5. *Ethicorum* egerit, definitionem tamen nullam attulit. Valde probatur etiam Philosophis Juriscon- L. 10. ff. de  
sultorum definitio: *quod sit constans & perpe-* iust. & iur.  
*tua voluntas suum cuiq; tribuendi.* ut & habitus & actio volendi intelligatur. Ex Aristotele talem concinnant descriptionem, quod *Iusti-*  
*tia sit virtus, quâ, tam in rerum distributione,*  
*quam commutatione & contractibus, omnibusq; re-*  
*bus, in quibus iniuria cuiquam fieri potest, homo*  
*ita se gerit, ut nec de externis bonis, pecunia, hono-*  
*ribus, aliis, plus sibi vindicet & minus alteri relin-*  
*quat; nec de malis, oneribus & pœnis minus sibi,*  
*& alteri plus, quam par est.*

Medii ratio hic alia est, quàm in ceteris virtutibus. Vtrumque enim extremorum (plus scilicet & minus) est in vna eademque actione. Estque hic non tantum medium rationis, sed etiam rei. Vnum igitur nomen opponitur *iniustitia*.

Est autem duplex *Iustitia*: *distributiva* & *commutativa*; quarum *hæc* reddit id, quod est simpliciter debitum; *illa*, quod est quodammodo debitum. vid. *Grot. I.B. 1, 1, 8.*

*Iustitia distributiva*, quæ præmiis oneribusque distribuendis æqualitatem observat, hæc ratione & personarum & rerum.

Vnde hic proportio Geometrica obtinet.

L1 5

Non

Non enim omnes accipiunt idem simpliciter, sed idem proportionem, seu secundum quid. *Maximo enim cuiq, plurimum debetur. Cic. 1. offic. 15.* Et in onerosis, validiori plus oneris imponendum est. Ad hanc ergo iustitiæ speciem pertinent ea tantum, quæ debentur cuique de communibus bonis, aut imponuntur ut publicum & commune onus. cetera ad commutativam pertinent.

Illud nihil interest, utrum æstimatio fiat simpliciter, ut in optima reip. forma; an ex hypothese & ratione status. Unde fit, ut non eodem modo hæc fiant in Aristocratia, & Oligarchia, &c.

Apparet hinc, beneficia, stipendia, & similia, non esse huius iustitiæ, sed commutativæ, tanquam genus compensationis & mercedis. *Meritum* enim in iustitia distributiva nihil est aliud, quam dignitas, siue persona, & locus, quem inter ciues obtinet. Sicut in commutativa meritum in re spectatur, cui præmium aut pœna convenit. Quare cum in commutativa iustitia tantum quis accipiat, quantum meretur: in distributiva non attenditur, quid quisque ipse impenderit, sed quid in comparatione alterius accipiat.

*Iustitia commutativa* est, quæ in commutatione rerum & contractibus eam servat æqualitatem, ut quisque suum consequatur. Pertinent enim huc res omnes, in quas iuris aliquid est alicui, alio quam publico nomine.

Commutationes autem & contractus late hic sumuntur, ut non tantum veros contractus

ctus & quasi contractus, sed omnes obligationes comprehendant, tam quæ ex delictis, quàm quæ ex quasi delictis originem trahunt.

Commutationes diuidit Philosophus in *voluntarias & inuoluntarias*: quarum *illæ* sunt, vbi vtrinque est animus commutandi aut contrahendi;  *hæc*, vbi commutatio fit vna parte inuita, vt in furto.

Inuoluntariæ commutationes ex mente Thomæ hæc sunt:

Læditur aliquis vel in

Re, idque vel

Occulte, vt furto.

Manifesto, ut rapina.

Persona, vel

Ipsa in se, vel ratione

Incolumitatis, vel

Occulte, vt in cæde dolosa, venificio, percussione fraudulenta.

Manifesto, vt in cæde violenta, verberibus, carcere, mutilatione.

Dignitatis, vel

Occulte, vt falso testimonio, detractione.

Manifesto, falsa accusatione, conuitio.

In persona coniuncta, vt adulterio, seductione liberorum, serui, &c.

Com-



Commutationes voluntariæ sunt,  
quando

Obligat quis

Rei suæ vel

{ Dominium, vendendo, deponendo,  
oppignerando.

{ Vsum, idque vel

{ Gratis, vel in

{ Rebus quæ fructificant, vt  
est vsusfructus.

{ Ceteris quæ restituuntur,  
vel

{ Eadem numero, vt  
commodata.

{ Eadem specie, vt in  
mutuo.

{ Pretio, vbi locatio, conductio.

{ Seipsum pro alio ad satisfaciendum, vt  
est fidejussio.

Porro illa extrema, inter quæ versatur iustitia commutatiua, *plus & minus*, etiam *damni & lucri* nomine ab Aristotele vocantur, latius scilicet acceptis vocabulis: vt *lucrum* sit plus boni & minus mali; *damnum* plus mali & minus boni.

Seruat autem iustitia commutatiua *proportionem Arithmeticam*, si audimus *Aristotelem*: quia æqualitas ex rerum ipsarum conditione æstimatur. Contra sentit *Grotius* l.B, I, I, 8.

Gliscit hæc quæstio in argumento de pœnis: in quibus cum etiam videatur ratio haberi

beri personarum, e. g. nobilium & ignobilium, liberorum & seruorum, igitur proportio Geometrica à nonnullis hic statuitur, ab aliis ad iustitiam distributiuam pœnæ referuntur. quod eodem scilicet redit.

Sed veterum sententia tutior est, adstructa etiam *Arifæo polit.* 1, 8. dum modo natura vtriusque iustitiæ, distributivæ & commutativæ, recte explicetur. Pœnæ enim non sunt aliquid quod distribui possit. 1. quia nihil distribuitur, nisi quod commune est. 2. Quicquid distribuitur, id confertur aut imponitur toti, quia pars ciuitatis est. At nemo puniatur, quia ciuis est. 3. In distributione omnibus portio cedit: in pœnis nunquam. 4. Si Geometrica proportio in pœnis valeret, tum nobilis seuerius, seruus mitius puniendus esset, quia maiori maius, minori minus conuenit secundum illam in distributione præmiorum & onerum. 5. In distributione etiam iusta fieri potest, vt aliquis minus consequatur, quam meritus est. Sed pœnæ pro merito irrogantur. 6. Manet proportio Arithmetica, etiam cum nobiles mitius puniri dicuntur (in criminibus ex imbecillitate humana profectis) quàm alii: vel enim minus peccauerunt, vbi idem quod alii peccasse videntur; vel pœna quæ mitior videtur, illis æque grauis est. Persona enim hic per accidens spectatur.

Alias, sepositâ hypothesi, de qua supra, etiam *Grotius* statuit, pœnas pertinere ad iustitiam commutatiuam, quam ipse expletricem vocat. *I.B.* 2, 20, 2.

Quan-

Quanquam autem plerumque iustitia commutativa versetur inter partes reip. tamen potest interdum etiam inter rempublicam & partem eius esse, ut cum ciuitas emit à ciue aliquid, aut stipendia paciscitur singulis.

Pythagorei statuerunt *talionem* idem esse quod jus, quos refutat *Aristoteles*. Sed distinguenda est *Talio simpliciter accepta*, qua simpliciter quis idem patitur, quod fecit; & *proportionalis*, qua patitur, quod ei respondet, quod fecit. Prior neque in distributiva, neque in commutativa locum habet: posterior in commutativa adhiberi potest. Vide exemplum & fundamentum huius distinctionis apud *Gellium* 20, 1.

Hinc de æstimatione rerum quæstio: & de instrumento permutationum, *nummo*, de cuius inuentione *Aristoteles lib. 1. polit. 6. ubi Interpretes videndi*. Addatur *dissertatio egregia Jacobi Lampadij*, subiuncta libello de constitutione Imperij Germanici.

1, 7.  
*ibid.*

2, 11.

De iustitia *Cicero in officiis* multa eximia habet: quod in iustitia sit virtutis splendor maximus: quod per eam societas hominum inter ipsos, & vita quasi communitas contineatur; quod munera eius duo sint: primum, ut ne cui quis noceat, nisi laceffitus iniuria; deinde ut communibus utatur pro communibus, priuatis ut suis. Postea: Atque iis etiam, qui vendunt, emunt, conducunt, locant, contrahendisq; negotiis implicantur, iustitia ad rem gerendam necessaria est. Cuius tanta vis est &c. Examinat memorabiles quæstiones in iustitia commutativa *lib. 3. off. 12. 13. & seqq.*

De

De iustitia Principis in præmiis & pœnis  
Politici præcipiunt:

Huc pertinet etiam tractatio de *Æquitate*,  
qua juris rigor temperatur, aut jus scriptum,  
vbi propter generalitatem deficit, corrigitur,  
suppletur. *Æquum & bonum* sæpe vocant.  
Vide omnino laudem Sulpitii apud *Ciceronem*  
*Philipp. 9. c. 5.*

Absque æquitate sæpe habeat locum illud:  
*Summum jus, summa iniuria.* Laudandus  
*Grotius*, qui primus jus belli vere temperavit  
æquitate.

Est autem hic locus profundus, sicut ostendere  
conati sumus in *Calculo Minerva*.

Neque aduersari putanda est æquitas iustitiæ:  
sed potius congruere.

### De Virtutibus Dianoëticis siue intellectualibus.

Quoniam virtus omnis est in mediocritate,  
illa autem definitur prudentiâ (prudens  
enim viri iudicium hîc optavit *Aristoteles*)  
itaque post virtutes morales etiam de *Prudentia*  
agendum fuit. Cuius natura vt melius  
intelligeretur, *Philosophus* etiam de ceteris  
*habitus mentis* agit.

*lib. 6. Eth.*

Tales habitus siue virtutes dianoëticas  
posuit quinque: *Scientiam, Sapientiam, Intelligentiam*  
*siue Intellectum, Artem, Prudentiam.*  
De prioribus suffecerit pauca attigisse; de vltima  
enim potissimum hic solliciti esse debemus.

*Scientia* est ille habitus mentis, quo demonstramus,  
aliquid ex necessariis principiis,  
idque

idque ope syllogismi Apodictici siue Demonstratiui. Hæc cum locum habeat in rebus necessariis & æternis, continet Physicam, Metaphysicam, & Mathesin.

At *Intellectus* siue *Mens* (Philosophus enim, cum non haberet idoneum nomen, Intellectus commune vocabulum huc accommodauit) est habitus, quo ipsa principia cognoscimus. Quæ sunt vel *Theoretica*, vel *Practica*: eaque naturâ nota.

*Sapientia* & principia & conclusiones complectitur: altissimoque & architectonico loco à Philosopho collocatur.

Atque hi tres habitus circa res necessarias & æternas versantur. Reliqui duo circa *res contingentes*.

Res porro contingentes *aliæ* effici dicuntur, vt à sutore calceus, à Logico Syllogismus; *aliæ* agi, quæ pertinent ad vitam recte agendam, siue quæ rationem honesti & inhonesti habent, in quibus versatur *Prudentia*, sicut in prioribus *Ars*.

## De Prudentia.

Hæc est virtus, quæ bona à malis, vtilia à noxiis discernit, expetenda ac fugienda præscribit, vitamque totam moderatur. Versatur maxime circa singularia; sed tamen etiam in generali quadam vitæ ratione ita instituenta cernitur, ut specialiter actiones omnes sibi consonent, & ad finem beatæ vitæ communi quodam ductu proficiant.

Munera

Munera siue actus prudentiæ (quidam partes vocant) sunt 1. *Bene consultare.* quando media inquiruntur, & coniiciuntur, & discutuntur ad finem conducentia; è quibus expensis eligi possit, quid optimum factu. 2. *Intelligere & iudicium ferre atque adeo decernere,* præmissa consultatione, quid opus sit. 3. *In miorem partem aut tractabiliorem iudicium inclinare.* Alii addunt *executionem*, quæ rectius ad alias virtutes refertur. Ad consultationem pertinet *sollertia & sagacitas*: ad iudicium *docilitas & memoria* facit: ad decernendum, *providentia, circumspectio, cautio.* Alii iudicium de præsentibus, divinationem de futuris, memoriam de præteritis, Prudentiæ partes faciunt. Cicero 2. de inuent. 53.

Prudentiam alii faciunt *privatam*, qua quis sibi, & *communem*, qua & aliis consulit. Privatæ regulas & munera faciunt: 1. deligere vitæ genus. 2. in eo vitæ genere omnes actiones ad virtutis normam ex præscripto rationis componere. quo pertinet illud, nihil temere aggredi. 3. Res expendere. 4. modum agendi in promptu habere. 5. tempus & occasionem captare. 6. instare negotio. 7. à virtutis recto tramite non discedere. Cic. 1. offic. 32. &c.

De prudentia *Oeconomica* peculiaris est tractatio, quæ tamen ad Politicam doctrinam reuocari potest.

*Prudentia militaris* itidem ad Politicam.

*Legislatoria Prudentia, & Iudiciaria, & Deli-*

Mm

bera-

*beratina*, licet hic possent tractari, tamen in Politicis istud fiet.

Prudentiæ opposita sunt ex vna parte *calditas & versutia*, ex altera parte *stultitia & imprudentia*.

Egit post hæc Aristoteles de *Heroica virtute & continentia*. sed quia *Virtus Heroica* nihil aliud est, quam virtus vnaquæque in summo fastigio; sicut *feritas* est vitium immane & belluinum; & continentia ad temperantiam supra relata fuit, nihil opus est addere.

## De Amicitia.

Amicitia non est quidem virtus, sed virtuti similis; quanquam à nonnullis ad iustitiam refertur. Ad vitam certè agendam imprimis necessaria.

Est triplex; vel *honestæ*, vel *utilis*, vel *jucundæ*. E quibus sola prior vera amicitia est.

Constat amicitia vera æqualitate, quam si non invenit, facit.

Removere autem se studet amicitia à morosis & contentiosis; tum à blandis & adulatoriis moribus.

Sed abunde omnia præstitit, quæ huc pertinent, *Cicero in Lelio, siue in Dialogo de amicitia*.

Tota interim hæc de moribus disciplina, vitæ, non scholæ, discenda est, re non verbis exercenda, sicut abunde disputat *Seneca epist.* 106. & 108.

## INDEX.

# I N D E X.

- A** *Edicatio liberorum* 48. 49.
- Abſtinentia cibi* 519
- Academia conſtituenda* jus. 363. *Academicorum* ciuiliſ doctrina qualis? 311
- Acquirendi ars* inſeruit domeſticae ſocietati 15
- Actio* in Rep. quænam cenſeatur efficax? 223. quænam decora? 224. *Actiones* mixtæ 94. 508. 509. *Actionum* humanarum principia 507. ſeqq. imperitia quid noceat? 243
- Adamus* primus. *Politices* auctor 303. 304
- Admiratio* quomodo comparetur? 229
- Adoptio* ſupplet defectum naturæ 44
- Adulatio* 534
- Adulteræ* non ferendæ 32. *Adulterium* eſt cauſſa diuortii 30. 31. *Adulteriij* pœna 33
- Advocatorum* arces notantur 155
- Ægyptium* regnum 469. ſeqq.
- Æquitas* quid? 543. ubi ſpectetur? 152. an in iuriſdictione locum habeat? 151. 152. *Æquitatis* ratio habenda 372. neceſſitas vnde? 152
- Ærarium* an liceat colligere? 359. 360. *Ærarij* adminiſtratio 360. 361. vide, *Pecunia.*
- Ætas* juſta requiritur in matrimonio contrahendo 25
- Agricultura* neceſſaria 289. 290.
- Alberisus Gentilis* notatur 403.
- Alimenta* quomodo paranda? 289. Conſeruanda 290. Diſpenſanda *ibid.* requiruntur in Ciuitate. 286. 287. 288. ſeqq.
- de *Alſatia* Gallis tradenda controuerſia 109. 169
- Albuſſi* Politica notatur 104.
- Ambitio* quid? 531. multum facit ad mutationes rerump. 447. ſeqq. *Imperantium* -245
- Mm** 2 *Amici*



# INDEX.

*Amicitia* quid & quotu-  
plex? 546. pro *Amico*  
quid in foro liceat? 152.  
153.

*Amnestia* • 357

*Ἀνακύκλωσις* Rerump. 236

*Angelorum* opera in muta-  
tione Rerump. 443

*Anima* diuisio in suas par-  
tes 505. *Animi* tranquil-  
lus status 497. 498

*Anti-Machiauellus* notatur  
179.

*Arcana* Rerump. 295. 296.

*Arcanorum* natura 411

*Archivi* rudimenta 455

*Argiuorum* regnum 471  
seqq.

*Aristocratia* 180. 181. quo-  
modo ab Oligarchia  
differat? 181. 182. *Ari-  
stocratiae* firmamentum  
praecipuum. 430. 431. 432.

*Aristocraticae* Virtutes  
433. in *Aristocratia* quae  
notanda 426. seqq. mix-  
ta optimates antipra-  
giam difficulter exerce-  
re possunt 428. 429.  
mixta unde oriantur  
certamina? 428. 429. de  
*Aristocratia* quae notan-  
da? 422. seqq. *Aristocra-  
ticae* prudentiae praesidia

& instrumenta 433. 434.  
435.

*Aristoteles* explicatur 8. 9. 70.  
defenditur 395. qualem  
hominem in Ethicis in-  
struxerit? 81. 82. *Aristo-  
telis* scripta politica qua-  
lia? 310. 311

*Arma* in rep. necessaria  
202. 203. 287. 291. 292. fer-  
re quibus liceat? 350. 351.  
*Armorum* custodia qui-  
bus competat? 351. ar-  
bitrium in Ciuitate ma-  
ritima 258

*Armamentaria* nobiliora  
207. *Armamentariorum*  
instructio 205

*Arrogantia* quid? 535

*Arrogatio* supplet defectum  
naturae 44

*Artes* constituunt Ciuita-  
tem 287

*Arcium* exstruendarum jus  
cui competat? 352

*Affyrium* regnum 458. seqq.

*Astris* an aliqua vis in mu-  
tationibus ciuitatum?  
235. 446.

*Asylum* Romuli 209

*Atheniensium* resp. 477. seqq.

*Auaritia* quid? 523. Impe-  
rantium 245

*Aucto-*

*Auctoritas* & maiestas quomodo differant? 90. timentia 421. quomodo comparetur? 228. 229. 230. Imperantibus & Imperio utilis 228. cohæret cum Beneuolentia *ibid.*  
*Audacia* quid? 516. 517  
*Augusta* an Legibus fuerit soluta? 34  
*Aurea Bulla* 489  
*Auxilium* mutuum finis matrimonii 34. 35

## B.

**B**arbariei causa 337. 338. in Barbaros an licite bellum sumatur ex eo quod tales sint? 56  
*Beatitudo* v. *Felicitas* 81. *seqq.*  
*Belgarum* societates nauales 277. 278  
*Bellum* est causa mutationis rerum. 449. an licite sumatur in seruos naturâ? 56. *Bellici* pro aliis suscipiendi causæ 146. jus cui competat, & quid in se comprehendat? 163. 164. 348. & *seqq.* & Pacis jus describitur

162. an iusta causa raptæ virgines? 21. effectus 237. 238. administratio 352. 353. jus in I. R. G. penes quem? 197. 348. ad *Bellici* jus quid alias conducatur? 165. *Bello* paratur Pecunia 216. 217. qui serui fiant? 56. 57. *Bellorum* ciuiliū exempla 241. oneribus vxor liberanda 35  
*Beneficentia* quid? 521. 522. 523.

*Beneficia* & priuilegia an distinguantur? 129  
*Beneuolentia* Imperantibus & Imperio utilis 226. qua re paretur? 227. cum *Beneuolentia* cohæret auctoritas 228  
*Bibliotheca* Politica 299  
*Bodinus* refutatur 47. 370. notatur 61. 81. de eo iudicium Antonii Possuini examinatur 324  
*Breuitas* causa perspicuitatis 130. 133  
*Brutus*, author, vindic. contr. Tyr. quinam? 104. 322. 330. 409. 410.  
*Buchananus* notatur 408

# INDEX.

E.

**C***alliditas* politica 423.  
424.

**Capitulario** Cæsarea quo  
sensu Lex Regia dica-  
tur? 191.192.193

**de Castellis** quæ notanda?  
207.208.

**Castitas** 519.

**Causis** accenferi solent ef-  
fectus intermedi 229

**Χρηματιστικὴ** Aristotelis 60.61

**Ciceronis** opera politica 312

**Circumstantiarum** vna va-  
riante variat res ipsa  
321.322.

**Ciuilis** Doctrina in S.S. tra-  
dita 306.309. doctrinæ  
glória vbi vigeat? 312.  
313. *Ciuilem* doctrinam  
tradendi modus 306.307.  
309.313. *Ciuili* disciplina  
an primi homines opus  
habuerint? 308. in *Ciui-  
li* doctrina prudentiæ  
munus 222. *Ciuile* opus  
est leges ferre 307

**Ciuis** quid? 59.70.71. à Cli-  
ente differt 89. à Subdi-  
to 69. secundum magis  
& minus dicitur 70.71.  
bonus & Vir bonus an  
differant? 84. quomo-

dò quis fiat? 73. quo-  
modo quis desinat esse?  
75. an quis possit esse  
duarum ciuitatum? 71.  
72. *Romanus* qui? 71. in  
eum *Ciuem*, qui inuita  
ciuitate abest, quid li-  
ceat? 75. *Ciues* sunt ci-  
uitatis materia 69. more  
militiæ exercendi 204.  
205. honorarii 71. in me-  
liore quam peregrini  
conditione habiti 74.  
*Ciuium* numerus 250.  
251. qualitas 251. ordines  
diuersi 75.76. *Ciuitibus* an  
à ciuitate abscedere li-  
ceat venia non impe-  
trata? 75

**Ciuitas** quid? 86. etsi iniu-  
sta agat, manet ciuitas  
85. quibus modis obti-  
neatur? 73. quando cen-  
senda sit aliquid egisse?  
85. est subiectum comu-  
ne maiestatis 93. quan-  
do desinat esse? 85. ma-  
ritima quæ dicatur?  
253.254. maritima legi-  
bus opus habet 256.257.  
maritima *Mechanicos*  
varios alere debet 266.  
267. quibus modis mu-  
tetur?

tetur 275. ex quibus societatibus oriatur? 15. & Resp. differunt 8. 67. prior secundum naturam suis partibus 65. vrbs & resp. distinguuntur 86. 87. instructa debet esse viris 208. *seqq.* vide *Resp.* *Ciuitatis* descriptio apud veteres 66. 67. 68. origo 68. 69. materia 69. finis 81. *seqq.* quomodo obrineri possit? 82. *seqq.* partes 286. 287. 288. forma 76. donatio 73. locus 211. *seq.* *maritimæ* jus 257. *seqq.* *maritimæ* forma 255. 256. potentiam fœdera constituunt 218. & augent 219. magnitudo qualis esse debeat? 87. 88. forma essentialis qua in re? 115. *Ciuitati* *Maritimæ* studium rei nauticæ necessarium 263. *Ciuitatem* corrumpens, labefactans, euertens vis? 236. *seqq.* destruit iniustitia 244. 245. imprudentia 242. 243. 244. intemperantia 246. 247. ignauia 246. quæ vitia destru-

ant? 241. *seqq.* quænam mutant, corrumpant, destruant? 231. *seqq.* 234. *seqq.* 241. *seqq.* ad *Ciuitatem* constituendâ opus est Politico 68. de *Ciuitate* variorum scriptorû instituta expenduntur & conciliantur 8. 9. in *Ciuitate* regenda virtutis vis 220. 221. *Ciuitates* *Hanseaticæ* 279. *seq.* vicatim distinguuntur 65. *Ciuitatum* fatalis interitus 237. *Ciuitatibus* maximis extruendis Piscatorum casulæ locum dedere 275 in *Classico* apparatu quæ notanda? 285 *Clerician* ab obsequio, potestati civili debito, exempti? 103. *Clericis* interdicitur matrimonio 27 *Cliens* à ciue differt 89. *Clientela* quid? 89 *Celibatus* an matrimonio præstantior? 36. impurus est vitandus 37 *Cognitionis* ratio habenda in contrahendo matrimonio 27. 28 *Cognitio* jurisdictionis pars Mm 4 148.

# INDEX.

148. qualis esse debeat? *Consulatus* Maris 276.277  
 149.150.151. *Consultatio* principum a-  
*Columinarum* vsus priscus ctionum humanarum  
 455. 511.  
*Comitiorum* vsus 183. natu- *Continentia* quid? 518  
 ra & vis 366. vitia 367. *Contractuum* diuisio 538.539.  
 jus 364.365. circa *Comitia* 540. *Contractarum* re-  
 artes politicæ 367.368 rum fides violata quid  
*Communio* Platonica euer- noceat Reipublica? 245  
 tit matrimonii legitimi *Conuentionis* natura 166  
 rationem 36. omnium *Corrumpti* quando ciuitas  
 rerum an vnquam vi- dicatur? 233  
 guerit? 61.62.63. *Cultus* externi cura in reli-  
*Commutatio*. v. *Contractus*. gione ad quem pertine-  
*Confusio* imperitis loco phi- at? 379  
 losophiæ 5 *Cuniculorum* inuentum cui  
*Coniugalis* fides 32.33. pru- tribuendum? 206  
 dentia summa 37.38.39. *Custodia* armata quibus  
 de *Coniugali* prudentia competat? 351  
 scriptores 39.40.41. no- D.  
 uæ tractationis ordo ac *Decreta* in Politicis  
 dispositio 41.42. *Coniu- quid? 1*  
*gij* materia 22. seqq. *Decretorum* origo 1.2  
*Coniugum* mutuo amore se *Delictorum* æstimatio 510  
 prosequentium descri- *Demiagogi* 184.185. *Dema-*  
 ptio 37.38.39. inter *gogica* calliditas & im-  
*Coniuges* mutua in corpus portunitas 440.441.442  
 potestas 33 *Democratia* quid? 182. de-  
*Conscientia*. vide, *Scientia*. fenditur 183. quomodo  
*Consiliarij* & Magistratus administratur? *ib.* quem  
 num differant? 158.159. finem intendat? *ibid.*  
 in *Consiliorum* partem an recta à vitiosa distin-  
 vxor vocanda? 29 guenda 184.185. pura an  
 detur?

# INDEX.

- detur? 184. Aristocrati-  
ce temperanda 440.  
443. in *Democratia* leges  
sunt necessariae 440. *Democratici* vulgi natu-  
ra 436. 437. 438. *Democ-*  
*ratice* prudentia & vir-  
tus 183. prudentia qua-  
nam? 436. *seqq.* 438. *seqq.*  
exempla 185.  
*Destructio* Ciuitatis quid?  
233.  
*DEVS* conseruat, mutat,  
destruit *Resp.* 235.  
*Disciplina* vis 251  
*Discordia* ordinum causa  
mutationis rerum pub.  
448. 449.  
*Dissimulatio* quid? 535  
de *Dictatore* Grotii senten-  
tia notata 108  
*Diuitiae* an summum bo-  
num? 500. 501  
*Diuortij* causae 30. 31. *Di-*  
*uortia* apud quos in usu  
30. in *Diuortijs* nihil ex  
suspicionem statuendum  
est 31. 32  
*Doctrina.* vide, *Studia.*  
*Dolus* in matrimonio con-  
trahendo abesse debet  
19.  
*Dominus* quid debeat ser-  
uis? 58. 59. *Dominis* an  
ius vitae & necis in ser-  
uos competat? 57  
*Dominatus* quid? 396. an  
tyrannis? 400. *Domina-*  
*tionis* artificia 419  
*Dominium* eminens quid?  
362. 363. eminens Maie-  
statis pars est 332  
*Dominij* origo 61. 62. 63. de  
*Dominio* eminente no-  
tanda 168. 169. vide *Pro-*  
*prietas.*  
*Domus* quid? 63. differt à  
Pago 64. an & à Fami-  
lia? 63. quibus rebus  
constituatur? 59. 60.  
*Domus* integritas 60.  
circa *Domum* artes re-  
giae 415. *Domestica so-*  
*cietas* seruitute opus ha-  
bet 55. 56  
*Draco* Legislator 340
- E.
- E***Brietas* consensum in  
matrimonio contra-  
hendo vitiat 19  
in *Ecclesiastica* bona maie-  
statis ius 380  
*Educatio* Liberorum inter  
Parentum officia 45. 46.  
*Mm* 5 praua

# INDEX.

- praua quid noceat? 317. 318.  
*Effectus* intermediū caussis accendi solent 229  
*Elatio* quid? 529  
*Electio* inter principia actionum humanarum 511.  
 num præstantior successione? 397. 398. *Electio* negotium 177  
*Eloquentia* instrumentum ciuile viri 4. olim cum disciplina politica tradebatur 312. 313.  
*Equestris* armatura 207  
*Error* consensum in matrimonio vitiat 18. 19  
*Ethica* quem in finem discenda? 546. *Ethica* Principia vnde petita? 493. seq. obiectum 504. 505. idoneus auditor qui? 494. in *Ethica* Nicomachicis qualem hominem Aristot. informet? 220. 221. *Ethicum* studium qua re absoluitur? 494  
*Executio* pars iurisdictionis 148. 369. 370. quid in ea notandum? 153  
*Exempla* Politica 1  
*Exhereditatio* quo pertineat? 49. an ad publicas causas possit porrigi? 48.  
 49. pendet ex iure ciuili  
 49. ejus causæ *ibid.*  
*Experientia* quid possit? 5.  
*Experientia* virtus historia politica comparanda 454  
*Expositio* liberorum reicitur 45  
 erga *Externos* quomodo se Princeps gerat? 419  
 F.  
**F** *Actio* quid? 239  
*Fama* ostentanda 421.  
*Fama* ratio habenda 426  
*Familia* differt à Gente siue Genere 64. vide, *Donus*.  
*Familiarum* illustrium pacta 64  
*Famuli* *Studioforum* 59  
*Fatum* & Stoicum & Astrologicum excluditur à causis conseruantibus Resp. 201. *Fato* aliqua vis in mutationibus Rerump. 234. seqq. 444.  
*Fatales* mutationes humana ope vitari possint? 236. *Fatalis* Ciuitatum interitus 237  
*Fatuus* facultas contrahendi matrimonii non competit 19

- I N D E X.

*Federa* comprehenduntur pacis jure 352. de his varia notantur 354. 355. 356. vide, *Fœdus*, *Pactio*.

*Felicitas* ciuilis finis Legislatoris 138. quomodo in philosophia practica spectetur? 493. an consistat in Voluptate? 498. 499. an in diuitiis? 500. 501. an in honoribus? 501. 502. an in contemplatiua vita? 502. 503. ciuilis Ethica num à Politica differat? 81. 82. vera qua in re consistat? 82. 496. seq. 503. 504. quomodo comparetur? 504. in hac vita an detur? 495. 496. 594. ad *Felicitatem* huius vitæ an fides Christiana pertineat? 377. 378.

*Femina* in matrimonio contrahendo alienum potius, arbitrium quam suum sequi debent 21. an sceptri capaces? 177. *Feminarum* apud quosdam iniqua conditio 35.

*Fides* coniugalis 32. 33. quid possit in Rep. 245. quomodo comparetur? 229.

hæreticis data an seruanda? 145. 146. Christiana an ad S. B. pertineat? 377. 378. *Fidei* præcepta an Maiestas ciuilis constituere possit? 378.

*Fluminum* utilitas 211. 212. jus 363.

*Fodinarum* jus 363.

*Fœdus* unionis 356. 357. *Fœdera* qualia debeant esse? 218. cur ineantur? 218. 219. Gallorum cum Turcis 166. ciuitatis potentiam constituunt. 218. & augment 219: *Fœderum* articuli secreti 219. jus vnde peti debeat? 166. vide, *Fœdus*.

*Fortitudo* quid? & quotuplex 513. 514. *Fortitudinis* natura 514. 515. Heroicæ exempla 515. 516.

*Fortuna* Rerump. seruatrix & amplificatrix. 200. 201. vide, *Fatum*.

*Furiosis* facultas contrahendi matrimonii non competit 19.

*Furta* quibus probata? 318.



# INDEX.

G.

**G** *Allozum* fœdera cum  
Turcis 166. *Gallicana*  
societas mercatoria na-  
ualis 278. 279

*Generatio* primum inter Pa-  
rentum officia 43

*Gens* siue *Genus* à *Familia*  
differunt 64

*Gentilettus* notatur 408

*Geographorum* vsus in com-  
paranda politica histo-  
ria 450

*Gerhardus* 143

*Germanici* Impp. veteres  
vere *Monarchæ* 488.  
seqq. regiminis formula  
488. 489. *Germanicum*  
*Imperium* an *Aristocra-*  
*tia*? 181

*Gladij potestas* 153. vide *Arma*.  
*Gleba* adscriptitii 58

*Gloria* 229. quomodo quæ-  
renda? 230. perfecta ex  
quibus rebus constet?  
228. 229. cuius sit? 334. 335

*Græcis* cur *Studiorum* glo-  
ria tributa? 312

*Gratitudo* 522. *Gratus* ani-  
mus inter *Liberorum*  
officia 49. 50

*Gravida* quarum rerum ra-  
tionem habere debeant?  
43. 44.

*Grotius* refutatur 23. 24. 30.  
61. 62. notatur 85. 108  
explicatur 396

*Statum Gubernandi* modus,  
& ipse status, distingui  
debent 190.

H.

**H** *Æreditas* inter *Libero-*  
*rum* jura 52. 53. vnde  
deducatur? 44

*Hæreticis* fides data an ser-  
uanda? 145. 146

*Hælecum* captura 271. 272

*Hansa Teutonica*? 279. seqq.

*Hebraorum* resp. 475. seqq.

*Heraclida* 473

*Herilis* societas quid? 58.  
prudentiæ summa 59

*Historia* juuat politicam  
prudentiam 326. politi-  
ca *Rerump.* in quibus  
consistat? 453. 454. Po-  
litica *Rerump.* quomo-  
modo comparanda? 454.

455. quomodo alenda?  
456. Politica *Rerump.*  
297. 298. *studii politici*  
*palæstra*? 314. *Historiam*  
*Politica* *Rerump.* scri-  
bere difficile 457. 458.

*Historiarum* cognitio ci-  
uili prudentiæ propria 5

*Homines* proprii 58. allici-  
endi

- endi artes 209. 213. *Hominum* varia genera 84
- Honestatem* Legislator debet intendere 138. ab *Honestate* utilitas non diuellenda 14. 15. 325. *Honestum* aliquando non honestum est 321. 322. *honesti* variabilis natura impedit politicam prudentiam 320. 321. 322. *Honestas* ad ciuilis prudentiæ argumentum pertinent 2. 3. 4. *Honestorum* & turpium discrimen 316. *seqq.*
- Honos* debetur Parentibus 51. *Honores* obiectum Magnanimitatis 527. an summum bonum? 501. 502.
- Hotomannus* notatur 408
- Hugonoti* in Gallia religioni seruiunt 408
- Humanitas* quid? 533. *Humanitatis* exempla 534. extrema *ibid.*
- Hypotheses* falsæ impediunt Politicam prudentiam 323. 324.
- I.
- I**gnauia quid? 516. 517.
- Remp.* destruens quid? & quotuplex? 246
- Ignobilis* an nobili jungi possit matrimonio? 26. 27.
- Ignorantia* quid & quotuplex? 509. 510. 511
- Immunitates* quibus indulgendæ? 361
- Imperandi* ordo cuius juris? 327. 328. virtus quænam? 401.
- Imperator Romanus* an solus Maiestatem habeat? 109.
- Imperatoris* Germanici potestas 488. *seqq.* *Imperatores* Germanici veteres vere Monarchæ 488. *seqq.*
- Imperantiū* necessitudo 79
- Imperij Romano-Germanici* forma 185. *seqq.* *Imperium Roman.* 324. 325. quatenus populo competat? 93. id est, executio 369. 370. mixtum & merum 148. 153. est forma ciuitatis 76. mariti in vxorem 28. 29. 30. eius origo 76. *seqq.* *Imperia* antiqua qualia fuerint? 399. 400. vide, *Maiestas.*
- Imprudentia* Ciuitatem destruens quid & quotuplex? 242. 243. 244
- Incestus*

# INDEX.

*Incestus* quibus probatus?  
318.

*Incola* an ciues? 80. 81

*Inducia* an pacis nomine  
comprehendantur? 165.  
de *Induciis* \ 355

*Ingenij* dexteritas pragma-  
tica iuuat Politicam  
prudentiam 326

*Ingratitudo* 522

*Iniusticia* Ciuitatem destru-  
ens quid & quotuplex?  
244. 245.

*Inquilinus* quid dicatur? 73

*Inquisitio*. v. *cognitio*.

*Institutio* Liberos inter  
Parentum officia 45. 46

*Intellectus* quid? 544. *Intel-*  
*ligentia* quid? 543

*Intemperantia* Ciuitatem  
destruens 246. 247. *In-*  
*temperantia* mala 520.  
extrema 520. 521

contra *Inuasorem* regni  
quid liceat? 404. 405

*Inuitum* quid & quotu-  
plex? 508. 509

*Jocandis* scientia 536

*Ira* obiectum mansuetudi-  
nis 531. 532. *Iracundia*  
quid? 532. 533

*Judex* an secundum acta &  
probata, an vero secun-

dum conscientiam judi-  
care debeat? 152. an  
Magistratus? 369. qua  
virtute debeat esse præ-  
ditus? 155. 156. *Judicij*  
officium 371. 372. 373

*Judicium* rerum summum.  
vide, *Maiestas*. it. *potestas*  
*ciuilis*. Arcopagiticum  
373. *Judicia* Germanica  
373. requiruntur in Ci-  
uitate 288. quæ in iis no-  
tanda? 294. 295. *Judici-*  
*rum* potestas à juris di-  
cendi potestate quando  
distinguat? 154. 155.

*Judicare* iuste quid? 151  
de *Furamentis* Principum  
notanda 108. 109

*Jus* vitæ & necis in liberos  
an probandum? 46. 47.  
naturale vnde æstime-  
tur? 123. gentium quid?  
119. quid secundum Ve-  
teres? 121. *judiciorum*.  
vide, *Jurisdictio*. natura-  
le quid? 119. singulare &  
priuilegium num distin-  
guantur? 130. *Juris* dicen-  
di causa Magistratus  
constituuntur 369. cog-  
nitio quomodo ad ci-  
uilem prudentiam per-  
tineat?

tineat? 4. definitiones & distinctiones 342. Romani Interpretes in conciliando rubro cum nigro cur laborent? 133. naturalis indagandi modus 120. reddendi potestas. vide, *Jurisdictio*. in *Juris* Romani Interpretibus quid desideretur? 132. in *Jure Canonico* sibi contraria reperiuntur 125. 126. *Jura* maiestatis an possint communicari? 113. 114. an dividi? 111. generaliter constituuntur 129. maiestatis quid sint? 110. Maiestatis Veteribus breuiter & obscure tractata 335. Recentioribus intricatè *ibid.* maiestatis vel maiora vel minora 110. 111. *Jurium* Maiestatis diuisio 336. *Jurisdictio* 147. 148. quid comprehendat? 369. propria est Maiestati 370. *Jurisdictionis* obiectum 149. 370. subiectum 147. *seq.* 370. partes 148. *seqq.* Romanæ historia 371. in *Jurisdic-*

*ctione* propriissime sic dicta quid notandum? 151. 152. *Juris dicendi* potestas an à iudiciorum potestate distinguatur? 154. 155.

*Jurisprudencia* vniuersalis quo modo ad Ciuilem Prudentiam pertineat? 4. 5.

*Justinus* explicatur 338

*Justitia* quid? 139. 536. 537.

*Justitia* cominutatiuæ obiectum 540. 541. 542. præcipua vis ubi cernatur? 151. distributiuæ obiectum 538. medium 537. diuisio 537. 538

K.

*Κηληνη* Aristotelis 60. 61

L.

**L**ac idoneum alimentum 44

*Languetus* notatur 409. 410

*Latina* regna 484. *seqq.*

*Larronum* cætus an ciuitas?

85. *Latrocinium* venationis genus olim 60

*Lectio* quorundam scriptorum corrumpit naturam 318. 319

*Legati* an tantum in bello mittantur? 112. 113. ad

quos

quos proprie mittantur? 374. 375. de *Legatis* quæ notanda? 161. 162. *Legatio* vera quænam sit? 373. 374. *Legationis* sanctimonia 375. 376. mittendæ jus cui competat 373. 374. de *Legationis* jure qui scripserint? 376

*Lex* norma Democratix 183. Regni 136. fundamentalis & non-fundamentalis 136. sit brevis 130. *seqq.* justa sit ac honesta 123. vniuersalia respicit 128. moralis quid? 120. possibilis esse debet 127. 128. naturalis quid? 118. 119. 120. æterna quid? 117. 118. Mosaica magni æstimaanda 139. Legislatori suam vim debet 126. 127. non obligat, nisi promulgata 140. humana positua quousque extendatur? 124. positua legi naturæ plerumque aliquid addit. 124. positua quid? 120. 121. quid secundum Veteres? 121. 122. moralis cur data?

120. regia an reuocabilis? 191. 192. quid? 115. quænam utilis censeri debeat? 127. non valet, si Legislator priuata respicit 128. futura respicit 128. utilis sit Reip. 126. 127. temporis causa constituta 127. Regia Romana an apud Germanos in vsu fuerit? 191. Regia quo sensu dicatur Capitul. Cæs. 191. 192. 193. sit perspicua 130. *seqq.* Legis diuinitus datae auctoritas 307. requisita 123. definitioni an inferenda mentio iusti rectique 122. 123. diuisio 124. finis 126. 127. partes 134. in omni *Lege* an pactio? 116. *Lege* positua quænam præcipiantur? 123. 124. *Leges* ferre ciuile opus est 307. nouas ferre, præter Mosaicæ, an liceat? 115. Reg. Roman. 340. iniustæ dantur 125. item imperfectæ *ibid.* posituæ quotuplices? 121. pœnales 127. 128. quibus ferantur? 343. apud Rom. quinam ferebant?

rebant? 342. 343. non facile mutandæ 135. 136. contra *Leges* agere an ministro liceat ex præsumpta Maiestatis Voluntate? 345. *Leges* ferre ad jura Maiestatis pertinet 342. 343. circa *Leges* artes regiæ 414. L. XII. Tab. 341. quibus & quomodo dandæ? 115. ferre, an sit essentia Maiestatis? 195. 196. in Democratia necessariæ 440. in Aristocratia quæ ferendæ? 426. de quibus rebus ferantur? 132. *Legum* origo 337. 338. 339. conditio 345. 346. 347. definitiones & distinctiones 342. ferendarum jus maiestate contineri dicitur Theologia & recta ratio 114. 115. ferendarum jure quid Veteres complexi? III. Rom. corruptio 34. correctio *ibid.* auctores sunt Status una cum Imperatore 196. 197. & multitudo & paucitas sua habet incommoda 132. 133. ap-

pellationes & distinctiones 135. obscuritas unde oriatur? 131. *seq.* *Legibus* alios solvere potest Maiestas 344. quomodo Princeps solutus? 106. *seq.* 136. 137. opus habet ciuitas maritima 256. 257. an primi homines opus habuerint? 308. 357. an Augusta fuerit soluta? 34. soluta est Maiestas 342. 343. 344. an præmittenda procæmia? 133. 134. in *Legibus* Rerump. defectus 124. 125. pro *Legibus* Regum antiquiorum arbitria 388

*Legulatoris* officium & virtutes 137. *seqq.* virtus ab opere nomothetico distinguitur 140. finis 138. *Legislatores* Ethnicorum 339. 340. *Legislatorum* veterum exempla 307. *Legislatoria* potestate comprehenduntur priuilegia 129. 130. *Legislatoriæ* potestatis vis 135. 136. *Legislatorij* officij dignitas 342.

*Liberi* cur Parentes debeant amare? 54. *Libero-*

# INDEX.

*rum* amor minor quam  
Parentum 54. officia 49.  
*seqq.* jura 52. 53. status Li-  
bertatis 53. officia & ju-  
ra qua re nitantur? 53. 54.  
de *Liberorum* officiis qui-  
nam scripserint? 55. in  
*Liberos* jus vitæ & necis  
an Parentibus conce-  
dendum? 46. 47

*Liberalitas* quid? 521. vide  
Beneficentia. an à Ma-  
gnificentia differat? 524.  
*Liberalitatis* vitia oppos.  
523.

*Libertas*. Huius vocis ho-  
mon. 436. in matrimo-  
nio necessaria est 17. ve-  
ra sine imperio nequit  
esse 77. 78. Democratiae  
finis 138. *Libertatis* ratio-  
nem habet vulgus 437.  
438. status Liberorum  
53. *Libertatem* quomodo  
Ochlocratia exercent?  
184.

*Liberti* . 71

*Linnaeus* notatur 190

*Linguae* dandæ jus 362

*Lipsius* explicatur 226. exa-  
minatur 231. de eo Ju-  
dicium 319. 320

*Locum* Ciuitatis offert Na-

tura 211. 212. constituit

Ars 212. 213. concinnat

Prudentia 214

*Luxus* quid? 525. 526

*Lycurgus* Legislator 339

*Lydorum* Regnum 473

M.

**M***acedonicum* Regnum  
480. *seqq.*

*Machiauellus* reprehendi-  
tur 3. 4. ref. 212. eiusque  
similes, notantur 318.  
319. 325.

*Magistratus*. Huius vocab.  
homon. 157. 158. juris di-  
cendi causa constituuntur  
369. discernendi à  
præfectis, curatoribus,  
ministris, officialib<sup>9</sup> &c.  
159. 161. & Senatus &  
Consiliarii num diffe-  
rant? 158. 159. quamdiu  
gerendus? 160. est timen-  
dus 99. an Iudex? 369.  
perpetui in Aristocratia  
432. *Magistratum* con-  
stituendorum jus 364.  
365. 366. numerus 368.  
distinctio *ibid.* constitu-  
endorum jus cui com-  
petat? 156. 157. merca-  
tura notatur 160. *species*  
*ibid.* circa *Magistratum*  
crea-

- creationem artes Politi-  
cæ 367. 368. ad *Magistra-*  
*tum* qui adhibendi? 160.  
circa *Magistratus* artes  
regiæ 416. 417. de *Magi-*  
*stratu* qui scripsere? 158. à  
*Magistratibus* quomodo  
plebs submota? 427. 428  
*Magnanimitas* quid? 526.  
*Magnanimitatis* extrema  
529. *Magnanimus* qui?  
526. 527. 528. 529.  
*Magnificencia* quid? 524. an  
à Liberalitate differat?  
524. *Magnificencia* exem-  
pla 525. *Magnificus* qui  
dicatur? 524  
*Maiestas* an diuidi possit in  
partes subiectiuas? 111.  
est in subiecto vel com-  
muni vel proprio 93. 94.  
est in omni genere Reip.  
92. quomodo dicatur  
esse potestas summa? 91.  
92. & auctoritas quo-  
modo differant? 90.  
quid? 90. 91. 92. an sem-  
per penes populum?  
103. 104. non vno modo  
habetur & dispensatur  
79. 80. quod sit à DEO,  
probatur 98. *seqq.* an sit  
soluta Legibus? 106. *seqq.*  
quomodo temeretur &  
deprauetur? 102. *seqq.*  
realis quid? 95. 96. per-  
sonalis quid? 95. 96. an  
aliquid imperare possit  
diuino iuri repugnans?  
378. 379. Ciuilis an ipsa  
fidei præcepta institue-  
re, an tantum conser-  
uare possit? 378. realis  
& personalis 331. alios  
soluere potest legibus  
344. Legibus soluta est.  
342. 343. 344. excipitur  
ab obsequendi officio  
334. multa temeritate  
curiosæ disputationis  
tentatur 332. cur summa  
potestas? 332. 333. quid?  
329. ad quid referatur?  
331. 332. diuina est 330. 332.  
Huius vocis homonymia  
79. 89. 90. 92. 93. 328.  
329. Huius vocis Synon.  
89. 91. 329. *Maiestatis* Lex  
& crimen 172. 173. judi-  
cia 172. 173. nonnulla alia  
jura 171. 172. jura non  
bene distinguuntur in  
maiora & minora 167.  
primum caput quod-  
nam? 115. an tributarii  
Vasalli, &c. possint esse  
Nn 2 com-



competes? 109. distinctio in realem & personalem examinatur 94. 95. 96. 97. crimen quid? 386. jus circa sacra quomodo possit subsistere, saluo jure Ministerii Ecclesiastici? 380. 381. 382. lex quid? 386. jus in bona Ecclesiastica 380. pars est Dominium eminens 332. origo 329. 330. naturæ quæ repugnent? 331. in *Majestatis* juribus quænam regulæ sint observandæ? 383. 384. 385. 386. in *Majestatis* læsæ crimine quæ notanda? 389. 390. 391. *Majestati* competit jurisdictio 148. 149. competit jus belli & pacis 162. *seqq.* competit jus fœderum 166. competit jus Magistratum constituendorum 156. 157. in rebus Sacris quænam aliæ competant? 380. cultus externi cura in sacris competit 379. an jus rerum sacrarum competat? 377. 378. competit jus mittendæ legationis 373. 374. propria est Jurisdictio 370.

vnde competat potestas legibus superior? 344. 345. obsequium debent subditi 332. 333. 334. *Majestatem* an solus Imperator Romanus habeat? 109. an juramenta Principum impediunt? 108. 109. à *Majestate* provocari non potest 148. in disputatione de *Majestate* cautiones quædam 105. 106. vide, *Imperium*.

*Mansuetudo* quid? 531

*Mansuetudinis* extrema 532

*Manus, mortuæ* 58

*Manumissio* 73

*Mari* consulatus 276. 277.

clausi & aperti discrimina quibus observanda? 260. 261. *Mari* an priuatus aggeres possit oppo-

nere? 258. in *Mare* imperiū 257. *Marinus æstus* 265.

*Maritus* in quibus non nimis morosus esse debe-

at? 39. *Mariti* sortem sequitur vxor 33. 34. in

vxorem imperium quale? 28. 29. 30.

*Mathematica* disciplinæ

quando ad maximum fastigium euectæ? 463

*Matri-*

*Matri-*

<i>Matrimonij</i> legitimi rationem quænam evertant? 36.37. finis 34.35. ad <i>Matrimonium</i> requiritur comunicatio rerum externarum 33.34. ad <i>Matrimonium</i> num corporum coniunctio necessaria? 33. in <i>Matrimonio</i> consensus jungendorum requiritur 17. item Parentum idque omni jure 17.18. libertas necessaria est 17. contrahendo Ratio status ubi valeat? 21.22. <i>contrahendo</i> feminae alienum potius quam suum sequi debent arbitrium. 2. Parentes & Tutores jure suo non nimis rigide debent uti 21.22. felici <i>contrahendo</i> quæ notanda 37.38.39. quænam consensum vitiant? 18. 19.20.21. <i>contrahendo</i> observari debet conditio & qualitas respectu corporis & ætatis 25.26. resp. status 26. resp. religionis 27. resp. propinquitatis 27.28. à <i>matrimonio contrahendo</i> qui prohibendi? 25. <i>Matrimonia</i> multa cur minus felicia? 39. inæqualia vitanda 26	<i>Mechanicos</i> varios ciuitas Maritima alere debet 266.267
<i>Medorum</i> regnum 464. <i>seqq.</i>	<i>Meminisse</i> & scire differunt 7
<i>Mens</i> quid? 544	<i>Mensura</i> jus 362
<i>Mercatoria</i> Nauigatio 276.	<i>Mercatoria</i> societates nauales 277.278
<i>Merennade</i> 473	<i>Metallorum</i> vsus 216
<i>Metus</i> consensum in matrimonio <i>contrahendo</i> vitiat 20	<i>Miles</i> ordinarius quomodo commodè haberi possit? 203.204. subsidiarius 204.205. <i>Milites</i> requiruntur in Ciuitate 287.291.292. erga <i>Milites</i> quomodo se Princeps gerat? 418.419. <i>Militaris</i> apparatus quibus constet? 205. <i>Militarium</i> viro- rum distinctio 203.204. <i>Militia</i> venationis genus olim 60.61

# I N D E X.

- Miltronius* notatur 99
- Mina* consensum in matrimonio contrahendo vi-  
tiant 20
- Ministrorum* imprudentia  
quid noceat? 244. sa-  
croorum cura ad quem  
pertineat? 380
- Minos* Legislator 339
- Modestia* quid? 530. 531
- Moneta* jus 171. 361. 362
- Monumenta* publica anti-  
qua 455
- Mortis* consideratio 290. 291
- Mores* mali quid noceant?  
317. 318.
- Morofitas* 534
- Mosis* politica prudentia  
305. 306. 307.
- Munia* jactu tempestas fe-  
data 259
- Muniendi* jus quo perti-  
neat? 164. *Muniendi* jus  
cui competat? 352. *Muni-  
menta* corporis 205. 206
- Mutatio* in Rebusp. quid,  
& quotuplex? 232. 233.
- Mutationes* fatales an  
humana ope vitari pos-  
sint? 236
- N.
- Natiuitate* ciues fiunt 73
- Natura* humanæ imbecilli-  
tas impedimentum po-  
liticæ prudentiæ 316. 317.  
vt & deprauatio 317. seqq.
- Naues* an priuatus armare  
possit? 258. *Nauium* cura  
quænam sit? 264. *Naua-  
lis* militia 207. *Nauigatio*  
mercatoriâ 276. milita-  
ris 284. curiosa 286. *Na-  
uigationis* tempus 260.  
261. genera 270. *Nauiga-  
tiones* religiose ineundæ  
& peragenda 258. 259.
- Nauigationibus* an absti-  
nendû? 257. *Nauigantibus*  
ciuitas maritima potest  
loca nauigationis con-  
stituere 259. 260. *Nauig-  
andi* ars necessaria 264.  
265. *Nautica* rei studium  
Ciuitati Maritimæ ne-  
cessarium 263. rei neces-  
saria est Mathematica,  
aliæque scientiæ 265.  
266. ad *Nautica* Studia  
Ciues præmiis sunt ex-  
citandi 268. 269. *Nauti-  
corum* hominum multi-  
tudo an aliunde in Ci-  
uitatē Maritimam con-  
ducenda? 267. 268.
- Nauta* supersticiosi 259.
- Naufragij* colligendi jus pe-  
nes quem sit? 258
- Nau-*

<i>Naumachia</i>	265	tet? 333. <i>Obsequij gloria</i>	
<i>Necessitatis casus</i>	169	334. 335. <i>Obsequendi ab</i>	
<i>Neutralitas</i>	166. 167	officio nemo excipitur	
<i>Néachus maximus</i>	ciuilis		334
disciplinæ auctor	305	<i>Occultat animi sententiam</i>	
<i>Nobilis an ignobili jungi</i>		Princeps	420
possit matrimonio? 26.		<i>Ochlocratia quid?</i>	184
27. <i>Nobilitas</i> quibus ac-		<i>Offendere interdum defen-</i>	
censeatur?	363	sionis pars	284
<i>Nôµ</i> <i>Q</i> . Vox hæc apud Ho-		<i>Officiorum ordo qui?</i>	1244
merum non extat.	339	<i>Oligarchia quid?</i> 181. quo-	
<i>Noxia</i> ad Ciuilis prudentiæ		modo ab Aristocratiâ	
argumentum pertinent		differat? 181. 182. <i>Oligar-</i>	
2. 3. 4. <i>Noxiorum</i> & utili-		chiâ declaratio vnde pe-	
um discrimen 316. <i>seqq.</i>		tenda? 182. de <i>Oligarchia</i>	
<i>Numeri</i> an in mutationi-		quæ notanda?	422
bus rerum. quid vale-		<i>Onera</i> ad utilitatem in Rep.	
ant?	446	referuntur	69
<i>Numi</i> vsus 542. <i>Nummarie</i>		<i>Opificia</i> requiruntur in Ci-	
<i>rei</i> ius	361. 362	uitate	287. 291
<i>Nundinarum</i> ius	362	<i>Optimates</i> & Senatus an	
<i>Nuptiæ</i> secundæ an licitæ?		differant? 424. 425. qui-	
24. 25. adolescentiorum		nam dicantur? 180. 181.	
non probandæ 25. 26.		<i>Optimatum</i> ingenia 424.	
<i>Nutritio</i> inter officia Pa-		<i>seqq.</i> ingenia qualia?	
rentum	44	432. 433. auctoritas qua-	
		lis esse debeat? 426. 427	
O.		<i>Oratio</i> ad decoram speciem	
<b>O</b> <i>Brechtii</i> propositum ex-		ornata 420. <i>Oratores</i>	
plicatur	360	olim Politici 308. 312	
<i>Obsequium</i> in quibus confi-		<i>Ostermannus</i> notatur	249
stat? 333. 334. inter Libe-			
rorum officia 51. 52. Hæc			
vox quid in Politicis no-			

P.  
**P** *Actio* an in omni lege?

# INDEX.

116. *Pactionis* natura 116.  
*Pactiones* pacis 357. v.  
*Fedus*.  
*Pagus* differt à domo 64.  
 ceu colonia domus 64.  
 65. Huius vocis homo-  
 nymia 64.65  
 pro *Pane* pisces 270  
*Parere* quid? 333. *Parendi*  
 ordo cuius juris? 327.328  
*Parentes* jure suo in matri-  
 monio contrahendo  
 non nimis rigide de-  
 bent uti 21. cur amandi?  
 54. *Parentum* vices qui  
 gerant? 54. auctoritas  
 47.48. differt à potesta-  
 te *Parentum* 47.48. of-  
 ficia & jura qua re ni-  
 tantur? 53.54. amor ma-  
 ior quam *Liberorum*  
 54. necessitudo 79. jura  
 in liberos 46.47. officia  
 43. seqq. de *Parentum* offi-  
 cio quinam scripse-  
 rint? 55. *Parentibus* liberi  
 mutuam alimentorum  
 & sustentationis vicem  
 exhibere debent 50. 51.  
 debetur honor 51  
*Paschalius* notatur 4  
*Pastor* & *Rex* num quis si-  
 mul possit esse? 379  
*Passauensis* *Pacificatio* Re-  
 ligion. an probanda?  
 145.  
*Paterna* *societas* describitur  
 43. quomodo optime  
 tractari possit? 43. seqq.  
*Patrisfamilias* officia 60.61  
*Patria* potestas quomodo  
 solvatur? 48  
*Patriarcharum* *Politica* pru-  
 dentia 305  
*Patrocinium* quid? 89  
*Pax* religionis 357. *Pacis* fa-  
 ciendæ jus penes quos?  
 165. *pactiones* 357. jus  
 cui competat? 350. vide  
*Bellum*.  
*Pecunia* requiritur in Ciui-  
 tate 287. 292. Ciuitati  
 necessaria 215. quibus  
 modis paretur? 217. &  
 ad Remp. aptetur? 217.  
*Pecunia* abusus quid no-  
 ceat? 217. vsus & vis 215  
*Pecus* in possessione 59  
*Peregrini* an ciues? 80.81. in  
 deteriore conditione  
 quam ciues habiti 74. in  
 Ciuitate coërcendi 74  
*Peregrinatio* facit ad com-  
 parandam historiam  
 politicam 454. 455  
*Persicum* regnum 467. seqq.  
*Perspi-*

- Perspicuitatis* causa breuitas 130. 133.
- Pietas* quid? 51. huius vocab. vis 139. *Pietatis* naturalis mutuus inter Parentes & Liberos affectus 53. 54
- Piratarum* cætus an Ciuitas? 85. *Piratica* Wethe-  
manni qualis? 262. *Pi-  
raticus* quæstus non to-  
lerandus 261. 262
- Pisces* pro pane 270. *Piscium*  
vendendorum ratio ha-  
benda 274
- Piscatus* multas vrbes fecit  
claras 275. *Piscatus* vsus  
270. 271. *Piscatum* legi-  
bus ordinare debet Ci-  
uitas Maritima 273. 274.  
275. de *Piscatu* contro-  
uersiæ inter Ciuitates  
Maritimas 272. 273. *Pi-  
scatorum* casulæ maximis  
Ciuitatibus extruendis  
locum dedere 275
- Plato* an communionem  
vorum &c. statuerit?  
36. explicatur 270. 271.  
*Platonis* opera qualia?  
310.
- Plebs* quomodo à Magi-  
stratibus submota? 427.  
428.
- Pænarum* species 154. capi-  
tas taliū potestas à qui-  
bus debeat dependere?  
47. irrogatio quam pro-  
portionem obseruet?  
540. 541. *Pænarum* ratio  
ad quem referatur? 491.  
de *Pænis* quæ notanda  
153. 154. *Pæna* qui serui  
sunt 56. 57
- Poëtæ* antiquissimi *Politi-  
cæ* doctrinæ auctores  
309. auctores erroris  
circa discr. honest. &  
turp. 319
- Politica* disciplina non obi-  
ter discenda 314. 315. do-  
ctrina cum eloquentia  
tradebatur 312. 313. tra-  
dendi modus vel vm-  
braticus, vel vitæ & neg-  
otiis ad commodatus 6.
- Politica* doctrinæ aucto-  
ritas aliquando penes  
Sacerdotes 307. 308. do-  
ctrinæ auctores Poëtæ  
antiquissimi 309. origo  
303. *seqq.* disciplinæ au-  
ctores heroico ingenio  
vsi 308. 309. *Politica* pru-  
dentiam quænam iu-  
uent? 326. 327. de variis  
tradendi *Politica* mo-  
dis

# I N D E X.

- dis 1. Huius vocis Hom. 493. v. *Prudentia civilis*. *Politicus* ad se inuicem confert resp. 456. 457. *Politicum* opus primum litteris proditum 305. 306. *Politico* opus est ad ciuitatem constituen- dam 68. *Politici* ethnici vnde suam civilem do- ctrinam hauserint? 306. Scriptores primi 309. 310. 311. 312. Studii palæ- stra est Historia 314. olim oratores 308. scri- ptores recentiores 313. 314. *politicus*. huius vocis Synonymia 68. in *politi- cis* quid tradatur? 8. 9
- Polygamia* nullo jure con- ceditur 22. 23. Patrum in V. T. 23. 24
- Ponderum* jus 362
- Pontifex* Romanus præ- tendit sumam potesta- tem in omnes princi- pes &c. 102. 103. an supra Principes? 323. an maie- stati subiectus? 334. *Pon- tificis* Romani prodigio- sa dominatio 407. *Pon- tificum* quorundam Ro- manorum impudentia in probandis diuortiis iniquis 32. *Pontificiorum* auctorum fallæ hypo- theses in politicis 323. 324
- Populus* quid? 66. num rege superior? 409. penes *populum* an semper sit Maiestas? 103. 104. erga *populum* quomodo se Princeps gerat? 418
- Portuum* jus 363
- Possessio* requiritur ad con- stituendam domum 59. 60. vide, *Dominium*. de *Possessorio* jure 60. 61
- Possuini* iudicium de Bodi- no examinatur 324
- Potentia* causa conserua- trix Rerump. 201. 202. ad *Potentiam* maritimis gentibus prior via quam aliis 211. 212
- Potestas* *Ciuitis*. v. *Maiestas*.
- Præcepta* in Politicis quid? 1
- Præceptorum* origo 1. 2
- Primogenitura* jus 53
- Principia* practica prima an possint deleri? 119. 120
- Principes* an infra Pontifi- cem Rom. 323. contra *Principem* qui ex parte maiestatem habet, ex parte ea penes alios re- manen-

- manente, quid subditis  
liceat? 404. *Principatus*  
quid? 396
- Præilegium* quid? 128. 129.  
347. 348. & jus fingulare  
num diftinguantur? 130.
- Præilegia* vb. prohibita?  
128. 129. quibus accenfe-  
antur? 363. comprehen-  
duntur poteflate Legis-  
latoria 129. 130. & bene-  
ficia an diftinguantur?  
129. ad *Præilegia* quæ-  
nam referantur? 129.
- Præilegiorum* fpecies 129.  
in *præilegiis* indulgen-  
dis prudentia opus eft  
130.
- Prodigentia* quid? 523
- Proemia* an præmittenda  
legibus? 133. 134
- Prælia naualia* 285
- Præmiis* ciues excitandi  
funt ad nautica ftudia  
268. 269.
- Proportio* qualis in iuftitia  
obferuetur? 537. 538.  
540. 541.
- Proprietates* eft à natura 76.  
77. 78.
- Prouidencia* Diuina Re-  
rum. feruatric & am-  
plificatrix 200. 201
- Prouocatio extrema* 364. *pro-  
uocari* à maieltate non  
potefit 148
- Prudentia* quid? 544. Ciui-  
li quibus contineatur?  
2. 3. an fit? 222. 223. *Politi-  
ca fpecialis* 422. 423. 424.  
ciuilis vmbraticas capti-  
unculas non debet fe-  
ctari 9. *prudencia* ciuilis  
argumentum fuma-  
tim indicatum 2. 3. *Politi-  
cæ impedimenta* 316.  
*feqq.* ad 325. ciuilis fun-  
damentum 14. 15. mune-  
nera 545. diuifio *ibid.*  
oppofita 546. munus in  
doctrina ciuili 222. ad  
*prudenciam ciuilem* quo-  
modo Theologia per-  
tineat? 5. de *prudencia*  
*ciuili* multi loquuntur  
populariter 4. in *pruden-  
tia ciuili* tradenda duo  
monita 7. vide, *Politica*.
- Pubertatis* anni 25
- Publicanorum* quæftus illici-  
ti 361
- Pudicitia* 519
- Pulueris Pyrii* vis 206
- Pythagoras* Legislator 135.  
vnde fuam Philofo-  
phiam haufert? *ibid.* *Py-  
thago-*



# INDEX.

*thagorica* scholæ studia  
312.

R.

**R**aptus Sabinarum an  
excusandus? 21

*Ratio* recta quid? 5

*Ratio Status* 296. 297. *Ratio*  
*Status* in matrimoniis

contrahendis 21. 22. *Ra-*  
*tionis Status* jus 332

*Regnum* quid? 396. Assyri-  
um 458. *seqq.* Medicum

464. *seqq.* Persicum 467.  
*seqq.* Ægyptiū 469. *seqq.*

Argiuorum 471. *seqq.*  
Lydorum 473. *seqq.* Ma-

cædonicum 480. *seqq.* he-  
rile an Tyrannis? 176.

*Regni* capiendi modi  
177. diuilio 175. 176. de

Bonis *regni* alienandis  
168. *Regna* Latina 484.

*seq.* *Régnorum* variorum  
enumeratio 483. origo

399. species 395. 396

*Reinkingius* refutatur 191.

*seq.*

*Religio* diuersa an tolerari  
possit? 144. 379. *Religio-*

*nis* in matrimonio con-  
trahendo habenda est

ratio 27. *Religioni* quo-  
modo Hugonoti in Gal-

lia serulerint? 408. ad  
*Religionem* an subditi co-

gendi? 144. num quis  
possit cogi? 379. in *Reli-*

*gione* male sentientes  
num puniendi? 379

in *Rebus iudicatis* quæ no-  
scenda? 132

*Respublica* beneuolentia ef-  
ficacius regitur quam

metu 226. Atheniensium  
477. *seqq.* Spartano-

rum 479. Romana 485.  
*seqq.* Hebræorum 475.

*seqq.* Ciuitas, Vrbs an di-  
stinguantur? 8. 67. 86. 87.

qualis ante diluuium  
fuerit? 458. stricte sic di-

cta, est forma Ciuitatis  
76. quid? 66. mixta an

detur? 189. 174. 175. quæ-  
nam optima? 175. 176.

*Reip.* corruptæ signum  
129. mutationum causis

quænam occasiones co-  
hæreant? 450. mixtæ

forma quo argumento  
potissimum impugne-

tur? III. *Remp.* causæ con-  
seruantes & destruentes

199. *seqq.* an fœminæ ad-  
ministrare possint? 177.

qui segniter tractat, an  
Tyrann-

Tyrann-

- Tyrannus** ? 178. de *Rep.* variorum scriptorum instituta expenduntur & conciliantur 8.9. *Rerump.* politica historia. vide, *Historia.* mutationis causæ 444. *seqq.* 447. *seqq.* conuersiones, euerfiones & mutationes 443. *seqq.* interitus vnde ? 463. corruptionis remedia opponenda 248. 249. 250. ἀνακύκλωσις 236. quænam præstantissima ? 393. 394. 400. formæ quot ? 391. mixtio an detur ? 391. de *Rerump.* mutationibus iudicium quale ? 450. 451. de *Rerump.* formis quæ in genere notanda ? 173. 174. circa *Rerump.* mutationes quodnam sit officium boni ciuis ? 451. 452. vide, *Ciuitas.*
- Repudiij** libellus 31. vide, *Diuortium.*
- Rex** num populo superior ? 409. an à populo ? 330. *Regum* antiquorum arbitria pro legibus 338. Rom. leges 340. *Regia* potestās ex sacris probatur 98. *seqq.* Virtus & Prudentia quæ ? 177. 178. *Regiam* potestatem impugnantibus ex quibus fundamentis responderi possit ? 105. contra *Regiam* potestatem qui scribere ? 104. *Regiarum* artium specimen 410. *seqq.* 417. *seqq.*
- Regicida** quo colore sua facta tegant ? 94. 103
- Rhetores** politici 312
- Romana** resp. 485. *seqq.* *Romana* reip. mutationes 444. *Romani* suos ciues nolebant alibi esse ciues 72. *Romani* quando studiorum gloria tributa ? 312. 313.
- S.
- Sacerdotium** interdum cum Regno 307. 308. *Sacerdotia* requiruntur in Ciuitate 287. quæ in iis notanda ? 293. 294
- Sacrarium** rerum jus an Maiestati competat ? 377. 378. circa *Sacra* Maiestatis jus quomodo possit subsistere saluo jure Ministerii ecclesiastici ? 380. 381. 382. de potestate circa *Sacra* qui scribere ? 142. 143. 146. summa eius rei ex Gerhardo proponitur 141. *seqq.* in *Sacris* rebus quænam porro maiestati competant ? 380
- Sapienti** an & qualis vxor ducenda ? 37. *Sapientia* quid ? 544
- Salmasius** notatur 99
- Scholasticorum** politica disciplina 313
- Scientia** quid ? 507. 508. 543. *Nauticæ* rei necessaria 265. 266
- Scire** & meminisse differunt 7
- Scortationis** vitatio inter fines matrimonii 34
- Scriptorum** quorundam lectio corrumpit naturam 318. 319
- Seditio** quid ? 240. *Seditionis* causa 240. remedia 240. 241
- Senatus** & Optimates an differant ? 424. 425. & Magistratus num differant ? 158. 159. ingenia 425
- Seneca** examinatur 133. 134
- Seruitus** secundum naturam an detur ? 56. cuius juris ? 57. *Seruitutis* prisce similitudo 58. *Seruitute* opus habet domestica societas 55. 56
- Serui**

# I N D E X.

- Servi lege qui?** 56. 57. in possessione 59. *Servorum* apud Veteres conditio 57. genera 56. 57. historia unde repetenda? 58. *Servis* quid debeat Dominus? 58. 59. in *Servos* naturâ an licitè bellum sumatur? 56. in *Servos* an Dominis jus vitæ & necis competat? 57
- Sobolis** procreatio finis matrimonii 34. 35
- Sobrietas** 519
- Societas** quomodo ab initio constituta? 78. 79. coniugalis quid? 5. 16. ad Remp. debet accommodari 16. *Societatis* civilis origo 9. seqq. domesticæ partes 15. coniugalis origo 16. 17. coniugalis forma 28. seqq. *Societati* domesticæ inseruit ars acquirendi 15. *Societates* mercatoriarum navales 277. 278
- Socrates** inter primos politicos 309. 310.
- Solon** Legislator 340
- Sophistarum** civilis doctrina 312
- Spartanorum** Resp. 479. seq.
- Sponsalia** 22. qui de iis egere? *ibid.*
- de Sponsionibus** quid notandum? 166
- Spontaneum** quid? 507. 508.
- Status** & modus gubernandi statum distinguere debent 190. 192.
- Status** Imperii Rom. G. an se habeant tantum ut Consiliarii? 196. 197
- Status** imperitia quantum noceat? 242. 243
- Stoicorum** civilis doctrina qualis? 311
- Studia** juvant politicam prudentiam 326. *Studiorum* gloria ubi vigeat? 312. 313
- Studioforum** famuli 59
- Succesor** an actis prædecessoris obligetur? 109. 110. *Successio* num, præstantior electione? 177. *Successionis* negotium 397. 398.
- Subditus** à ciue differt 69. vox junioribus usurpata 79. *Subditi* an ad fidem cogendi? 144. Maiestati obsequium debent 332. 333. 334. *Subditorum* distinctiones quædam examinantur 80. 81. *Subditi* an iura Maiestatis possint communicari? 113
- ex Suspensione** nihil statuendum in diuortiis 31. 32
- Sydera** an in generatione observanda? 43
- Syncretismus** locum non habet 145.

## T.

- Tacitus** refutatur 337. 338.
- T** explicatur 2
- Talio** Pythagoreorum 542
- Telorum** genera 205
- Temperantia** quid? 517. 518. *Temperantia* species 59. officia 520. exempla 521
- Tempestas** jactu Mumie sedata 259.
- Temporis** ratio habenda 249.
- Tempori** an aliqua vis in mutationibus Rerump. 235. 236.
- Temporum** callidi politici 423. 424. vicissitudines 12. 13. primorum inscitia in Ethnicis 11. 12. *Temporibus* mutatis

- tis ipsa ratio politica muta-  
 tur 321. 322  
*Theophrasti* politica scripta 311  
*Theologia* quomodo ad ciuilem  
 prudentiam pertineat? 5. ju-  
 uat politicam prudentiam  
 327.  
*Timor* ad honorem parentibus  
 debitum refertur 51  
*Tormenta* antiquorum an cum  
 hodiernis comparanda? 206  
*Torneamentorum* jus quo perti-  
 neat? 164. 352  
*Tribunos* patricii quomodo dis-  
 iungebant? 429. 430  
*Tributarij* an Maiestatis possint  
 esse compotes? 109. de *Tri-  
 butis* notanda 169. 170. 171  
 per *Tridentinum* Concilium an  
 Pacific. Relig. Passau. sit sub-  
 lata? 145  
*Troianum* bellum 484  
*Tumulus* quid? 239  
*Turcarum* imperium an Resp.?  
 85. *Turcico* Tyranno qua in-  
 re resistere possent Christia-  
 ni? 284  
*Turnebus* ref. 372  
*Turpe* aliquando non est turpe  
 321. 322. *Turpia* ad ciuilis  
 prudentiæ argumentum per-  
 tinent 2. 3. 4. *Turpium* & ho-  
 nestorum discrimen 316. *seqq.*  
*Tutores* jure suo in matrimonio  
 contrahendo non nimis rigi-  
 de debent uti 21. 22.  
*Tyrannis* quid? 238. 239. an tol-  
 lat ciuitatem? 85. an regnum  
 herile? 176. *Tyrannidis* de-  
 scriptio 178. distinctio 179.  
 notæ & flagitia *ibid.* remedia  
 180. *Tyranni* quinam dicant-  
 tur? 401. 402. in *Tyrannum*  
 quid liceat? 401. *seqq.* 405  
*seqq.* *Tyrannicarum* artium  
 specimen 410. *seqq.* 417. *seqq.*  
 V.  
*Vasalli* qui? 81. an Maiestatis  
 possint esse compotes? 109  
*Vestigalia* an inuitis subditis im-  
 poni possint? 358. 359. 360.  
 exigere non est priuari juris  
 258. per *Vestigalia* quid in-  
 telligatur? 358. *Vestigalium*  
 origo 357. 358. administratio  
 360. 361. de *Vestigalibus* quæ  
 notanda 169. 170. 171  
*Venationis* jus 361. genera 60 61  
*Veneta* Resp. laudatur 427. *Ve-  
 netorum* status 181  
*Verecundia* quid? 518. 519  
*Veritas* quid? 535  
*Viarum* publicarum jus 363  
*Vicatim* quando vrbes distin-  
 guuntur? 65  
*Vici* non vnus sunt generis 65  
*Victoriarum* naualium fructus  
 285.  
*Violentum* quid & quotuplex?  
 508. 509.  
*Vir* bonus & ciuis bonus an dif-  
 ferant? 84. *Virorum* in ciui-  
 tate collectio 208. 209. dis-  
 crimina 209. proportio 210.  
 dispositio *ibid.* militarium  
 distinctio 203. 204. *Viris* in-  
 structa debet esse Ciuitas  
 208. *seqq.* circa *Viros* emin-  
 tes artes regię 416. 417  
*Virtus* quid? 505. 506. Beneuo-  
 lentię causa 227. Heroica  
 546. *Virtutis* in Rep. efficien-  
 tia 223. *seqq.* vis in regenda  
 ciuitate 220. 221. *Virtutes* ho-  
 milieticę


# INDEX.

- mileticæ* 533. *Intellectuales*  
 543. *seqq.* *simulatæ* 420. 421.  
*Virtutum* *connexio* & *nume-*  
*rus* 512. 513  
*Vis* *quid* ? 20. *consensum* *in*  
*matrimonio* *contrahendo* *vi-*  
*tiat* 20. 21. *an in re* ? 509.  
*quatenus* *Ciuitatem* *cor-*  
*rumptit*, *labefactat*, *evertit*,  
*quid* ? & *quoruplex* ? 236.  
*seqq.*  
*Vita* *contemplatiua* *an* *sum-*  
*mmum bonum* ? 502. 503. *bea-*  
*ta ciuitatis finis* 81. *seqq.*  
*Vitia* *ciuitatem destruentia* 241.  
*seqq.* *sub virtutum specie*  
*politicam prudentiam impe-*  
*diunt* 320  
*Ulnarum* *jus* 362  
*Unionis* *fœdus* 356. 357  
*Voluntas* *principium actionum*  
*humanarum* § 1. *Voluntaria*  
*actiones quænam dicantur* ?  
 511. 512.  
*Voluptas* *an summum bonum* ?  
 498. 499.  
*in Vota liberorum Parentibus*  
*erat potestas* 47  
*Urbanitas* *quid* ? 535. 536  
*Urbs* & *Ciuitas* & *Resp.* *an di-*  
*stinguantur* ? 80. *Urbis* *ma-*  
*gnitudo qualis esse debeat* ?  
 87. 88. *ad Urbes quæ perti-*  
*neant* ? 88  
*Vsus* *ratio habenda* 248  
*Vtile* *aliquando non est utile*  
 321. 322. *ab honesto non se-*  
*jungendum* 325. *Utilia* *ad*  
*Ciuiilis prudentiæ argumen-*  
*tum pertinent* 2. 3. 4. *Uti-*  
*lium* & *noxiorum discrimen*  
 316. *seqq.* *Utilitas* *ab hone-*  
*state non diuidenda* 14. 15.  
*Utilitatis* *quæstio an ad ciui-*  
*lem prudentiam pertineat* ?  
*Vulgi democratici natura* 436.  
 437. 438. *Uxor* *non serui-*  
*lem in modum asperitate ni-*  
*mia grauanda* 35. *an bello-*  
*rum oneribus liberanda* ?  
*ibid.* *an in partem consilio-*  
*rum vocanda* ? 29. *sequitur*  
*sortem mariti* 33. 34. *an*  
*& qualis sapienti ducenda* ?  
 37. *an Domina vocanda* ? 29.  
*non nimis rigide habenda* 39.  
*Uxoris* *probæ notæ* 38. 39.  
*incommodis quibusdam mo-*  
*ribus indulgendum* 39. *Uxo-*  
*rem an verberare liceat* ? 29  
 W.  
*Wethemanni* *piratica qua-*  
*lis* ? 261  
*Witzendorffius* *notatur* 198

FINIS.



10.6.281















005658489

